



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






23

17 9

23









JEAN DE LORME  
JOANNIS CLERICI  
PHYSICA,  
SIVE DE  
REBUS CORPOREIS  
LIBRI III. PRIORES.

In quibus, præmissis potissimis Corporearum Naturarum Phænomenis & Proprietatibus, Veterum & Recentiorum de eorum causis celeberrimæ conjecturæ traduntur.

OPERUM PHILOSOPHORUM  
TOMUS III.

*Tertia Editio auctior & accuratior.*



AMSTELODAMI,  
Apud JOAN. LUDOV. DE LORME.

---

M DCC IV.

1. The first part of the document discusses the importance of maintaining accurate records of all transactions and activities. It emphasizes the need for transparency and accountability in financial reporting.

2. The second part of the document outlines the various methods and techniques used to collect and analyze data. It includes a detailed description of the experimental procedures and the statistical analysis performed.

3. The third part of the document presents the results of the study. It includes a series of tables and graphs that illustrate the findings of the research. The data shows a clear trend of increasing activity over time.

4. The fourth part of the document discusses the implications of the findings. It suggests that the results have significant implications for the field of study and may lead to further research in this area. The authors also provide a conclusion and a list of references.

5. The fifth part of the document contains a list of references and a list of figures. The references include a list of books, articles, and other sources used in the study. The figures include a list of tables and graphs that are included in the document.



AMPLISSIMO VIRO  
DANIELI CLERICO,

*Genevensis Reipublica*

SENATORI,

ET D. M.

*Referuatur*

*Sen*

*11-15-63*

*1021*

Fatri Carissimo

S. P. D.

JOANNES CLERICUS.



U M duas priores partes Opus-  
culorum meorum Philosophi-  
corum duobus summis viris  
consecrassem, nemo erat cui libentius  
hancce dicarem, quàm tibi, FRATER  
CARISSIME; qui ei studiorum generi  
es addictus, quæ partem Physicæ non  
contemnendam, imò, si verum dicere


volumus, utilissimam complectuntur. Unde factum, ut infima Latinitas, & Majores nostri, vernaculo sermone, quemadmodum etiamnum hodie Angli, *Physicum* vocarint, quem nunc Medicum dicimus. Certè ea *Physicæ* pars, quæ in mera contemplatione consistit, non est æquiparanda, in hoc mortalitatis statu, ei quæ utiles ad tuendam valetudinem cognitiones nobis suppeditat. Quòd si nunc esset ea humani generis conditio, quæ olim erit, ut neque morbos ullos timeret, neque corpus ante omnia curandum haberet; jucundissimum esset, fateor, sui veluti oblivisci & divina opera animo lustrare; imò verò, si fieri posset, relictâ hac terrâ, alias rerum Universitatis partes invisere, præsentemque interesse iis quæ avidis oculis, sed remotissima, spectamus. Verùm, prout nunc sunt res nostræ, contemplationi addictum animum revocat, & retrahit invitum corpusculi infirmitas, monétque peritum unum Medicum theoreticis omnibus *Physicis* esse præferendum. In

In **Physicis Syntagmatibus**, utramque paginam faciunt plerumque conjecturæ; quas si inanes dicere nolimus, at incertas esse oportet fateamur. Veteres Græcorum Physici, qui tantam olim gloriam ex eo studio retulerunt, atque ad ætatem nostram servarunt, puerilibus planè conjecturis, aut quæ servulis digniores erant, quàm Philosophis, scatent; quod serò tandem intelleximus. Hodiernos acutiores esse nemo neget; at præpropere perficiendi plenioris Systematis studio, crudas etiam conjecturas, pro fugiente Veritate, nobis obtulerunt. Verùm, quod in laudem sæculi nostri dicere licet, æquales diu non fefellerunt. Etenim exorti sunt viri, æternâ memoriâ digni, qui à conjecturis nos sapienter revocarunt, ut totos ad experimenta converterent; quæ innumera cùm sint, nondum tamen sat multa sunt, ut ex iis certa Physices principia colligere possimus, neque umquam fortè sat multa erunt. Itaque, hac etiam in parte, Medici (Præcticos



autem intelligo , non qui Theoriam  
dumtaxat docent ) multò sapientiores,  
& feliciores fuerunt ; experimentorum  
enim certissimorum , cùm ab aliis , tum  
à se sumtorum ope , non quærunt prin-  
cipia quædam æternâ nocte obvoluta ,  
sed humani corporis morbos feliciter  
curant. Symptomata morborum dili-  
genter observant , & quæ iis levandis,  
aut curandis utilia experientia docuit  
adhibent ; omisâ inani illâ curiositate ,  
quâ in Theoreticis voluminibus , cau-  
sas ostendere alii nituntur morborum ,  
quibus ægros liberare nesciunt. Cùm  
Theoria mera nihil ferè præter inanem  
garrulitatem pariat , quâ minimè cu-  
rantur morbi ; Praxis hominis diligen-  
tis , & attenti certissimas medendi vias  
reperit , & ingreditur , ægris gaudenti-  
bus , nec sine medentis honore. Sed  
quid opus est pluribus hæc apud Te dici,  
FRATER OPTIME , qui rem quotidie  
experiris ?

Videbor etiam fortasse nonnullis ipse  
vineta mea cædere ; qui cùm in lucem  
publi-



non sunt. Itaque nos quoque practico-  
rum Medicorum prudentiam imitati su-  
mus; adeoque horum laudatâ metho-  
do, Disciplinam, de quâ agimus, om-  
nino non sprevimus.

Vitium etiam sollemne est Physico-  
rum compertis miscere suas conjecturas,  
atque has proponere, non quasi suspicio-  
nes, sed ut consecutaria ex demonstra-  
tionibus collecta. Verum hoc in opus-  
culo anxie ubique quod constat, ab eo  
quod incertum est, discriminavimus,  
& pro conjecturis acriter nusquam pug-  
navimus; quamvis eas quæ nobis ma-  
ximè omnium arrideant indicaverimus,  
sed parati abjicere, si meliora distamus.  
Hanc in rem, non parum utilis est or-  
do, quem sequuti sumus, cum enim  
nulla principia ab initio posuerimus,  
sed *Analysi* potius usi simus; facile  
quamlibet Operis nostri partem emen-  
dare possumus, aut ditare aliorum in-  
ventis, incolumi nostro Syntagmate.  
Contrà verò, qui *Synthesi* adhibetâ,  
principia ponunt, & ex iis omnia dedu-  
cunt,

cant; sicubi peccasse deprehendantur, peccata sæpe emendare nequeunt, sine universorum suorum Operum immutatione; quam ut adgrediantur facere, vix ac ne vix quidem à se impetrare possunt; quo fit ut malint errores defendere, quàm fateri se errasse.

Denique tantùm abest, ut omnium rerum rationem à nobis, aut ab iis quos sequuti sumus, reddi possè probabilem speraverimus, ut sæpe dixerimus eam cognosci à mortalibus non posse; cùm ubi de singularibus quæstionibus sermo esset, tum etiam ubi de generalibus Physicæ totius principiis ageremus. Nihil verius, nihil utilius rerum naturæ cognoscendæ studiosis rati sumus, quàm quod complexus est vir summus hisce versibus, quibus Operis nostri frontem, in hac ad te, FRATER DULCISIME, Epistola, ornare visum est.

*Qui curiosus postulat totum sua  
Patere menti, ferre qui non sufficit  
Mediocrитatis conscientiam sua,*

\* 5

Judex

*Judex iniquus, aſtimator eſt malum  
Suique naturaſque; nam rerum parens,  
Libanda tantum qua venit mortalibus,  
Nos ſcire pauca, multa mirari jubet.  
Hic primus error auctor eſt pejoribus;  
Nam qui fateri nil poteſt incognitum,  
Falso neceſſe eſt placet ignorantiam,  
Umbrasque inanes capiet inter nubila  
Imaginofa adulter Ixion. Dea.  
Magis quieſcet animus, errabit minus,  
Contentus eruditione parabili,  
Nec quaret illam, ſi qua quarentem fugit.  
Neſcire quadam magna pars ſapientia eſt.*

Hæc ad animum nimum revocare,  
quicumque verum quærimus, non poſ-  
ſumus; hæc ſubinde inculcavi, ac præ-  
oculis ubique habui.

Nihil ampliùs eſſet, quod adderem  
de meo inſtituto, niſi meâ intereſſet Te,  
aliòſque Lectores moneri, me in hoc  
Phyſicæ compendio, potiùs rationem  
tractandæ hujus diſciplinæ oſtendere  
voluiffe, quàm eam, ut res poſceret,  
tractare; quod ne viginti quidem volu-  
mini-

minibus , quale hoc est , fieri posset.  
Colligenda enim essent certa omnia , de  
singulis rebus , experimenta , quæ infi-  
nita pœnè sunt. Verùm rerum Physica-  
rum studiosos adire oportet eorum  
scripta , qui ea tradere adgressi sunt ;  
qualia sunt , inter alia , *Roberti Boylei* ,  
*Alphonfi Borelli* , *Marcelli Malpighii* ,  
*Christiani Hugonii* , *Roberti Hookii* , *Ne-  
hemæ Grevii* , *Françisci Redi* , *Acta So-  
cietatis Anglicana* , *Experimenta Aca-  
demiæ Florentina & Parisiensis* , aliâ-  
que quæcumque in manus incident. Ad  
me quod attinet , hominem alii planè  
studiorum generi prorsus addictum , eó-  
que non perfunctoriè occupatum ; satis  
erit si digítum ad fontes intendissè , &  
viam tutissimam monstrasse judicer ;  
nec etiam Scholæ institutum patiebatur  
me longiorem esse , quamvis voluiss-  
sem , & per graviora studia licuisset.  
Tu , CARISSIME FRATER , de uni-  
verso nostro instituto optimè judicabis ,  
& quæ digna videbuntur , me volente ,  
emendabis ; aut , si opus est , defen-  
des.

des. Deus Opt. Max. Tibi, uxoriq̃ue & liberis ea largiatur, quæ vestrâ optare potissimùm interest.

Hisc̃e quæ in Editione prima anni M. DC. XCV scripseram, a. d. Calendas Augusti, nihil est quod addam; nisi ut vota iterum pro Te nuncupem, & à Deo petam, ut dignitatem Senatoriam, quam olim Genève obtinuerat Pater Noster STEPH. CLERICUS, in Te initio hujus anni collatam, faustam felicemque & Patriæ & Tibi, totique familiæ Tux esse velit. Vale.

Scribebam Amstelodami,  
Calendis Februarii anni  
M DCC IV.

P R Æ-



# P R Æ F A T I O

*De Natura, Perfectiōne, Usu &  
Divisione Physica.*

I.



UAMVIS VOX *Φύσις*, quælibet Naturas, quæ rerum Universitate continentur, significet; & qui, apud Veteres Græcos, *Φυσικὴ* dicebantur, non minùs Dei rerumque omnium incorporearum naturam, quàm Corporearum specularerentur; attamen, Scholasticorum ævo, *Physica* dicta est ea dumtaxat *Scientia, quæ circa naturam Corporum versatur*. Atque hoc posteriori sensu, hîc à nobis tractanda suscipitur.

2. Hanc disciplinam, inter Græcos, primus excoluisse perhibetur *Thales Milesius*, \* qui DC annis ante Christum florebat, atque Ionicam familiam condidit. Antea *Sapientium* nomine censebantur, non qui mechanicam naturæ rerum dispositionem investigabant; sed qui vitæ rectè instituendæ viam alios docebant. Verùm à tem-

\* 7

pori-

\* *Diogenes Laërtius in ejus vita, & alii plurimi.*



## P R Æ F A T I O.

poribus Thaletis, innumeri in Græcia fuerunt, qui eam certè Philosophiæ partem quæ ad mores pertinet, non neglexerunt quidem, sed Physicam tamen potissimum excoluerunt.

3. Ab iis, qui Philosophicam Historiam litteris mandarunt, hæc & similia peti poterunt. Observabimus dumtaxat in Occidente nostro, à decimo tertio post Christum natum potissimum sæculo, Aristotelis cum cetera scripta, tum etiam Physicam in Galliam allatam summo in pretio haberi coepisse. *Alexander Halesius*, *Thomas Aquinas*, ejusque Magister *Albertus Magnus* eam inaximo cum plausu interpretati sunt, & ita posteris commendarunt; ut qui Aristotelem probè intelligeret, omnibus numeris absolutus Philosophus deinceps existimaretur. Itaque quicumque Physica ediderunt, sequentibus sæculis, scripta, ii aut Aristotelis Interpretes egerunt; aut ex principiis ejus consecutaria, ut poterant, ulterius deduxerunt.

4. Post renatas demùm in hoc Occidente nostro Litteras, pauci viri ingenio præcellentes, variis in partibus Aristotelis placita deferere coeperunt. Inter primos merito suo numeratur *Nicolaus Copernicus*, Thorunensis Borussus, qui tempore ipso Reformationis floruit. Is *Aristarchi Samii*, aliorumque Vett. Philosophorum sententiam de motu diurno & annuo Telluris circa Solem, quæ dudum obsoleta erat, in lucem retraxit. At nemo ausus est ex novis principiis integram ordiri Physicam, præter *Renatuum Cartesium*; qui ita coepit philosophari, quasi ante ipsum nemo quidquam esset conatus.

5. Hic,

## P R Æ F A T I O

5. Hic, aliisque viri summi, ad ejus exemplum, certatim Veterum conjecturis nequaquam fidem esse habendam ostenderunt; antequàm ad examen revocarentur. Veteres etiam celerius æquo, non sat multis edoctos experimentis, circa rerum naturalium causas, conjecturis nimium indulgisse iidem demonstrarunt. Ac sanè plerorumque Veterum dogmata Physica adeò inficeta erant, ut aut vocabulis obscuris ab ineptissimis vulgi opinionibus dumtaxat differrent; aut si clariùs proponerentur, & novi quidpiam complecterentur, palam absurda ut plurimum essent; quod exemplis illustrare non necesse est, cum oculos vel in *Diogenem Laërtium* conjicienti ingens se eorum statim ingerat seges.

6. Si quis rationem tantæ, hoc in negotio, Veterum cæcicatis quærat, ea partim in levitate ac superbia Græcorum; qui quàm primùm ad unguem omnia tenere videri volebant, partim in rei ipsius obscuritate ac difficultate inveniri poterit. Atque ut naturæ tantùm rerum obscuritatem attingam, usque adeò verum est tenebris rem esse involutam, ut ne Recentiores quidem, qui Veterum peccata in multis acutissimè retexerunt, sibi ipsi satisfacere hoc in negotio hætenus potuerint.

7. Meritò observarunt à Veteribus experimenta ferè neglecta fuisse, ut ratiocinationibus indulgerent; quo factum ut Systemata eorum Physica ab iis qui plura sumserunt experimenta, naturæ rerum contraria passim deprehensa sint. Itaque se totos contemplationi rerum, priusquàm Systemata conficere adgrederentur, manciparunt. Atque hoc, in laudem hujusce nostri sæculi

## P R Æ F A T I O .

culi, dicere non immeritò possumus, numquam eâ viâ penetralia Naturæ ingressos esse Philosophos Veteres; ut nostrâ, patrûmque nostrorum memoriâ factum est. In Italia, Gallia & Anglia, cùm integræ Societates præstantium eruditione & ingenio virorum, tum privatim doctissimi homines experimentis innumeris, Veteribus ignotis, Physicam illustrarunt.

8. Sed ubi ulteriùs progrediendum fuit, & ad exemplum Veterum tradere Physicam Synthetico ordinæ conati sunt; aut nondum satis esse experimentorum, aut ultra experimenta progredi nobis non licere res ipsa docuit. Postquàm enim Systemata sua condiderant, quasi comperita, quæ falsissima erant, ab iis adsumpta esse diligentiores alii deprehenderunt. Imò in ipso Physices limine, ubi tradenda fuit doctrina de Corpore in genere, haud leviter cespitarunt; unde factum ut reliqua omnia dubia, si experimenta excipias, facta sint.

9. Quàm verè hæc à nobis affirmantur, ex Libro V. hujusce Opusculi liquebit; neque in Præfatione rem excutere, prout necesse esset, possumus. Interea hîc summatim observabimus, ut plena acquiratur disciplinæ cujuspiam, adeò ut Syntheticâ Geometrarum methòdo exponi ac demonstrari possit, cognitio, duo postulari, quorum utrumque nobis deest, ubi de rebus Physicis agitur, unde frustra plenum Physices Systema exspectari consequens est.

10. Cùm corpora, eorûmque proprietates non norimus, nisi experientiâ; ut eorum naturam perspectam nobis esse verè existimare possumus, oportet nos quidquid in iis est, ad ultima

## P R Æ F A T I O.

ma in quæ resolvuntur principia, experientiâ perspexisse, quod nemo sanus dixerit. Exempli causâ, si quæraturn à Physico quid sit plumbum, nihil reponere poterit, nisi corpus esse quod ad genus Metallorum refertur; quod liquefieri potest; quod ductile est malleo; quod igne, si in eo diutius maneat, absimitur; quod certi est ponderis, si conferatur cum alio corpore cujus nota sit gravitas; quod rude cinerei est coloris nigro misti, politum splendescit, aut nigrius evadit, &c. Ulteriùs quærenti quænam sit particularum, quibus plumbum constat, dispositio, quænam figura, nihil erit quod respondeat, præter conjecturas; se conjicere, exempli causâ, oblongas esse, flexiles & rarioris contextûs, quia ea dispositio & figura aptæ videntur ad rationem proprietatum plumbi reddendam; ceterùm se non definiere an ex alia dispositione, aliâve figura eadem fluere proprietates possint.

II. Hinc jam satis liquet frustra à Physicis expectari Systema Syntheticum, Geometrico more demonstratum; quandoquidem tenuissimas corporum particulas, quæ ut sensus fugiunt: ita proprietatum quæ oculos nostros, aut alios percellunt sensus, veluti origo sunt, sibi solâ conjecturâ notas esse consistunt. Sed si præterea percunctemur, concessio particulas ejus esse dispositionis & figuræ quas conjectant; quonexus teneantur inter se particularum illarum partes, nihil respondebunt quod satisfacere possit, ut copiosius sumus in libro Physicæ quinto demonstraturi. Atque hinc rursus Systema Physicum non posse fieri colligimus, quia ne natura  
qui-

## P R Æ F A T I O.

quidem corporis in genere, quæ totius Physicæ fundamentum est, explicari potest.

12. Hæc cum ita sint, altera occurrit dubitandi ratio, eaque maximi ponderis, an iis facultatibus ornati simus, quæ ad introspiciendam intimam rerum naturam necessariae sunt. Si autem careremus re quapiam, ad eam inquisitionem necessaria, frustra essemus in investiganda penitus rerum natura. Cæcus in cassum omnia naturæ *φαινόμενα* cognoscere niteretur, cum illi desit sensus quo splendorem lucidorum corporum, omnésque lucis effectus percipere queat.

13. Rationes porro ejus dubitationis duæ sunt, quarum prima est, quod nullo certo argumento ostendi queat sensum, intellectumque nostrum esse rerum naturæ adæquatos; seu ejus capacitatis, ut omnia percipere atque intelligere possint, quæ ad corpoream pertinent naturam, modò facultatibus iis rectè utamur. An non posset fieri ut quemadmodum cæcis natis negatus est sensus, quo lucem rerum omnium pulcherrimam percipiant: ita nos essemus facultate destituti, quæ ad introspiciendam corporum naturam planè necessaria sit? Posset omnino, ideoque non est quare tantopere nobis confidamus.

14. Secundò, sunt gravissimæ rationes quæ suadeant non posse fieri dumtaxat ut careamus ejusmodi facultate, sed reipsâ eâ nos destitutos esse. Ut proprietatum corporum rationes certas reddere possemus, necesse esset, ut jam diximus, nos dispositionem ac figuram tenuissimarum particularum cernere, imò etiam quibus  
vin-

## P R Æ F A T I O.

vinculis soliditas constet scire indubitato quodam modo; quæ tamen neque scimus, neque cernimus, unde sequitur nos hoc in loco aut malè semper uti sensibus, atque aliis subsidiis quibus adjuvari possunt, aut sensus nostros ei rei non sufficere.

15. Reponet fortè quispiam, quod sensus nequeunt, id efficere ratiocinationem, & ubi sentire desinimus, oportere nos ratione uti. Sed hoc eodem redit, ac si quis cæco diceret, quoniam sensu est ad videndam lucem destitutus, oportere eum ratiocinari ut intelligat quid sit lux, quosque edat effectus. Conjecturis & ille & nos indulgere poterimus, ut ænigmata proposita solvamus; sed certò ad ultima principia numquam deveniemus. Excipiendæ tamen sunt generales quædam conjecturæ; quæ nituntur iis quæ cernimus, & usque adeò perspicuæ sunt, ut de iis dubitare non possimus. Qui numquam horologii interiora vidisset, conjicerétque esse aliquid quod gnomonem circumducit, is sanè non falleretur; sed si vellet ejus rei naturam investigare, numquam certè se indubitato attigisse gloriari posset. Atque ita se res habet in conjecturis, circa ignotam sensibus corporum dispositionem. Pauca quidem generalia certò scire possumus; cetera omnia dubia sunt.

16. Solent hîc dicere viri acutissimi, modò inveniatur Hypothesis simplex & clara, cujus ope omnia Phænomena explicantur, hac nos contentos esse oportere. Sed ut possit ejusmodi Hypothesis inveniri concedamus, quis poterit affirmare rem ita se habere? An non possunt ejusdem effectûs causæ esse diversæ? An omnes  
natu-

## PRÆFATIO.

naturales causas ita in numero habemus, ut quidquam ea de re certò definire possimus? Si autem hæc instar merarum conjecturarum in medium afferuntur, nec quidquam aliud inveniri potest; hoc ipsum est Systema Syntheticum neque esse, neque fieri posse fateri; quod nos demonstrandum susceperamus.

17. Hisce rebus factum est, ut Physicæ non Synthetico, sed Analytico potius ordine, tradendæ consilium iniremus. Cum enim principia generalia, ex quibus deduci possit effectuum omnium naturalium explicatio, inveniri certò non posse constet; nihil aliud Physicam candidè tractantibus superest, nisi ut præcipua Naturæ *Phænomena* recenscant, & Analyticâ Methodo in eorum causam inquirent, si fortè palpando inveniri queat; sin. verò, quousque in unaquaque re progredi possint, sine erroris periculo, ostendant, limitésque indubitati veri, vacillantiúmque conjecturarum diligenter ac candidè signent. Hæc nos in hoc Opusculo præstare conati sumus, quantum per vastissimæ scientiæ breve compendium, aliæque graviora stúdia licuit.

18. Queretur híc fortè quispiam nos, dum ostendimus imperfectiorem multò Physicam esse, quàm vulgò creditur; haud parum ejus dignitatem, utilitatémque minuisse. At multò præstabilius est quanti aliqua Disciplina sit faciendæ verè nosse; quàm illam nimio in honore dum habemus, tempus nostrum, in scientiæ itani imagine captanda frustra terere.

19. Deinde hac Methodo quis verus sit ejus scientiæ usus, qui nequaquam spernendus est, missâ falsâ scientiæ opinione, felicius demonstr-

stra-

## P R Æ F A T I O.

strabimus. Ex perfecta quidem Physica multò majorem duceremus utilitatem, sed eà fruendum quam habemus. Est enim sapientiæ præsentibus uti bonis, dum alia non suppetunt. Quamvis ergo ultima rerum principia non norimus, juvat tamen ea scire quæ reteximus. Plantarum, exempli gratiâ, ac salium particulæ, licet non plenè, eatenus tamen interdum innotescunt investigantibus; ut præter ea quæ experientiâ norunt, ratiocinatione, quis sit futurus effectus, si plura misceantur, aliquando intelligere queant. Quàm autem hoc valetudini tuendæ, aut affectû in pristinum statum restituentidæ inserviat nemo non videt.

20. Quamvis etiam τῶν μικροτάτων ἀπληρογών partium tenuissimarum quibus corpora constant, aut etiam partium illarum majorum, quibus conflata est rerum Universitas, Planetarum, Stellarum, Vorticum, penitus non norimus; attamen multò liquidiùs sapientiam Summi Artificis eorum omnium, quàm nationes barbaræ, apud quas harum rerum nulla est investigatio, cernimus. Nunc haud indigni prorsus, si ita loqui fas est, divinæ sapientiæ arbitri, non stulti admiratores, qui si contrarium fieret æquè stuperent, ignotarum omninò rerum sumus. Non ampliùs Cometas, ac Eclipses horremus, aut præfagia inania timidi quærimus, quæ nusquam sunt. Post Physicam demum diligentius excultam,

*\* Hunc Solem & Stellas, & decedentia cæcis  
Tempora momentis, sunt qui formidine nullâ  
Imbuti spectant.*

21. Si

\* Lib. 1. Ep. 6. Horatii.



## P R Æ F A T I O.

26. Præterea hac nostrâ Methodo, conat  
mus ea primùm contemplari, quæ simplici  
suâ minùs negotii contemplantiùm Menti fa  
sunt; ad magis composita paullatim process  
ad Librum usque quartum; quo absoluto,  
stigia relegentes ad simplicissimarum propr  
tum considerationem, ob rationes modò all  
retrogedimur.






# PHYSICÆ

## LIBER PRIMVS.

*De Universitatis Rerum Summatim considerata Dispositione.*

### CAPUT I.

*De Maximis, quæ circa nos cernimus, Corporibus.*

- I.  Ihil antiquius vetustissimi Physici, contemplatione cœli & astrorum, habuerunt. Imò ejus contemplationis causâ, natum se dicere ausus est \* *Anaxagoras*. Certè Naturam contemplantium oculos, vastissimâ illâ, sempiternisque luminibus

\* *Diag. Laert. in ejus vita. L. II. §. 10. Ed. Amstel.*

## 2      P H Y S I C Æ   L I B. I.

bus distinctâ extensione, nihil prius percellit. Ideoque nos etiam indidem Physicæ nostræ initium ducemus, præsertim cum generalis rerum Universitatis contemplatio simplicius Menti, quàm singularum Naturarum investigatio, offerat meditationis argumentum. A simplicioribus autem incipere artem tradentibus, aut discentibus, utile esse ostendimus non semel in Logica.

2. Hic ergo summatim maximorum corporum, quæ circa nos sunt, dispositionem considerabimus, eorumque potissima *φανόρμη*, postea singulatim ea accuratius contemplaturi, trademus. Ante omnia, Terram videmus quæ pedibus nostris calcatur, & quæ quamvis, si ex oculorum, quæ patet eorum prospectus, testimonio iudicium feras, plana esse (asperitates montium hic non spectamus, in tam vasta extensione) videatur, attamen rotunda est, ut ex navigationibus constat. Sunt enim qui mari eam circumvenerint, ut qui ex Europa profecti, ad Magellanicum, aut Lemarianicum fretum per mare Atlanticum pervenerunt; iisque superatis, per mare Pacificum, in Indicum Oceanum vela dederunt; unde, circumactâ Africâ, in Europam redierunt.

3. Hi observarunt inter alia, progredientibus in Austrum, stellas, quæ altissimæ nobis ad Septentrionem videntur, paullatim deprimi, donec tandem convexitate terræ prorsus abscondantur: alias verò ad Austrum attolli, donec altissimæ videantur; & vice versâ, si ab Austro ad Septentrionem vela darent. Viderunt etiam universam Tellurem Sole ita illustrari, ut intra viginti

ginti quatuor horas, eo ab Oriente in Occasum progrediente, paullatim dies totam Terræ superficiem pervadat. Hinc merito collegerunt Terram esse rotundam, & veluti in aëre, quo undequaque ambitur, pendere. Alia etiam ex itineribus humano generi innotuerunt, quæ hîc non attingemus.

4. Post Terram, oculis se nostris lustrandam proxima offert Luna. Ea intra certum dierum ambitum ab Occasu in Ortum circa Terram circumagitur, dum quotidie ab Ortu in Occasum circa eandem rapitur. Tum varias patitur Phases, nam paullatim illustrari videtur; aded ut ejus figura primùm corniculata appareat, deinde intra certum numerum dierum cornua sensim coeant, donec totus ejus orbis illustratus sit. Hæc de Luna hîc observasse satis erit.

5. Sed omnium corporum, quæ circa terram sunt, maximè oculos nostros ferit Sol, qui ab Ortu in Occasum delatus, intra viginti quatuor horas, totum Terræ Globum, ut diximus, illustrat. Præterea intra anni spatium ab Occasu in Ortum ita ferri videtur, ut interea obliquè secet Terram, accedendo ad Septemtrionem usque ad certos, quos numquam transgreditur, terminos; deinde à Septemtrione ad Austrum progrediendo, æquali distantia; & sic dierum diversitatem efficiat, quod postea diligentius excutiemus.

6. Inter sidera minora, aut quæ nobis minora videntur, quædam sunt quæ inter se semper eundem situm servant, alia verò quæ huc illuc, licet motibus certis, errare videntur. Hæc *Planetae*,

#### 4 P H Y S I C Æ L I B. I.

seu *erratica* sidera vocantur; alia verò *fixa*, aut *inerrantia*.

7. Ut à Planetis initium faciamus, duo sunt qui, inter Terram & Solem, ali quando interceptiuntur, *Mercurius* & *Venus* dicti. Quorum ille Soli propior rariùs apparet; quòd in Solis radiis lateat, quippe qui ab eo procul non discedit. *Venus* verò; quæ longiùs ab eo abit, facillimè cernitur; vocarique aliter solet *Phosphorus* & *Hesperus*; *Lucifer* ac *Vesper*; quippe quæ Solis Ortum & Occasum antecedit, & proximè sequitur. Terra nostra numquam est inter eas & Solem, ut postea clariùs ostendemus. Circa Solem ita moventur, ut aliquando inter nos & illum sint, postea verò Sol inter nos & illos interpositus sit: Quando ultra Solem sunt, integer eorum discus lucidus apparet; è regione Solis, ad dextram aut ad sinistram, dimidia disci pars lucida est; cis Solem verò, corniculati sunt; denique ubi inter Solem & nos feruntur, per discum ejus, instar macularum, transire videntur.

8. Sunt alii tres Planetæ à Sole remotiores, Mars, Jupiter, & Saturnus. Inter hos quidem & Terram Sol, centis vicibus, interceptitur, numquam verò illi inter Solem & Terram. Quando Mars Soli proximus est, integer ejus discus collustratus apparet, ut quando est ab eo remotissimus; sed Soli proximus lucidiôr & major videtur. E regione verò Solis, ad dextram aut sinistram, non pleno orbe, sed ovali circiter figurâ cernitur. At Jupiter & Saturnus semper plenâ facie conspiciuntur. Hi omnes Planetæ certis temporibus circa Solem rapiuntur,  
præ-

*De Universo in Genere. C. I.* 5

præterquàm quòd quotidie oriuntur nobis & occidunt.

9. Hæc quidem omnia solorum oculorum beneficio, non cernuntur. Opus est Telescopiis ut Phases Mercurii, Veneris & Martis conspicuæ sint. Præterea, eorundem Telescopiorum ope, non modò Planetæ distinctiùs cernuntur, sed circa Jovem & Saturnum varia reteguntur Veteribus ignota. Circa Jovem sunt quatuor minores Planetæ, circa Saturnum, omnium remotissimum, quinque; qui circa eos, ut Luna circa Terram, certo ambitu temporis moventur.

10. Præter hæc sidera errantia, quæ semper circa nos visuntur, & certas motu suo obeunt Periodos, alia sunt quæ *Cometæ* dicuntur, quòd *comæ* (seu sit fumus, seu lux quæ ita apparet) quadam ornata sint. Hi certo nullo motu, accedunt ad Solem, cùmque fugiunt, ignotis temporum vicibus; aliquando enim, intra paucorum annorum spatium, plures; aliquando nulli nos invisiunt, qua de re etiam postea agemus.

11. Sidera inerrantia ingenti numero sunt, luce coruscanti prædita; cùm Planetarum lux, instar Lunæ, non coruscat; eundem inter se situm servant, ac eodem modo semper nobis obversantur; nisi quòd intra annum spatium ab Ortu in Occasum moveri lentiùs omnes videntur, ut & diei, seu viginti quatuor horarum intervallo circa Terram celerius rapiuntur, cum reliquis omnibus sideribus.

12. Sunt tamen quædam, quæ numquam occidunt, nempe, quæ è regione partium terræ maximè australium, & septentrionalium pro-

## 6 P H Y S I C A E L I B. I.

spiciuntur. Populi qui Terræ id Hemisphærium (nam cùm sit sphaerica, seu instar Globi, potest dividi & dividitur ab Astronomis in duo Hemisphæria, vel dimidios duos Globos) quod Septentrioni obversum est, incolunt semper super se Septentrionales stellas, noctu, nimirum, ut per serenitatem coeli licet, adspiciunt. Similiter Hemisphærii Australis incolæ semper stellas omnium maximè ad Austrum sitas, supra Terram vident. Sed ut convexitas Terræ nobis harum stellarum radios intercipit: ita & illi nunquam eas, quas perpetuò nos videmus, cernunt jam innuimus.

13. Ceterùm stellarum fixarum tanta est à nobis distantia, ut optimis Telescopiis, conspectu auctiores non cernantur; imò contrà minores propter rationem quam alibi trademus. At Telescopiis corpora Planetarum augentur, unde multò esse propiores, ut alias omittam rationes Astronomicas, colligimus.

## C A P U T II.

*Quomodo Systema Mundi se habeat, secundum Ptolemaum & plerosque alios præteritorum sæculorum Astronomos.*

1. **P**ostquàm crassâ Minervâ præcipua Mundi, summatim spectati, quæ cernuntur oculis solis, aut Telescopio adjutis, phænomena descripsimus; pro nostro instituto, videndum nunc est quâ ratione Philosophi re-  
U

Universitatem dispositam esse oportere statuant, ut memorata phænomena inde enascantur. Incipimus à Systemate *Ptolemæi*, quod per plura invaluit sæcula, ejusque incommoda ostendimus.

2. Qui hoc sequuntur. Systema primò existimant Tellurem esse in mundi centro fixam, & pondere suo immotam; cum reliqua omnia, quæ à Luna ulterius porrecta sunt corpora, circa illam agantur, quod oculorum testimonio certum esse existimant.

3. Cum ignorarent, quæ esset natura fiderum, nec satis Planetas, quoad ipsam eorum Essentiam, à Fixis distinguerent, omnes stellas Sphæris solidis affixas esse, & cum illis moveri, censuerunt. Sphæras volebant in Ortum moveri, intra certa spatia, quæ postea indicabimus, dum fidera in Occasum ferebantur; easque quotidie, licet in Occasum moveantur, vi quadam aliquantum in Ortum, retrahi. Ad motum diurnum quod attinet, cum omnes Sphæræ, intra viginti quatuor horas, circa Terram agantur, quæ sunt remotiores eas oportet vehementiori motu cieri; quia quò majorem circumulum motu suo describunt, quàm interiores, eò celeriore vertigine eas rapi necesse est. Coelum stelliferum, seu Sphæra fixarum, ut intra viginti quatuor horas circa Terram vertatur, incredibili pænè celeritate agitur; ut omittatur primum Mobile, quod omnium maximè à Tellure distat.

4. Eas autem omnes Sphæras hoc ordine collocant. Prima est *Luna*, secunda *Mercurius*, tertia *Veneris*, quarta *Solis*, quinta *Martis*, sex-



## 8 P H Y S I C Æ L I B. I.

ta *Jovis*, septima *Saturni*, octava *Firmamenti*, seu *Stellarum fixarum*. Præter hæc Sphæras, tres alias Superiores fixerunt. Duæ *Cryſtallinæ* vocantur, moventurque altera ab Ortum in Occasum, altera à Septentrione in Austrum, & vice verſâ. Hos motus *librationis*, & *trepidationis* vocare ſolent, ajuntque ſe in Stellis ejusmodi vacillationem obſervaffe. Ultima tandem eſt, quæ *primum Mobile* vocatur, cujus diurnâ ſeu viginti quatuor horarum, circa axem ſuum, vertigine, ceteræ omnes inferiores (præter ſuos in Ortum motus) ab Ortum in Occasum rapiuntur.

5. Schéma, ut melius intelligantur hæc, ſubjiciemus, \* neglectis Planetarum diſtantiis, de quibus nondum hic agimus.

6. Hæc eſt rerum Naturæ generalis diſpoſitio, ſecundum eos qui Ptolemaicum probant Syſtema. De obliquo ſolis motu quid dixerint, poſtea videbimus, quando quid in hac Hypotheſi reprehendi poſſimum ſolcat oſtenderimus.

I. Nullâ ratione, Mercurii & Veneris ſatisfacit *Φαινόμεναις*. Si enim vera eſſet, Mercurius & Venus æquè interdum diſtarent à Sole, ac Luna, imò ſæpè ampliùs; quando, nimirum, interjacente Terrâ, Lunæque orbitâ, Soli oppoſiti eſſent; cum hæc numquam eveniant, neque umquam Terra ſit inter Solem & eos Planetas. Præterea ſemper eſſent hi Planetæ nobis Sole propriores, cum ad latera Solis, & trans Solem conſpiciantur. Denique, ſecundum Ptolemæum, plenos eos apparere, inſtar Lunæ, oporteret quando eſſent à Sole remotiſſimi &

110.

\* Vide Fig. I.

nobis proximi; cum contrario modo se res habeat, & tum demum integer eorum discus appareat lucidus, quando trans Solem, ipsi multò quàm nobis propriores, *versantur*. Igitur qui hoc invenerant Systema duorum horumce Planetarum *φαινόμενα* satis non norant, cum negligentia suâ, tum etiam Telescopiorum inopia.

II. Soliditatem cœlorum prorsus evertunt Cometæ, qui liberè ab altissimis circa nos spatiis ad Solem delapsi, inde rursus emergunt, atque huc illuc sine certa lege vagantur. Veteres quidem exhalationes esse flammeas conjiciebant, sed inanem conjecturam certissima evertunt experimenta; quæ proferemus, ubi de Cometis agemus.

III. Res est etiam parum acutè inventa, cum diversitas illa motuum, quos hisdem sphaëris tribuunt, & quorum ratio nulla reddi potest; tum rapiditas incredibilis supremarum sphaërarum, quas oporteret, intra minutum, aliquot *Leucarum* millia conficere. Quis tantam motûs rapiditatem capere queat, atque interea terram, quæ instar puncti est tot sphaëris collata, nullo modo moveri?

IV. Quis crediderit etiam, propter levem varietatem in stellis observatam, duas esse sphaëras huc atque illuc proprio motu redeuntes?

V. Deinde quis credat Solem, qui flammæ aut metallo liquefacto simillimus est, cavo infixum crystallino ita lucere? Hæc sanè omnia monstra sunt, quæ mirum est ab ullo potuisse concoqui.

## 10 P H Y S I C Æ L I B. I.

7. At iidem feliciores multò fuerunt, in tradenda ratione longitudinis ac brevitatis dierum, & ceterorum, quæ ex Solis motu oriri videntur, effectuum. Hi ut intelligantur, pauca sunt hîc ex doctrina de Sphæra delibanda; quod eò libentius faciemus, quia iis omnes ex æquo utuntur Philosophi.

8. Obiter indicavimus Tellurem quasi Sphæram, aut saltem ~~φαιγεμένη~~ à Philosophis intelligi. Eam Sphæram in 360. gradus dividunt, ut quivis circulus à Geometris solet, ita ut quarta pars sit 90. graduum. Hos gradus si numeres ab Occasu in Ortum *longitudinis* vocant, si à Septentrione in Austrum *latitudinis*.

9. Hoc posito, in Sphæra animo concipiunt duo puncta opposita, quæ *Poli* dicuntur, quorum unus Austro, alter Septemtrioni obversus est. Lineam quæ ab uno polo ad alterum, per centrum Sphære, ducitur, *Axem* appellant. Terram deinde secant in duo Hemisphæria æqualia, seu sectione quæ perpendiculariter in axem incidens eum in duas partes æquales dividit. Alterum Hemisphærium ad Polum Australem, alterum ad Septemtrionalem pertinet.

10. Sol autem motu suo non sequitur lineam illam, quâ Terram in duo Hemisphæria dividi diximus, sed obliquè secat, & modò ad Septemtrionem, modò ad Austrum transgreditur. Linea, quam describit eo motu obliquo, *Ecliptica* vocari solet; dividiturque in duodecim partes quæ *Zodia*, seu *Signa* dicuntur, ut totus Circulus *Zodiacus*. Ratio illius appellationis est, quòd Astronomi quibusdam Constellationibus, seu

*De Universo in Genere. C.II. 11*

seu Asterisimis, è regione quorum Sol ferri intelligitur, nomina *Zodiaci*, *animalium* aliquot imposuerunt. In utroque Hemisphærio Sol sex signa percurrit, quæ ab Astronomis nominibus hîc, duobus verticulis comprehensis, vocantur:

*Sunt Aries, Taurus, Gemini, Cancer, Leo, Virgo, Libraqæ, Scorpîus, Arcitenens, Caper, Amphora, Pisces:*

Sex priora Septemtrionalia sunt, posteriora verò Australia.

11. Rem tironum oculis, Schemate crassiori, subjiçiemus. \* Quando Sol in ea linea est, quæ *Æquator* dicitur, *æquat* dies noctibus, unde etiam *Æquinoctialis* vocatur. Quando est in *Tropico Cancrî* tum sunt nobis longissimi dies; ut: contra brevissimi, quando est in *Capricorni Tropico*.

Dicuntur circuli illi *Tropici* *ῥῥῖνοι*, id est, *conversioni*, propter *ῥῥῖν* *conversiones* Solis, qui eò usque progreditur, ac postea se rursus ad æquinoctialem lineam convertit. Qui ad Boream est, *Cancrî* nomine insignitur, quod Cancrî signum in eo incipiat. Qui verò est ad Austrum, pari de ratione, *Capricorni* dicitur. *Solstitiales* etiam circuli vocantur, quòd ubi Sol ad eos pervenit, die neque crescente neque decrecente, ita ut id animadverti queat, *Sol stare*, hoc est, neque in Boream, neque in Austrum progredi videatur, per aliquot dies. Uterque autem distat ab æquinoctiali linea gradibus 23. minutis 31. neque enim Sol ulterius umquam declinat.

A 6

12. His

\* *Vide Fig. II.*

## 12 P H Y S I C Æ L I B. I.

12. His positis, observandum diem vocari propriè moram Solis supra *Horizontem*. Horizontem autem dicitur circulus ille, qui cum sumus in planitie, oculosque circumquaque vertimus apparet nobis quasi quædam coeli terræque commissa. Idè Græcè *ἐξελκν* finiens dicitur, quod prospectui nostro fines statuatur, nam quidquid infra illum est nobis latet.

13. Cum ostenderimus terram esse *σφαίρειν* ejus dimidia pars semper à Sole illustratur, quo globi lucernæ oppositi experimento intelligi licet. Quando ergo Sol, motu diurno, videtur describere lineam æquatori parallelam, noctes oportet esse nobis æquales diebus, quia ejus mora supra Horizontem æqualis est moræ intra Horizontem. Cum verò à linea recedit ad Austrum, diutius sub Horizonte moratur; ut quando à linea ad Boream redit, diutius est supra Horizontem; nostri, nimirum, respectu. Atque hoc paullatim fit, prout Sol accedit aut recedit, quod facillè intelligitur, si lucernæ obliquè circumagatur globus, aut lucerna globo, est enim perinde.

14. Idem experimentum ostendet quare, regionibus Polo proximis, dies sint longissimi ut noctes longissimæ, prout Sol est trans, vel circum lineam. Liquebit inde alterutrum Polum deber per sex menses, perpetuà luce gaudere, dum alter in perpetuis jacet tenebris; donec, trajectory lineam, rursus Sol ei propior fiat. Nec diutius huius negotio, quia res est quæ oculis demonstratum immorabimur.

15. Nunc ad stellarum fixarum ortum & occasum veniemus. Semper quidem eundem

tu

tum servant, sed ut non possunt cerni cum Sol inter eas & Hemisphaerium nostrum positus est, propter lucem Solis earum luce multò majorem: ita quæ respectu totius Telluris sunt trans Solem, eæ in ejus radiis latent, donec progrediendo aliarum conspectum luce suâ impediatur, dum quæ ab eo relinquuntur ex ejus radiis emergunt. Sic stellæ oriri videntur & moveri, licet locum suum non deferant. Cum autem Sphæra Solis annuo motu ab Occasu in Ortum rapiatur, quotidie videntur Stellæ quas Sol tegebat ab Ortum in Occasum ferri, quod Veteres etiam Astronomi agnoverunt.

16. De multiplici stellarum ortu subtiliùs agunt Astronomi, qui hæc accuratiùs tenere cupientibus poterunt consuli. Nos hîc crassiùs rem spectavimus, prout se se oculis ingerit, & præcipuorum duntaxat *φαινόμενα* rationem reddere voluimus, ex Ptolemaïco Systemate.

17. Sunt quædam stellæ, quæ & semper supra Horizontem sunt, nec unquam in radiis Solaribus latent, nisi interdiu, quia sunt extra Solis vias & ab eo procul remotæ. Hæ sunt stellæ Polares, seu quæ è regione Polorum Terræ cernuntur, inter quas & Terram nunquam Sol intercipitur, & quâ parte cælum quasi immotum cernitur, quia (si movetur) circulus quem partes Sphærarum illic describunt exiguus est præ eo qui à partibus æquatori Sphærarum subjectis describi videtur.

18. Alii tribuuntur Octavæ, Nonæ & Decimæ Sphæaræ motus, sed qui aded lenti sunt, si sint, ut Octava minimum viginti quinque millium

## 14 P H Y S I C Æ L I B. I.

annorum spatio indigeat ad peragendum circuitum; Nona unam librationem, eundo redeundoque, intra mille septingentos annos; Decima intra ter mille quadringentos annos absolvat. At seu hæc non satis accuratis Astronomorum observationibus debeantur, seu vera sint, longinquitas temporis, aut motus tenuitas obstant quominus magni sint in Astronomia, Physicæque adeo momenti; ideoque nec ea inter phænomena recensuimus, nec eorum rationem reddere adgrediemur.

19. De motu apparente stellarum, quo videntur duplici ratione in Occasum ferri, consentiunt Philosophi. Sed in Ptolemaïca Hypothesi varia digna castigatione occurrunt.

I. Sine ratione statuuntur stellæ omnes fixæ unius Sphæræ superficiei inhærere, cum aliæ remotiores videantur aliis: quippe quæ tenuitate suâ oculos pænè fugiunt, dum aliæ vividiori luce eos percellunt, & majores videntur. Cujus rei nulla alia melior ratio afferri potest, quàm sitûs discrimen.

II. Vix ac ne vix quidem intelligere possumus, qui tanti ignes aut fervidissimæ materiæ moles, quasi in Laternis quibusdam inclusæ, per tot solidas Sphæras è tanta distantia lumen transmittere queant, & quidem sine confusione. Sane reflexionibus & refractionibus, quæ in luce observantur, omnes deberent confundi, aut nobis intercipi.

III. Minus concoqui potest portentosa celeritas, quâ eas Sphæras intra viginti quatuor horas moveri oporteret, quod jam supra indicavimus.

C A P U T III.

*Quomodo se habeat Systema Mundi, secundum  
Copernicum, Cartesium, aliósq; recen-  
tiores Philosophos.*

1. **C**UM Ptolemaicum, quod Scholastici sequuti sunt, Systema meris constaret conjecturis, intereáque gravissimis incommodis laboraret; *Copernicus*, *Cartesius*, aliisque Astronomi ac Philosophi aliam sibi ineundam esse viam censuerunt. Horum quidem aut conjecturæ, aut observationes, neque eodem tempore, neque omnibus omnes communes prodierunt; à nobis tamen brevitati studentibus, & quòd sibi invicem lucem foenerentur, hinc conjunguntur.

2. Qui igitur Copernico, Cartesioque adsentiantur totius Mundani Systematis Solem centrum esse volunt, maneréque immotum totius molis ratione, & respectu aliorum siderum; licet circa centrum suum moveatur, ut postea videbimus, ubi de eo agemus.

3. Circa Solem proximè rapiuntur, in coelo fluido, Mercurius & Venus; quorum prior, quia à Sole remotus non est, plerumque in radiis solaribus latet. Attamen Astronomi artem invenere eum videndi, quando inter nos & Solem transit. Pinxerunt nobis discum Solis cum trajiciente Mercurio, prout intra obscuram scenam se inversè in circulo, citra Telescopium ob-  
jecto,



## 16 P H Y S I C Æ L I B. I.

jecto, exhibuit; quod prolixâ Epistolâ descripsit *Petrus Gassendus*, quæ consuli poterit. Tunc instar maculæ apparet Mercurius, quia pars ejus, quæ à Sole averſa, nobis objecta est. Cùm verò est ad Solis latera, corniculatus est, quia pars ejus quæ à Sole illustratur integra non apparet: quæ statim ac tota nobis obversatur, quod fit quando est trans Solem, rotundus videtur, unde & Sphæricum ejus esse corpus, & opacum, alienâque luce splendere existimatur. Similia de Venere à Recentioribus traduntur. Sed cùm à Sole remotior sit, faciliùs cernitur, variæque ejus phasès; atque universus motus distinctiùs observantur.

4. Tertius Planeta est Terra nostra, circa quam minor rapitur Planeta, quem Lunam vocamus. Terram loco Solis moveri existimant Copernicani, ideòque quod de motu Solis antehac diximus, Terræ adscribendum est. Sed tria præterea, circa Terræ motum, sunt observanda; primum, Poles Terræ Polis Cœli perpetuò esse obversos; secundum, intra viginti quatuor horas ab Occasu in Ortum eam circa centrum, atque axem suum moveri; tertium, intra trecentos sexaginta quinque dies, quinque horas, & minuta propè quadraginta novem, duodecim Zodiaci signa ab ea obiri.

5. Postquàm Terram contemplati sumus, esset aliquid dicendum de Luna, sed quia hîc generaliter Mundanum Systema explicamus, ejus descriptionem in alium locum rejiciemus. Satis erit monuisse eam instar terræ reliquorûmque Planetarum, solidam & opacam credi, lucemque ejus nihil præter solarium radiorum reflexionem haberi.

6. De tribus reliquis Planetis, postea agemus. Observandum dumtaxat circa Jovem quatuor minores, telescopii beneficio, deprehendi Planetas, qui circa eum volvuntur; circa Saturnum, quinque, præter anfas, aut anfarum speciem, quæ ei adnexæ videntur. Si Veteres hæc observassent, Sphærarum numerus, non sine gravi incommodo, illis fuisset augendus.

7. Non mirum est, ex hujus Hypothesæ principiis, Martem majorem & lucidiorem apparere, quando Soli proximus cernitur, quia id ejus Hemisphærium, quod à Sole illustratur, melius nobis obversum est. Ad latera verò Solis, non rotundus prorsus, sed gibbosus est, quia id Hemisphærium nonnihil ex parte nobis obvertitur. Hoc tamen in Jove & Saturno non observamus discrimen phasæon, propter distantiam eorum multò majorem; quâ fit ut, quocumque in loco sint cœli, Hemisphærium integrum quod Sol illustrat, aut ferè integrum à nobis cernatur.

8. *Cometæ*, ab hujusce Hypothesæ patronis, ingentia corpora, Planetarum instar, habentur quæ se vortici Solis immergunt, eum postea relicturi. Ignorantur quidem leges eorum motûs, at hoc constat à spatiis immensis, quæ sunt supra Saturnum, liberè eos quaquaversum moveri; seu inferiùs ad Solem descendant, seu hinc rursus adscendentes conspectum nostrum fugiant. Atque hac in re haud paullò melior est eorum Hypothesis, qui cœlos fluidos, seu ingens illud spatium quod à Sole ad stellas fixas porrigitur esse instar aëris, aut subtiliore materiâ plenum existimant.

18      P H Y S I C Æ   L I B. I.

9. Denique seu Sol, seu Terra videatur moveri, stellas fixas eodem modo oriri & occidere necesse est; quia nobis navigantibus, ut ita dicam, inter Solem & Stellas non tam navis in qua sumus, quàm corpora quæ circumquaque prospectui nostro se se offerunt, videntur moveri. Stellæ etiam Polares semper esse supra Horizontem debent utrique Hemisphærio, quod constanter eam partem cœli respicit.

10. Ceterùm Copernicus spatium, quod à Saturno ad stellas fixas porrigitur, immensum pænè esse statuit. Circulus quem Terra intra annum circa Solem describit, secundùm ejus Hypothesin, quamvis *Orbis Magnus*, vocitetur, punctum est, si cum immensa Firmamenti extensione conferatur. Stellæ præterea Copernicanis totidem sunt Soles, qui, ob immanem illam distantiam, exiguè nobis videntur. Neque sunt æquè vicinæ, sed aliis aliæ remotiores, hîc illic sine ordine sparsæ, per immensa fluidæ materiæ spatia; in quibus singulæ circa se habent, quæ solent ab iis *Vortices* appellari.

11. Quamvis hæc facilia sint intellectu, & potissima sit, in figura hujusce Systematis, mutatio sita, in eo quòd ubi Sol est, ibi debeat intelligi Terra, & Sphæræ Crystallinæ cum primo Mobili abjiciendæ sint; attamen ut sine ullo conatu animi intelligantur à tironibus, schema subjiciemus Copernicanum. \*

12. Ut Copernicani varia objiciunt Ptolemæicis; ita hi haud minore nisu Copernicanum Systema evertere conati sunt; statim ac in vulgus editum fuit. Præcipuas horum objectiones paucis referemus.

\* Vide Fig. III.:

mus, ut Copernicanas paucas contra Ptolemaicum recensuimus. Si objectionibus satisfacere queant Copernicani, dubitari nequit quin eorum Systema commodius sit & simplicius, adeoque multò felicìus inventum, quàm Ptolemaicum; quod nunc non nisi à pertinacibus seriò defendi potest.

13. Solent ergo Ptolemaici objicere I. sensuum testimonio repugnare Copernicanam Hypothesin, cùm Solem & reliqua Astra circa nos moveri cernamus. Verùm exemplo navis, quo jam obiter usu sumus, apparet nihil interesse ut Astra videantur moveri, Terrane, an illa moveantur; quandoquidem portu prove-

— *terraeque, urbesque recedunt.*

Atque hoc in negotio, tria præterea impediunt quominus Terræ motum animadvertamus. Primum est Terræ magnitudo nostro corpori collata, quæ obstat quominus magnam ejus partem simul videre queamus, ac motum ejus deprehendere. Secundum est siderum immotorum, Solis, nempe, & Stellarum immensa distantia, quæ etiam fit, ut haud ita facilè Terrane an Stellæ moveantur animadvertamus. Tertium est quod in hac Terra natis & educatis ex ea egredi non liceat, ut possit à nobis è longinquo spectari, atque ex loco immoto, quod fit ab iis qui navigant. Certè si quis in navi natus & educatus aliquamdiu esset, nec destitisset interea navis littora regionis cujuspiam legere, littora ipsa moveri existimaret; nec ab errore suo posset revocari, nisi exscensione factâ. Itaque mirum non est si Terram quiescere, cetera moveri ju-

## 20 P H Y S I C Æ L I B. I.

judicemus; imò mirabilius esset si contrarium nobis videretur, nisi validissimis rationibus adductis.

II. Objiçunt Ptolemaici, nisi terra in Centro statuatur mundi, integrum cœli Hemisphærium nobis non appariturum, quod Experientiæ contrarium est. Verùm hæc objectio locum habere posset, si Orbis Magni circumferentia haud multum à Stellis fixis abesset. Quo posito, stellas, vertici nostro imminentes, propiores judicaremus iis quæ non sunt procul ab Horizonte; sed in tanta distantia, discrimen semidiametri Orbis Magni, aut etiam multò majus pro nihilo habetur.

III. Quidam ridiculum esse censent terram moveri, in medio cœlo, cum reliquis Planetis; cum sit infimum elementorum, quod ima petiit. Verùm illa Elementorum Empedoclea dispositio non usque adeò comperta est, ut sine probatione adsumi queat. Imò meram conjecturam esse, inanibus rationibus nixam, Libro V. ostendimus. Si in aliquo aliorum Planetarum sedes haberemus, idem de eo Planeta sentiremus, quod nunc de Terra nostra sentimus. Nos credere-mus in infima mundi parte positos, & Terram hanc coeleste esse corpus, quod inter Stellas versaretur.

IV. Ex Copernicana Hypothesi sequi objiçunt Solem esse quavis Stellâ fixâ conspicuâ minorem; nam si totus Orbis Magnus, qui instar puncti est, præ distantia Fixarum, illinc præ tenuitate videri non possit; longè minùs Sol, qui Orbis Magni centrum est, poterit conspici; adeoque quavis Stella conspicua minor erit. Quam-

vis

vis Solem quavis Fixâ minorem esse concederent Copernicani, nullum inde eorum Systema patere-  
retur detrimentum; neque enim Solem Stellis  
alia de ratione præferimus, nisi quia maiorem  
nobis præstat usum, quæ ratio ad ceteras partes  
mundi, ad aut eorum incolas, si qui sunt, ni-  
hil adtinet. Sol etiam quamvis admodum exilis,  
immensæ distantiae Stellarum fixarum collatus,  
statuatur, poterit inde cerni, propter igneam na-  
turam; quæ ejusmodi est ut radios in immensam  
distantiam vibret, uti lucernæ nocte splendentis  
exemplo satis liquet. Lucernæ enim flamma ita  
dilatatur, ut procul spectata major appareat,  
quàm revera est; fierique perinde potest, ut pau-  
culi radii, qui ex immensa distantia veniunt, Solis  
discum dilatent ita ut è Stellarum fixarum vortici-  
bus eum spectantibus appareat, ut à nobis Stellæ  
ipsæ cernuntur.

V. Philosophis, Veterum placita sequentis,  
Terræ corpori omnium gravissimo centrum  
mundi non assignari absonum videtur. Sed si  
voce *gravitas* nescio quam vim descendendi ad  
commune centrum intelligant, qui sciunt Terræ  
centrum esse totius rerum Universitatis cen-  
trum, cum hoc ipsum quærat? Secundò, unde  
illis constat Terræ maiorem vim inesse tendendi  
ad centrum, quàm aliis Planetis? Tertiò, omni-  
bus corporibus esse commune centrum, ad quod  
tendant, quis eis dixit? Circa Terram quidem &  
intra ejus *Atmosphæram*, hoc est, aliquot à Ter-  
ræ superficiei milliaribus id usu corporibus gravi-  
bus venire nobis constat. Sed si tota Terra cum  
Planetis conferatur non iis modò, qui sunt cir-  
ca Solem hunc nostrum, sed aliis fortè innume-  
ris

ris, qui in aliis Vorticibus versantur; Terræ centrum peti, potius quàm alius cujusvis Planetæ, nemo affirmare possit.

VI. Aiunt Ptolemaïci, vehementi illa Terræ circa axem suum conversione, partes ejus dissolutum iri, nosque ipsos vento perpetuo Aëris, intra quem Terra volveretur, vexatum iri. Respondent Copernicani ea quæ in orbem moventur (quod exemplo Fundæ probant) tendere ut à centro recedant, & ea quæ majorem vim ad recedendum à centro Terræ habent, alia magno impetu versùs id centrum repellere, & sic partes ejus contineri. Hoc illustratur ab iis, aliis etiam experimentis, quorum nonnulla à nobis proferentur, suis locis. Deinde fatentur, si motum inæquabilem & subsultibus plenum Telluri tribuerent, posse timeri dissolutionem ejus partium; sed motus hujusce nostri Planetæ, quantumvis velox, æquabilis tamen est & uniformis. Denique Aër, qui circa Terram positus ejus incumbit superficiei, unà cum illa rapitur, adedò ut ventum Telluris motui contrarium non efficiat, sed in eandem partem defluat. Hic verò defluxus, quia placidus & æquabilis est, à nobis, ad infantia ei adfuetis, non sentitur.

VII. Objiciunt etiam nullum corpus supernè demissum, ex altissima turri, aut ex prærupti montis specula, ad perpendiculum casurum, in locum subjectum, quia dum esset in Aëre, Terræ locus, cui imminet, interea in Ortum subduceretur; quod tamen Experientiæ contrarium est. Copernicani duo potissimum reponunt. Primum, ab aëre ipso, qui cum Ter-

ra rapitur in Ortum, lapidem, exempli causâ, qui, per aërem cadit, rapi. Secundùm, ipsam lapidem, antequàm projiciatur, habere motum communem versùs ortum, cum eo à quo projicitur totâque adeò Tellure, quem cadens etiam retinet.

VIII. Si Terra moveretur in Ortum, globus Bombardæ, inquiunt Ptolemaïci, in Occasum explosus longiùs emitti comperiretur; quia dum movetur in Occasum, unâ cum Terra in Ortum subducitur Bombarda. Sed Machina in Ortum explosa tantumdem motûs communis in eam partem habet, à Tellure, ac ipse globus; in Occasum verò emissus globus tantumdem amittit virium in contrario Terræ & Aëris motu, quantùm interea dum Aërem prætervolat recedit in Ortum Machina, è qua egressus est.

Similiter solvitur alia objectio eodem talo nixa, explosum globum in Austrum, vel Boream tantumdem aberraturum à Scopis, quantum Scopis, dum globus in aëre est, ad Ortum recessit. Dum, scilicet, Scopis ad Ortum defleat, eam etiam in partem globus declinat. Hoc unum inde sequitur, lineas, quæ à globo describuntur, quamvis rectæ videantur, curvas reverâ esse, quod non negant Ptolemaïci.

IX. Denique objicientibus, si Terra moveretur in Ortum, nubes, aves, aliâque in aëre suspensa semper in Occasum ferri visum iri; ex iisdem principiis satisfat, videri hoc non oportere; quia Aër non minùs quàm Terra in Ortum fertur. Spectandæ sunt aves, nubésque instar piscium, qui in Cupa aqua plena transferuntur, & qui præter



## 24      P H Y S I C Æ   L I B. I.

ter motus proprios, motu aquæ communi in eam partem, in quam fertur Cupa cum aqua, etiam moventur.

X. Qui vident ex Astronomia aut Physica factis firma argumenta non peti, contra Terræ motum, ii se ad Scripturæ auctoritatem conferunt; quæ, ubicumque de Terra, Sole & Luna loquitur, Soli & Lunæ reliquisque sideribus motum, Terræ quietem attribuit. Verum facilius huic argumento, quam prioribus satisfit, cum Scripturam constet de rebus, quæ ad res creditu aut factu necessarias non pertinent, more vulgi loqui, quod exemplis facillimè ostendi posset.

14. Attamen, tametsi propositis objectionibus haud ægrè à Copernicanis satisfit; superest gravissima difficultas, quæ an ab ullo enodari queat haud satis scio. Majores Planetas Copernicani circulos obliquos circa Solem describere, Parabolis aut Ellipsis similiores quam perfectis circulis volunt: ut & circa eos alios minores Planetas ferri contendunt. Majores Planetæ, & Terra potissimum, quæ nobis notior est, Polos suos semper Polis Cœli, seu Vorticis in quo sunt, obversos habent. Luna, quæ minor est Planeta, semper eandem faciem Terræ obvertit, nec circa axem suum, sed oscillatorio tantum motu, agitur; quam fortè legem observant etiam minores Planetæ, qui circa alios majores volvuntur. Utrique etiam & minores & majores certis temporibus, per certas orbitas delati, circuitus suos constanter absolvent. Intelligimus quidem aliquatenus ea quæ in orbem in medio fluido unâ moventur, se se in-

invicem premere, aded ut inferiora à superioribus & vice versâ coërceantur; sed quâ ratione eadem partes Planetarum semper easdem partes coeli respiciant, & Planetarum tanta corpora in fluido rapta semper, nec imminuto nec aucto motu, æquè à Sole remota sint, & paribus temporum spatiis circa eum ferantur, vix ac ne vix quidem intelligi potest; præsertim si consideremus non rarò Cometas altissimè in Vorticem nostrum immergi, & ab eo rursus emergere. Veteres Philosophi aut Animos, aut Deos Præsides, recentiores Peripatetici Angelos illis tribuerunt; alii Mechanicam vim, quâ agerentur, frustra indicare conati sunt.

15. Philosophorum ingenia eò usque jam pervenerunt, ut Planetarum statas Periodos, sitûsque inter se accuratè descripserint, magnitudinésque eorum & distantias crassiùs designarint; æt ulterius ad vim quâ aguntur & in certo situ continentur, penetrare nitentibus via defecit; ingénsque chasma, ut ita dicam & quod transilire non liceret, inter se & veritatem invenerunt. Cujus rei quædam in sequentibus exempla tradentur, quæ nondum attigimus.

16. Inventum est à *Tychone Brabeo*, celebri Astronomo Dano, tertium Systema, quod cum Copernicano æquiparandum non sit, ommitterimus. Ex *Petri Gassendi Astronomica Institutione*, aliisque cognosci poterit.

## C A P U T    I V.

*De dispositione & generatione cùm Vorticis nostri, tum aliorum, ex Cartesii potissimàm sententia.*

1. **A** Copernicanis Stellæ fixæ totidem haberi Soles, qualis hic noster est, nisi quiddam majores fortè, aut minores sint, in antecedente Capite diximus. Quod si ita se habeat, ut videtur, hæc summæ consideratæ rerum Universitatis facies erit. Ingentes flammarum aut fervidissimorum liquorum globi, sine ordine quidem coacervati, at inter se perpetuò eundem servantes situm, per immensâ & infinita fortè spacia, (neque enim in iis terminos ullos animo concipimus) sparsi circa se, quisque præ suis viribus, maximam materiæ fluidæ copiam in orbem agunt. In ea materia, variarum magnitudinum corpora opaca & *compositi* ætiores aut ampliores, prout à globorum igneorum centro magis aut minus absunt, circulos circa eos describunt; idque eâ constantiâ, ut situm & motum semper eundem obtineant, si ea corpora, quæ Cometæ dicuntur, excipias. Hæc enim accedunt ad globos illos igneos, quos Stellæ fixæ vocamus, atque ab iisdem incertis, aut saltem hæctenus ignotis legibus, recedunt.

2. Ut Veteres Philosophi, de Mundi generatione, multis disputarunt: ita & Recentiores,

res, quomodo creari potuerint ejuſmodi Vortices, quaſi fuerunt. Nec ſanè inutilis is eſſet labor, ſi modò inveniri hoc poſſet; etenim ex ratione Generationis Vorticum, colligeretur diſtantiarum Planetarum, eorūque motuum ratio. Indidem etiam, quare flammea illis ſint centra, & globi flammei in orbem circa axem ſuum agantur cognoscereamus. Ita qui machinæ cujuſpiam partes ſe junctas poſtmodum inter ſe aptari vidit, earum ~~motus~~, & omnes ejus effectus facile intelligit.

3. Inter eos, qui Vorticum generationem explicare tentarunt, eminet *R. Cartesius*, qui quamvis rem, prout conjicit, factam eſſe affirmare noluert; attamen iſdem legibus ſtare, quibus ſtaret, ſi res, ut dicitur, facta fuiſſet, credidit. Verum; hoc in negotio, à priori quidquam invenire, ita ut certo affirmari quaſi compertum poſſit, videtur eſſe ſupra vires humanas. Neque enim, ut in Præfatione Phyſicæ diximus, unica ſemper eſt eorundem effectuum cauſa; unde ſequitur quamvis cauſam, ex qua poſſent phænomena manare invenerimus; non ideo tamen hanc iſam eſſe, non aliam, ex qua fluant, affirmari poſſe. Attamen propter ſapientiam Viri, ſine dubio ingenioliſſimi, generationem Vorticum paucis, ex ejus principiis, trademus, & aliquot Adverſariorum ejus objectiones proponemus.

4. Immenſam extensionem quaquaverſum in infinitum potrectam, & ſolidam, ac quid ſentibus omnibus partibus poſit à Deo fuiſſe factam. Ei materia hîc illi motus varii indiſtincti ſunt, & cum omnibus plenis; motus per rectam lineam fieri non poſſet, necesse fuit partes quæ

movebantur in orbem; circa quædam centra, moveri. Eæ autem partes cum variarum essent figurarum, & pleraque angulis refertæ, non potuerunt juxta se invicem moveri; quin angulos vicissim sibi abraderent, & figuram pristinam exuerent, ac tandem rotundæ fierent. Has Cartesius vocavit *materiam secundæ elementæ*, ramentis verò angulorum, quæ omnis generis figuras obtinent, *primæ elementæ* nomen indidit. Cum autem primum elementum particulæ figurarum angulofarum, & irregularium constet, non mirum est si inter se rursus implicite crassiora corpora, quæ *tertium sunt elementum*, constituant.

5. Diximus cum, secundum Cartesium, omnia plena essent, motum non potuisse alium esse quam orbicularem. Constat autem omnia quæ in orbem moventur, à centro motûs sui conari recedere. Exemplo est funda, quæ si circumagatur lapide onusta, è circumagentis manu lapis magno conatu recedere nititur. Quando verò plura corpuscula liberè in medio fluido in orbem moventur, eorûmque motus æqualis non est; ea quæ maximum habent motum, pro ratione magnitudinis & soliditatis suæ, & figuram ei conservando aptissimam, maximè omnium à centro recedunt; neque id possunt facere, quin ea quæ minori cientur motu, versûs interiora circuli, quem describunt, depellant. Hoc præ oculis ponet experimentum facile; si, nempe, in vas album, & cujus fundum planum sit, unâ cum aqua injiciatur cera rubra in pulverem comminuta, deinde vas aut aqua circa ejus centrum unâ cum cera agitetur. Cera, quæ aquâ

aquâ solidior, majorem motum concipit & circa interiora vasis latera volvitur, dum vas vehementius circumagitur. Ubi verò vas non amplius agitur, cera quæ ob figuram partium angulosarum, citius quàm aqua, motum suum amittit, versùs interiora vasis ab aqua in orbem, adeò ut globulum circa centrum efficiat, brevi cogitur.

6. Similiter in Vorticibus, cùm variæ partes, quarum nec eadem est magnitudo nec soliditas, nec idem motus, in orbem agantur; aliæ aliis vehementius à centro communi, secundùm Cartesium, recedunt, à quibus aliæ ad interiora deturbantur. Cùm autem particulæ eæ, quibus anguli sunt motu abradi, motui sint aptiores & simul aliis solidiores, magis à centro recedunt quàm subtiliores, seu primi elementi particulæ; quæ omnes ad centrum confluunt, exceptis iis quas in globulorum interstitiis manere necesse est. Postquàm autem ad centrum, aut circa centrum pervenere, pergunt ibi motu circulari vehementissimo agi, nec inde recedere possunt, propter incumbentium secundi elementi particularum vim.

7. Hic possemus sententiam Cartesii de Luce, aliquot ejus erroribus liberatam, à viris Physices peritissimis tradere. Sed ne in copioso per se argumento, oriatur multitudo nimia rerum obscuritas, eam tractationem hic omitemus. Hoc unum monebimus, congerie illâ particularum primi elementi, circa Vorticum centra motarum, globos igneos, secundùm *Cartesium*, constare.

8. Cùm porro Vortices ingenti copiâ ab initio facti fuerint, alii aliis majores aut minores fuere. Præterea fieri potuit ut materiæ primi elementiparticulæ, quibus Stellæ constant, cùm variis præditæ sint irregularibus figuris, se invicem implicuerint atque in Stellarum extima ora veluti crustam quamdam confecerint; quæ incrassescens opaca facta fuerit, lucemque, quæ ex globo quaquaversum spargebatur, interceperit, imò paullatim motum interiorum particularum minuerit. Quo facto, remotiores etiam Vorticis partes lentius moveri cœperint, ac denique Vortex ille à vicinis, integrum suum motum retinentibus, totus exhaustus fuerit; ut fluviu lentius fluens à rapidiori, si in eum incidat, rapitur.

9. Ita destructo Vortice, Stellam incrustatam, unâ cum alterius materia, in orbem moveri necesse fuit. Si motus ejus celerior, pro soliditatis, figuræ & magnitudinis ratione, fuit motu particularum Vorticis quem ingressa erat, eam ad extremam ejus oram ire necesse fuit, atque inde tandem egredi, ut alii rursus immergeretur. Quo modo nascuntur, secundum Cartesium, Comætæ, qui varios pererrant Vortices. Si vero Stellæ incrustatæ motus ejusmodi fuit, ut vehementius à centro Vorticis quem subiit non recederent, quàm certæ Vorticis partes, cum iis in æquilibrio remansit, & circa centrum commune in perpetuum moveri perrexit. Hinc facti Planetæ, qui licet moveantur, tamen ab eo Vortice in quo sunt numquam abeunt; uti nec centro propiores fiunt, aut ab eo recedunt.

*De Universo in Genere. C. IV. 31*

10. Planetæ autem cum superficie asperiore, & præggrandia sint corpora, dum circumagantur, minores Vortices materiæ fluidæ circa se fecerunt; qualis hæc est, quæ circa nos porrigitur, *Atmosphæra*. Si in minores ejusmodi Vortices inciderint Stellæ minores-incrustatæ, & cum ejus partibus, in certa à centro distantia, in æquilibrio manere potuerint, hisce in locis hæserunt; unde nostra Luna, & Saturniæ, ac Joviales natæ sunt. Hæ nullos habent sibi peculiares Vortices, quia circa centrum suum non revolvuntur; quod de nostra constat, & de aliis admodum credibile est Lunis.

11. Quod autem circa centrum nostri Vorticis contigit id circa aliorum centra usu venisse, cum ejusdem naturæ sint, verisimile est. Quo concessò, plenam totius rerum Universalitatis imaginem animo contemplamur, qualem eam §. 1. descripsimus.

12. Quin hæc ingeniosa sit Hypothesis, & multis phænomenis pulchrè satisfaciât nemo in dubium revocet. Si de Stellis aliis, ut de Sole nostro, judicare licet, quin ea circiter sit Mundi dispositio, vix etiam quisquam inficiari sustineat. Verùm hoc inter duo hæc discrimen intercedit, quod posterius ex Vorticis nostri contemplatione colligatur; prius verò merè sit conjecturale, ut jam monuimus, & quibusdam difficultatibus vix solvendis, quarum aliquot in medium proferemus, laboraret.

13. I. Motus particularum materiæ, licet circularis, intelligi nequit, si omnia cum Cartesio solidâ materiâ plena statuamus. Nam ne-



## 32 P H Y S I C Æ L I B. I.

cessariò partes quæ à se invicem divelluntur, primo quo recedunt momento, aliquid spatii inter se relinquunt oportet, alioqui divisæ non essent. In id autem spatium quid potest fluere, cum nulla initio ponatur materia fluida? Si nihil autem statim flueret, positio falsa esset, cum spatium sine materia existere intelligeretur. Hac de re plura in Capite de *Vacuo* Lib. V. dicemus,

II. Quandoquidem, ubi plures particule materiæ circa idem centrum moventur, eæ quarum est motus minor, & figura ad eum tuendum ineptior, minorem vim habent ad recedendum à centro; contrà verò quarum motus est major, figuræque ad eum servandum aptior, eæ magis à centro abeunt, & versùs illud alias deturbant; cum, inquiunt Cartesii adversarii, hoc ita se habeat, si ei credimus, particulas primi & secundi elementi, quæ commotiores, & motui aptiores sunt, quàm eæ quibus tertium constat, ad extima Vorticis fermi necesse esset, dum materia tertii magnâ vi centrum peteret, nam & minùs motam, & motui ineptiorem eam esse fatetur Cartesius & res ipsa clamat. Hoc autem si fieret, everteretur tota Cartesii Hypothesis, nec qua ratione Planetæ loca sua tueri possent intelligeremus.

III. Vortex, qui nunc peculiaris Terræ est, aut idem quem habuit cum ignea adhuc esset, aut novus censeretur debet. Non potest esse pristinus, secundùm *Cartesium*, quia, ut antè diximus, eum absorberi censet, ubi incrustata Stella alii Vortici immergitur. Igitur novum esse

esse fatetur. At hoc posito, materia illa fluida, quæ circa Terram rapitur, aut à Terra in orbem movetur, aut ipsa Terram movet. At nemo ostenderit quâ ratione Terra tantum sibi facere Vorticem potuerit, ut materia circa eam contorta in ea distantia, in qua est Luna, ubi circulus quem materia describit est 28. vicibus eo major est qui ab extremis Terræ partibus describitur, tantum corpus quantum est Luna adedò constanter rapiat, ut semper, intra eundem dierum ambitum, circa Terram agatur. Si dicatur Terra à materia ipsa fluida circumagi, quis poterit capere eam materiam, quæ intra viginti quatuor horas Terram circa axem verti cogit, tamdiu eandem vim servare, nec ejus peculiarem motum à motu communi majoris Vorticis particularum unquam turbari? Quis dixerit quare materia fluida magni Vorticis, quæ in eo loco, in quo suspensa est Terra, intra annum circa Solem rapitur, Vorticem illum minorem, cujus motus ei partim contrarius est, non absorbeat, quemadmodum pristinum Terræ Vorticem hausit? Hoc ut melius intelligatur Schema supponimus majoris & minoris Vorticis. \*

Materia majoris Vorticis, notata litteris ACB, movetur ab A versùs B per C. Materia verò minoris, notata litteris DFEG, movetur à D ad G, per FE, unde redit ad D & sic porrò constanter gyrat. Quando autem arcum circuli describit, qui est ab E ad G & D, manifestum est eam ferri motu contrario motui materiæ majoris Vorticis, quæ ab A ad B per

B f

G ten-

## 34 P H Y S I C A E L I B. I.

G. tendit. Quomodo autem minor vortex cum motum tueri possit, in partibus adeò à Terra remotis, an quisquam intelligere queat nescio.

IV. Si Terræ Vortex à majori Vortice, ut voluit Cartesius, raperetur, ubi Terra esset in eo loco quo particulae majoris Vorticis celerius fluunt, celerius etiam progredieretur; quod tamen Astronomicis observationibus, ut in Capite de *Planetis* ostendemus, contrarium est.

14. Alia plurima *Cartesio* obijciuntur, præsertim ab iis qui ei alioqui studio partium infensi non sunt, quæ solvi non posse videntur. Sed ea, brevitatis causâ, prætermitemus. Attamen, ut jam diximus, nihil ingeniosius excogitari hætenus circa hoc negotium potuit, & ed tandem devenere præstantissimi Physici, ut  $\tau$  *Φαυροπρίων* ordinem & vices, potius quàm causas, sibi observanda duxerint.

## C A P U T V.

### De Sole.

1. **D**E Sole acturis, si qua esset Ptolemaïco Systemati verisimilitudo, ab ejus Astri ordiendum esset motu. Sed cum Veterum, potius quàm Recentiorum, stare necesse non habeamus conjecturis, nisi commodiores sint; hic simplicius Copernicanum Systema sequuti, Terræque Planetarum numero adscriptâ, de Terræ motu dicemus postea, quæ illi de Solis Periodo dicere solent.

2. An-

2. Ante omnia, Solis naturam investigandam sibi sumere Physici. Veteres nonnulli, præsertim Peripatetici, eum constare aiunt nescio quâ Essentiâ, quam *quintam* vocant, & quæ neque est terra, neque aqua, neque ignis, neque ær, neque ex horum mistione constat. Verùm ut illi, sine necessitate, ignotam materiam fingunt: ita nos eam conjecturam admittere non cogimur.

3. Si conferamus Solem cum Corporibus nobis notis, nullum inveniemus quod ei adsimilare possimus, præter flammam, aut metallum quodpiam liquefactum; ut enim hæc lucida sunt, calefaciuntque & urunt. Sic Sol luce suâ Vorticem in quo est illustrat, omnia calefacit, & ad perpendicularum incidens pænè urit; sed potissimos & vehementissimos ignis effectus edit, si speculo concavo ejus radii colligantur; tunc enim quæ radiis collectis opponuntur in cineres, aut in calcem redigit, vel liquefacit. Quod cum ita sit, quare igni, aut metallo liquefacto similis non credatur, nulla ratio est. Ad hæc rationes accedit distinctior, ope Telescopii, cujus vitrum est fumo infuscatum, aut carbaso tenuiori involutum, conspectus. Tum enim quasi mare igneum, aut metallicum, metallo liquido & fervido constans & vehementissimo motu agitaturn cernitur.

4. Malim, ob rationes \* postea profertendas, metallicum statuere Solem, seu quasi metallum longè solidissimum liquefactum, quod scorias qualdam subinde egerat, quæ instar macularum cernantur. Qua in re, observandum

B 6

veluti

\* Vide Cap. VI, 12. & seqq.

### 36 P H Y S I C Æ L I B. I.

veluti metalla nostra densitate multum superat, ita etiam liquoris illius motum majorem esse, quam est motus particularum metallorum nostrorum, liquefactorum. Is autem motus tamdiu durabit, quamdiu volet is qui eum illi materię primũ indidit, quod nobis est prorsus ignotum.

5. Postquã eam esse Solis naturam ostendimus, non alienum esset ab hoc loco de Luce agere. Sed quia alia sunt prater Solem lucida, & multa quę hĩc investigemus, pleniorẽ de Luce tractationem in alium locum rejiciemus.

6. *Galileus Galilei*, celebris Mathematicus, Florentinus anno MDCX, cũ Mathesin in Patavina Academia doceret, paullò post inventum Telescopiorum usum, in Sole animadvertit, quod omnibus sæculis antea latuerat. Solis lucem immutabilem prorsus, naturamque ejus, ut & cœli, sine variatione ulla, semper eandem crediderant Peripatetici. Sed Sole Telescopii beneficio inspecto, animadvertit maculas, in ejus superficie nasci augerque paullatim & dissipari. Eas verò unã cum ceterã Solis materiã circa eum, intra viginti sex dierum spatium, aut circiter agi vidit. Hinc collegere Physici, olim multò citius, quã par fuerat, cũ res satis oculis resciri non posset, nec dum inventa essent, quibus adjuvarentur, instrumenta, Cœli materiam immutabilem esse judicatam. Indidem etiam ratio quare interdum, serenissimã tempestate, sub pallidus esset Sol, cognita est. Nempe, maculis solito majoribus radiorum ejus pars aliqua interceptur. Hęc & plura ipse *Galileus*, in Italico li-

bro in scripto: *Demonstratio Macularum Solarium*, persequutus est.

7. Conati sunt etiam Astronomi Solis veram magnitudinem, ejusque à nobis distantiam invenire. Nemo enim Astronomiæ non prorsus imperitus negarit in tanta distantia Solis, ejus discum tantum non videri quantus est. Non possumus in hoc Opusculo observationes, quibus nituntur, referre. Satis erit quid ex calculis collegerint, dixisse.

8. Diameter Solis mediocris apparens est ferè 32'. 12". Vera autem tanta est ut Telluris diameter ei collata, ex *Cb. Huygenii* calculo, sit instar 1. ad 111. Telluris autem Diameter est, ex calculo *P. Gassendi* 8354 milliarium Italicorum, ex Recentiorum verò 7846. Quo posito, facile est conjicere non exiguà distantia nostram Terram ab eo esse remotam, è qua tam immanis moles tantilla cernitur. Itaque *Philippus Lansbergius* medioerem Solis à Terra distantiam judicat esse 1498. semidiametrorum Terræ. *Dom. Cassinus* 11000 diametris Telluris eam à Sole distare censet, *Huygenius* 12000. qua de re vide Lib. II. *Cosmotheori*. Exillimat, si globus tormento excussus pari celeritate semper ferretur, ferè annos 25. absumentur eum à Terra ad Solem. Nos, qui hæc crassius delineamus, diutius huic negotio immorari non patitur nostrum institutum. Nec interest multum utrum, in tanta distantia, milliarium centuriis aliquot à se invicem, aut à verò discrepent Astronomi.

9. De Eclipsi. Solis superest, ut agamus, quamvis posset ad Caput de Terra rejici; quandoquidem in Terra est, non in Sole, quidquid mutationis hinc sit; ut statim videbimus.

Hic ante omnia recordandum est Planetas, cum minores, tum majores; opacos esse, quod superius etiam diximus, & de Luna oculorum Telescopio adjutorum, imò & solorum satis constat testimonio.

10. Dum autem Luna circa Terram rapitur, semel unoquoque Mense inter nos & Solem sita est, adeò ut si directè inter spectantium oculos & Solem posita sit, radios ejus eo in loco intercipiat; quo tempore *Sol* Eclipsin pati dicitur; cum *Terra* radiis Solaribus destituatur, & propriè loquendo *ἐκλείπας* dici deberet. Eclipses tantum eveniunt tempore Novilunii, quando Luna, ut loquuntur Astronomi, *Soli conjuncta est*, quia eo dumtaxat temporis articulo inter Solem & Terram præterit. Non sunt tamen in quovis Novilunio Eclipses, quia Lunæ orbita non semper ita inter utrumque interjacet, ut ducta è Terra versùs Solem linea recta, quemadmodum ad pariendam Eclipsin necesse est, in Lunæ corpus incidat. Ad Boream, aut ad Austrum declinat; quâ declinatione posita, Solis radii ad nos sine impedimento perveniunt. Is est Solis & Lunæ situs, qui postulat ad Eclipsin, in aliquâ Telluris parte creandam, quando Luna est in eodem *Nodo* ac Sol, aut admodum vicina. Itaque, ad nostrum Hemisphærium quod attinet, Eclipsin tunc Sol patitur, quando est simul cum Luna in Capite vel Cauda Draconis. Dum sunt ex Asterismi hujus regione, non semper quidem in eadem, sed semper in aliqua Hemisphærii nostri parte cernitur Eclipsis Solis.

11. Alia autem est Eclipsis *totalis*, alia *partialis*. *Partialem* vocamus; cum pars disci Solaris Lunæ corpore absconditur. *Totalem*, ubi totus Solis discus latet. Cum Luna Terrâ minor, Terra verò Soli ratione disci collata, fit instar I. ad III. attamen *totalis* potest esse Solis Eclipsis, quia Solis à nobis remotissimi discum apparentem Lunæ discus multò propior exæquat.

12. Sed ejusmodi Eclipsis *totalis* vix diuturna esse potest, & rarior est. Luna enim in ortum, Solem inter & Terram, delata, statim ac limbo suo orientali limbum orientalem, totoque suo corpore totum Solis corpus obtexit, occidentalem Solis limbum occidentali suo deserere, adeoque solaribus radiis liberum ad nos trajectory præbere continuè incipit. Deinde cum haud frequenter Luna adeò directè Soli sese jungat, præterea evenit ut discus Lunæ apparens, cum est in Apogeo, seu à Terra, remotissimo loco, minor sit Solari apparente disco; unde fit ut quando linea recta è loco in quo Eclipsis Solis apparet per Lunæ & Solis centrum ducta tranfit, circumquaque appareat limbus Solis, quem non occultat Luna; quæ tunc temporis, instar maculæ, per Solem transire videtur.

13. Etiamfi autem *totalis* Eclipsis Solis, ut diximus, brevissimo tempore durat; dum, nimirum, totum discum Solis Luna operit, propter rationem allatam; attamen potest inter initium, & finem Eclipses ejusmodi elabi circiter bihorium. Cum enim Lunâ singulis horis circiter gradum dimidium conficiat, quo haud mul-



## 40 P H Y S I C A E L I B. I.

multò major est Solis diameter, ex quo limbo suo orientali Luna Solis occidentalem adsecuta est, paullò plus quàm hora absumatur necesse est priusquàm ad orientalem Solis limbum perveniat; similéque tempus postulatur ut totus Lunæ discus ante Solis discum transeat, Solisque integrum corpus ex ejus umbra emergat, quo tempore Eclipsi finis imponitur.

14. Hæc, ut alia, crassiori Minervâ descripta, ex Institutionibus Astronomicis accuratius cognosci poterunt.

## C A P U T V I.

### *De iis qua sunt communia Planetis.*

1. **V**aria Planetis communia, ab Astronomis observata sunt, quorum nos potissima quæque, omisâ, brevitatis causâ, subtiliøre indagatione, hîc delibabimus.

2. I. Cùm Planetæ *modò majores, modò minores* apparerent, vetres Astronomi credidere aliquando eos esse propiores, aliquando remotiores, unde collegere *ἄρξια & ἀπὸρξια*; quorum prius significat locum Epicycli Terræ proximum, alterum verò remotissimum. Idem in Luna Recentiores agnoscunt; cùm eam Ellipsin circa Terram describere censeant, & quando est in minoris Axis Ellipseos extremitatibus, propiorem eam esse Terræ necesse sit. Ad Solem quod attinet, cùm circa eum ipsa Terra, quam Luna comitatur, Ellipsin describat; quando etiâ extrema minoris Axis Ellipseos attingit, Solem, ut pote propiorem, majorem videmus. Contrâ minor  
ap-

apparet, cum Terra est in majoris Axis extremis.

3. Non eadem quidem est ratio aliorum Planetarum, respectu Terræ, nam licet Elliptico etiam motu agantur, Ellipseus umbilicus non in Terra est, sed in Sole. Remotiores tamen sunt à Terra, cum trans Solem versantur, propiores cum sunt aut inter Terram & Solem, ut Mercurius & Venus, aut inter Terram & extremam Vorticis nostri oram, ut Mars, Jupiter & Saturnus. Hæc intelligentur, conjectis in Schema Copernicani Systematis oculis. Sed sunt quædam, circa quinque horum Planetarum Phases observanda, quæ Cap. III. paucis indicata non repetemus. Obiter addemus Copernicanos ἀνὰ τὴν ἀποχὴν & περιχὴν, quæ in sola Luna agnoscunt, ἀφ' ἧς & περι' ἧς excogitasse, eaque vocabula, ubi de Terra & quinque majoribus reliquis Planetis loquuntur, adhibere.

4. II. Quærentibus quare Planetæ nunc celerius, nunc tardius videantur moveri? respondebant Veteres eos in Epicyclis & Eccentricis suis æquabiliter moveri, sed inæqualitatem videri esse aliquam nobis, qui ex alieno centro motum eorum spectamus. At difficilius & operosius rem explicabant. Recentiores verò, qui Copernicanam Hypothesin sequuntur, & æquabilem motum agnoscunt, & facilius multò rem expediunt, cum tota ex comparatione motus Terræ & Planetarum pendeat. Si è Sole spectarentur singuli Planetæ, semper æquali motu agi cernerentur, sed cum nos unà cum iis circa Solem rapiamur, pro situ Telluris eos celerius aut

## 42 P H Y S I C Æ L I B. I.

aut tardiùs adsequentis, vel antecedentis, motus diversus esse videtur. Adsequi porrò dicitur Terra Planetam quando eò pervenit, ubi est è regione ejusdem Asterismi ac Planeta, quo in situ, pro varietate sitûs utriusque inter se, diutiùs aut breviori tempore manet.

5. Indidem quare Planetæ nunc *Stationarii*, hoc est, quasi in eodem loco manentes; nunc, *Directi*, seu secundùm ordinem signorum Zodiaci procedentes; nunc denique *Retrogradi*, seu retrorsum ferri videantur intelligimus. Nam illi quidem semper in eandem partem, & secundùm eundem signorum ordinem rapiuntur æquè celeriter; sed quando Terra per aliquot dies ita movetur, ut easdem Stellas ac Planetæ directè adspiciat, illi stare videntur. Deinde Venus & Mercurius, qui interiori gyro circa Solem volvuntur, celeriusque proinde Periodos suas conficiunt, ire ac redire inter nos & ipsum videntur, dum circa idem centrum lentius circumvolvimur. Denique Mars, Jupiter ac Saturnus, inter quos & Solem celerius progredimur, retrogredi quasi cernuntur, cùm Terra eos antevertit, & directo cursu ferri cùm antecedunt; ita ut dum progredimur videantur è regione esse sequentium Fixarum, è quarum regione nondum sumus.

6. Planetarum numero exemimus hîc Lunam ac Solem, quia hic quidem in medio stat immotus, respectu saltem Planetarum, illa verò non numeratur inter majores Planetas, de quibus tantùm §. 4. verba fecimus. De Sole & Luna hîc observandum, cùm ceteri retrogrediantur, & stent prout nobis videtur, cos nihil tale pati; quia Luna,

na, quacumque in Zodiaci parte simus, circa Terram capitan; Sol vero, circa quem volvitur, in consequentia semper ire videatur necesse est.

7. III. Suprà Cap. III. ostendimus causam æquabilis Planetarum, constantisque motus, iisdem partibus Vorticis nostri Polis obversis manentibus, difficilem esse intellectu. Hic autem addemus Demonstrationem, quæ constet Planetas à Vorticis materia non rapi, quod Schemate & ratiocinatione sequenti probavit *Is. Newtonus*. \*, „ † Designant A, D, BE, CF, „ orbes tres circa Solem si descriptos, quorum extimus circulus CF sit Soli concentricus, & interiorum duorum Aphelia sint A, „ B, Perihelia D, E. Corpus quod volvetur „ in orbe CF, radio ad Solem ducto areas temporibus proportionales describendo, æquabili motu agatur. Corpus verò quod volvetur in orbe BE tardius movebitur in Aphelio B, & velocius in Perihelio E, secundum „ leges Astronomicas; cum tamen, ex legibus „ Mechanicis, materia Vorticis in spatio angustiore inter A & C velocius moveri debeat, „ quàm in spatio latiore inter D & F; hoc est, „ in Aphelio velocius quàm in Perihelio. Quæ „ repugnant. Sic in principio signi Virginis, „ ubi est Aphelium Martis, distantia inter orbem Martis & Veneris est ad distantiam eorundem orbium, in principio signi Piscium, „ ut tria ad duo circiter, ac proinde materia Vorticis inter orbem illos in principio Piscium „ debet esse velocior quàm in principio Virginis.

in 4

\* *Philos. Nat. Principia Mathem. p. 399.* † *Vide E. V.*

#### 44 P H Y S I C Æ L I B. I.

„in ratione trium ad duo. Nam quo an  
 „stius est spatium, per quod eadem mate  
 „quantitas, eodem revolutionis unius tempe  
 „transit, eo majori cum velocitate transire del  
 „Igitur si Terra à materiâ coelesti deferretur, e  
 „Terræ velocitas, in principio Piscium, ad e  
 „dem velocitatem, in principio Virginis, in  
 „tione sesquialtera. Unde Solis motus di  
 „nus apparens in principio Virginis major  
 „set, septuaginta minutis primis, & in prin  
 „pio Piscium minor quadraginta octo; cum  
 „men, experientiâ teste, apparens Solis mo  
 „major sit in principio Piscium, quàm  
 „principio Virginis, & propterea Terra ve  
 „cior.

8. Hinc colligit vir acutissimus Hypoth  
 Vorticum, Planetas in iis motos secum rapi  
 tium, cum Phænomenis Astronomicis pug  
 re; nec tam ad motus coelestes explicand  
 quàm perturbandos, conducere. Attar  
 difficillimum est intellectu, quomodo mat  
 fluida, quæ circa Solem rapitur, Planetas  
 eo fluentes nullo modo afficiat, nec ab iis  
 ciatur.

9. Idem ultimo Libro Operis sui de *Princi  
 Physica Mathematicis*, Mundi Systema tradi  
 in quo plurima egregia de Planetis ex prob  
 in prioribus Libris, vel ex Hypothesibus de  
 cit. Aliquot ejus feligemus Propositiones, q  
 rum fundamenta apud Auctorem, à Mat  
 maticarum Disciplinarum. peritis, quæri po  
 runt.

10. Ostendit ergo inter alia I. Vim quâ I  
 nectæ majores aut minores perpetuò retrahit

tur à motibus rectilineis, & in orbibus suis retinentur, quæcumque tandem ea sit (quod non definit) pertinere ad centra aut Solis aut Planetarum majorum, circa quos volvuntur, & esse reciproce, ut distantias ab eorum centro.

11. II. Lunam *gravitare* in Terram, hoc est ei incumbere, Planetas Joviales in Jovem, Saturnios in Saturnum, majores omnes in Solem, vi gravitatis suæ eos retrahi semper à motibus rectilineis, & in orbibus curvilineis retineri. Phænomena minorum & majorum Planetarum, cum sint eadem, à causis ejusdem generis pendere videntur. Vires à quibus eorum revolutiones pendent ad earumdem revolutionum centra pertinent; à quibus dum recedunt, hæ vires minuuntur, eadem ratione ac gravitatis vis recedendo à Terra minuitur; quod ille demonstrat, & de quo in Lib. V. agemus, ubi de *Gravitate* sermo erit.

12. III. Corpora omnia in Planetas singulos *gravitare*, & pondera eorum in eundem quemvis Planetam, paribus distantis à centro Planetæ, proportionalia esse copię materiæ, in singulis. Quod cum circa unumquemque Planetam fiat, Planetæ omnes simul sumti idem circa Solem faciunt; superiores inferioribus incumbunt, omnes Soli, copię materiæ proportionem servatâ.

13. IV. Si Globorum duorum in se mutuo *gravitantium* materia undequaque, in regionibus quæ à centro æqualiter distent, homogenea sit; pondus Globi alterutrius in alterum reciproce ut distantias inter centra, futurum.

Hinc

luo diametros ad Æquatorem augeat oportet; axis verò, à Polis recedens, longitudinem minuat. Sic Jovis diametrum, ex peritiffimorum Astronomorum observatione, breviorẽ inter Polos quàm ab Oriente in Occidentem effe conftat. Nifi etiam Terra noſtra altior eſſet ſub Æquatore quàm ad Polos, maria ad Polos exhaurirentur, & ad Æquatoreẽ progreſſa ibi omnia inundarent. Verum hac de re, ſuo loco.

## C A P U T VII.

*De Mercurio & Venere.*

1. **P**oſtquàm hæc, quæ ad omnes Planetas pertinent, obſervavimus, de ſingulis paulò diſtinctiùs agendum. Initium ab inferioribus Planetis, ſeu Soli proximis faciemus, & primum quidem Mercurii & Veneris phænomena communia, deinde quæ ſint utrique propria pauca ſtrademus.

2. Primum, ita ſiti ſunt, ut interdum inter Solem & Terram ſint; numquam verò Terra inter eos & Solem intercipiatur. Si quando hoc poſterius accideret, Eclipſin, inſtar Lunæ, dum in umbra Terræ laterent, paterentur, quod numquam fit. Deinde non animadverterentur, inter nos & Solem, ſtatis temporibus, tranſire, inſtar Macularum, quæ per ejus diſcum ab Occaſu in Ortum feruntur; quia cùm ſint Terræ & Soli poſtiſſimum multò minores, multum abeſt ut ejus diſcum integrum obtegere queant.

*De Universo in Genere. C. VII. 49*

3. Secundò, quando ultra Solem sunt, integros eorum discos lucentes videmus; ad dextram aut sinistram Solis, discorum dimidia tantùm pars illustratur; cis Solem verò, ubi non sunt omnino inter Solem & nos, aded ut linea recta ducta è centro Terræ per eorum centra transeat, corniculati apparent. Hinc, ut jam antea diximus, eos non lucere luce propriâ manifestò colligimus; quoniam ed lucidiores nobis videntur, quò distinctiùs & plenius videmus id eorum Hemisphærium, quod Soli obversum est. Ceterùm hæc discrimina, in hisce Planetis, solis oculis non cernuntur, propter spuriam quamdam lucem, quæ eos, ut lucida omnia noctu spectata, oculis æquo majores offert. Sed Telescopio, quò circumcitur ea lux, differentiæ illæ distinctè deprehenduntur.

4. Quamvis facile sit intellectu, quare hæc discrimina lucis sint in corporibus opacis circa Solem, propius quàm Terra, motis, rem tamen hoc schemate oculis subjiçimus. Quod in hoc Schemate in Venere pingitur, idem censeri de Mercurio debet. \*

5. Verùm Mercurius hæc propria habet 1. quòd sit omnium Planetarum primariorum, seu qui propriâ circa Solem orbitâ rapiuntur, minimus: 2. quòd sit Soli proximus: 3. quòd proinde, intra minimum tempus, periodum suam absolvat: 4. quòd etiam sit densissimus.

6. Ejus semidiameter apparens, secundùm *Lansbergii* observationes, est unius minuti, vera autem partium  $\frac{1}{1600}$  quarum semidiameter Terræ est una. Ab eodem judicatur duodecies

*Tomus III.*

C

Ter-

\* Vide Fig. VI.



70 P H Y S I C Æ L I B. I.

Terrâ minor. Secundum eundem, media ejus à Terra distantia est diametrorum Telluris  $1498\frac{1}{2}$ , minima 821. At *Chr. Huygenius* in *Gosinotheo-*ro; censet diametrum Mercurii ad diametrum Solis esse ut 1. ad 290.

7. Cum autem minima Mercurii distantia à Terra sit, quando est inter Solem & nos, & mediocris quando est ad latera Solis, ut ex superiore Schemate liquet; non eadem est ratio distantie à Sole, quæ tunc est maxima, quando Mercurius est circa majorem Ellipseos axem; minima, quando circa minorem. Aded autem Soli vicinus est, ut plerumque in radiis solaribus abditus oculos nostros fugiat, quia non satis ab immensa illa luce digreditur. Ex Huygeniano calculo est circiter triplo propior Soli quam Tellus nostra, unde sequitur Solem è Mercurio spectatum triplo majorem esse diametri respectu, lucem verò & calorem ejus in eo Planeta noncuplo majores esse.

8. Hinc fit quoque, ut breviori multò tempore Periodum suam, circa Solem, absolvat. Quotidie 4 gradus, & minuta  $5\frac{1}{2}$  conficit, aded ut circiter intra 88 dies, seu tres fermè menses Soli circumagatur.

9. Ut Solis ardorem ferre possit Mercurii materia, oportet eam esse Terrâ multò densiorem, quod antea indicavimus. Ac sanè cum sit Planetarum omnium infimus, hoc est, qui altissimè in Vorticem demersus est, necesse est eum esse gravissimum, adeoque densissimum, seu materiam quâ constat pauciores & tenuiores poros habere; nam experientiâ constat quò pauciores pori & tenuiores sunt corporibus, vel quò majorem copiam homogeneæ materiæ intra minorem circum-

*De Universo in Genere. C. VII. 51*

differentiam habent, cò esse graviora corpora. Non constat autem quot horis circumagatur circa axem suum, & an obliquè secet Solis æquatorem; ut alii aliquot Planetæ.

10. Venus, quæ Mercurio paulò superior est, quædam etiam propria habet. Primum ejus semidiameter apparens in media à Terra distantia est 1 minuti & 30 secundorum; vera autem partium  $0,622$  quarum semidiameter Terræ est una; unde Venerem Terræ esse vicibus tribus cum dimidia minorem colligit *Lansbergius*. *Chr.* verò *Huygenius* docet Veneris diametrum collatam Solari diametro esse ut 1. ad 84. adeoque eam esse Terræ aliquanto majorem.

11. Secundò, aliquantò plus à Sole distat, quam Mercurius, ideoque haud difficulter cernitur, ubi ad latera Solis est. Cum tamen multò minus ab eo discedat quam Terra, atque alii Planetæ; antè ortum ejus, & post occasum proxima ei cernitur. Sol è Venere spectatus major videtur quam nobis diametro fescuplâ; orbe plusquam duplo, adeoque plus quam duplo major est calor illic, quam hic.

12. Tertio, Venus cursu suo circa Solem gradum 1 minuta 36 quotidie conficit, ac totam suam periodum intra dies circiter 225, seu menses septem eum semisse, absolvit. Quo tempore circa axem agatur, & quam obliquè Solis æquatorem secet non constat.

13. Cum denique Mercurium solidiorem esse oportere Terrâ, ut Solis ardorem ferre queat, viderimus, necesse est quoque Venerem, quanto Soli propior est, tanto Terrâ esse densiorem. Quod etiam hinc confirmatur, quod altius Vor-

52      P H Y S I C Æ   L I B. I.  
tici nostro immerfa sit; eadem ratione ac Mercurium omnium Planetarum densissimum esse oportere observavimus.

## C A P U T   V I I I .

### *De Terra & Luna.*

1. **M**ercurium & Venerem, qui singuli, sine comite, circa Solem rapiuntur, sequitur Terra, cum minore Planeta, qui circa eam agitur, nimirum, Luna. Hic de utroque summatim agemus, neque omnia consuetaria, quæ ex doctrina hæc deduci possunt, proponemus; de Terra & iis quæ circa Terram fiunt Lib. II. & V. fusius acturi.

2. Antè diximus Cap. V. §. 8. quantam esse Telluris Diametrum iudicaret *P. Gassendus*. Nunc paulò aliam mensuram, qualis ab aliquot annis à Mathematicis Gallis inita est, & quæ accuratior habetur, trademus. Invenerunt ergo mediocrem Semidiametrum Telluris esse pedum Parisiensium 19615800, hoc est, milliarium Italicorum 3923, posito, nempe, milliare esse mensuram 5000 pedum. Sic tota Diameter erit 7846 milliarium, minorque *Gassendi* supputatione 508 milliaribus.

3. *Mediocre* semidiametrum, modò dicebamus, quia, ut monuimus alibi, Terra non est proprius Sphærica, sed *oblongata*, qualem circiter figuram describeret Ellipsis circa minorem Axem acta, quod demonstravit *Is. Newtonus*, antehac laudatus, Lib. III. Propos. XIX. Hoc quo-

quoque ostendit *Christian. Huygenius*, in Dissertatione Gallica *de Causis Gravitatis*. Hujus ratiocinationem, quippe intellectu faciliorem, huc transferemus. Olim omnibus persuasum erat plumbum è filo pendens directè ad centrum terræ tendere. Constat tamen, sub Parisiensi Parallelo, plumbum declinare quinque minutis & 54 secundis. Si Terra autem esset planè Sphærica, hoc cùm in observationibus Astronomicis, tum in iis quæ Perpendiculî ope fiunt animadverteretur. Ut posteriores tantùm urgeamus, necesse esset lineam Normæ, ad Septentrionem, infra Horizontem demitti, si Terra esset planè rotunda, quod tamen non fit, unde necessariò Terram ad Septentrionem depressiorem esse, quàm versùs Æquatorem, colligere licet.

4. Hoc præsertim in mari evidenter observare est. Cùm descensus corporum gravium sit parallelus lineæ, seu filo plumbi suspensi; & superficies omnium liquidorum necessariò ita æquari oporteat ut ea linea seu filum perpendiculariter in eam incidat, ut ex Hydraulicis certissimum est, mare ubique filum plumbi suspensi, & descendentium omnium gravium lineam angulis rectis secat. Itaque necesse est massam Telluris *terraqueam*, ut à Philosophis vocatur, ad Septentrionem esse depressiorem. Idem autem judicium ferendum est de partibus Telluris, Meridiano Polo vicinioribus.

5. Videtur autem illa Telluris figura ex motu ejus dîurno ortum ducere. Nam cùm ab Occasu in Ortum juxta Æquatorem moveatur, eas partes quæ sunt sub Æquatore celerrimè omnium

moveri necesse est. Aqua autem, quæ terrestribus partibus mobilior est, tota à Polis versùs Æquatorem deflueret, ut eo in loco quàm maximum terraqueæ massæ circulum describeret. Quod cum non fiat, Terram sub Æquatore altiore esse, quàm sub Polis, oportet; adeoque ab initio, quo circa axem suum moveri cœpit, terrestres partes plures sub Æquatore esse cœpisse. *Isaac. Newtonus*, qui proportionem axis Planetarum ad Diametros ei perpendiculares invenit, Diametrum Terræ secundum Æquatorem ad ejusdem Diametrum per Polos ut 692 ad 689 esse demonstravit. Ideoque posita Gallorum, quam retulimus, supputatione, Terram altiore esse sub Æquatore, quàm sub Polis, excessu pedum 85200, seu milliarium 17 collegit.

6. Hæc de magnitudine, & præsertim figura Terræ, duo Summi Mathematici, quos laudavimus, non Veteribus modò, sed Patribus etiam nostris ignota observarunt, & demonstrarunt. Non æquè certò distantia Terræ à Sole cognosci potuit. *Isaac. Newtonus*, post alios, Solem à Terra distare 5000 Terræ Diametris, *D. Cassinus*, 10000 aut 11000, *C. Huygenius*, in *Systemate Saturnio*, 12000 conjecit. Aliam etiam *Lansbergii* conjecturam, suprà Cap. V. §. 8. quàm multò propior est, retulimus.

7. Circa Solem Terra rapitur, ut notissimum est, intra duodecim mensum, quinque horarum, & minutorum aliquot spatium. Præterea, intra viginti quatuor horas, circa axem suum convertitur, quâ conversione, ut diximus\* alibi, Noctis & Diei, dum successive omnes suas partes Soli circumacta obijit, spatia format.

8. Præ-

*De Universo in Genere. C. VIII. 55*

8. Præter duos illos motus, tertius quidam, qui potius est Terræ dum movetur situs, *librationis motus* dici solet. Nempe, dum intra viginti quatuor horas, circa Axem vertitur, & Solem intra annum circumit, semper habet Axem parallelum Axi mundi, quod Capp. II. & III. satis indicavimus. Astronomi ad hæc tamen adjecerunt, quamvis Axis Terræ circiter Parallelus maneat Axi mundi, quarto quodam motu, qui *rotationis* dicitur, eum in singulis revolutionibus annuis nutando bis inclinari in Eclipticam, & bis ad situm priorem redire, unde nascitur punctorum *Æquinoctialium regressus*.

9. Ex iis quæ de gravitate diximus, colligere est Terram, quantò levior Venere & Mercurio est, tantò esse rarioris contextûs. Quod ita tamen intelligendum non est, quasi ubique eadem sit partium ejus raritas aut densitas, etenim experientiâ alibi rariorem, alibi densiorem esse manifestò constat; sed si tota Telluris simul spectetur massa, rarior est Veneris & Mercurii massis universim consideratis.

10. Hæc de Terrâ in se spectatâ, aliquid nunc de crepusculis dicendum esset, si res sine cognitione naturæ lucis & aëris satis commodè expediri posset. Sed cum ignoratis duarum harum rerum naturis, quæ hoc in loco tradi non possunt, exponi crepuscula nequeant, hæc in alium locum rejiciemus, & de Luna Terræ comite agemus.

11. Si Luna solis oculis spectetur, cernitur quidem aliqua, in ejus superficie, lucis inæqualitas; aded ut asperam, partésque ejus alias alijs magis illustratas judicemus. Sed si, ope vel me-

Hinc cum alia, tum quantitates & densitates Planetarum, inventis eorum à centro distantis, innotescere possunt. Summatim hic observabimus, densiores planetas pro materiae homogeneae quantitate, graviores esse, & alius in Vorticem nostrum immersos. Collocavit Deus Planetas, in diversis distantis à Solè, ut unusquisque, pro modulo densitatis, majore vel minore Solis calore fruatur. Aqua nostra, si Terra, in regionem Saturni removeretur, tota concrederet aeterno geli; si verò eadem Terra ad regionem usque Mercurii deprimeretur, in vapores tota statim abiret. Nam Lux Solis, cujus proportionem calor sequitur, circiter septuplo major est in orbe Mercurii, quam apud nos; Thermometro autem constat, calore, qui septuplo major est ardore Solis aestivo, aquam ebullire.

14. V. Motus Planetarum diutissime conservari, quamvis aliquantulum sui motus unaquaque revolutione amittere statuantur. Experimento constat globum aquae frigore concretum in Aëre nostro, libere motam, longitudinem Semidiametri describendo, ex resistantia aëris amittere motus sui partem  $\frac{1}{3200}$ . In globis autem, quantevis magnitudinis & celeritatis, eadem proportio obtinet. Hoc posito, duo animadvertenda sunt; *primum*, cum Terra communis in superficie fere duplò gravior sit quam aqua, & profundius effossis fodinis triplò, quadruplò aut etiam quintuplò gravior comperiatur; verisimile esse copiam totius materiae Homogeneae in Telluris globo, toto simul sumto, quintuplò vel sextuplò majorem esse, quam si

tota ex aqua constaret; *secundum*, ex principiis antè positis, constare Jove Terram esse quintuplò circiter densiorem, Jovémque proinde aquâ fortè paullò esse densiorem. Hæc cum ita sint, Jupiter intra unum & viginti dies, quibus longitudinem, ex observationibus Astronomicis, 320 semidiametrorum suorum describit, amitteret, in Medio ejusdem densitatis ac resistentiæ ac Aër noster, motûs sui partem fermè decimam. Verùm cum resistèntia Mediorum ita minuatur, ratione ponderis & densitatis, ut aqua, quæ vicibus 13 $\frac{1}{2}$  levior est Hydrargyro, minùs resistat secundùm eandem rationem, & aër similiter, qui aquâ 800 vicibus levior est; si ad oram Vorticis progrediendo adscendamus ubi pondus Medii, in quo volvuntur Planetæ, immensum minuitur, nulla propè erit resistèntia.

15. VI. Planetas moveri in Ellipsis umbilicum in centro Solis habentibus; & radiis ad centrum illud ductis areas describere temporibus proportionales Periodorum suarum. Planetarum in se invicem gravitantium actiones sunt quidem aliquæ, sed exiguæ; nec proinde in Planetarum motu sensibilem mutationem efficere possunt.

16. VII. Axes Planetarum diametris, quæ ad eosdem axes ad perpendiculum ducuntur, minores esse. Planetæ sublato omni motu circulari diurno figuram Sphæricam ob æqualem undique partium gravitatem, induerent; sed motu illo circulari fit ut partes ab axe recedentes, juxta Æquatorem adscendere nitantur. Ideoque si fluida eorum sit materia, adscensu suo



16. Inter Lunæ Phænomena observatu facilissima, & quorum ratio maximè patet, quamvis superstitiosos. & ignaros Physices populos maximè terruerit, sunt Lunæ Eclipses. Luna enim Eclipsin patitur, quando radii Solis, quibus illustratur, intercipiuntur interventu Telluris. Hinc fit ut Eclipses fiant dumtaxat tempore Plenilunii, quando Luna Soli opposita est; quia eo solo tempore, Terra est inter Solem & Lunam.

17. Attamen, in unoquoque Plenilunio, non cernuntur Eclipses; quia cum Terra semper in eandem cœli partem umbram projiciat, non semper incidit in Lunam; cujus orbita non sequitur Eclipticam, sed modò ad Austrum, modò ad Boream declinat. Itaque Luna Terræ umbram, modò Australior, modò Borealis, fugit. Vix tamen, per annum integrum, Luna umbram Terræ fugere potest, ut observant Astronomi qui & quo maximè tempore umbræ immergatur docent; quod nos hîc, brevitatis causâ, non attingemus.

18. Observabimus dumtaxat majores aut minores esse Lunæ Eclipses, prout magis aut minùs in umbram Terræ immergitur. Cum hujus umbræ Diameter sit propè Diametro Lunæ triplò major, potest Lunam totam facillè tegere, si centrum Lunæ per ejus centrum transeat. Sin verò pars dumtaxat disci Lunæ per umbram meet, partialis tantùm est Eclipsis.

19. Quamvis autem lucem Solarem, directè in Lunæ discum incidentem, intercipiat Terra; lux quædam maligna in Luna, dum maximas patitur Eclipses, apparet. Ea autem lux oriri cre-

*De Universo in Genere. C. IX. 59*

creditur ex radiis solaribus, qui Atmosphæram terrenam prætergressi refringuntur, & versùs umbræ axem deflectunt.

20. Quam procul autem extendatur umbra Terræ, hinc colligere est, quòd Lunæ mediocris à centro Terræ distantia, secundùm Astronomicos calculos, sit circiter 60. semidiametrorum terræ, hoc est, 235380. milliarium Italicorum. Desinit tamen antequàm ad ultimam Vorticis oram pervenire queat; quia cùm Sol terrâ major sit, umbra terræ necessariò coni figuram obtinet.

21. Luna porrò Terrâ existimatur minor, paulò plusquàm 45. vicibus, unde fit ut quamquam in regione Lunæ arctiùs multò patet quàm in inferioribus spatiis, attamen faciliè Lunam involvat, ut jam diximus.

22. Luna non modò Terrâ, circa quam rapitur, minor est, sed etiam materiæ minùs densæ; ex principio sæpe memorato, densissimam esse gravissimam, hoc est, ad centrum circa quòd moventur maximè omnium accedere. Attamen premit subjectam materiam fluidam atque in Terram gravitat, unde æstus maris efficere à multis censetur, qua de re in secundo Libro agemus.

C A P U T IX.

*De Marte & Jove.*

1. **T**ERRA nostrâ proximè superior est Mars, inter majores Planetas, de quo ea hîc colligemus quæ ei sunt propria; iis missis quæ  
C 6. com.

communia habet cum aliis Planetis. Atque incipiendum quidem esset à varietate, quæ in ejus phasibus animadvertitur, pro vario situ quem respectu Terræ & Solis obtinet, nisi hanc in rem, quod satis sit, dixissemus antea Cap. III. §. 7.

2. Observabimus ergo, hoc in loco, primùm in disco Martis varias ab Astronomis observatas esse, Telescopiorum ope, maculas, \* quarum figuras, ediderunt; atque in iis hæc iteratis variorum Astronomorum, remotis in regionibus, Observationibus deprehensa esse: 1. Eæ maculæ visæ sunt ab Occidente in Orientem moveri, pro motu aliorum corporum cœlestium: 2. Fieri eum motum, secundum lineas Parallelas, multum ab Æquatore, sed non multum ab Ecliptica declinantes: 3. Maculas perendie rediisse in eundem situm 40. minutis ferius quàm pridie; aded ut intra 36. vel 37. dierum ambitum, circa idem tempus, eundem situm recuperent: 4. Duo esse genera Macularum, quarum nonnullæ in una facie Martis apparent, aliæ in altera, quæ sibi invicem veluti succedunt.

3. Quæ sint eæ Maculæ nemo definierit, nisi qui artem invisendi illius Planetæ invenerit; interea ex illarum motu constantissimo Martem circa axem suum ab Occidente in Ortum moveri intrà viginti quatuor horas, & quadraginta minuta collegerunt Astronomi. Hinc ulterius affirmare licet Martem, instar Terræ nostræ, suum habere vorticem peculiarem; neque enim circa axem suum agi potest, quin hoc fiat à ma-

\* Vide *Ast. Philos. Societ. Angl. Mensis Julii 1666.*

materia fluida, quæ circa eum cum eo movetur, aut ab ipso Planeta eadem materia fluida secum rapiatur.

4. Dum autem ita circa axem suum movetur, progreditur in Ortum circa Solem motu periodico, intra duos ferme annos nostros, seu dies 687, quibus elapsis situm suum recuperat; quod in reliquis etiam Planetis majoribus observare est, quamquam pro distantia inæquales sunt Periodi. Anni ergo Martiorum incollarum, si qui sint, duplò tere sunt nostris majores; adeoque omnes etiam anni tempestates, pro eadem proportionem, longiores. At non potest esse magnum discrimen inter hiemem & æstatem, quia axis diurnæ conversionis parum dumtaxat ad orbitam Planetæ inclinatur, ut ex motu macularum intelligere est.

5. Ex calculo *Philippi Lansbergii*, Semidiameter Martis apparens, in media à terra distantia, est 45. secundorum; vera autem partium  $0.42\frac{2}{3}$  quarum semidiameter Terræ est una, unde Martem octies Terrâ minorem esse affirmat. Distantia verò ejus à Terrâ mediâ est 2275 semidiametrorum Terræ. Sed *Chr. Huygenius*, accuratius hæc dimensus, globum ejus minorem esse globo Veneris, & medium inter hanc & Terram observat. Mars Soli collatus est ut 1. ad 166, si diametros inter se componas.

6. Ad materiam Martis quod attinet, tantò rariorem eam esse materiâ Terræ oportet, quantò à Sole, centro motûs communis, magis recedit. In eo si æstus tantus non est, propter majorem distantiam, diuturniorem

etiam habent æstatem; hyémisque, licèt longior, tam acris quàm hîc non est, quia materia fluida quæ circa Martem est, eâ quæ Terræ nostræ incumbit rarior est, faciùsque motum suum servat.

7. Jam ut ad Jovem adscendamus, in Jovis etiam corpore lucis nesciò quæ inæqualitas animadvertitur. Sunt enim duæ, vel tres zonæ, seu fasciæ quædam lucidiôres, nec semper sibi ipsis æquales, quibus cingitur ab Occasu in Ortum. Propter inconstantiam quæ in illis animadvertitur, suspicati sunt nonnulli vapores, nostris nubibus fortè similes, certis Jovis climatibus incumbere. Præter fascias illas, constans quædam animadvertitur macula, in fasciâ meridiana, quæ septemtrionem spectat.

8. Illæ fasciæ, unâ cum macula, quamvis sensim mutantur, constanter tamen ab Occidente in Orientem progredi animadvertuntur; ut intra certum spatium altera facies Jovis cerni desinat, succedente altera. Nec potest in ea re esse error, cùm propter maculam, tum quia ea revolutio fit intra novem horas & 56. minuta; quo intervallo, magna non fit in striis illis mutatio. Atque hinc collegere Astronomi Jovem circa axem suum, intra memoratum tempus, circumagere.

9. Cùm Jupiter ita rapiatur, simul cum eo vortex materiæ fluidæ fertur, in quo variis distantis fluunt quatuor minores Planetæ, Lunæ nostræ similes; quos observavit primùm ope Telescopii *Galileus Galilæi*, deinde alii ab eo excitati.

*De Universo in Gènere. C. IX. 63*

tati diligentius considerarunt. Tandem repetitis observationibus, affirmare posse sibi visi sunt: Astronomi, primum seu proximum Jovi *Satellitem* (sic enim eos Planetas appellant) periodum suam conficere intra diem unum, 18. horas 28. minuta &  $\frac{1}{3}$ ; secundum intra triduum 13. horas 17. minuta &  $\frac{2}{15}$ ; tertium intra septiduum, 3. horas, 59. minuta &  $\frac{1}{3}$ ; quartum denique & supremum intra sexdecim dies 18. horas, 5. minuta &  $\frac{1}{3}$ .

10. Hæc verò sunt eorum à centro Jovis distantie.

*Paullo aliter hæc distantie describit ex Cassino Huygenius. Cosmoch. Lib. II. n. 101.*

Ex observationibus.	1.	2.	3.	4.	Jovis Semi- dia- met.
<i>Cassini.</i>	5.	8.	13.	23.	
<i>Borelli.</i>	5.	8.	13.	23.	
<i>Tourel per Micr.</i>	5 $\frac{2}{3}$ .	8 $\frac{2}{3}$ .	14.	24 $\frac{2}{3}$ .	
<i>Flamstedii eod. m.</i>	5, 51.	8, 78.	13, 47.	24, 72.	
<i>Ejusd. per Eclips. Sat.</i>	5, 31.	8, 85.	13, 98.	24, 23.	
<i>Newtoni ex tem. periodicis.</i>	5, 578.	8, 876.	14, 159.	24, 993.	
	5, 578.	8, 878.	14, 168.	24, 998.	

11. De hisce Satellitibus, eodem modo philosophantur Astronomi, ac de Luna; ideoque eos & pati Eclipses, & facere Jovi & sibi invicem observarunt, eorumque accuratas Ephemerides scripserunt. Ejusmodi calculus Bononiæ an. 1668. est à *J. D. Cassino* editus; à quo etiam quæ ratione *Longitudines* variorum terræ locorum possent accuratè & facillè inveniri, \* observatis Jovialium Satellitum Eclipsibus, didicimus.

12. Ju-

\* Vide *Ephemerides Doctum Parisenses ad 23 Aug. 1688.*

## 64' P H Y S I C Æ L I B. I.

12. Jupiter, cum quatuor Satellitibus, circa Solem, Periodum suam intra duodecim annos nostros, aut circiter, nempe, annos 11. dies 317. & 15. horas. describit. Observant Astro-  
nomi dies & noctes in Jove semper ejusdem esse longitudinis, seu perpetuum illic esse æquino-  
ctium, quia axem motus diurni Jupiter fermè rectum habet ad planum itineris sui circa Solem, non obliquum, ut Tellus, quod ex Tele-  
scopiorum observationibus constat. Frigidiores quidem sunt regiones Jovis polis ejus viciniore, propter radiorum solis obliquitatem; at non habent longas noctes, ut in nostra Terra propin-  
qui polis tractus hiberno tempore, sed ubique & semper horarum quinque.

13. Si credimus *Philippo Lansbergio*, apparens Semidiameter Jovis in media à terra distantia, est minutorum 1. & 15. secundorum; vera par-  
tium  $2\frac{24}{100}$  quarum semidiameter Terræ est una; unde colligit Jovem esse Terra majorem vicibus viginti quinque &  $\frac{2}{3}$  unius. Ex calculo *Huygenii* diameter ejus solari collata est instar 1 ad 11 & plusquam vices diametrum terræ continet. De densitate materiæ, quâ Jupiter constat, dicendum aliquid esset, nisi jam dixissemus supra Cap. V. §. 13.

14. Addemus dumtaxat diés & noctes Jo-  
vis, cum multò sint breviores, hoc præterea cominodo gaudere Planetæ ejus incolæ, quòd quatuor utantur Lunis, dum unam habemus, quibus etiam eorum brevissimæ noctes perpetuò illustrantur. Sol quidem ex Jove spectatus dia-  
metrum, ex calculo *Huygenii*, quintuplo quàm apud nos minorem habet; ut proinde lucis calo-  
ris

risque illic pars tantum vigesima quinta sentiri possit. Verum ea lux nequaquam debilis putanda est, quod ex insigni Jovis claritate constat. Ceterum si globus è Jove tormento excuteretur, ex calculo Huygeniano, post annos decem 125. ad Solem perveniret.

## C A P U T X.

### *De Saturno.*

1. **O**Mnium Planetarum supremus est Saturnus, de quo etiam mirabiliora, quam de ceteris, sunt ab Astronomis observata, quorum potissima breviter explicabimus. Quam in rem, potissimum *Christian. Huygeni Systemate Saturnio*, utemur.

2. Jam ab anno MDCX. *Galileus Galilei*, cum Telescopia in Astronomia adhiberi inciperent, visus sibi fuerat Saturnum tricipitem, hoc est, ad latera majoris disci duos alios minores orbes habentem videre. Alii idem postea, summa cum admiratione, contemplati sunt; donec Telescopiis ad majorem perfectionem adductis, anno MDCLV. *Christianus Huygenius*, non globulos esse sejunctos qui ad latera Saturni conspiciebantur, sed ansas, quarum est figura subiecta,prehendit; quamquam pro vario situ Planetæ, oculorum nostrorum respectu, non ita semper apparent.

3. Quandoque sine ulla utrimque protuberantia, sed limbo quodam in medio disco apparente; quandoque veluti brachiis utrimque emi-



# 66 P H Y S I G Æ L I B. I.

mentibus; denique anſis adjectis, cùm pleniffimè cernitur, ab Aſtronomis ab eo tempore, cùm optimis uterentur Teleſcopiis, conſpectus eſt. \* Hæ autem Phaſes Saturni conſtanti ordine redeunt, ut poſtquàm ſine brachiis conſpiciendum ſe præbuit, paulatim exiſtere utrimque incipiant brachia; quæ ubi ad certam magnitudinem pervenerunt, paulatim rurfus in anſas mutantur; quæ cùm manifeſtæ apparuerunt, minuuntur, redeunte ſemper eodem Phaſe in orbe.

4. Cùm primùm Aſtronomi eas Phaſes certò obſervatas animadverterunt, ad earum quærendas rationes animum adpulerunt, & à variis quidem variæ in medium prolatæ ſunt Hypotheſes, quibus phænomenis ſatiſfacturos ſe ſperarunt. Aliquot ab *Chriſt. Huygenio* allatæ & confutatæ ſunt; quibus nos hîc, brevitatis cauſâ, omiſſis, Huygenianam dumtaxat, quæ aut vera, aut vero proxima, trademus.

5. Ante omnia, obſervandum (qua tamen de re poſtea accuratiùs agemus) ab Huygenio primò animadverſum Planetam unum minorem, qui circa Saturnum intra dies ſexdecim fertur. Hinc collegit Saturni ipſius corpus, minori etiàm intervallo, circa axem ſuum volvi; quod in majoribus Planetis, circa quos minores rapiuntur, in ſuperioribus obſervavimus. Cùm enim plura corpora circa idem centrum moventur, centro proxima celeriùs vertuntur, quàm quæ majorem circumlunum deſcribunt.

6. Hoc poſito, conjecit eas Phaſes aliunde ori non poſſe, niſi à corpore quopiam, inſtar annuli,

\* Vide Fig. VII.

li, medium Saturnum ambiente, & axem quidem Planetæ secante. Addendum est huic hypothefi, quod experientiâ constat, lineam rectam, secundum quam exstant utrimque brachia Saturni, aut annuli extrema, non sequi ductum Eclipticæ sed interfecare eam angulo triginta partibus majore; ac proinde planum annuli ejusmodi angulo ad Eclipticam inclinari, perpetua quadam & constanti inclinatione, quemadmodum linea per quam Terra nostra movetur est ad Æquatorem Solis inclinata.

7. Hinc necessario sequebatur, ut, diversis aspectibus, nunc ellipsis satis latam, nunc eandem archiorem, nunc rectam lineam, seu fasciam, idem annulus nobis exhiberet. Quod autem utrimque species ansarum conspiceretur, id propterea videbatur fieri; quia annulus non est Saturni globo contiguus, sed pari intervallo undequaque ab eo remotus. Quibus positis, omnes Phases Saturni haud difficile videntur explicari posse.

8. Si quærat quodnam spatium inter annulum, globumque Saturni interpositum sit; id spatium par esse latitudini annuli, aut eam aliquantò superare, ex observationibus constat. Deprehensum etiam est, maximam annuli Diametrum eam circiter rationem habere ad Diametrum Saturni; quæ est 9. ad quatuor.

9. Neque absurdum videri debet, suspensum dici integrum annulum circa Saturnum; nam præterquam quod non fingitur is annulus ut Ptolemæici Epicycli; qui nusquam conspiciuntur, sed partim cernitur, si recordemur Planetas circa centrum suum ætos vorticem habere circa se,

## 68 P H Y S I C Æ L I B. I.

circa se, cujus omnes partes in eos incumbunt; intelligemus rationem gravitatis in Saturno efficere posse, quod in hac nostra Terra faceret. Fingamus autem continuum fornicem circa terram, juxta Eclipticam, strui; quod etsi hominibus impossibile est, suâ tamen naturâ non repugnat. Certè hujusmodi fornix, absque ullo fulcimine, sustentaretur, & pendulus maneret, dum omnes ejus partes ex æquo niterentur ad Terræ centrum descendere, & se invicem constringerent.

10. His ita positis, intelligimus & posse esse anulum circa Saturnum, & variè nobis apparere, pro vario situ Planetæ ejus, nostri respectu; quod qui oculos in figuras Huygenianas conjecerint; illicò videbunt. Sed quæri potest quare aliquando Saturnus, sine ullis brachiis, ullâve specie annuli, appareat, nisi quòd fascia obscuriore medius cingi videtur. Observatum est non cerni brachia ulla, cum ejus Planetæ & Solis respectu ita positi sumus; ut si produceretur planum annuli, id inter nos & Solem transiturum esset; unde fit ut eam annuli superficiem, quæ solis radiis illustratur, conspiciere nequeamus. Tunc temporis, Saturnus brachiis prorsus orbatus appareat necesse est.

11. Si quærat iterum, quare saltè extimam annuli superficiem, quæ Sole illustratur, non videamus? hæc videtur ejus rei esse ratio. Est quidem extimus ille ambitus annuli alicujus crassitudinis; verùm ejus naturæ, ut Solis lumen aut nullo modo, aut leviter admodum reflectat. Cum enim in Saturno brachiis ornato, nigricans illa fascia cernatur eo ipso tempore quo superficiem annuli à Sole illustratam prospici-

cimus; credibile est nigrorem eum aliunde non oriri, nisi ex quadam materia quâ annuli extrema superficies cooperta est, & quæ reflectendo lumini parum est idonea. Sic in Lunari quoque disco, maculas quasdam cernimus, seu partes ceteris multò obscuriores. Fortè & materia aquæ similis, seu fluida; & aquâ nostra multò tenuior, aut lævi & splendida superficie prædita, extrema annuli præcingit; quæ unico tantum veluti puncto Solis radios reflectens, nequaquam nobis conspicua erit, ut docent rationes opticae.

12. Saturni variarum Phasæon hæ sunt, aut similes causæ. Si quæ sit ejus apparentis & vera magnitudo quærat, respondet *Phil. Lansbergius*, qui rotundum tantum Saturnum viderat, semidiametrum ejus apparentem esse quinquaginta secundorum minutorum; veram partium 31 quarum semidiameter terræ est una; unde colligit Saturnum quadragesies sexies & besse unius ferè Terræ esse majorem. Eidem maxima Saturni distantia à Terrâ est semidiametrorum terræ 17227½, media 14880, & minima 12534.

13. Sed ut ille nimis vorticem nostrum coarctat, ita quoque rationes magnitudinum minùs accuratas profert. Accuratius hæc dimensus *Haygenius* collegit ex observationibus Saturni diametrum quindocies circiter majorem esse, quàm nostræ Terræ; abesse verò eum Planetam à nobis, cum proximè est, Terræ diametris 100344; cum longissimè distat, 122000. Quod ille rationatione, quam hîc non proferemus, comprobabat.

14. Saturnus, inflar omnium aliorum Planetarum majorum, circa axem suum agitur, sed quo tempore nondum satis constat. Attamen, intra paucas horas hoc fieri, possumus ex motu intimi ejus satellitum cognoscere; de quo paullo post agemus. Dum autem sic agitur circa axem, ab Occasu in Orientem, ingentem Ellipsin circa Solem describit, & quidem intra 29. annos, dies 174 & horas 5: aut circiter, periodum suam absolvit.

15. Hinc cognoscimus, tempestates Saturniorum incolarum esse septem annorum nostrorum, & aliquot mensium. Hæc habent singularia, quod præter quinque Lunas, quarum beneficio fruuntur, habeant ingentem arcum circumpositum, qui solarem Juperis vicibus excipit, & versus polos Saturni reflectit. Per quindecim scilicet annos, in altero polorum, vicibus noctem esse necesse est, dum alter Soli obversus est, &que nox concubia planè esset, obumbrante Polum annulo, nisi Lunarum quinque beneficio illustraretur. Pro longitudine noctis & absentia Solis, frigus debet esse maximum; sed tamen si eum frigore nostro conferatur, minuitur Saturni frigus, ob raritatem materiæ quæ Saturno incumbit, & quæ nostro aëre multò rarior est, adeoque minore indiget Solis æstu, ut caleseat. Saturni autem & corpus ipsum, & materiam fluidam quæ ambitur rariora esse corpore Terræ & Atmospherâ nostrâ, inde colligimus quòd Saturnus omnium Planetarum sit ab umbilico Ellipticæ remotissimus, ac proinde levissimus, & minimam copiam homogeneæ materiæ circumferentiâ suâ complexus, qua de re jam aliquoties diximus.

16. Qui

16. Qui circa *Æquatorem Saturni* habitant, præter directiores radios Solis, habent reflectionem annuli supra eorum capita pendentis. Quod etiam beneficio, quamquam obliquiores radios habent, qui in eo sunt Hemisphærio quod magis Soli obversum est, seu in quo est æstas, fruuntur. Ceteroquin, in Saturno, major est inæqualitas dierum & noctium, quam apud nos, majusque æstatis & hyemis discrimen, propter inclinationem axis globi Saturnii ad planum orbitæ suæ quæ est partium 31. cum nostræ terræ axis tantum 23. & dimidiæ obliquitatem habeat. Hæc eadem declinatio in Saturno, facit ut satellites ejus longè evagentur à Solis via, impeditque ne eos umquam pleno orbe lucentes conspiciant, nisi æquinoctiorum tempore, quæ triginta annis nostris bis ibi contingunt.

17. Si de incolis, qui fortè nulli sunt, con-jicere placeat, pro ratione sui Planetæ, ejusque à Sole distantia, corpora habent nostris multò rariora, adeoque Solis calore mediocri refocillanda. Ut nobis is calor nequaquam sufficeret, sed eo rigeremus: ita illi calore nostro æstivo planè torrerentur.

18. De calore Saturni, si conjecturis indulgere velimus, ita possumus pronunciare ut octuplò minorem esse nostro affirmemus, quod hac ratiocinatione constat. Annuli Saturni diameter, ex Huygenianis observationibus, in minima à nobis distantia, comprehenditur angulo octo & sexaginta minutorum secundorum. Cum autem minima hæc Saturni distantia mediocri Solis distantia collata, sit ferè octupla; sequitur si Saturnus non magis distaret à Sole quam nos, appa-

72 P H Y S I C Æ L I B. I.

apparituram annuli diametrum octuplam ejus quæ nunc apparet, hoc est, 9', 4". Hoc cum ita sit, octuplò majore luce, & calore, qui lucis proportionem sequitur, octuplo frueretur; ac proinde in eo situ, in quo est, calorem habet octo vicibus minorem, qui non est tantus ac hibernus noster calor. Si globus excuteretur è tormento, eadèmq; semper celeritate moveretur, à Saturno ad Solem perveniret intra 250 annos.

19. Jam ante annum 1656 observarat *Cbr. Huygenius* unum ex satellitibus Saturni, quæ de re eo anno observationes Astronomicas emisit. Postea *J. Dominic. Cassinus*, tam præclaro invento excitatus, cum meliora & commodiora inventa essent Telescopia, quatuor præterea alios animadvertit. Eorum autem distantia & Periodi repetitis observationibus, & eximia *Is. Newtoni* animadversione, qui demonstravit Planetas areas describere temporibus Periodorum suarum proportionales, inventæ ejusmodi sunt.

<i>Tempus periodi</i>				<i>Distantia</i>	<i>Diam. Anni.</i>
Intimi d.	1.	h. 21.	m. 18 $\frac{1}{2}$	—	
Pænintimi	2.	17.	41 $\frac{1}{2}$	—	
Medii	4.	13.	47 $\frac{1}{4}$	—	
Pænextimi	15.	22.	41	—	
Extimi	79.	7.	54	17, 621.	

20. Horum Planetarum pænextimus ab *Huygenio* inventus fuit, & tota hæc supputatio nititur hac hypothefi observationibus firmata, distare eum Planetam à Saturno quatuor diametris an-

*De Universo in Genere. C. XI. 73*  
annuli. Cùm autem eorum eadem sit ratio ac  
Lunæ nostræ, & satellitum Jovialium, non est  
cur distiùs huic negotio hæreamus.

## C A P U T X I.

### *De Cometis.*

1. **A**B antiquissimis temporibus, Philosophorum ingenia torfere *Cometæ*, dum eorum naturam & motuum causas frustra inquirunt. Nos eorum phænomena potissima recensebimus, & quæ verisimillimæ videantur conjecturæ aperiemus.

2. Præter Stellas errantes, de quibus hætenus egimus, & quarum motus, quamquam varius, certis legibus obnoxius est, cernuntur in coelo quandoque aliæ Stellæ, quarum discus quidem Planetarum disco similis est, sed in quibus multa singularia observantur. I. Cùm Planetæ aut nullis, aut exiguis radiis ornati sint; Cometæ radios amplissimos emittere cernuntur. Atque horum radiorum varius est situs; interdum in eam partem coeli, in quam Cometa tendit, projiciuntur; interdum antecedens Cometæ corpus sequuntur; interdum in orbem, circa Cometæ discum, sparsi sunt. Primi generis *barba*, secundi *canda*, tertii *capilli*, dici solent.

3. II. Præter apparentem motum, quo intra viginti quatuor horas circa Terram ab Ortum in Occasum ferri videntur, cum reliquis omnibus sideribus; præterea per nostrum Solarem Vort'cern, intra certum tempus, aut ab Orientem

*Tomus III. D te*



74. P H Y S I C Æ L I B. I.

te in Occidentem, aut ab Occidente in Orientem rapiuntur, alii aliis celerius. Animadversum etiam sunt, ope Telescopiorum, supra spatia quæ Saturni Planetarum extimi orbitam ambiunt; aliquando multò altiùs in Vorticem nostrum immerguntur, ut ad infimos usque Planetas descendant. Denique ingrediuntur & egrediuntur quaquaversum, ex nostro Vortice; quasi materia cœlestis nullo modo eis resisteret, quippe qui sæpe motu, Planetarum motui contrario, aguntur.

4. Veteres in varias sententias abierunt circa Cometas, ut videre est ex *Aristotele*, Meteorolog. Lib. I. cap. 6. Sed vix ulla absurdior excogitata est eà, quam ipse confutatis aliis, amplectitur Cap. sequente, ubi contendit esse exhalationes calidas & siccas, quæ quandoque incenduntur in Atmosphæra Telluris. Nam præterquàm quòd omnes Astronomicæ observationes nos docent numquam eos in Terræ peculiari Vortice versari, sed liberè quaquaversum seu extra, seu intra orbitas Planetarum ferri; quò fieri posset ut exhalationes tamdiu tantæ flammæ (si flamma est) materiam suppeditarent? Nam Cometæ sæpè, per plures menses, perpetuò conspecti sunt.

5. Itaque omnes pænè Physici, eà sententiã rejectã, aliam, quam confutare conatus est Aristoteles, amplexi sunt; nimirum, esse Stellas erraticas, quæ alio prorsus motu, ac alii septem Planetæ, moventur, ut postea accuratiùs explicabimus. Priùs de radiis, qui circa Cometas visuntur, quod primum *Φαινόμενον* proposuimus, paucis est agendum.

6. Alii

6. Alii ergo jubar esse Solis per corpora Cometarum, quæ pellucida credunt, transmissum censent, unde fit ut semper projiciantur ei radii in partem à Sole aversam. Verum hoc non posset efficere ut tantos radios videremus, liberè enim radii Solis per corpus pellucidum transirent; neque à nobis magis illic animadverterentur, quàm in aliis Vorticis partibus, nisi ab ipso corpore Cometæ reflecterentur; quod si fieret, Cometæ instar Planetarum apparerent. Verum quidem est in obscuriori conclavi per rimam admissos cerni solares radios, dum reliqua manent obscura. Sed hoc idèd fit quòd lumen Solare, quod per rimam, aut foramen subiit, reflectatur ex variis pulveris volitantis particulis. Si verò totum conclave illustraretur, ut totus vortex, exceptis ejus partibus, quæ in Planetarum umbra latent, nusquam ejusmodi radii deprehenderentur.

7. Alii ergo existimarunt oriri eos radios ex refractione lucis à corpore Cometæ, Terram versùs. Verum hæc quoque gravibus incommodis laborat sententia. Primò, lux Fixarum & Planetarum, sine ulla simili refractione ad nos transmissa, ostendit ex iis locis lumen veniens refractionem ejusmodi non pati. Secundò, cum varii colores refractionem soleant comitari, in radiis Cometarum numquam simile quidquam animadversum est. Tertiò, ne quis dixerit in Planetas lumen incidens ejusmodi refractionem non pati, quia minor est eorum lux quàm Cometarum, obstat observatio Cometæ anni 1680, Mense Decembri; quo tempore corpus Cometæ, quod luce sua vix æquabat Stellas secundæ magnitudinis,

caudam emittebat ad sexagesimum usque longitudinis gradum.

8. Hisce expensis, alii nihil vero similis excogitari posse rati sunt, quàm si ex corpore Cometæ egredi dicantur vapores, à quibus lux Solis versùs oculos nostros ita reflectatur. Pro situ autem, in quo sumus, respectu Cometæ, videtur nobis radiorum congeries sequi, antecedere, aut circumdare corpus Cometæ, quamvis ille fumus in eandem partem Vorticis Solaris feratur. Quod ut melius intelligatur, paulò pluribus explicandum.

9. Quemadmodum in nostra Atmosphæra, fumus, qui ex accenso egreditur corpore, superiora petit, & quidem rectâ si quiescit corpus, obliquè verò si corpus è latere moveatur: similiter in Vortice majore Solis, ubi corpora, quæcumque circa eum volvuntur, in umbilicum suorum motuum incumbunt, fumi, seu vapores qui ex iis corporibus elabi possunt à Sole recedunt, & superiora petunt, seu versùs extimam vorticis oram feruntur, rectâ lineâ si corpora quiescant, vel obliquè si corpora progrediendo ea loca deferant, unde superiores vaporis partes adscenderant.

10. Vapores autem è corporibus Cometarum elapsi, quomodo tantis spatiis implendis, quanta Cometarum occupant caudæ, sufficiant, docet hoc modo *Is. Newtonus*, cujus est hæc quam explicamus sententia. Aër, inquit, secundum superficiem Terræ, spatium occupat ferè 850 vicibus majus, quàm aqua ejusdem ponderis, ideòque aëris cylindrus pedes 850 altus, ejusdem est ponderis cum aquæ columna pedali, ejusdem latitudi-

*De Universo in Genere. C. XI. 77*

tudinis. Columna autem aëris ad summam Atmosphæram adfurgens æquat pondere columnam aquæ 33 pedes circiter altam; ac proinde, si columnæ totius aëreæ pars inferior pedum 850 altitudinis dematur, pars reliqua superior æquabit pondere suo columnam aquæ altam pedes 32. Observandum præterea est hypothesin esse plurimis observationibus confirmatam, compressionem aëris esse, ut pondus Atmosphære incumbens; gravitatemque esse reciproce ut distantiam locorum à centro Terræ.

11. His positis, si ineatur calculus, deprehenditur aër, ubi à superficie Terræ ad altitudinem semidiametri terrestris adscenderimus, rarior esse quam hic ubi sumus, in ratione longè majori, quam spatii omnis infra orbem Saturni ad globum diametro unius digiti descriptum. Ideoque globus aëris nostri digitum unum crassus, eà raritate quâ est in regione semidiametrum unam terrestrem à nobis elata, implere posset omnes Planetarum regiones, usque ad orbitam Saturni, imò etiam ulterius. Itaque cum aër altior in immensum rareseat, & coma seu Atmosphæra Cometæ adscendendo ab illius centro ferè decuplo altior sit quam superficies Nuclei, & cauda etiam altiùs adscendat; debebit ea cauda esse quam rarissima.

12. Potest quidem fieri, quia longè crassior est Cometarum Atmosphæra, quam hæc nostra, & Soli propioribus longè graviore aëris & vaporum particulæ incumbunt, ut aër in spatiis coelestibus, in quibus versantur Cometarum caudæ, non usque adeò rareseat. Attamen perexiguam copiam aëris & vaporum, ad omnia illa

78 P H Y S I C Æ L I B. I.

caudarum phænomena, abundè sufficere ex instituta comparatione manifestum est. Sed & rarissimas esse caudas colligimus, ex eo quòd astra per eas lucem transmittant; cùm Atmosphæra terrestris luce solari illustrata, paucorum milliarum amplitudine, & astrorum omnium, & Lunæ ipsius splendorem absorbeat.

13. Observandum præterea est Caudas Cometarum non adscendere perpetuò ab eorum corporibus, ac deinde brevi evanescere. Permanent diu vaporum & exhalationum columnæ, à corporibus lentissimo multorum dierum motu propagatæ, quæ cùm adhuc participes sint motûs corporibus insiti, quem cùm in iis essent habuerant, pergunt diu per cœlos unà cum corporibus moveri. Nec obstant spatia cœlestia, quæ, ut in Cap. sequente videbimus, omni panè resistendi vi destituta sunt.

14. Caudæ etiam, quod observatu dignissimum est, eo tempore quo sunt in Perihelio, seu Soli proximi, Cometis potissimùm adnascuntur. In descensu, cùm breviores traherent caudas, posteaquàm Soli appropinquarunt, vi Solaris caloris vapores illi aliquando in immensum augentur; & immanis incipit cauda cerni, quam recedentes à Sole servant. Tum vapores, per spatia vacua Vorticis Solaris adscendentes, perpetuò rarefcunt ac dilatantur eò magis, quòd adscendunt altius; unde fit ut cauda omnis ad extremitatem superiorem latior sit, quàm secundum Corpus Cometæ.

15. Hæc doctrina non levem confirmationem trahit ex observationibus eorum, qui diligenter Cometarum corpora & motus contemplati sunt, in

in eorum descensu & adscensu. Descendentium enim corpora multò majora visa sunt, quàm post-quàm Perihelium attigerunt, atque inde recedere coeperunt. Tum enim auctà caudà corpus ipsum Cometæ minus semper apparuit; unde credibile est corpus Cometæ exhausti, atque in vaporem abire.

16. Ad corpora ipsa Cometarum ut veniamus, jam omnes Astronomi doctiores consentiunt esse opaca, & Planetarum corporibus similia, imò ea esse genus quoddam Planetarum. Nec conspecta Telescopio aliter apparent quàm Planetæ, nisi quòd majori fumo videantur involuta. Quemadmodum etiam Planetæ, motu diurno, in Occasum circa Terram ferri videntur: ita quoque Cometæ quotidie oriuntur & occidunt. Ut Planetæ, pro motu Terræ, vel conspirante, vel contrario, nunc retrogradi sunt, nunc tardius aut celerius moveri videntur: idem quoque contingit Cometis. Qui progrediuntur secundum ordinem signorum Zodiaci sunt omnes sub exitum apparitionis aut solito tardiores, aut retrogradi, si Terra est inter eos & Solem; at justò celeriores, si Terra ad oppositionem vergit. Contrà qui aguntur adversus ordinem signorum, sunt æquo, sub finem apparitionis, celeriores, si Terra inter eos & Solem versatur, & justò tardiores vel retrogradi, si Terra trans Solem movetur.

17. Constat ex observationibus Astronomicis, Planetarum orbes à Cometis permeari, ita ut, quemadmodum nonnulli censuerant, in regionibus supra Saturnum non hæreant, sed multò iniùs descendant, quod copiosè probavit

80 P H Y S I C Æ L I B. I.

*If. Newtonus* Lib. III. qui adiri poterit. Cometa, exempli causâ, anni M. DC. LXV. mense Aprili, ut auctor est qui eum observavit *Joan. Hevelius*, cum minor esset Jove, nec major Saturni corpore cum mediocri apparet, attamen, claritate suâ fixas omnes pænè superabat, & Saturno ipso splendidior erat. Quod quomodo fieri potuisset, si supra Saturnum fuisset? Minus certè corpus Jove, in tanta à Sole distantia, tam vividam lucem ad Terram reflectere non potuisset.

18. Si cernerentur semper in regionibus longè ultra Saturnum sitis, deberent sæpiùs apparere in partibus Vorticis solaris, inter quas & Solem rapitur Terra. Essent enim Terræ viciniore, ac proinde visu faciliores, Solque interpositus obscuraret eos qui in opposita parte versarentur. At si evolvantur historiæ Cometarum, comperiemus multò plures conspectos esse in Hemisphærio, quod est nostri respectu trans Solem, quàm in contrario ubi Terra eo tempore versabatur. Nec dubium quin interea plurimi, quos non vidimus, in Solari luce latuerint. Nimirum, in descensu ad regiones nostras, neque caudas emittunt conspicuas, neque adeò illustrantur à Sole, ut nudis oculis se priùs detegendos exhibeant, quàm sint ipso Jove propiores. Spatii autem eo intervallo circa Solem porrecti pars longè major sita est è regione ejus Terræ Hemisphærii, quod Solem respicit; atque in ea parte majore, Soli ut plurimum viciniore Cometæ magis illustrari solent.

19. Dum autem Cometæ permeant nostrum Vorticem, per lineam adeò Soli vicinam, mirum

rum est sæpissimè eos contra ordinem Signorum, veluti adverso flumine, deferri tam faciliè quàm in alteram partem; unde colligere est ætheream materiam, etiam corporibus in contrariam partem motis minimè resistere.

20. Alteram observationem non minùs mirabilem ex *Is. Newtono*, de Cometa anni M. DC. LXXX. adjiciemus, eaque Caput hoc claudeamus. Ostendit calorem Solis esse ut radiorum densitatem, hoc est, reciprochè ut distantiam locorum à Sole. Itaque cùm distantia ejus Cometæ à Sole Decembris 8. quo tempore in Perihelio versabatur, esset ad distantiam Terræ à Sole ut 6. ad 100 circiter (secundùm observationes quas præmisit, atque apud eum legendas) calor Solis in superficie Cometæ eo tempore erat ad calorem Solis æstivi, apud nos, ut 28000 ad 1. At apud nos calor aquæ bullientis est ferè triplo major, calore quem terra arida concipit ob æstivum Solem, calor verò ferri candentis triplo est aut quadruplo intentior aquæ bullientis calore, adeoque calor, quem terra arida Cometæ in Perihelio versantis ex radiis solaribus concipere potuit, fuit ferè 2000 major calore ferri candentis. Tanto autem calore excitari vapores & exhalationes, omnisque materia volatilis statim consumi ac dissipari debuit. Atque inde factum est, ut is Cometa Mense Decembri, postquàm ad Solem incaluerat, caudam emisit longè majorem & splendidiorem; quàm antea Mense Novembri, quo nondum Perihelium attigerat, emittere potuit. Atque hoc universè in omnibus Cometis observatum est, tum demum iis esse caudas maximas & fulgen-



## §2 P H Y S I C Æ L I B. I.

tiffimas, postquam per regionem Solis transierant, ut antea observavimus.

21. Multi Astronomi suspicati sunt. Cometas motibus quibusdam periodicis ferri, & certis vicibus redire, sed eos semper à nobis non animadverti, propter annum terræ motum; præterquam quòd cum multò ampliores Ellipses describant, quam ceteri Planetæ, seriùs Periodos suas absolvant, minùsque idèd à nobis observari possint. Verùm cum hac de re nihil certi hæctenus inventum sit, levibus conjecturis immorari operæ pretium non est.

## C A P U T XII.

### *De Stellis Fixis & Æthere.*

1. **P**ostquam Planetas omnes lustravimus, ad Stellas fixas, seu quæ eundem situm inter se perpetuò servant, veniendum est. Præterquam quòd differunt ab erraticis, constanti situ, alienà luce non fulgent, ut Planetæ; unde fit ut multò lucidiores sint, & magis coruscent, quippe quæ propriâ luce instar Solis gaudeant.

2. Peripatetici earum naturam dissimilem omnibus corporibus, quæ in hac nostra Terra sunt, esse censent, & nescio quam *Essentiam quintam*, quæ ad nullum elementorum pertineat, iis tribuunt. Verùm cum eas flammæ instar aut metallicæ materiæ liquefactæ lucere cernamus, quamvis propter immensam distantiam non calefaciant, ejus etiam esse naturæ credibile est. Nec quia sunt in alia, eaque à nobis remotissima regione, idèd

ided sunt naturæ ab omnibus vicinis nobis corporibus alienæ.

3. Observatu dignum est, cum etiam optima Telescopia adhibentur, tantum abesse, ut augeatur moles Stellarum Fixarum, ut contra minuat. Oculis enim nudis eas spectantibus videntur radiis cinctæ, Telescopio vero omnes illi refecantur radii, ut punctum dumtaxat lucis cernatur. Omnis illa coruscatio, quæ tremulâ luce oculos nostros percellunt, Telescopio etiam tollitur. Cujus rei causa videtur cum ex oculis nostris, tum ex tremore aëris petenda. Aëris enim & ascendentium vaporum tremore fit, ut radii facile ex angustâ pupillæ foramine per vices avertantur, quod non potest fieri in latiore vitri objectivi amplitudine. Præterea radii, qui excipiuntur & pupillâ & palpebris, in longinquo spatio dilatantur, dum utrimque à palpebrarum interiore parte in pupillam reflectuntur; unde fieri videmus, ut facula noctu ex aliqua distantia prospecta multò major videatur, quàm si propè adstemus. Verùm Telescopium, quod radios in punctum contrahit, omnes illos veluti radiorum capillos refecat.

4. Hinc quoque, ut ex aliis rationibus Astronomicis, colligitur immensa Stellarum fixarum à nobis distantia, quæ tanta est ut nulla Telescopia earum augere possint speciem; unde fit ut nulla mēsurâ potuerit inveniri, quâ distantiam earum certò emetiri possent Astronomi. Seu Terra sit in Perihelio ab iis remotior, seu in Aphelio, cum iis vicinior est, & quacumque in parte orbitæ suæ sit, perinde est; neque majores, neque minores apparent. Itaque rectè *Copernicus* tantam esse

## 84 P H Y S I C Æ L I B. I.

Fixarum distantiam docuit, ut ei comparatus magnus Orbis sit instar puncti. Sed, qui omnia nimis contraxit, *Phil. Lansbergius*, eas à Terra amovit dumtaxat, Magni Orbis Diametris 14000, seu 21000000 diametris Terræ. At *Christ. Huygenius* censet distantiam earum à Sole esse ut 27664. ad 1. collato cum distantia Telluris à Sole; ita ut globus tormento excussus à proximis stellis ad Solem esset 700000 ferme annos absumpturus.

5. Observandum autem hæc Telescopia, dum lucem illam, seu radios circa Stellam positos refecant, quamquam magnitudinem Stellarum non augment, errorem, in quo omnis versata est Antiquitas, emendavisse. Ante ea inventa, *via lactea*, quæ dicitur, lux quædam unica censebatur; cum ope Telescopiorum animadverterint Astronomi congeriem esse tenuissimarum Stellarum; quæ antea, spuria illius lucis fulgore oculorum aciem fallente, in unum confundebantur.

6. Ceterum Stellas omnes solent dividere Astronomi in sex classes, sex variarum magnitudinum; nempe, primæ magnitudinis, quæ maximæ cernuntur; secundæ, quæ paullo minores, & sic porro ceteras. Easdem, quotquot oculis cerni possunt, mille & viginti duas, quas in varios Asterismos, seu Constellationes digesserunt, esse deprehenderunt. Sed vigesies plures Telescopii opes cernuntur.

7. Peripatetici, alique ex Veteribus Philosophis, quos Scholastici sequuti sunt, existimaverant Stellarum naturam planè esse immutabilem. Sed postremis hæc sæculis, sæpius animadversæ sunt

sunt Stellæ novæ, Veteribus ignotæ, quæ cum fulgidissimæ aliquamdiu fuissent, postea evanuerunt, aut per vices se conspiciendas præbuerunt; unde magnas, in spatiis in quibus Stellæ sunt, mutationes fieri cognovimus. Sic anno MD LXXII. in constellatione *Cassiopeæ*, maxima Stella apparuit, numquam antea conspecta; sed quæ, paulatim obscurata, post biennium evanuit. In Constellatione *Cycni*, in pectore ejus avis nova Stella apparuit anno MDC, quæ sexaginta postea annis desit conspici, deinde anno M DC LXVI, iterum videndam se præbuit. Alia anno M DC LXX\* tertiæ magnitudinis ab *Joanne Hevelio* aliisque animadversa est.

8. Hinc manifestò liquet, ingentem quandoque mutationem circa stellas fixas fieri, cum novæ formentur & intereant; cujus rei ratio inventu facilis non est. Conjecit *Cartesius*; quemadmodum Sol maculis obscuratur, posse fieri ut idem patiantur stellæ, easque maculas tantas evadere, ut earum radiòs planè intercipient, easque crasso & opaco tegmine incrustent. Quod cum evenit, desinunt eæ stellæ nobis apparere. Si verò postea ejus materiæ, quæ flamma Stellarum constat, majorem, aliqua de ratione, copiam ad contactam stellam accedere contingat; tum resoluta eâ crusta, stella iterum emicat. Verum hic est ingens difficultas, quam non attingit. Vix enim intelligere possumus incrustatam stellam suam interea ita tueri locum posse, ut aliquot post annis iterum in eodem conspiciatur situ.

86 P H Y S I C Æ L I B. I.

9. Nihil hîc addemus, de motu Stellarum apparenti, quia antehac de eo egimus, ubi *Systēma Mundi Ptolemaïcum* Cap. II. exposuimus.

10. Philosophi Scholastici *Ætherem*, post Græcos veteres, vocant tenuiorem materiam, quam supra aërem hunc nostrum crassiores esse intelligimus. Nos paullo diverso sensu eam hîc vocem adhibemus; & cum majores omnes Planetas suam habere *Atmosphæram* existimemus, vocamus *Ætherem* omnem materiam subtiliorem & fluidam, quæ circa centrum majoris vorticis quaquaversum porrigitur, & in qua Planetæ cum suis *Atmosphæris* feruntur.

11. Sæpius antehac diximus, quod levior est materia, quæ circa Solem agitur, eò altius eam à centro ejus abscedere. Diximus etiam experientiâ constare, quod corpora sunt rariora, seu quod minorem homogeneæ materiæ circumferentiâ suâ complectuntur copiam; eò esse leviora, seu magis à centro communis orbicularis motûs recedere, nisi quid obstat. Hinc sequitur *Ætheream* materiam, quæ Solis flammæ circumferentiæ proxima est, omnium esse densissimam, & quod magis ab eo recedimus, eò rariorem fieri; adeo ut circa Saturnum, & in superioribus spatiis multò sit rarior quàm circa alios Planetas; quod contrarium est conjecturæ *R. Cartesii*, qui eam crassissimam supra Saturnum esse, sine ratione, fingeat.

12. Si Stellæ fixæ sint totidem Soles, ut credibile est, & circa se agant similes huic nostro Solari vortices, eadem est illorum vorticum ratio ac hujus. Itaque non est cum vulgo censendum  
hanc

hanc nostram Terram ab Æthere esse remotiorem, quàm Solem aut Stellas fixas. Atmosphæras Solis & Stellarum, hoc est, proximas quæ iis incumbunt materiæ cœlestis partes Atmosphæram nostram multò densiores esse, ob rationes allatas, necesse est. Indidem etiam colligimus non magis Fixas esse *supra* nos, quàm nos *supra* eas. Sunt innumeri, & infiniti fortè vortices, sine ordine nobis noto, per immensam Mundi extensionem sparsi, in quibus neque quidquam *superius*, neque *inferius* dici potest. Sed vulgus superius id esse ait, quod capitibus nostris imminere videtur. Si ejusmodi tamen loquutione utendum sit, à qua propter frequentissimum usum vix abstinere possumus, adhibenda est dumtaxat respectu singularis vorticis, qui hac in parte nihil habet cum ceteris commune.

13. Itaque respectu singulorum vorticum, ea infima dicimus; quæ circa eorum centrum, suprema quæ ab eo sunt quàm remotissima. In vortice Terræ, exempli causâ, infima pars est globi Telluris centrum; summa quæ ab regione Lunæ, usque ad extimam vorticis oram, porrigitur. In Solari pariter, Sol est omnium infimus, & supra Solem Planetæ, eodem ordine quo sunt à nobis considerati. Nisi hoc observemus, infra pedes nostros, Antipodas esse cum vulgo dicentes, homines insistere Terræ capitibus in cœlum pendulis, & reliqua omnia eodem stare situ cum pueris mirabimur.

14. Hæc paucis monere oportuit, ne vulgaris sermonis errore nos abripi sineremus, néve in alienum sensum quæ de situ *altiore* aut *inferiore* Ætheris, aut Planetarum passim dicimus, ab incau-

## 88 P H Y S I C Æ L I B. I.

cautis acciperentur. Observamus ergo Ætherem, quò altior est, eò oportere esse rariorem; & in regionibus quidem, per quas feruntur Planetæ & Cometæ, rarissimum, quandoquidem non Planetæ. modò constanti ordine in eo, sine ulla, quæ animadverti queat, motûs sui imminutione, sed etiam Cometæ ordine. contrario facillimè feruntur. Præterea si densior esset Æther, si non Solis, cujus lumen vicinius, potentiûsque est; saltem Stellarum Fixarum immensâ distantia remotarum, & superiorum Planetarum primariorum & secundariorum conspectum nobis interciperet.

15. Sed ne sit ambiguitas in voce *raritas*, atque hinc nascantur difficultates vix solvendæ, animadvertendum est, cum *Christian. \* Huygenio*, duplici ratione rarum dici posse. Aut enim omnes ejus partes sunt invicem remotæ, ut multum intersit vacuum; vel contiguæ quidem sunt, sed contextus singularum aded rarus est, ut poros multos habeant inanes. Cum prioris generis raritate, vix ejus consistere potest gravitas, quæ in eo sita est. ut superiores partes inferiores premant, omnesque centro incumbant. Præterea cum vacuo interposito non consentit incredibilis luminis propagationis celeritas, quæ ex certo experimento, sexcentis mille vicibus, soni propagatione celerior est. Antequàm enim prima pars materiæ cœlestis pulsæ secundam, trajecto quod inter eas esset vacuo, & secunda tertiam, & sic alias aliæ ferirent, donec ad ultimam deventum esset, multò longius tempus elaberetur.

16. Ita-

\* *Lib. de Gravitate. p. 161.*

16. Itaque præstare videtur, ut raritatem secundo modo intelligamus; aded ut quamquam se invicem particulæ materiæ cœlestis tangunt, attamen raritas earum contextûs motui Planetarum & Cometarum quàm minimè resistat. Quis enim novit quàm tenuia possint confici corpora, etiam solida? Sed præterea summa materiæ æthereæ fluiditate fieri potest, ut spatia quæ occupat à solidis corporibus facillimè permeari queant. Sic fluiditate aquæ fit, ut multò minùs corporibus per eam motis resistat, quàm pulvis etiam tenuissimus; cujus tamen aliæ ab aliis remotiores videntur esse particulæ, quàm aquæ. Itaque materiæ aquâ multò fluidioris resistentia potest, ob summam agitationem partium, penè nulla esse: quemadmodum videmus aëris resistentiam multò minorem esse, quàm aquæ.

17. In iis, quæ modò diximus, statuimus sententiam Veterum, qui spatia, in quibus sunt Planetæ, solidâ materiâ, seu solidis orbibus esse plena existimabant, falsam esse, quâ de re nemo ampliùs dubitat. Sed hoc quoque falsum est, quod de cœlestium rerum materiâ docebant, nimirum, eam mutationi, ut hæc nostra est sublunaris, obnoxiam non esse. Quod apparet ex eo quod diximus de vaporibus, qui ex corpore Cometarum exeunt, & quibus horum formantur caudæ. Cùm enim caudæ illæ crescant in Perihelio, & postea minuantur, spargitur sine dubio hac illac per Ætherem ille fumus; & pars ejus fortè pondere suo ad Planetarum fertur Atmosphæras, pars usque aded comminuitur & moyetur, ut unâ cum Æthere  
cir-



circa Solem, communi totius Solaris vorticis motu, rapiatur.

18. Præterea rerum Astronomicarum periti in Æthere, aliquando vasta spatia densiori materiâ occupari observarunt. \* Anno 1683. initio veris *J. D. Cassinus*, animadvertit nescio quam lucem in signis, quæ eâ tempestate à Sole percurruntur, instar ejus lucis, quâ via Lactea splendet, nisi quòd media pars lucidior, extremæ obscuriores erant. Constellationes Arietis & Tauri inusitato illo lumine illustratæ videbantur, nec ab eo occidentes deferebantur, sed perpetuo eovidebantur uti comite. Ad Occidentem conspectus ejus non finiebatur, nisi nebulis, quæ tres aut quatuor gradus supra Horizontem elatæ erant. Pars ejus lucidissima, in occasum vergens, octo aut novem gradus lata erat. Obliquè id corpus lucidum juxta Zodiacum extendebatur, extremitasque ejus Septentrionalis ad lucidissimas capitis Arietis stellas pertingebat, cujus totum corpus eo tectum erat. Secundùm longitudinem, juxta Pleiadas porrectum erat; atque in acumen desinebat circa caput Tauri. Hæc eò facilius observabantur, quòd per eam lucem, etiam ubi densissima erat, Fixæ omnes Stellæ cernerentur, quemadmodum per Cometarum caudas.

19. Quamvis hæc lux similis esset Cometarum caudæ, quòd esset pellucida, ejusdemque coloris & sitûs respectu Solis, cui secundùm longitudinem opposita erat; attamen non poterat esse Cometæ cauda, quòd esset omnibus iis quæ conspectæ sunt multò latior. † Plura de ea non dicemus

\* Vide *Ephemerides Parisienses* ejus anni ad 10. Maji. † Vide *Ep. Nic. Fatio de Duillier* ad *J. D. Cassinum Biblioth. Univ. T. III.*

*De Universo in Genere. C. VII.* 91

mus hîc, cùm à viro Erudito sit eius motus diligenter observatus, & ex præteritis observationibus etiã in futurum, nisi materia dissipetur, prædictus. Atque hinc satis liquet ingentes, in materia cœlesti, fieri mutationes; cùm Cometarum vapore spatia illa sæpe impleantur, aut aliis corporibus, fluidis quidem, sed eã crassioribus, quale fuit hoc, de quo modò diximus Phænomenon; quod tamen fortè etiã vapore Comete ultra Solem versantis constitit, quamquam eum Cometa, quòd Soli propior esset, non vidimus.



## P H Y S I C Æ

## LIBER SECUNDUS.

## D E

## TERRA &amp; MARI.

## C A P U T I.

*De Tellure in se spectata.*

1. **P**ostquàm longè latèque, per vastissima Universi spatia, vagati sumus; tandem, quasi ex longinquo itinere in Patriam reducibus, hæc nostra Terra, quàm incolimus, nobis diligentius lustranda est. Nam in priori quidem Libro, figuram ejus, motusque diurnum & annuum, & situm quem in iis motibus servat, consideravimus, & quæ inde consequantur potissima paucis tradidimus, hîc nequaquam repetenda. Verùm, nunc molem ipsam Telluris, eaque, quæ ex ejus visceribus effodiuntur, inspecturi sumus.

2. Primo intuitu Terram spectantibus nihil prius occurrit ingenti massâ, terrâ, hoc est, solidâ-

Idarum plurium materiarum congerie & aquâ cum falsâ tum dulci constante; unde à Philosophis *Terraqueus Globus* haud rarè vocantur. Quamvis in eo solidæ materiæ copia fluidam fortè superet, attamen superficiei globi majorem partem occupat aqua, quod liquebit in terrestrem globum oculos conjicientibus. Nam præter fluvios, & lacus, & stagna, & fontes, quibus irrigatur Terra, variis in locis; Oceanus, ejusque sinus longè latiùs extenduntur, quàm sicca humus. Quod, sine dubio, in incolarum gratiam ab rerum Creatore factum est, ob ingentem aquarum usum, aut rigantium terras, aut pisces suppeditantium, aut navigandas se præbentium, summa cum hominum utilitate.

3. Verùm missis aquis, de quibus postea agemus, si quod *Terra* vocatur consideremus, deprehendemus esse congeriem, ut modò dicebamus, variorum corporum. In ea enim arena, argilla, terræ variorum colorum, lapides multorum generum, salia plura, sulfur, bitumen, mineralia innumera, metalla, aliâque à fodientibus inveniuntur. Neque, ut multa ejuscemodi corpora cernantur, opus est ut ad ejus centrum usque fodinas agamus, quò humana industria pervenire nequit; intra aliquot pedes, aliquando plurima id genus effodiuntur. Sed si quis præsertim *Hungaricas & Peruvianas* metallorum fodinas lustrarit, quæ aliis profundiores esse dicuntur, innumera talia deprehendet:

4. Veteres Philosophi, quorum Scholastici sequuti sunt sententiam, & qui contendebant  
Ter-

94 P H Y S I C Æ L I B I.

Terram unum esse ex quatuor illis *Elementis*, ex quibus omnia constant, cum ejusmodi rerum mixturam in Terræ partibus, quæ superficiei vicinæ sunt, animadverterent, Terram hanc *puram* esse negabant, & suum illud *Elementum purum* esse circa centrum dictitabant. Sed cum nemo ad regiones centro Terræ vicinas accedere hæcenus potuerit, inanis est hæc eorum conjectura; quod magis liquebit ex iis, quæ Lib. V. de eorum dicemus *Elementis*.

5. Si comperta esset *R. Cartesii* conjectura, quâ censet Planetas olim fuisse Stellas fixis similes, atque igneâ materiâ constantes, sed postea incrustatas opacâ & solidâ, in centro terræ esse etiamnum hodie ingens flamma, quod nonnulli opinantur. Verum cum ratio, quâ factos esse Planetas conjecit vir summus, inter ea numerari possit, quæ sunt ex quacumque parte spectentur dubia, nec vero propiora iis quæ naturâ suâ impossibilia sunt, nisi quodd fieri posse videantur, temerè sanè centrum Terræ igneum esse à nimis ejus admiratoribus statuitur.

6. Si Terræ partes, quibus nunc constat, aliquando sejunctæ circa centrum idem actæ fuissent orbiculari motu, ex certissimis experimentis possemus colligere ad centrum Terræ deturbatas fuisse eas partes, quæ omnium densissimæ sunt. Cum autem nihil norimus gravius metallis, haud incredibile esset intimas Terræ regiones constare immani massâ variorum metallorum. Quo posito, in ea opinione confirmari nos sentiremus magneticis experimentis, ex quibus ferè constat, Terram esse instar ingentis Magnetis. Itaque non absurdè suspicaremur Terram, in mēdi-

ditullio potissimum, ferrea, aut magnetica materia abundare; quod esset eorum sententiæ prorsus contrarium, qui igneum ei esse centrum affirmant. Sed quod est hic adsumendum, nullâ certâ ratione constat, ideoque adsensum, ne fallamur, cohibere hoc in negotio multò præstabilius est.

7. Interea, ut Cap. VI. §. 13. Libri I. observavimus, quò altius Terra effoditur, eò gravior est materia; & quamvis ad Terræ centrum accedere non liceat, attamen è profundissimis fodinis metalla hauriuntur, quæ rarò in superficie Terræ inveniuntur; & si liceret aliquot milliaria fodere, cum vix semimilliaris sint fodinæ omnium profundissimæ, fortasse densior occurreret materies.

8. Cum ea incomperta sint, hoc licet saltem de Terra affirmare, quod ad partes superficiiei viciniore attinet; perpetuam, nimirum, in iis fieri mutationem, quæ ex variis causis oriri potest. Inter eas, humanos labores non numerabimus; sed cum videamus durissima corpora quæ aëri exposita sunt, ne excepto quidem adamante, teri longo tempore & varias mutationes, sine humana opera, pati; totam Terræ, cui aër incumbit, superficiem ei rei obnoxiam esse colligere possumus.

9. Præterea Tempestatum perpetua vicissitudo, calor, frigus, pluviae, venti, terræ motus, cluviones, aliæque id genus ingentem perpetuò afferunt mutationem, in eam partem Terræ quæ ejus superficiiei proxima est. Si addas innumerorum Animalium, & Plantarum, quæ Terræ fructibus; aut succis aluntur, atque in  
Ter-

Terram putrefactione post breve tempus, redeunt, mutationes perpetuas; hanc quam calamus superficiem, in regionibus potissimum à longo tempore cultis, constare ferè corporibus animalium brutorum aut hominum intelliges; vel potius materiâ, quæ varias formas quotidie induit.

10. Perpetuis autem illis materiæ fluctuantis vicibus, non potest non evenire ut terra arida augeatur, minuatür verò humor; nam partes corporum fluidorum, quæ semel solidis mistæ sunt, & variis salibus permixtis fluiditatem suam amiserunt, eam amplius recuperare non videntur. Quod fit potissimum in Plantarum & Animalium corporibus, quæ liquidis vegetata & nutrita ampliora fiunt, & postea in putredinem abeunt. Hinc colligunt nonnulli ne nimium Planetarum decreseat, ac tandem deficiat humor, Cometæ esse à rerum Opifice institutos; quorum fumilaté per Solarem vorticem sparsi, in minores Planetarum vortices decidunt, eorúmque liquores augeant.

11. Ingens quoque oriatur in Terra mutatio necesse est ex variis ignibus, qui ejus viscera depasci videntur; verum ea de re fusiùs, in III. Capite agemus.

12. Suprà §. 6. obiter indicavimus Terram instar ingentis Magnetis aliquando à Philosophis, spectari, quod ubi de Magnete agemus copiosius diducemus. Interea hîc possumus observare, hac quoque in parte, fieri varias in ea mutationes; quod liquet ex acûs magneticæ declinationibus, quæ nunc directè Polo observata est, nunc ad occasum, aut ad ortum, aliquot



quot gradibus declinat. Hoc autem non potest fieri, quin materiæ magneticæ, quæ ex Terra manat, mutantur meatus, cum modò rectè ex Polo videatur venire, modò ex Terræ partibus, quæ ad sinistram, aut dextram sunt. An porrò ea mutatio ex ignibus subterraneis, qui magneticas Terræ fodinas hîc aut illic corrumpant, quæ tamen postea reparentur, an alia de causâ fiat, nemini constat.

## C A P U T II.

### *De rebus subterraneis in genere, & primùm quidem de Sulfure & Bitumine.*

1. **D**iximus superiore Capite, Terræ hujus nostræ molem non constare homogeneâ materiâ, sed innumeris variorum generum corporibus esse mistam. De potissimis, quantum nobis per brevitatem institutam licet, singillatim agemus; atque hîc quidem non ipsam Terræ superficiem, sed quæ sunt paulò interius considerabimus.

2. Non possumus equidem quæ ex Terra effodiuntur accuratè dividere, ut ad certa referantur genera, ex quorum definitionibus quidquid est inferioribus speciebus commune, quidquid generibus inter se diversum, intelligi queat. Ut hoc fieret, naturas omnes earum rerum nobis esse oporteret certò perspectas, à qua cognitione multum absumus. Ut tamen ordinem aliquem observemus, quæcumque sub Terra latent in tres ordines dividemus. Sunt quæ flam-



nam concipiant, sunt quæ vi ignis liquefiant, sunt denique, quæ in calcem redigantur. Horum potissima eo ordine lustrabimus.

3. Inter ea quæ flammam concipiunt, præcipua sunt sulfur, & bitumen & varia eorum genera; aut eorumdem diversæ, quas non recensebimus, mixtura. Plurimis autem in locis Terrarum, effodiuntur sulfur & bitumen, puriora quidem aut impuriora, seu quæ minus aut magis purgari debent, ut usibus quibus adhibentur inserviant.

4. Sulfur igitur est, quantum licuit nobis ejus naturam cognoscere, fossile coloris lutei & subviridis, quod facile frangi potest atque in tenuissimum pulverem comminui, & quod incenditur igni admotum. Ingentis est odoris, & incensum exigua copiâ eo aërem implet; si majore uratur, in loco clauso, facile suffocare potest præsentem, qui præsertim difficiliore respiratione laborarent. Est quidem ligno gravius & compæctius, sed non æquat pondus aut soliditatem metallorum.

5. „ Nascitur \* in insulis Æoliis, inter Sici-  
 „ liam & Italiam; sed nobilissimum in Melo in-  
 „ sula. In Italia quoque invenitur, in Neapoli-  
 „ tano, Campano quoque agro, collibus qui vocan-  
 „ tur Leucogæi. Ibi è cuniculis effossum perfici-  
 „ tur igni. Genera quatuor; vivum quod Græ-  
 „ ci *ἀνερ* vocant (*hoc est, quod ita purum est,*  
 „ *ut purgatione, quæ ignis ope fit non indigeat*)  
 „ nascitur solidum, hoc est, gleba. Solum,  
 „ cetera enim liquore constant & conficiuntur  
 „ oleo, (*aut aquâ*) incocta, vivum effoditur,  
 „ translu-

\* Plinii sunt verba ex Lib. xxxv. c. 15.

„ transluçétque & viret. Alterum genus appel-  
 „ lant glebam, fullonum tantum officinis fami-  
 „ liare. Tertio quoque generi usus tantum unus  
 „ est, ad suffiendas lanas, quoniam candorem  
 „ tantum molliciemque confert. Egula voca-  
 „ tur hoc genus. Quarto autem ad ellychnia  
 „ maximè conficienda.

6. *Ἀσφύς*, aut quod diligenter purgatum est,  
 pluribus morbis, & doloribus discutiendis adhi-  
 betur, quibus nocet frigus, calor conduct.  
 „ Sentitur vis ejus & in aquis ferventibus (*in*  
*Thermis*, quibus membrorum doloribus solent  
 mederi) „ neque alia res facilius accenditur, quo  
 „ apparet ignium vim magnam ei inesse. Ful-  
 „ mina & fulgura quoque sulfuris odorem ha-  
 „ bent, ac lux ipsa eorum sulfurea est. Hæc &  
 „ alia de sulfure *Plinius*, quibus sunt adjungenda  
 quæcumque alibi eadem de re legentur, aut experi-  
 entia cognosci poterunt.

7. „ Bituminis \* vicina est natura, alibi limus,  
 „ alibi terra. Limus, è Judææ lacti emergens;  
 „ terra in Syria, circa Sidonem oppidum mariti-  
 „ mum. Spissantur hæc utraque & in densita-  
 „ tem coeunt. Est verò liquidum bitumen, sicut  
 „ Zacynthium, & quod à Babylone invehitur.  
 „ Ibi quidem & candidum gignitur (*nam pteru-  
 „ que nigrum est*). Liquidum est Apolloniati-  
 „ cum; quæ omnia Græci *πίσας* appel-  
 „ lant, ex argumento picis & bituminis. Gigni-  
 „ tur etiam pingue, liquoris oleæ, in Sicilla  
 „ Agrigentino fonte, inficiens rivum. Incole  
 „ id arundinum paniculis colligunt, citissime sic  
 „ adhærescens. Utuntur eo ad lucernarum lu-

E 2 „ mina,

\* Verba sunt *Plin.*

## 100 P H Y S I C Æ L I B. II.

„mina, olei vice. Ceteri usus non multum ab  
usibus sulfuris absunt.

8. Potest ad bitumen referri etiam *Naphtha*,  
quæ liquida est, & quæ à bitumine non differt,  
nisi quod facilius ignem concipit, & difficilius  
extinguitur. „ Igni \* admota eum corripit,  
„ si corpus eâ illitum igni admoventis deflagrat,  
„ nec aqua ullo pacto extingui potest, sed magis  
„ etiam exardescit, nisi multam superintude-  
„ ris. Cæno, aceto, alumine & visco oppres-  
„ sa extinguitur. Alexandrum tradunt, ut  
„ experimento rem cognosceret, pucro cuidam  
„ in balneo Naphtham illevisse, ac lucernam  
„ admovisse, puerum pænè deflagrasse, & pe-  
„ riturum fuisse, nisi circumstantes, multâ  
„ haustâ aquâ, flammâs devicissent, & puerum  
„ servassent. Posidonius scribit è fontibus  
„ Naphthæ Babylonis, quosdam nigram Naph-  
„ tham, quosdam albam producere; atque ex  
„ his alios esse liquidi sulphuris, eos, scilicet,  
„ qui albam Naphtham habent, quam & flam-  
„ mæ arripiant: eos verò, qui nigris bituminis  
„ sunt, liquidos esse, & pro oleo in lucernis  
„ usurari.

9. Naphthæ genus videtur esse, quæ *Maltha* † di-  
„ citur, limus flagrans qui in Commagenes urbe  
„ Samosatis stagno emittitur. Cum quid attigit  
„ solidi, adhæret, præterea tactu sequitur fu-  
„ gientes. Sic defendere muros, oppugnante  
„ Lucullo, flagrabatque miles armis suis. Aquis  
„ (*nempe, modicis*) etiam accenditur. Terra  
„ tantum restingui docuerunt experimenta.

10. Mi-

\* Strabo Lib. XVI.

† Plinius Hist. Nat. Lib. 2. c. 104.

10. Miftum videtur bituminè & sulfure; unà cum terra, corpus *carbonis* illius qui vulgò *lapideus* dici solet; qualis effoditur in Scotia, & septentrionalibus Angliæ partibus. Ideoque ignem facile concipit; & conceptum servat, donec omnis materia consumpta sit. Tetrum etiam odorem, bituminis & sulfuris odore mistum, emittit; unde † quandoque factum ut fodinarum, si fortè incenderentur, vapore, qui in eas descendebant, suffocarentur: ut & vaporibus Vesuvii extincti sunt, qui æquo propius accesserunt, aut qui *duarvolia* laborabant, cujus est celebre exemplum \* *Plinius*, naturæ dillgens indagator.

11. Cum hæc sint potissima fossilia, quæ ignem concipiunt, & hæc præcipua, quantum quidem ea novimus, eorum attributa; quæritur jam quæ sit intima eorum natura, ex qua memorati fluunt effectus? Ad ejus rei cognitionem cum oculorum ope pervenire non possumus, quippe quæ oculos fugit, ex effectibus conjectura dumtaxat potest fieri, quæ pro re compertâ nemini debet obtrudi.

12. Cum omnia corpora non modò generalibus quibusdam proprietatibus consentiant, de quibus Lib. V. agemus, sed peculiaribus multa habeant, peculiaribus ex causis hæc oriri necesse est. Sunt qui ad *formas* nescio quæ, quibus unumquodque corpus est id quod est, & quidem *substantiales* confugiunt; sed cum non doceant quæ sit earum formarum natura, perinde est ac si nihil dicerent; nec vulgus hac in re superant, nisi vocum ignotarum usu. Itaque

E. 3. est

† *Vide Albi Philof. Londin. an. 1665. §. 5. Mensis Maio.*  
*Vide Plinii Junioris Lib. VI. Ep. 16.*

102 P H Y S I C Æ L I B. II.

est ad aliud quidpiam deveniendum, si conjectura necessariò facienda sit de causis effectuum, qui ex singulorum corporum natura pendent.

13. Si possemus texturam sulfuris & bituminis aliquà arte videre, fortè deprehenderemus ea constare tenuissimis partibus, issque flexilibus & ramosis, & poris præterea refertis. Certè ejusmodi corpora videntur aptiora esse ad ignem concipiendum, quàm alia, & simul effectus alios edendos, quos à sulfure & bitumine, affinibusque aliis edi videmus.

14. Primò cùm ignis tota vis, ut manifestò liquet ex corporibus combustis, in eo sita sit, ut partes corporum quæ corripit divellat, sicut Capite sequenti copiosius ostendemus; quod facile uritur debet habere partes tenues & flexiles, quæ non ægrè divellantur. Secundò, in iis partibus sint pori necesse est, quos particule igneæ subitò subeuntes, ita dilatent, ut textus corporum laxetur, partesque dissiliant.

15. Tertiò, ramosas in sulfure & bitumine statuimus, quia corpora ea aut sponte liquida, aut igne liquefacta viscida sunt, & facile immersis corporibus adhærent, quod in bitumine potissimum animadvertimus. Non possunt autem ita junctæ esse, ut in fila veluti deducantur, quin ramusculis connexæ sint; neque tactis corporibus adhærere, nisi in eorum corporum poros, & asperam superficiem tenuissimos illos ramos immittant.

16. Quartò, accensum bitumen, aut naphtha aquæ exiguâ copiâ affusâ non exstinguuntur; quia  
partes, quamvis vehementissimè

vi ignis agitata, non illico prorsus divelluntur, sed ramis implicitæ aliquamdiu, postquam flammam conceperunt, manent; unde etiam fit ut flamina eorum sit crassior, nec ejusdem coloris ac flamina, ex corporibus aliis orta. Aqua ergo in densam flammam effusa non potest, inter ejus partes subeundo, eam suffocare, aut extinguere, quia aquæ densitatem parè flamma æquat; nisi aqua majori sit copiâ; aut simul corpus aquâ crassius, ut terra, in flammam incidat, cæmq; opprimat pondere suo.

17. Hinc fit etiam ut ardentes prunas, ne nimio ardore celerius æquo absumantur, fabri ferrarii soleant subinde aquâ adspargere; quod non auget quidem vehementiam ignis, sed obstat quominus tota ejus vis nimis citò evanescat, aliquas ignis partes extinguendo. Qua de causa, etiam Naphthæ, aquæ exiguâ copiâ affusâ, videtur augeri ardor, quia aqua modica nimis rapidè evanescenti ardori moram affert.

18. Hæc videntur posse de natura eorum fossilium, quæ faciliè ignem concipiunt, summam dici; neque enim conjecturæ nostræ eò usque pertingere queunt, ut eorum discrimina ostendant. Hoc tòrtè addere possumus: nimium, in aliis partes illas ramosas tenuiores esse, & poris pluribus perforatas quàm in aliis. Naphtha, quæ ex admotâ face ignem concipere dicitur, ingentem odorem emittit, hoc est, tenuissimas particulas, quæ perpetuò ex ea elabuntur, narèsque adstantium subeunt instar fumi. Ille autem fumus cum viscidus & continens sit cum corpore ipsius Naphthæ, statim ac flammæ vim sentit, non modò flagrat subtilissimâ flammâ,

sed eam etiam ad Naphtham defert. Exemplo inflammabilis fumi, in Capite sequente, hoc illustrabitur.

19. His ita expositis, non videbitur mirum tantum odorem ex inflammatis Sulfure, Bitumine aut Naphtha elabi; nam pro densitate flammæ densus etiam est odor, quamvis inconspicuus. Flamma quidem eorum partes variè frangit, harumque ramos amputat; sed cum rami possint esse in infinitum tenuiores, fieri potest ut in ipso fumo particulae per aërem volitantes etiamnum ramosae sint, licet plerique rami & majores sint fracti. Atque hinc fit ut vel ipse odor suffocet, quod *Plinio*, qui nimium ad accensum *Vesuvium* appropinquare sustinuerat, contigit. Cum odor Sulfuris alios in fugam verteret, excitatus *Plinius*, qui super objectum linteam in littore sederat, innixus servis duobus adsurrexit, & statim concidit, ut rectè sororis ejus filius conjectabat, crassiore fuligine spiritu obstructo.

20. Ut hosce effectus explicaremus, de ratione quâ concipitur flamma obiter aliquid dicendum fuit; sed res digna est copiosiore explicatione, quâ etiam indigemus, antequam ad ignes subterraneos deveniamus.

C. A P U T III.

*De Igne. in genere, & in specie Ignibus subterraneis, ac terra motibus inde nasci solitis.*

1. **A**Ntequàm de ignium subterraneorum natura agamus, de igne in genere nobis dicendum est. Neque enim possemus ostendere quâ ratione materia quibus aluntur possit incendi, nisi priùs quomodo excitetur ignis demonstraverimus. Igitur illico cujusvis ignis effectus varios recensebimus, deinde ad eorum causas penetrare nitemur; quod ubi fecerimus, ad ignes subterraneos veniemus.

2. Pro variis materiis, quæ in ignem conjiciuntur, vel quibus ignis immittitur, varii oriuntur effectus quorum hi præcipui sunt. 1. Si ignis subjiciatur ligno, aut laxioris ejusmodi contextûs materiæ, flammam eæ materiæ concipiunt. 2. Sed ut flammam concipiant, oportet ignem & quæ uruntur aëre circumdari, certè aliquo, si non amplo & aperto; alioqui suffocatur ignis, atque exstinguitur. 3. Imò verò etiam si, in loco clauso, non deest prorsus aër, nisi is aër cum aperto aëre, per foramen conjunctus sit, ut exire & redire possit; materia incensa exstinguitur, quamvis in aperto aëre ignem semel conceptum, donec tota absumatur, conservare soleat; quod nobis exemplo bituminosorum cespitum, qui in Hollandia uruntur, constat. Candelæ etiam, in vitreo vase accensa, si accuratè vas clausum sit, ut nullus subire possit aër, bre-



vi exstinguitur. 4. Corpora quæ ignem conceperunt, si pergamus iis ignem admove-  
re, dum flammam & fumum emittunt, pro vario eorum  
contextu densiore, aut rariore, celerius aut se-  
rius absumuntur; neque ex iis quidquam, præ-  
ter cineres, superest. Si liquores sint pingues,  
aut qui ad vini naturam accedant, flammam fa-  
cilè concipiunt, & ut cetera consumuntur; sin  
verò sint aqueæ naturæ, & vase aliquo, materiâ  
quæ flammam non concipit constante, conti-  
neantur, admoto igne, fervent & paulatim in au-  
ras abeunt, dum perpetui, pro ignis vi, ex iis ela-  
buntur vapores. 5. Contextûs densioris corpo-  
ra, qualia sunt quæ metalla dicimus, hoc est,  
aurum, argentum, æs, ferrum, stannum, plum-  
bum, variæque eorum mixturæ, vi ignis lique-  
fiunt, quamquam non intra idem tempus, aut  
æquè facilè. Hydrargyrum, quod liquidum est,  
absumitur exhalationibus, quas emittit. 6. Li-  
quefacta metalla, si ignis vis perpetuò in ea agat,  
pondere multum minuuntur, & tandem exhau-  
riuntur, ut nihil supersit præter scórias; quæ &  
ipsæ violentiori igne rediguntur in calcem, &  
tandem consumuntur. Sed aurum, quod purius  
est, eò diutius vi ignis resistit, nec pondus suum,  
ut alia metalla amittit. 7. Lapides, & quæ ad  
lapidum naturam accedunt, aut liquefiunt, in  
vitream, hoc est, pellucidam materiam, aut in  
calcem & pulverem rediguntur.

3. Effectum ignis, quasi ab iis quos primos  
recensuimus diversum, non memoramus eum,  
quem in nostro corpore edit. Nam in carnem  
nostram, eodem modo ac in quamvis aliam car-  
nem, agit; primum eam lenius, si remotior sit,  
agi-

agitat ; si magis admoveatur, fervorem excitat in partibus pinguioribus & liquidioribus , quæ effusæ in flammam incenduntur , & in auras abeunt , dum partes crassiores in cineres rediguntur.

4. Hosce effectus edit ignis accensus, sed observandum quoque diligenter quomodo accendatur, alatur, atque exstinguatur, si velimus ejus naturam cognoscere. Non dicemus accendi alium ignem igne accenso, hoc enim ad superiores observationes pertinet. Sed si desit ignis, potest variis modis generari. 1. Si colligantur speculo concavo radii Solares, incendunt id punctum, in quod incidunt, si sit materia quæ incendi queat, ut lignum, charta &c. 2. Si vehementer collidantur filices, profiliunt scintillæ, quod fit etiam si ferro silex tundatur; hæque scintillæ incidentes in materiam, exempli causâ, sulfuream, aut tenuis contextûs, eam illico incendunt. 3. Si lignum ligno, aut ferro, vel alio corpore solido, diu & vehementer teratur; tandem lignum incenditur, quod animadvertitur in rotis curruum, qui magnâ celeritate & diu aguntur, tempestate sicciore.

5. Ignis alitur eadem materiâ adjunctâ, quæ eum generavit, aut aliâ quæ faciliè ignem concipit. Sed sunt materiæ nonnullæ, quæ flammam quidem aut ignem concipiunt, & quæ sponte suâ exstinguuntur, nisi alia similis materia perpetuò accedat, aut vehementiori flatu adjuventur. Sic lignum ignem quidem & flammam faciliè concipit, sed si sit solum, exstinguitur; at si continuò materia nova sufficiatur, quæ unâ uratur, ignem donec absumentum, seu in cineres redactum

fit, servat. Sed sulfur, bitumen, aliâque quæ est utroque aliquid trahant, ut bituminosi cespites, & lapidei carbones, sine ullius alius materiæ adjumento, cum semel ignem conceperunt, non prius exstinguuntur, quàm quidquid uri potest exhaustum sit.

6. Ignis exstinguitur, variis rationibus :  
 1. pabuli conspicui defectu : 2. aëris inopiâ :  
 3. affusâ aquâ, aut ejusmodi liquore : 4. injecto pulvere, aut aliâ quâpiam re, quæ flammam suffocet.

7. Ut, quantum licet, omnium illorum effectuum causam inveniamus, incipimus ab ignis generatione, quæ nobis viam ad ejus cognoscendam naturam aperiet. I. In igne, qui speculi concavi operâ accenditur, videmus radios Solis, qui igneæ est naturæ, adhiberi; unde mirum non est, si ignis igne accendatur; tota difficultas in eo est sita, ut ostendatur quare urant à speculo concavo reflexi, non verò ab alia re, aut directè à Sole venientes. Hoc autem idèd fit, quòd à Sole radii per totum aërem, sparsim & divisim viribus emittantur, atque à superficie planâ, aut inæqualiter asperâ, similiter vel non multò aliter reflectantur, quâ ratione dispositis non satis magna vis est ut urant. Itaque opponitur Soli speculum concavum è cujus centri, propter figuram, regione colliguntur ad certam distantiam omnes radii qui in speculum incidunt, & conjunctis viribus urunt. Sic videmus etiam è fornace undequaque aperta, atque igne instructa, minorem multò ignis vaporem manare, quàm si per foramen exiguum vapor ille exeat. Hoc posito, facile est colligere id quod urit, materiam esse

esse tenuissimam, fluidissimam & vario motu agitata, qualis ea est quâ radii Solis constant, & quam oportet majori esse simul copiâ, ut corpus quodpiam incendat.

8. II. Quando colliduntur filices, aut feruntur, videtur magno impetu particula ex silice profilire in aërem, ubi rapidissimè in orbem acta crassiorē aërem disjicit, atque in sola tenuissima materia, quæ est in interstitiis & poris particularum aëris, natat. Quo fit ut lucem versus oculos nostros reflectat, uti ostendemus, ubi de luce agemus; utque, si corpus quodpiam laxioris contexturæ vicinum sit, eâ scintillâ incendatur.

9. III. Idem ferè in ligno, quod terendo & fricando incendimus, fieri videtur. Particulæ enim ligneæ, dum lignum vehementius teritur, necessariò convelluntur, atque dividuntur, simulque circa ligni superficiem celerrimo motu acquisito aërem pellunt, eodem modo ac silicis particulæ, unde nascitur ignis. Sed quia mollius est lignum, neque tam subito, neque tam procul eæ particulæ in aërem exsiliunt, sed circa superficiem hærent ligni; quod prius calorem attritu concipit, donec aucto calore, hoc est, particularum ejus motu, flamma emicet. Huc etiam accedit quod cum lignum, dum terræ radicibus hæreret, aleretur terræ succo, cui semper particulæ sulfureæ sunt admixtæ, & qui non modò in lignum densatus est, sed etiam partibus aqueis in vapores digressis, exsiccatus adhæret poris ligni, instar resinæ cujusdam; quo fit ut facilius accendatur. Fortè & in silicibus particulæ sunt sulfureæ, quas etiam odor videtur prodere;

## PHYSICÆ LIB. II.

nam si duos silices sæpiùs tundamus, ut plures exsiliant scintillæ, sulfureus odor nares nostras ferit.

10. Ignis semel accensus non ideò perpetuus est, nisi enim flammæ suppeditemus alimentum ex materia quæ faciliè flammam concipiat, brevi exstinguitur. Quod ideò fit quia flamina non constat tantùm tenuissimâ illâ materiâ, quam per æris poros sparsam diximus, & quæ summæ est fluiditatis; sed crassioribus etiam quæ ex materia combusta, cum sulfureis aut bituminosis particulis elabuntur, & quarum vis ærem undequaque incumbentem disjicit. Eæ ergo crassiores particulæ, cum vehementissimo flammæ motu comminutæ sunt, hac illac sparguntur; unde fit ut tandem deficientes ærem non ampliùs repellant, utque ær pondere suo, & vi elasticâ, quæ in eo multis experimentis deprehenditur, tenuissimam materiam opprimat, atque in poros suos recipiat.

11. Verùm aliquod tamen est in materiis, quibus alitur ignis, discrimen; quædam enim, nisi perpetuò igni admoveantur & aliquâ quidem copiâ, exstinguuntur; alias ubi semel ignis corripuit, non dimittit donec absumserit. Hæ sunt sulfureæ, nimirum, aut bituminosæ, quæ constant partibus ramosis, & inter se mirum in modum implicitis, quamquam raræ aliòqui contexturæ. Cum semel una ignem concepit, non planè ab aliis divulsa, iis motum quo cietur communicat; qui ita per totam molem fertur, donec prorsus consumpta sit. In aliis verò materiis, in quibus nulla est, aut exigua viscositas, partes elapsæ, & separatæ vi ignis ceteras non commovent,

*De Terra & Mari. C. III. III*

vent, nisi materia perpetuò in locum, ubi flamma major est, pellatur. Baculi pars altera uritur, dum altera incolumis remanet. Sed tamen si sit major flamma, majorque proinde materiæ copia, latè vagatur, & quidquid uri potest incendit, quia tunc temporis multò major est flammæ vehementia.

12. Vix potuimus explicare quo modo ignis alatur, quin simul obiter ostenderemus quâ ratione exstinguatur, quo fiet ut brevius de extinctione acturi simus. I. Exstinguitur pabuli conspicii defectu, ut diximus §. 10. II. Exstinguitur aëris inopiâ, ut ex suffocatis cespitum carbonibus, quotidie videmus; quia, nimirum, præter materiam conspicuam quâ alitur, videtur inesse aëri nescio quid sulfureum & nitrosum, quod flammæ etiam & igni subtilius alimentum suppeditat: & quod si deest, crassioribus partibus non sufficientibus vehementissimo illi motui conservando, exstinguatur ignis aut flamma necesse est. Itaque postquam in vase, in quo prunæ occlusæ sunt diligenter, absumta est. (quod brevi tempore fit) nitrosa illa & sulfurea aëris materia, exstinguuntur prunæ. De ea materia per aërem sparsa, ubi de aëre sermo erit, copiosius agemus. III. Facillimum est intellectu quo pacto aqua effusa, aut pulvis injectus flammam opprimant; quæ cum sint densiora & graviora aëre, pondere suo tenuissimas particulas ex aëre collectas facile dissipant, nisi sit ingens vis ignis.

13. Breviter hîc aliquid de fumo, qui flammam antecedere & sequi solet, dicendum nobis est. Sic ergo creari videtur. Cum partes materiæ:

teriæ urendæ nondum satis commotæ sunt, ut diffiliant magno cum impetu & aërem vicinum disjiciendo condensent, adeò ut ad eas fluat ex ejus poris materia tenuissima, & sulfurea quibus flamma concitetur; sunt tamen eæ partes satis commotæ, ut elabantur aliquâ copiâ, & motu leviores factæ superiora petant. Pariter cùm exstincta est flamma, superest tamen satis motûs, ut quamquam aër disjici non potest, particulæ calore convulsæ pergant fumi instar ascendere. Indidem discimus, cur liquores aquosi ignem non concipiant, sed in vapores abeant, ut postea ostendemus.

14. His positis, facile est proprietatum atque effectuum ignis rationes reddere. I. Flamma, quæ lignum corripuit, vehementissimo motu partes ejus agitans, divellit, ac frangit. Subtiliores, & quæ facilius comminui potuerunt, in auras abeunt cum fumo; & vaporem eum calidum, quem ad ignem accedentes sentimus, efficiunt. Crassiores verò, & quarum ignis non potuit contextum prorsus diffringere, in cineres recidunt; qui constant particulis admodum porosis, quippe in quibus quidquid exedi potuit absumtum est vi ignis. Atque hinc fit ut multam aquam bibant, quæ poros eorum subit. In cineribus etiam est vis quædam salis, quia particulæ salinæ, quæ succis terræ mistæ erant, quibus lignum alebatur cùm radicibus terræ affixum esset, sunt nimis crassæ, & rigidæ, quàm ut exhalari cum aliis queant. Sunt tamen & salia *volatilia*, ut dicuntur, quæ in aërem cum aliis partibus abeunt, quod ex Chymicis distillationibus constat, dùm sal *fixum* remanet.

15. I. I. Docuimus quare flamma aëre indigeat, ut & III. quamobrem suffocata intereat. IV. Vidimus quare in fumum & cineres abeant materiæ, quæ uruntur. V. Liquores dum sunt generum, alii sunt aquei, hoc est, & tenues & sine ulla propemodum viscositate; alii oleosi & pingues, ac viscosi. Aqua & similes liquores lebeti injecti, & flammæ impositi primum vehementius commoventur, quam naturâ suâ solent (quamvis omnis fluiditas sit, ut alibi videbitur, cum motu conjuncta) ac effervescunt, quo in statu ipsi oculi eos vehementissimè agitari docent. Quod dum fit, fumi, seu vapores perpetui ex liquoribus adscendunt, donec planè exhausti sint; quia partes celerius agitatæ sensim ab aliis divelluntur, & divulsæ, motuque leviores factæ per aërem sparguntur. Sunt flexibiliores, quam ut possint in aëre circumactæ eum dispellere, atque ex interstitiis, porisque condensati aëris ambientis subtiliorem materiam quâ inflammantur elicere; ideoque flammam concipere nequeunt. Sed oleosi, & pingues liquores, cum constent partibus sulfuris & bituminis partibus similes, flexibilibus quidem, sed multò aqueis rigidioribus, flammam haud difficulter concipiunt. Hæc eorum partes tenuiores, & fragiliores variè attritas & confractas, in aërem motu vehementi concitas spargit; alias verò crassiores, & duriores relinquit, quæ multò pauciores sunt, ut in omnibus materiis quæ flammam concipiunt.

16. VI. Hic esset ostendendum quâ ratione pleraque liquefiant metalla, & Hydrargyrum in exhalationes abeat; sed in Capite de *Metallis*,  
hac



hac de re agemus. Ibidem ostendemus quâ igne absumantur. VII. Postea, etiam de lapidum calcinatione dicemus.

17. Ex his, quæ diximus, jam satis colligere posse videmur quæ sit ignis natura, unde tot effectus manant. Est, nimirum, materia tenuissima, quæ è poris & interstitiis aeris in unum locum majori copiâ cogitur, & coacta illic servatur, particulis variarum materialium vehementissimè commotis, quibus aer disjicitur. Atque hinc fit, ut omnes effectus ignis ex motu pendeant, ut ex superioribus haud agere intelligi potest.

18. Itaque quando ignem *calidum* dicimus, idem est ac si particulas ejus vehementissimè quaquaversum moveri diceremus; neque *calor* ignis aliud est, quàm vehementior inconspicuarum particularum quaquaversum agitatio. Verùm, ne fallamur, animadvertendum duplicem esse earum vocum sensum; nam quando de meris corporibus sermo est, hoc tantum significant quod modò diximus. Sed cùm loquimur de nobis, qui præter corpus Mentem sentientem habemus; *calor* ut plurimum sensationem quæ Menti inest significat, & nos *calere* dicimus, ubi sensatione eâ afficimur. Nam quamvis eam sensationem non habeamus, nisi postquam ignis, aut alia causa membra nostra commovit; de ea commotione cogitare non solemus, quando nos calere affirmamus. Verùm hac de re in Parte V. ubi de *Qualitatibus*. In eadem etiam Parte de *Ignis Elementi* instar considerato, agemus. Nunc ad Ignes subterraneos properamus.

19. Plurimos esse apparet ex locis, in quibus  
 crumpunt. „ \* Ardet Ætna noctibus semper,  
 „ tantoque ævo ignium materia sufficit; nivalis  
 „ hibernis temporibus, egestumque cinerem prui-  
 „ nis operiens. Flagrat in Phaselide mons Chi-  
 „ mæra, & quidem immortalibus diebus ac noctibus  
 „ flammâ. Eadem in Lycia, Hephæstii montes,  
 „ tædâ flammante tacti, flagrant adeò, ut lapides  
 „ quoque rivorum & arenæ in ipsis aquis ardeant.  
 „ Baculo si quis ex iis accenso traxerit sulcos,  
 „ rivos ignium sequi narrant. Flagrat in Bæstris  
 „ Cophanti noctibus vertex. Flagrat in Medis  
 „ & Sittacene, confinio Persidis; Susis quidem  
 „ ad turrim albam è quindecim caminis, maxi-  
 „ mo eorum & interdiu. Campus Babylonæ  
 „ flagrat, quadam veluti piscinâ, jugeri magni-  
 „ tudine. Item Æthiopum juxta Hesperium  
 „ montem, Stellarum modò, campi noctu ni-  
 „ tent. Similiter in Megalopolitanorum agro,  
 „ tametsi internus sit ille, jucundus, frondem-  
 „ que densi supra se nemoris non adurens. Et  
 „ juxta gelidum fontem, semper ardens est Nym-  
 „ phæi crater, haud procul Apolloniâ. Augetur  
 „ imbris, egeritque bitumen, temperandum  
 „ fonte illo ingustabili, aliàs omni bitumine di-  
 „ lutius. Sed quis hæc miretur? in medio mari,  
 „ Hiera Insula Æolia, juxta Italiam, cum ipso  
 „ mari, arsit per aliquot dies, sociali bello. Ma-  
 „ ximo tamen ardet incendio *Θεῖον ὄρημα* dictum  
 „ Æthiopum jugum, torrentisque Solis ardori-  
 „ bus flammæ egerit. Hæc *Plinius*, quibus ad-  
 „ di potest in Insula *Thule*, quam nunc *Islandiam*  
 vocamus, sub frigidissimo Septentrionis cœlo,  
 à mon-

\* *Plinius* Lib. II, cap. 106.

à monte Hecla & circumjacentibus locis in ege-  
lidum aërem flammās vibrari.

20. Sant & varia loca è quibus fumi egrediun-  
tur, qui admotā flammā accenduntur. Apud  
*Allobrogas*, aliquot milliariis ab urbe *Gratianopo-*  
*li*, clivus est in quo hoc ab invisentibus cernitur,  
& tanta quidem flamma excitatur, ut ova in ea co-  
qui soleant.

21. Si quæratnr nunc, unde hi nascantur  
ignes, facilis est responsio, si in animum revo-  
cemus ex plerisque iis locis sulfur aut bitumen  
peti solere, & teterimum eorum odorem cir-  
cumquaque spargi, præsertim cùm majus incen-  
dium imminet. Itaque jam inventa est incendii  
materia; videndum quā ratione ignem concipiat.  
Hoc autem variis modis fieri potest, quos  
nos omnes non persequemur, uno contenti.  
Cùm ergo Terra usque adeò diversis materiis  
constet, facile sit ut quibusdam in locis super-  
fint cavernæ, nullā materiā, nisi aëre crassiori  
& sulfureis aut bituminosis vaporibus plenæ  
Poteest autem contingere ut ex cavernæ fornice  
decidat filix in inferiorem, & scintillam ex alio  
filice ipso ictu excitet, quæ aut vaporem incen-  
dat, aut etiam sulfureas bituminosāsque mate-  
rias vicinas; quæ ubi semel ignem concepe-  
runt eam diutissimè servant, & cum vicinis simi-  
libus corporibus communicant, ac tandem si  
qua detur porta violentissimè flammās emittant;  
ut fit in *Ætna*, *Vesuvio*, aliisque locis, quæ antea  
indicavimus.

22. Hoc autem non fit perpetuò, eodémque  
impetu semper, quia absumitur ea materia qui-  
bus aluntur incendia, nec donec reparata sit  
efficitur.

effervesce potest. Opus est etiam tempore, ut per venas sulfuris & bituminis serpat ignis in alias fodinas intactas, & quæ nondum incensæ fuerunt. Varii latices, qui per Terram feruntur modò claudunt, modò aperiunt meatus, aliâsque in terra mutationes efficiunt, quibus differuntur, aut accelerantur earum materiarum incendia. Quibusdam è locis ferè semper flammæ emicant, sed potissimum noctu, aut tempore nubilo, vel ante pluviam; quia interdiu & sereniore cœlo vapores illi dissipantur, antequàm incensi sint; sed nocte frigidiore, aut nebulis condensato aëre, condensantur similiter exhalationes, atque flammam faciliùs concipiunt.

23. Quando autem evenit ut in vasis cavernis vapores, aut materia etiam spissior subitò magnâ copâ incendantur, non potest aër crassus speluncarum tanto impetu undequaque disjici, & pelli, quin fornicem, seu superiorem partem cavernarum subitò concipiat, totumque simul impositum terræ pondus tremefaciat; quo tempore motum terræ sentimus. Quò autem est profundior fodina, quæ incendiatur, & quò major copia materiæ, quæ simul flammam concipit, eo terræ motus vehementior est & latius patet. Ejusmodi fuit, quem 18. mensis Septembris, anni MDCXCII, sensimus, qui non modò in Provinciis Belgii, finitimisque locis animadversus est, sed etiam *Londini* eodem tempore, aliisque Angliæ urbibus. Si verò contingat cavernam esse superficiæ Terræ propiorem, crumpunt etiam sæpe ex terra ignes, exessisque inferioribus locis, subsidunt sæpe terræ, & pro  
ma-

magnitudine effractarum cavernarum, hauriuntur magnæ arbores, integræque ædificia. Hoc eodem anno, in Insula *Jamaica* Meridianæ Americæ, non modò concussum est solum, sed etiam subsidit variis in locis, & domus plurimæ absorptæ sunt.

24. Neque hæc meræ sunt conjecturæ, exemplis, & experimentis destitutæ; magnis enim ardentium montium, quos memoravimus, incendiis, conjunctus semper est Terræ vicinæ aliquis motus. Ante aliquot annos, cùm vehementius exarsisset *Vesuvius*, ingens Terræ motus Neapoli, & in tota vicinia fuit. Eo incendio, cui propior factus *Plinius* periit, *crebris vastisque tremoribus tecta nutabant, & quasi emota sedibus suis nunc huc, nunc illuc abire, aut referri videbantur*, ut narrat sororis ejus filius, qui hæud procul aberat.

25. Hæc confirmantur experimento non infrequenti, quo videmus cuniculis sub terram, imò & rupes durissimas actis, & pulvere pyrio impletis, integræ disjici propugnacula, & ingentes rapes convelli. Pulvis autem ille constat potissimum sulfure & nitro, quæ incensa in loco arctiore parietes tantâ vi pellunt, ut quævis pondera aut disjiciant, aut concutiant.

## CAPUT IV.

## De Metallis.

1. **M**etalla vocamus ea fossilia, quæ igne cocta liquefunt, & malleo ductilia sunt: ejusque generis septem potissimum numeramus; *Aurum, Argentum, Æs, Ferrum, Stannum, Plumbum, & Hydrargyrum*; quæ variè misceri, & veluti novas mista conficere possunt metallorum species. Verùm hæc misturas hoc in loco non expendemus, metalla sola nativa considerasse contenti.

2. Metallis sunt communes quædam proprietates, aliæ singulis peculiares; quarum potissimas paucis explicabimus, earumque rationem, quatenus licebit, reddemus. Communes sunt tres 1. liquefunt: 2. malleo ducuntur in laminas: 3. graviora sunt aliis corporibus nobis notis. De coloribus non agemus, quia pertinet hoc ad Lib. V. ubi de Coloribus in genere dicemus.

3. I. Liquida corpora sunt quorum partes non resistunt tactui, sed facilè divelli queunt; atque in perpetuo sunt inter se motu, ut, nisi corporis solidi parietibus contineantur, effluant. Talia autem evadunt metalla, quæ solida cùm essent, vi ignis liquefunt; itaque eorum partes, quæ antea juxta se invicem quiescentes tactui resistebant, ita divelluntur, atque agitantur vi ignis, ut non amplius resistent, & nisi quid obset effluant.

4. Hinc

4. Hinc jam intelligimus igne hoc pacto liquefieri metalla; nimirum, particulæ ignis metallorum subeuntes poros divellunt eorum particulas, easque variè agitant; quo fit ut impulsæ in quamvis partem diffuant, & nisi quid solidi resistat, hac illac elabuntur. Cùm autem partes metallorum sint solidissimæ, & gravissimæ, ægrè ab igne confringuntur, nec satis violentum motum accipiunt ut penitus divulsæ in auras abeant; nisi diutissimè, & maximo igne coquantur. Hæc eadem ratio est, ob quam, cessante vi ignis, brevi tempore pristinam soliditatem recuperent; quia desinente fluiditatis causâ, definit etiam fluiditas. Particulæ metallorum pondere suo in se invicem recidentes, elidunt atque excludunt igneas, nisi novæ perpetuò advenientes metallicas undequaque concutiant, continuis impulsibus.

5. Oportet ergo esse metallis omnibus particulas gravissimas, quæ nec ita vi ignis circumagi queant, ut undique aërem disjiciant, adeoque flammam concipiant; nec ita molles sunt, ut, instar aquearum particularum, possint in vapores faciliè dissipari; unde sequitur ut metalla non incendantur quidem, instar ligni, sed nec absumentur, ut aqua solet, quamquam vi ignis liquefiant instar aquæ.

6. Animadvertendum tamen est, iis inesse oportere particulas tenuiores, fortè sulfureas, aut similis naturæ, quandoquidem ubi aliquam diu in igne fuerunt, pondere minuuntur, quamvis aliis alia celerius; ut plumbum, quod quotiescunque liquefit multum ponderis sui amittit. Sed etiam gravissimorum, ipsiusque auri, longâ

in igne morâ, intensoque calore, massa paulatim minor fit; unde colligere est solidissimas etiam partes diuturno motu tandem confringi, & usque adeo adteri, ut eam aut tenuitatem, aut raritatem adquirant, quæ inest levissimis particulis per aërem volitantibus, ac proinde in vapores abeant.

7. II. Secunda metallorum communis proprietas est ductilitas, quâ malleo tusa in longas bracteas & laminas extenuantur; quamquam est quoque, ut postea videbimus, hac in re inter ea discrimen; aurum enim ductilitate, ut pondere, reliqua omnia superat.

8. Ductilitas ea in re sita est, ut moles, quæ mallei tusione ducitur, longè latèque extendatur; nec tamen solvatur ejus continuitas. Itaque quæ ductilia sunt, eorum partes ejusmodi esse oportet, ut faciliè ad latera aliarum aliæ, non dissolutâ conjunctione, collocentur. Quærendum ergo est quæ aptissima sit figura, ad hunc edendum effectum, simulque aliarum proprietatum habenda ratio; ne, dum unam explicare nitimur, aliis contrarium quidpiam incauti proferamus.

9. Si metalla consistant particulis oblongis & parallelipedis, quamvis in singulis metallis sit aliquid singulare; videtur illa figura eos præstare posse effectus, quos cernimus metallis omnibus communes. Partes enim ejusmodi faciliè possunt ab invicem divelli, ut fluidæ fieri queant, vi ignis vehementioris; quæ tamen si desinat, sunt nimis graves, quàm ut eum motum servare possint, quo fit ut iterum solida metalla evadant. Sed, quod hic potissimum



ſpectamus, partes ejus figuræ malleo tuſæ poſſunt facile ita diſponi ut aliis aliæ, priſtinâ manente conjunctione, latera adplicent, atque in longas & latas bractæas diducantur. Hîc autem non quærimus quæ ſit cohæſionis particularum, ſeu ſoliditatis cauſa; ea de re ſumus Lib.V. acturi. Satis eſt, hoc in negotio, ſi nobis experienciâ conſtat, corpora ſolida fieri liquida, & rurfus priorem ſoliditatem recuperare; eadêmque corpora, illæſâ ſoliditate, malleo diduci.

10. Igitur conſpicere poſſumus, metallis eſſe parallelepipedas particulas; quod etiam experimento confirmatur. Si lamina metalli candeſacta fuerit, deinde in incude percuffa, & juxta longitudinem ſuam ducta, difficiliùs juxta eandem longitudinem frangitur, aut finditur, quàm in aliam partem; quod aliunde oriri non videtur, quàm ex eo quòd partes oblongæ, quæ longiores ſunt; juxta longitudinem laminæ ſunt directæ, adeoque eâ ratione conjunctiores. In laminis verò metallicis, quæ non ſunt malleo percuffæ, contrarium animadvertitur; quaquaverſum enim æquè facile finduntur, aut franguntur.

11. III. Cùm videamus metalla eſſe graviffima corporum nobis notorum, & gravitas, ut experienciâ conſtat, eò major ſit, quò major homogeneæ materiæ copia ſub minori circumferentia continetur; metallis propria gravitas ex horum alterutro oriri videtur. Aut particulæ ſingulæ in ſe ſpectatæ compactiffimæ ſunt, nec poros habent, niſi ſummæ tenuitatis; aut in maſſa pluribus particulis conſtante, pauci & tennes

nues sunt, inter ipsas particulas, pori. Potest etiam fieri, ut utrumque simul, in metallis, concurrat. Atque huc etiam facit quod diximus de figura particularum, quibus metalla constant. Nulla enim figura, eâ quam diximus, aptior est ad compactum corpus efficiendum, minorésque poros relinquendos, parallelepipedâ.

12. Explicatis iis, quæ ad metallorum communem naturam pertinent, singula lustrabimus, & ab *Auro* quidem initium faciemus. Fulvi est coloris, omnium gravissimum, omnium maximè ductile, & minimè omnium igne coctum absumitur. Nec interea metallorum est durissimum, quamvis sit compactissimum; nam ferrum multò durius est, & liquefactu difficilior.

13. „ Aurum\* invenitur tribus modis, fluminum ramentis, ut in Tago Hispaniæ, Pado „ Italiæ, Hebro Thraciæ, Pactolo Asiæ, Gange Indiæ. Nec ullum absolutius aurum, ut „ cursu ipso, tritumque perpolitum. Alio modo „ puteorum scrobibus effoditur, aut in ruina „ montium. Aurum qui quærunt ante omnia „ segullum tollunt; ita vocant indicium. Alveus hîc est, arenæque lavantur, atque ex eo „ quod resedit conjectura capitur. Invenitur „ aliquando in summa tellure protinus, rarâ „ felicitate, ut nuper in Dalmatia, principatu „ Neronis, singulis diebus etiam quinquagenas „ libras fundens. Gummi inventum est in summo cespite alutatum, si & auro ea tellus subest. Ceterò montes Hispaniæ, aridi, sterilesque, & in quibus aliud nihil gignatur, huic

F 2

„ bono

\*. Ex Plinii Lib. XXXIII. Cap. 4.

„ bono coguntur fertiles esse. Quod puteis fo-  
 „ ditur canalicium vocant, alii canaliense; mar-  
 „ moris glazæ inhærens, non illo modo quo  
 „ in Oriente Sapphiro, atque Thebaico, aliis-  
 „ que in gemmis scintillat, sed micæ amplexum  
 „ marmoris. Vagantur hi venarum canales per  
 „ latera puteorum, & huc illuc, inde nomine  
 „ invento; tellusque ligneis columnis suspendi-  
 „ tur. Quod effossum est tunditur, lavatur,  
 „ uritur, molitur in farinam, ac pilis cudunt.  
 „ Vocant argentum quod exit à fornace, sudo-  
 „ risque qui è camino jactatur spurcitia, in omni  
 „ metallo scoria appellatur. Hæc in auro tundi-  
 „ tur, iterumque coquitur. Catini fiunt ex taf-  
 „ conio; hoc est, terra alba simili argillæ. Ne-  
 „ que enim alia afflatum, ignemque & ardentem  
 „ materiam tolerat.

14. „ Tertia ratio opera vicerit Gigantum.  
 „ Cuniculis per magna spatia actis cavantur  
 „ montes, ad lucernarum lumina, &c. Re-  
 „ linquuntur itaque fornices, montibus sustinen-  
 „ dis. Occursant in utroque genere silices  
 „ Hos igni & aceto rumpunt. Sæpius verò,  
 „ quoniam in cuniculis vapor & fumus stran-  
 „ gulat, cædunt fracturis CL. libras ferè agen-  
 „ tibus, egeruntque humeris, noctibus ac die-  
 „ bus, per tenebras proximis tradentes, lucem  
 „ novissimi cernunt. Si longior videtur filix,  
 „ latus sequitur fossa, ambisque. Tamen in si-  
 „ lice facilius existimatur opera. Est namque  
 „ terra ex quodam argillæ genere glazæ mista  
 „ (candidam vocant) prope inexpugnabilis.  
 „ Cuneis eam ferreis adgrediuntur, & iisdem  
 „ malleis, nihilque durius putant, nisi quod  
 „ inter

inter omnia auri fames durissima est. Peracto opere, cervices fornicum ab ultimo cadunt. Dat signum ruina, eamque solus intelligit, in cacumine montis ejus, pervigil. Hic voce ictive evocari jubet operas, pariterque ipse devolati Mons fractus cadit ab sese longe, fragore, qui concipi humanam mente non possit, & flatu incredibili. Spectant victores ruinam naturæ, nec tamen adhuc aurum est, nec sciére esse, cum fodere.

15. „ Alius par labor, & vel majoris impendii, flumina ad lavandam hanc ruinam jugis montium ducere obiter, à centesimo plerumque lapide. Corrugos vocant, à corrivatione, credo; ninivum, & hic labor est. Præcepisse libramentum oportet, ut furat is quæ influat; itaque altissimis partibus ducitur. Convalles & intervalia substructis canalibus junguntur. Alibi rupes invia caduntur, sedemque trabibus cavatæ præbere coguntur, &c. Ad capita dejectus, in superciliis montium piscinæ cavantur ducentos pedes in quascunque partes, & in altitudinem denos. Emissaria in his quina, pedum quadratorum ternum ferè linquuntur & repleto stagno, excussis obturamentis, erumpit torrens, tantâ vi, ut saxa provolvat.

16. „ Alius etiamnum in plano labor: Fossæ per quas profluat cavantur, agogas vocant, eæ sternuntur gradatim ulice. Frutex est ro- ris marini similis, asper; aurumque retinens. Latéra clauduntur tabulis, ac per prærupta suspenduntur, canali ita profluente de terra in mare. His de causis, jam promovit Hispa-

## 126 P H Y S I C Æ L I B. II.

„*nia.* In priore genere (*cùm ex puteis hauritur*)  
 „ quæ exhauriuntur immenso labore, ne occu-  
 „ pent puteos, in hoc rigantur. Aurum arru-  
 „ giâ quæsitum non coquitur, sed statim suum  
 „ est. Inveniuntur ita massæ (*ut in Potosianis*  
 „ *Americæ Meridiana montibus*) nec non in pu-  
 „ teis denas excedentes libras. Palacras Hispa-  
 „ ni, alii Palacranas, iidem quod minutum est  
 „ Balucem vocant. Ulex ficcatus uritur, & ci-  
 „ nis ejus lavatur, substrato cespite herboso, ut si-  
 „ dat aurum.

17. Sic aurum effoditur, effossûmque igne sco-  
 riis purgatur. Priusquàm de intima ejus natura  
 agamus, de ductilitate ex \* *Jacobo Robalto*, quod  
 experientiâ constat addemus. Gravitas molium  
 æqualium auri & aquæ sunt inter se ut 19 ad 1;  
 aded ut cùm pes aquæ cubicus 71 libras pondere  
 æquet, sequatur pedem cubicum auri pendere  
 1349 libras, aut 21584 uncias. Pes autem cu-  
 bicus complectitur 2985984 lineas cubicas; ac  
 proinde uncia auri continet lineas cubicas  $138\frac{7192}{21584}$ .  
 Itaque si uncia auri in formam cubicam cudatur,  
 alta erit lineis  $5\frac{1}{7}$  & basis ejus erit 26 linearum qua-  
 dratarum &  $\frac{25}{49}$ .

18. Hoc posito, tenendum est Auri-procu-  
 fores ex uncia auri efficere 2730 folia quadrata  
 perfecta, quorum singula latera sunt digitorum  
 2. linearum 10. Sed præter hæc folia, sunt  
 quæ ex iis refecantur, quæ ferè dimidiam par-  
 tem conficiunt. Singulorum foliorum superfi-  
 cies complectitur 1156 lineas quadratas, adeo  
 ut omnia folia ordine sibi invicem adplicata la-  
 teribus conficiant superficiem 3155880 linea-  
 rum

\* *Physica Part. I. c. ix. §. 10. & seqq.*

rum quadratarum. Ad quod si accedat vel tertia pars, quæ minimùm in segmenta abít, colligemus hinc Auri-procufiores ex uncia auri efficere 4207840 lineas quadratas. Quandoquidem autem is numerus continet 159812 vicibus quantitatem basis cubi aurei uncialis, cubus ille qui, ut dictum, est altus lineas  $5\frac{1}{2}$  extenditur in 159812 plagulas quadratas.

19. Jam hinc summa auri ductilitas apparet, verùm multò magis elucet ex eo quod fit ab Auri-protractoribus. Argenteus cylindrus duos pedes, octo digitos longus, & cujus circuitus est digitorum duorum, linearum novem, adeò ut ejus cylindrica superficies sit linearum quadratarum 12676; ejusmodi, inquam, cylindrus integritur foliis aureis, quæ omnia semiunciam pondere æquant. Postea is cylindrus per chalybis foramina paulatim in filum tenuius ac tenuius ducitur. Ex tenuissimis quæ fieri soleant filis, si centum quinquaginta pedes Parisini ponderentur, ad 36 granorum pondus accedit quàm proximè. Itaque integer cylindrus debuit duci in filum longum pedes 370200; unde sequitur ut longior quàm erat factus 115200 vicibus; ac proinde ejus superficies 340 vicibus quàm antea major sit. Adde quòd, tenuissimum illud filum in laminam procusum, ut eo sericum tegatur, augeatur superficie, quæ eo pacto fit duplo major; ac proinde 680 vicibus ampliùs pateat quàm initio, contineatque 8616960 lineas quadratas.

20. Cùm autem filum illud argenteum ita est in laminam procusum, deaurata etiamnum est ejus superficies; adeoque sola semiuncia aurea,

## 128 P H Y S I C Æ L I B. II.

quâ cylindrus tectus initio fuit, tantæ tenuitatis evasit, ut ejus superficies sit 8616960 linearum quadratarum. Et cum ea amplitudo contineat 325795 viginti sex lineas &  $\frac{22}{23}$  quâ patet basis cubi aurei uncialis; sequitur ut crassities auri, quo lamina argentea tecta est, sit tandem 325795 pars dimidiæ altitudinis uncie cubicæ auri; adeoque lineæ  $5\frac{1}{2}$  ductæ sint in 651590 partes æquales.

21. His circa aurum explicatis, solet de eo, ut & aliis metallis, quæri, an generetur etiamnum hodie in terræ visceribus? & quâ ratione generetur? Quibus quæstionibus ut satisfieri posset, plura nota esse oporteret, quàm adhuc fuere. Sciendum primò esset, an postquam aurum est ex quopiam puteo, exempli causâ, sublatum, adeò ut exhaustus planè videatur; aliquanto post tempore, denuò novum eodem in loco inveniatur, refosso puteo. Quod nobis non constat, & quod si fiat, majorem fortè annorum numerum postulat, quàm ut certum ejus rei ab hominibus experimentum sumi queat. Fortè etiam quidquid est auri, & aliorum metallorum ab initio rerum, unâ cum Terra, genitum est, neque amplius ullum gignitur. Secundò, si aurum aliâque nunc quoque in terræ visceribus generentur metalla, ut possemus conjicere ex quibus rebus concrecant, oporteret diligentissimè fodinas è quibus erpuntur lustrare, & omnia quæ iis admista sunt, aut vicina, variis experimentis ad examen revocare; unde fortasse tandem, post longum laborem, veluti elementa invenirentur metallorum, quorum mixturâ ope caloris subterranei confl-

flentur. Fortè etiam post diuturnam investigationem, serò nos oleum & operam perdidisse agnosceremus.

22. Hoc in loco, obiter attingenda etiam iis quæ diximus affinis quæstio, an arte humanâ argentum, aut alia metalla in aurum, vel æs in argentum mutari queant? Multæ narrantur historię, quibus creduli homines decepti, à se quoque eam transmutationem inveniri posse credentes, opes suas absumserunt, & pro auro, quod quærebant frustra, paupertatem invenerunt. Sed cum ejusmodi historię, quibus nonnulli dicuntur aurum ex aliis metallis conflasse, incertissimæ sint, inde ullum ducere consectarium, nemo sapientior sustinuerit. Non videmus quidem ullam contradictionem, quâ aurum fieri ex argento repugnet; sed cum eorum formatio atque intima natura ignotæ sint, nihil ea de re definire possumus. Fortè prorsus impossibile est, fortè ita difficile, ut humanam omnem industriam superet; sed hoc certum est, propter rem usque ad eò dubiam, sumtus non posse nisi stultè fieri.

23. Ex summa ductilitate auri possumus hoc colligere, partes quibus constat, magis quam aliorum metallorum particulas, ad perfectam Parallelipedi Rectanguli figuram accedere. Sic enim fieri potest, ut eæ partes ad latera aliarum aliæ, siue continuitatis pristinæ solutione possint pelli, & in tenuitatis summæ bractæas duci. Hinc quoque fit, ut metallis aliis gravius sit, quia quòd est perfectior ejusmodi figura, in partibus quibus massa quæpiam constat, eò facilius inter se conjunguntur, & compactius corpus



## 130 P H Y S I C Æ L I B. I I.

pius conficiunt, adeoque heterogeneam materiam excludunt. Fortè & particulæ ipsæ auri in se minores poros habent, quo augetur gravitas, ut diximus §. 11. unde fit ut igne difficulter minuat.

24. Prætermitti non debet hîc discrimen, quod inter aurum & alia metalla, experimento alioprehenditur. Sunt aquæ acidissimæ, & quæ corrodendi facultatem habent, quarum altera *fortis*, altera *regalis* dicitur. Hæc est vehementior, illa verò minùs. Constat autem aquâ forti reliqua dissolvi metalla, aurum verò solâ regali absumitur. Quod idèd fieri videtur, quòd particulæ nitrosæ, & vitrioli, quæ insunt regali aquæ, acutiores sint & tenuiores iis quæ sunt in forti, & tenuissimos auri poros subire partésque ejus, quas cuneorum instar divellunt, separare proinde solæ possint; dum crassiores frustra circa superficiem auri feruntur, nec continuitatem ejus solvere possunt, quia ejus poros subire nequeunt.

25. *Argentum* auro proximum est ductilitate, pondere & facultate resistendi vi ignis, sed albi coloris est. De colore hîc non dicemus, neque est quod circa reliqua observemus, nisi quòd videatur particulis constare ad figuram aurearum maximè accedentibus, quandoquidem proprietatibus ad aurum quàm proximè accedit. Quo fit ut facile auro liquefactione misceri queat, imò verò *omni auro insit vario pondere, alibi denâ, alibi nonâ, alibi octavâ parte*, si \* *Plinio* credimus.

26. „ Nonnisi in puteis, ut idem auctor est,  
„ reperitur; nullâque sui spè nascitur, nullis,

„ ut

\* Lib. XXXIII. cap. 4.

„ ut in auro , lucentibus scintillis. Terra est  
 „ alia rufa , alia cineracea. Excoqui non potest ,  
 „ nisi cum plumbo nigro , aut cum vena plum-  
 „ bi. Galenam vocant , quæ juxta argenti ve-  
 „ nas plerumque reperitur. Et eodem opere  
 „ ignium , descendit pars in plumbum , argen-  
 „ tum autem supernè innatat , ut oleum aquis.  
 „ Reperitur in omnibus pænè provinciis , sed  
 „ in Hispania pulcherrimum , id quoque in ste-  
 „ rili solo , atque etiam in montibus , & ubicum-  
 „ que una inventa est vena , non procul inve-  
 „ nitur alia. Hoc quidem & in omni ferè ma-  
 „ teria ; unde metalla (*quasi per æmæ post alia*)  
 „ Græci videntur dixisse , &c. Argenti vena ,  
 „ quæ in summo reperta est , crudaria appella-  
 „ tur. Finis Antiquis fodiendi solebat esse alu-  
 „ men inventum ; ultra nihil quærebatur. Nu-  
 „ per inventa æris vena , infra alumen alba , finem  
 „ spei fecit.

27. Sic invenitur argentum , quod non aliter  
 purgari solet , quàm aurum , ut ex *Plinio* antea  
 diximus. Aiunt Hispanos in America sic facitare  
 solere. Primùm omnem materiam , quam ex  
 fodinis eruunt , in mortario comminuunt ; dein-  
 de aquam adfundunt , quâ veluti massa argilla-  
 cea conficitur. Tum injecto sale & hydrargyro ,  
 iterum ea tundunt sat diu , & aquâ diligenter  
 abluunt , ut omnes luteæ partes eluantur. Quod  
 superest est instar massæ molliis , auro , argento  
 & hydrargyro mistæ ; quæ in catinum injecta ,  
 ope modici ignis , hydrargyro in auras abeunte ,  
 purgatur , & veluti in cineres redigitur , ex qui-  
 bus vehementiori igne liquefactis constantur la-  
 minæ.

28. Diximus aquâ regali solâ dissolvi aurum, cùm aquâ fortis reliqua omnia dissolvat. Sed præterea observandum aquæ regalis in alia metalla nullam esse vim, cujus rei causa quæritur. Observandum ante omnia aquam fortem fieri vulgò, destillatione vitrioli, aluminis & nitri; aquam verò regalem sale ammoniaco præterea constare. Hinc fit ut mistione tot salium aquæ regalis partes tenuiores fiant, aptæque ad tenuissimos poros subeundos, tenuissimâsque partes divellendas, inter quas cuneorum instar, liquoris in quo natant motu, aguntur; quando verò laxiores poros subeunt nihil efficiant, quemadmodum cuneorum, ad res conjunctas separandas, nulla vis est, nisi agantur in angustiores fissuras. Cùm ergo auri pori sint metallicorum pororum tenuissimi, solas aquæ regalis particulas admittunt, cùm eas subire nequeant partes crassiores aquæ fortis. Verùm eadem aquæ regalis partes sunt subtiliores, quàm ut latera pororum aliorum metallorum vi dimovere queant; opus iis est crassioribus aquæ fortis partibus, quibus implentur & dilatantur pori patentiores.

29. Æs ab argento differt, quemadmodum argentum ab auro, ideóque huic negotio immorari nos non opus est. „ Vena \*, ut auctor est „ Plinius, eodem quo argentum modo effoditur, ignique perficitur. Fit & è lapide æroso, „ quem vocant Cadmiam; & ex alio lapide quem „ Chalciten vocant, in Cypro, ubi prima fuit „ æris inventio, mox vilitas præcipua; reperto „ in aliis terris præstantiore, maximè aurichalco, „ quod

\* *Plinius Lib. XXXIV. cap. 1.*

» quod præcipuam admirationem, bonitatémque  
» diu obtinuit.

30. *Ferrum* memoratis metallis multò durius est, minùs ductile, & scoriis plenius. Præterea ferruginem faciliè situ, aut humido cœlo contrahit, quod non tam faciliè in ære, difficiliùs in argento, minimè in auro animadvertitur. Experimentiâ etiam constat, arte quadam, ferrum multò durius fieri. Postquàm enim in liquefactione accuratè purgatum scoriis fuit, laminæ ferreæ inde procusæ in ignem conjiciuntur, donec candeant; candentesque in aquam frigidam conjiciuntur, ac frigefactæ duriores sunt, quàm antea. Si verò eam duritiem laminæ ferreæ eripere velis, iterum in ignem conjicienda est, & candens extrahenda, exponendâque aëri dumtaxat, ut paulatim frigefiat.

31. Si harum proprietatum investigemus causas, non ineptè conicere videbimur, 1. partes ferri magis recedere à Parallelipedi Rectanguli figura, quàm ceterorum metallorum particulas, asperioresque multò esse; unde fiat ut inter se magis implicatæ sint, difficiliùsque proinde dividantur, & liquefiant: 2. eas partes rigidiores esse, cujus rei causam hîc non quaeremus, nam de flexilitate, & rigore Lib. V. agemus; atque indidem fieri, ut difficiliùs ducantur malleo, atque haud difficulter frangantur: 3. ferrum constare particulis heterogeneis, unde fit ut, quotiescunque liquefit, ingentem scoriarum copiam ejiciat. Eadem de ratione tam faciliè rubiginem, quæ propriè *ferrugo* dicitur, contrahit; aëris enim humor & nitrosæ, quæ in eo volitant, particulae, ejus superficiem scabrae

## 134 P H Y S I C Æ L I B. II.

adhærentes varias materias quibus ferrum con-  
stat diluunt atque agitant, unde fit ut à se in-  
vicem divulsæ, lanuginis instar, superficie fer-  
ri adhæreant. Hinc qui id à ferrugine vindi-  
care volunt, cerusâ, gypso & liquidâ pice in-  
crustare solent, quæ aëris vim non metuunt:  
4. ignem, in quem ferrum conjicitur, dum id  
candefacit, particulas ejus vehementer agitare,  
ut sint liquiditati proximæ; quo fit ut crassio-  
res & figurarum irregularium particulæ, quæ  
antea in æquales & majores inter se relinque-  
bant poros, ad se invicem magis, rigore amif-  
so, accedant, minorésque meatus superfint;  
quo in statu, si in frigidam aquam conjician-  
tur, motu subito amisso, quiescunt, unde tota  
massa compactior & durior fit. Ferrum autem  
probè purgatum, & induratum *Chalybs* solet vo-  
cari.

32. Præter id, quod modò de ferrugine dixi-  
mus, observandum æruginem, atque argenti ru-  
biginem non esse ejusdem coloris, sed aut viri-  
dis, aut cærulei, qui & sæpe miscentur. Ærugo  
multò majori adnascitur copiâ æri, quàm ar-  
gento rubigo; quod hujus pori minores sint,  
partésque solidiores, & fortè puriores. Auro  
nulla est, quia soliditate suâ, & pororum tenui-  
tate, omnem alienam materiam respuit. Atta-  
men aurum & argentum teneriora sunt ferro,  
quòd ferro lapidosa videatur inesse materia, quæ  
rigidior est, partésque scabræ magis sibi invicem  
adhæreant, quàm læviores; quamquàm hæ com-  
pactius corpus efficiunt, modò commoda sit ea-  
rum figura, quales auri & argenti particulas esse  
diximus.

33. „ Sequitur \* natura *plumbi*, cujus duo  
 „ genera, nigrum, atque candidum. Pretiosissi-  
 „ mum candidum, à Græcis appellatum *κασι-*  
 „ *περ* (à Latinis stannum) fabulosèque narra-  
 „ tum in insulas Atlantici maris peti, vitili-  
 „ búsque navigiis circumfusus corio advehi.  
 „ (*Anglia & insule vicina κασιπείδος videntur*  
 „ *dictæ, nec ulla erat hac in re fabula.*) „ Nunc  
 „ certum est in Lusitania gigni & in Gallæcia,  
 „ summâ tellure arenosâ, & coloris nigri. Pon-  
 „ dere tantâ ea deprehenditur. Interveniunt  
 „ & minuti calculi, maximè torrentibus sicca-  
 „ tis. Lavant eas arenas metallici, & quod  
 „ subsidit coquunt in fornacibus. Invenitur &  
 „ in aurariis metallis, quæ aluta vocant, aqua  
 „ immisâ eluente calculos nigros paullùm can-  
 „ dore variatos, quibus eadem gravitas quæ  
 „ auro, & idèò in calathis in quibus aurum  
 „ colligitur, remanent cum eo. Postea cami-  
 „ nis separantur, conflatsque in album plum-  
 „ bum resolvuntur. Non fit in Gallæcia ni-  
 „ grum, cùm vicinâ Cantabria nigro tantùm  
 „ abundet, nec ex albo argentum, cùm fiat ex  
 „ nigro.

34. „ Plumbi nigri origo duplex est, aut enim  
 „ suâ provenit venâ, nec quidquam aliud ex se  
 „ parit; aut cum argento nascitur, mistisque  
 „ venis conflatur. Ejus qui primus fuit in for-  
 „ nacibus liquor, stannum appellatur, qui se-  
 „ cundus argentum; quod remansit in fornaci-  
 „ bus galena, quæ est tertia portio additæ venæ.  
 „ Hæc rursus conflata dat nigrum plumbum, de-  
 „ ductis partibus duabus.

35. Hæc

35. Hic videmus *plumbum* & *stannum*, quæ sunt unum metalli genus, habita; nec est inter ea aliud discrimen, nisi quod stannum purgatus sit, & durius, ac levius; plumbum verò sulfureâ, aut aliâ materiâ fossili mistum, molliusque ac gravius. 1. Gravius autem videtur esse plumbum, quod metallicæ materiæ pori, heterogeneâ illâ & tenuiori materiâ sint pleni; cum in stanno prorsus pateant, seu ære; aut subtiliore materiâ sint occupati. 2. Mollius est, quod particulæ ejus metallicæ flexiliores, & multæ sint aliæ flexiles admodum, quales sunt sulfureæ, aut similes. Atque hinc fit, ut facilius liquefiat quàm stannum, & multò magis liquefactione minuatur; cum propter partes quæ in auras abeunt, tum etiam propter scorias. 3. Vel ex scoriis copiosissimis, quàm sit mista plumbea massa satis liquet, idèmq; ex rubigine quam contrahit, colligere est.

36. Superest *Hydrargyrum*, sive, *Argentum vivum*, (nam hæc confundimus) quod quædam similia metallis habet, alia dissimilia. Differt in eo quod est liquidum, & igni impositum facile in vapores abit. Convenit in eo quod plumbo admisto, alissque artibus solidum fit, & ductile; tum etiam omnium liquorum gravissimus est. Quarum rerum causas investigabimus, postquam quomodo in fodinis inveniatur; aut quâ arte fiat, ex Plinio dixerimus.

37. „ Est \* lapis in argenti venis, cujus vomica liquoris æterni argentum vivum appellatur, venenum rerum omnium. Exest ac per-  
„ rum-

\* Plinius Lib. XXXIII, cap. 6.

„rumpit vasa, permanens tabe dirâ. Omnia ei in-  
 „natant, præter aurum, id unum ad se trahit:  
 „Ideò & optimè purgat, ceteras ejus sordes ex-  
 „spuens crebo jactu, fictilibus in vasis. Sed ut  
 „ipsum ab auro discedat, in pelles subactas effun-  
 „ditur, per quas sudoris vice defluens, purum  
 „relinquit aurum.

38. Præter minium nativum, quod in argenta-  
 riis fodinis invenitur, „est alterum genus, † quod  
 „fit exasto lapide venis permisto, non ex illo cujus  
 „argentum vivum vomicam appellavimus. (is  
 „enim & ipse in argentum excoquitur) sed ex aliis  
 „simul repertis. \* Ex hoc autem secundo minio,  
 „invenit vita & Hydrargyrum, in vicem Ar-  
 „genti vivi (ea hic confundimus, sed Argentum  
 „vivum propriè dicebatur nativum.) „Fit autem  
 „duobus modis, æreis mortariis, pistillisque trito  
 „minio ex aceto, aut patinis fictilibus impositum,  
 „ferreâ conchâ, calice coopertum, argillâ super-  
 „illitâ; dein sub patinis accenso follibus continuo  
 „igni, atque ita calicis sudore deterfo, qui fit  
 „argenti coloris & aquæ liquore.

39. Jam si earum omnium rerum rationes ex-  
 quirantur, nihil præter conjecturas afferri potest;  
 sed quæ, si modò positæ principiis consentaneæ  
 sint, sperni omninò non debent; quamquam,  
 ut evidentibus, ad sensum ne præbeamus cavend-  
 um est. Igitur I. liquidum esse videtur hydrar-  
 gyrum, quia ejus particulæ magis recedunt à  
 Parallelipipedi Rectanguli figura, quàm alio-  
 rum metallorum particulæ, & fortè sunt cylin-  
 drorum instar. Anguli qui insunt particulis qua-  
 dratis, obstant quominus corpora, quæ iis

con-



## 138 P H Y S I C Æ L I B. II.

constant, fluida sint; sed si abrais angulis particulæ illæ cylindricæ fiant, aut ad cylindricam figuram accedant, multò est corpus illud fluiditati aptius. Si ad hoc accedat summus superficiali in particulis illis lævor, qui potest esse in Hydrargyri particulis, non parum ad liquiditatem conducit; ut jam alias liquiditatis causas omittamus.

40. II. Difficile est intellectu, cum summæ sit gravitatis Hydrargyrum, quâ ratione tam facile, vel modico igne, ejus partes in auras agantur. Sed primum, si nulli non modò rami, sed æ anguli quidem iis sint; quibus impediuntur, facilius quàm ceterorum metallorum particulas, divelli eas à se in vicem necesse est. Deinde potest fieri ut parvi illi cylindri constent particulis tenuioribus, quæ, junctæ quidem dum sunt, cylindros sat compactos faciunt, sed propter summum lævorem haud difficulter divelluntur; unde fit ut Hydrargyrum non modò vi ignis in vapores agatur, sed etiam ut illi vapores, si clauso vase excipiantur, candidi pulveri instar fiant; quæ mutatas esse particularum figuras constat. Sic videmus, ex aquæ vaporibus concretis, nivem fieri.

41. III. Hydrargyrum tamen, plumbo admixto, ex liquido solidum fit, & ductile evadit, quia molliores plumbi particulæ cylindricas & solidas Hydrargyri partes complexæ, impediunt ne ut antea fluere possint; & cum sint ductiles, efficiunt ut tota massa, iis & Hydrargyro constans, ductilis evadat; quamquam ea non est ejus ductilitas, quæ est aliorum metallorum. Atque hinc fit ut si plumbeis veluti compedibus liberetur Hydrar-

drargyrum, quod variis artibus fit, pristinam recuperet fluiditatem.

42. IV. Gravissimum est Hydrargyrum, & auro collatum ut 8 ad 9. quia partes, quibus ejus cylindri constant, adeò aptè inter se coagmentantur, ut nulla relinquant interstitia, adeoque solidissimas conflent massas. Fortè sunt orbiculares & utrimque planæ, adeò ut planis lateribus arctissimè conjungi queant. Ita autem conjunctæ particulæ solidissimum & gravissimum efficere possunt cylindrum; simulque summam ei fluiditatem conciliare, etiamsi seorsim sat leves sint, ut in auras abeant. Exemplo ut crassiorè rem exponamus, si ex Tabula lusoria *Dominae*, ut nunc vocamus, sumas, easque quæ planæ sunt jungas, Cylindrum satis gravem efficies, cum singulæ *Dominae* graves admodum non sint. Idem Cylindrus facillimè volvetur in plano, dum unà conjunctæ eo pacto manebunt *Dominae*; si verdè eas divellas & vario situ colles, pereunte Cylindro, perit potissima *Dominarum* volubilitas. Rem quidem ita se habere in Hydrargyro, quasi comperta esset, absit ut affirmemus! Sed hoc, aut simili modo, non incommode effectus, qui ab eo eduntur, posse edi nemo non fateatur.

43. V. In fodinis invenitur Hydrargyrum purum & liquidum, aut mistum & solidioribus aliorum corporum particulis impeditum; ut alia metalla mista & pura occurrunt. Ex Lapide per tubos fluit, unde vomitam æterni liquoris appellat Plinius, hoc est, liquorem qui numquam concreverit, & ex lapide veluti evomitur.

140 P H Y S I C Æ L I B. II.

44. VI. *Perrumpit vasa*, quæ; nimirum; rimâ aliquâ hiant, aut porosa nimum sunt; quia lævibus cylindris, iisdemque gravissimis aut per rimas fluit, aut perrumpit pondere suo tenuiora texta, unde fit ut per poros pellis facilè transcat.

45. VII. *Omnia ei innatant*, propter ejus gravitatem; sed *aurum ad se trahit*; quia mobilibus cylindris auri superficiem terens, ejus partes quadrangulas & oblongas movet, divulsasque motu poris excipit commodissimè. Cylindri enim inter se poros relinquunt aptissimos, ad Parallelepipedâ rectangula excipienda. Sed cum satis magna auri copia in Argentum vivum injecta est, ut impleantur omnes ejus pori, tunc fluiditate amisâ, massam cum auro mollem conficit, quemadmodum & cum plumbo conjungitur.

46. VIII. *In pelles subactas cum auro effusum per eas sudoris vice defluit, puro relicto auro*; quia læves cylindri facilè per pellium poros transeunt, quos Parallelepipedâ Rectangula, propter angulos, permeare non possunt.

47. IX. *Ex secundo minio inventa est ars faciendi Hydrargyri*, quia minium illud aut eo metallo turgidum est, quod arte memoratâ terrestribus minii partibus evolvitur; aut constat, magna ex parte, orbiculis quibus cylindros Hydrargyri conflatos esse diximus, qui ope ignis in vapores eveci ad se invicem accedunt, & in cylindros componuntur. Hinc etiam ex Hydrargyro puro, vehementioris ignis operâ, adhibitâque arte requisitâ, quotidie fit minium, resolutis, nimirum, cylindris, orbicu-

Hisque partim confractis, partim aliter inter se collocatis; unde fit ut lumen aliter à superficie Hydrargyri & minii colligatur, atque ad oculos nostros reflectatur; quæ est variorum colorum causa, quam hîc fufius exponere non adgrediemur.

48. Atque hæc de metallis hætenus, in quibus multum abest ut adquiescere eos oporteat. qui eorum naturam penitus cognoscere avent. Nos vulgò notissima obiter attigisse, in hoc Compendio, satis habuimus; sed plurima alia in Chymicorum scriptis, hisque qui datâ operâ de iis scripserunt legi poterunt. Conjecturam etiam protulimus, quâ propositum Ænigma haud incommodè solvi posse visum est; aliorum inventis, si quid melius occurrat, uti parati; hîc enim, si usquam alibi, locus est senario Græci Poætæ:

*Μάρης ἄριστος οὐκ εἰνάζει καλῶς.*

## C A P U T V.

*De Fossilibus, quæ vi ignis in calcem rediguntur.*

1. **F**ossilia tertii generis nobis sunt nunc expendenda; ea autem hanc in classẽ coniecimus, quæ neque inflammantur, saltem quæ in terræ visceribus inveniuntur, neque malleo ductilia sunt, aut igne liquefiunt; sed fragilia & dura in pulverem comminuuntur, & igne in calcem rediguntur. Hæc autem rursus in duas classes redigi possunt. Sunt, nimirum, salia variorum generum, aut fossilia saltem multum ex Salium natura trahentia: & quæ nullam cum sale

## 142 P H Y S I C Æ L I B. II.

affinitatem habent, quorum è notissimis aliquot feligemus.

2. *Salia* vocamus omnia fossilia, in quibus falsus, aut acris deprehenditur sapor, quamquam diversus; & primùm quidem est Sal propriè dictus, \* „qui aut fit aut gignitur, utrumque pluribus modis, sed causâ geminâ, coacto humore aut siccato. Siccatur in lacu Tarentino æstivis Solibus, totùmque stagnum in salem abit; modicum alioqui, altitudine genua non excedens. Item in Sicilia, in Lacu, qui Concanicus vocatur, & alio juxta Gelam. Horum extremitates tantùm inarescunt, sicut in Phrygia, Cappadocia, Aspendi, ubi largiùs coquitur & usque ad medium lacum. Aliud etiam in eo mirabile, quòd tantumdem nocte subvenit, quantum die auferas. Omnis est talis sal minutus, atque non gleba est. Aliud genus ex aquis marinis sponte gignitur, spumâ in extremis littoribus ac scopulis relicta. Alia similia sunt salium genera, ex aquis sponte provenientia.

3. „Sunt & montes nativî salis, ut in Indis Oromenus, in quo lapicidinarum modo cæditur renascens. Effoditur è terra, ut palam est, humore densato, in Cappadocia. Ibi quidem cæditur, specularium lapidum modo. Pondus magnum glebis, quas micas vulgus appellat. Gerrhis Arabiæ Oppido, muros domosque massis salis faciunt, aquâ ferruminantes. Invenit & juxta Pelusium Ptolemæus Rex, cùm castra faceret. Quo exemplo, postea inter Ægyptum & Arabiam, etiam „squa-

\* *Plinius Lib. XXXI. c. 7.*

„Iqualentibus locis, coëptus est inveniri, de-  
 „tractis arenis; qualiter & per Africæ sitientia,  
 „usque ad Hammonis oraculum. Nam Cyre-  
 „naici tractus nobilitantur *Ammoniaco* & ipso,  
 „quia sub arenis inveniatur, appellato. Similis  
 „est colore Alumini, quod Schiston vocant,  
 „longis glebis, nèque perlucidis, ingratus sa-  
 „pore, sed Medicinæ utilis, &c. In Hispania  
 „quoque citeriore, Egelastæ cæditur, glebis  
 „panè translucentibus, cui jam pridem palma  
 „à plerisque Medicis, inter omnia salis genera,  
 „perhibetur. Omnis locus in quo reperitur  
 „sal, sterilis est, nihilque gignit; & in totum  
 „sponte nascens intra hæc est.

4. „Fastitii varia genera. Vulgaris, pluri-  
 „musque in salinis, mari adfuso, non sine aquæ  
 „dulcis riguis, sed imbre maximè juvante, ac  
 „super omnia sole multo, non aliter inarescens.  
 „Africa circa Uticam construit acervos salis ad  
 „collium speciem; qui ubi Sole, Lunæque in-  
 „duruere, nullo humore liquefcunt, vixque  
 „etiam ferro cæduntur. Fit tamen & in Creta,  
 „sine riguis, in salinas mare infundentibus, &  
 „circa Egyptum, ipso mari influente in solum.  
 „Fit & è puteis in salinas ingestis. Plurima  
 „densatio Babylone in bitumen liquidum cogi-  
 „tur oleo simile, quo & in lucernis utuntur,  
 „hoc detracto subest sal. Et in Cappadocia,  
 „è puteis ac fonte aquam in salinas ingerunt.  
 „In Chaonia, excoquunt aquam ex fonte, re-  
 „frigerandæque salem faciunt inertem nec candi-  
 „dum.

5. Seu ars humana ad faciendum salem adhi-  
 beatur; seu effodiatur concretus, aut Solis ca-  
 lore,

## 244 P H Y S I C Æ L I B I.

lore, exhaustâ in vapores aquâ, è salinis hauriatur, ad ipsam salis naturam perinde est. Neque enim arte particulæ salinæ fiunt, sed ex aqua, in qua erant dilutæ, eruuntur, sive ab aqueis particulis separantur. Pro locis dumtaxat, & calore Solis, acidiorum saporum habent, itaque hîc proprietates salis in genere explicabimus, earum causas investigaturi.

6. Igitur 1. sal aquâ gravior est: 2. eâ diluitur: 3. aëri expositus liquefit, modò heterogeneâ omni materiâ probè purgatus fuerit: 4. aquâ, cui admixtus erat, excoctâ, & in vapores exhaustâ, in vasis fundo remanet: 5. sal numquam corrumpitur, neque carnes quibus adpersus est putrescere finit: 6. est acutissimi saporis: 7. solus & probè purgatus igne non liquefit, sed in calcem redigitur.

7. I. Cùm massæ salinæ, alicujus molis, in aquam injiciuntur, statim fundum petunt, unde colligere est certam molem salinam, simili mole aqueâ graviores esse. Quod inde oritur, quòd in massa salina plus sit homogeneæ materiæ, quàm in massa aquea; quia partes salinæ aptius inter se aptantur quam partes aqueæ, adeoque minores relinquunt poros inter se; ut, indicatâ illarum figurâ, liquebit. Sed si massa salina in aquam conjecta, tandem particularum aquearum adritu & motu diluta sit, faciliè fieri potest, ut particulæ aqueæ, se se salinis implicant, eas in poros suos excipiant, & sic quaquaversum secum ferant.

18. II. Dilui autem hoc modo videtur, cùm particulæ aqueæ funiculorum instar, quaquaversum salcem complectantur, & motu suo variè con-

concutiant, variâsque in partes simul pellant; partes salinas ad cubicam figuram accedentes, & acutas quidem in angulis sed læves circa latera tandem divellunt, & secum avehunt. Nec ea figura salis merâ conjecturâ inventa est, sed varia salium genera, diligenter Microscopio considerata, visa sunt omnia cuspidibus horrere; quamquam anguli in omnibus æquales non erant, neque eodem numero. Sed latera lævia videbantur, ut mirum non sit partes lateribus conjunctas faciliè divelli. Salem communem, seu è mari, seu è fontibus eliciatur, cubicum esse ostendit *Martinus Listerus*, initio Libri de medicatis Angliæ fontibus, Eboraci editi an. 1682.

9. III. Sal aëri expositus liquefit, quia in aëre multæ sunt particulæ aqueæ, quæ salinis adhærentes eas, uti diximus, liquefaciunt, aut potiùs dissolvunt. Quod inde liquet, quia cùm aër admodum sūdus est, adeoque particulis aqueis minimè abundat, sal in eo non liquefit; citissimè verò in humido, ut quando pluit, aut nubilum est cœlum. Diximus autem, ut Sal liquefiat in aëre, purgatum esse omni heterogeneâ materiâ oportere; quia alioqui materiæ ramosæ implicitus, aqueis funiculis ex illis impedimentis expediri non potest.

10. IV. Sal fossilis, & marinus, aut etiam ex fonte falso haustus, ubi coquitur unâ cum aquâ in vapores non abit, sed in fundo vasis remanet; unde fit ut in salinis, postquàm ex iis aqua calore Solis exhausta est, maneat Sal per ficcos alveos sparsus. Cujus rei causa non difficilis inventu est, postquàm diximus salem esse aquâ graviolem, necesse est enim id quod gravius



est, ultimum in fundo vasis calore exhausti manere. Cùm præterea salinarum particularum latera, ut coniecimus, lævia sint, non potest fieri ut, si aqueis particulis implicitæ aliquantum evectæ fuerint, non recidant in vas, pondere suo dejectæ, nec aqueis particulis alta petentibus ullo uncino adhærentes.

11. Observandum tamen de Sale marino & terrestri hæc esse intelligenda; quæ Salia à Chymicis *fixa* dicuntur, quia graviora cùm sint, fixa fundo vasis hærent. Sed sunt Salia, quæ *volatila* vocantur, hoc est, acidæ particulæ ex plantarum & animalium corporibus, arte Chymicâ, secretæ. Hæ cùm multò tenuiores sint, & fortasse contextu rariori, in auras facillè evchuntur. Ortum quidem hæc salia ducunt ex terrestri, quandoquidem terræ succis plantæ & animalia aluntur & augescunt; sed variis fermentationibus adtenuata sunt, atque adtrita.

12. V. Proprietas est salis, ex præcipuis, quòd non putifcat, neque ea quibus injectus est, putifcere sinat. Sic videmus carnes aliæque, quæ sine Sale facillimè putifcunt, ubi Sale, eâ quâ par est copiâ, adspersa sunt, diutissimè sine putrefactione fervari. Hoc ut quomodo fiat intelligamus, hîc obiter nonnulla de putrefactione dicenda sunt. Carnes, ut allato jam exemplo utamur, putrefiunt, cùm aëri expositæ, ejus calore, seu motu vehementiore ita afficiantur, ut earum partes motum illum concipiant, & paullatim divellantur; quo fit ut per aërem volitantes nares præsentium subeant, itaque nervos olfactorios concutiant; ut in Mente tetri odoris sensum excitent. Hoc cùm  
ita

ita sit , ut putrefactio impediatur , invenienda est ars , quâ carnis partes in eodem situ , contra vim incumbentis , & undequaque superficiem lambentis aëris , retineantur. Quod non potest commodius fieri , quàm si quid ad manum sit , cujus partes acutæ & rigidæ clavorum instar carnis particulas perforent , atque inter se arctius jungant ; quales sunt Salium particulae , quarum eam esse naturam antea diximus. Atque hinc fit ut caro salsa , non modò non putrescat , sed etiam indurescat ; quia , nimirum , fieri nequit ut particulis rigidis Salis sit undique pertusa , quin durior fiat. Hoc quoque hic considerandum , quemadmodum Sal ne caro aëris vi corrumpatur impedit : sic carnem quominus Sal , quo referta est , aëris humiditate liquefiat obstare ; quia particulas salinas poris suis altè impactas retinens , non patitur eas aëris humore circumagi.

13. Cùm Sal in ignem injicitur , varia patitur , quæ nobis sunt ordine expendenda. Primum , mirum in modum crepitat , sed ea crepitatio brevi tempore desinit. Hoc autem hinc fieri videtur , quod Sali admistæ sint particulae aqueæ , aut aëreæ , quæ intra concavitates nonnullas latent. Cùm Sal igni injicitur , fervefactæ eæ particulae latera cavitatum , quibus continentur , magno impetu pellunt , effractisque carceribus in aërem subito dissiliunt ; quo fit ut aër aures nostras ita verberet , ut crepitationis sonitum in nobis creet. Hoc inde clariùs colligitur , quòd Sal siccatu lento igne , atque in pulverem tenuissimum comminutus non crepitet. Idem apparet ex eo quòd crepitatio brevi

## 148 P H Y S I C Æ L I B. II.

tempore duret, *emissa* enim heterogeneâ materiâ, nihil est in Sale amplius, quod ejusmodi formatum creare possit.

14. Secundo, Sal diligenter *siccatus*, & ut Chymici loquuntur, *decrepitatus*, igni in catino impositus calcis instar remanet sat diu, quem admodum lapides; nec potest, nisi violentissimo igne, si nihil admisceatur, liquefieri. Nimirum, particule Salis, quæ sunt instar prismatis utrimque acuti, motui per se ineptissimæ sunt, facile enim angulis inter se implicantur. Sed tandem vi ignis, cui nihil non cedit, anguli illi retunduntur, & franguntur; usque adeo ut Sal in liquorem agatur, dum vis ignis durat. Detractus vero igni liquor ille statim concrefcit in massam vitro similem, unde etiam in conflando vitro, magnâ Salis & Nitri copiâ utuntur artifices.

15. VII. Hæc videtur esse Salis natura, nec quidquam ad ea quæ diximus addemus; nisi, pro varietate saporis, & acrimoniæ salium, varios debere esse in extremis prismatibus angulos, acutiores aut obtusiores, & extremitates magis aut minus polygonas; quod etiam oculorum pænè testimonio discimus, sed Microscopii ope planè constat. Hinc fit ut Salia linguæ imposita, ejusque fibras, pro cuspidum varietate, variè pungentia saporis non unius sensum in nobis excitent; quod fusiùs non prosequemur, quia ad tractationem *Saporum* pertinet, de quibus in Lib. V.

16. Sali tria fossilium genera addemus, *Nitrum*, *Vitriolum* & *Alumen*; quorum proprietates & naturam paucis, prout licet, explicabimus.

Ut

Ut à Nitro initium fiat, est quod nascitur, est  
 item quod operâ humanâ conflat. „ Exi-  
 „ guum \* est apud Medos, canescentibus siccita-  
 „ te convallibus, quod vocant halmyraga. Mi-  
 „ nùs etiam in Thracia, juxta Philippos, sordi-  
 „ dum terrâ, quod appellant agrium. Aquæ ve-  
 „ rò nitrosæ pluribus locis reperiuntur, sed sine  
 „ viribus densandi. Optimum, copiosumque  
 „ in Litis Macedoniæ, quod vocant chalastri-  
 „ cum; candidum, purumque, proximum Salî.  
 „ Lacus est nitrosus, exsistente è medio dulci for-  
 „ ticulo, &c. Et hoc quidem nascitur. In Æ-  
 „ gypto autem conficitur multò abundantius, sed  
 „ deterius. Nam fuscum lapidosumque est. Fit  
 „ pænè eodem modo quo Sal, nisi quod salinis  
 „ mare infundunt, Nilum autem Nitrariis. Hæ,  
 „ cedente Nilo, madent sueco Nitri xl. diebus  
 „ continuis, statimque ut densari est cœptum  
 „ rapitur, ne resolvatur in Nitrariis. Ipsum au-  
 „ tem conditum in acervis durat. Nitrariæ Æ-  
 „ gypti, circa Naucratis & Memphim tantum  
 „ solebant esse, circa Memphim deteriores.  
 „ Nam & lapidescit ibi in acervis; multi que sunt  
 „ cumuli ea de causa saxei. Faciunt ex his vasa,  
 „ nec non frequenter liquatum cum sulfure co-  
 „ quentes in carbonibus. Ad ea quoque quæ in-  
 „ veterari volunt, illo Nitro utuntur. Sunt ibi  
 „ Nitrariæ, in quibus & rufum exit è colore ter-  
 „ ræ. Aphronitrum tradunt in Asia colligi, in  
 „ speluncis molibus destillans, deinde siccant So-  
 „ le. Optimum putatur Lydium. Probatio ut  
 „ sit minimè ponderosum, & maximè friabile,  
 „ colore pænè purpureo.

\* *Plinius Lib. xxxi. c. 10.*

17. Nullum est inter nativum & factitium Nitrum discrimen, nisi quòd illud sponte, hoc arte excernatur, quemadmodum in Sale fieri vidimus. Quodvis etiam Nitrum Salis est genus, nec aliter ferè ab eo quod *Salem* propriè vocamus, differt, nisi hisce tribus, quòd Nitrum probè purgatum Sale acidius, leviùsque sit, & facilè ignem concipiat.

18. Si hujus discriminis quærat ratio, aliunde oriri non videtur, nisi quòd 1. anguli, quibus utrimque oblongæ nitri particulæ terminantur, acutiores sint particularum salinarum angulis; quo fit ut Linguae impositæ vehementius & aliter eam pungant, unde aciditatis nascitur sensus: 2. nitri particulæ sint tenuiores, & poris abundant, quos ubi subierunt igneæ particulæ nitrosas facillimè agitant, atque in aère rapidissimè circumagunt, donec fractæ sint; unde oritur, ut antea ostendimus, flamma: 3. Hoc ipso fit ut leviores sint, cùm salinæ intra eundem ambitum majorem homogeneæ materiæ complectantur copiam. Plura de Nitro, & accuratiora legi poterunt in *Historia Naturali Nitri*, Londini edita anno 1670. à *Guilielmo Clarke*. Particulas Nitri consideravit, ope Microscopii *M. Listerus*, & deprehendit sexangulas, tenues, longas, lateribus parallelogrammis, & ex alterâ parte in pyramidale acumen desinentes.

19. *Vitriolum*, ut nunc vocamus, à Veteribus dicebatur *Chalcantbum*, estque variorum generum, quæ ex *Plinio* describemus. \* „ Græci, „ inquit, cognationem æris nomine fecerunt & „ atra-

\* Lib. XXXIV. c. 12. Hist. Nat.

„ atramento futorio , appellant enim *Chalcant-*  
 „ *thum*. Fit in Hispaniæ puteis stagnisve, idge-  
 „ nus aquæ habentibus. Decoquitur ea admista  
 „ dulci pari mensurâ, & in piscinas ligneas fun-  
 „ ditur. Immobilibus super has transtris, depen-  
 „ dent restes lapillis extentæ, quibus adhærescens  
 „ limus, vitreis acinis (*unde vitriolum dictum*)  
 „ imaginem quamdam uvæ reddit. Exemptum  
 „ ita siccatur, diebus triginta. Color est cæru-  
 „ leus, perquam spectabili nitore, vitrumque  
 „ esse creditur. Diluendo fit atramentum; tin-  
 „ gendis coriis. (*Unde atramentum futorium vo-*  
 „ *catur.*) Fit & pluribus modis, genere terræ  
 „ eo in scrobes cavato; quarum è lateribus de-  
 „ stillantes hiberno gelu stirias *Stalagmias* vo-  
 „ cant, neque est purius aliud. Sed ex eo candi-  
 „ dum colorem sentientem violam *Louchoton*  
 „ appellant. Fit & in faxorum catinis, pluviam  
 „ aquâ corrivato lino gelante. Fit & Salis modo,  
 „ flagrantissimo Sole admixtas dulces aquas co-  
 „ gente. Idèd duplici quidam differentiâ, fossile  
 „ aut factitium appellant hoc. Pallidius, & quan-  
 „ tum colore, tantum bonitate deterius.

20. Præter hoc, quod Veteribus propriè *Chal-*  
*canthum* dicebatur, tria Vitrioli solent recenseri  
 genera, *Chalcitis*, *Sory* & *Misy*. „ Chalcitin  
 „ vocant lapidem ex quo ipsum æs coquitur.  
 „ Distat à *Cadmia*, quod illa super terram ex  
 „ subdialibus petris cæditur, hæc ex obratis.  
 „ Item quod Chalcitis friat se statim, mollis  
 „ naturâ, ut videatur lanugo concreta. Habet  
 „ autem æris venas oblongas. Probatur mellei  
 „ coloris, gracili venarum discursu, friabilis,  
 „ nec lapidosa.

21. „ Inveterata *Sory* fit, *Sory* autem Ægyptium maximè laudatur, multum superato Cyprio, Hispaniensi, & Africo. In quacumque natione optimum, cui maximum virus in olfactu, tritumque pinguius nigrescens, & spongiosum; & Ægyptium quidem tale, alterius nationis contritum splendescit, ut *Misy*, & est lapidosius. Uritur carbonibus, ut Chalcitis.

22. „ *Misy* aliqui tradiderunt fieri, exusto lapide in scrobibus, flori ejus luteo miscente se ligni pinei favillâ. Reverâ autem è supradicto fit lapide, concretum naturâ, discretumque & optimum in Cypriorum officinis, cujus notæ sunt friati auræ scintillæ, & cum teratur, arenosa natura, sive terrea, chalcitidi similis. Hoc admiscet, qui aurum purgant.

23. Hæ sunt variæ Vitrioli species, quas singulas, omnesque earum proprietates subtiliter persequi non adgrediemur. Observabimus tantum in genere, 1. ejus gravitatem, quamquam pro generibus aliqua est diversitas, salis gravitatem ferè æquare: 2. quod purgatius est, eò acidius esse, & ejus *spiritum*, ut Chymici loquuntur, summâ aciditate præditum: 3. corrosivum summo opere esse, simulque adstringendi vim habere maximam: 4. igne non inflammari, sed in pulverem, seu calcem redigi.

24. I. Æquat salis gravitatem, quia ejus particule æquè compactæ sunt ac salinæ; ideoque, sub eadem circumferentia, æqualem materiæ homogeneæ copiam complectuntur. II. Est acidissimum, ob acutissimos angulos, in quos par-

particulæ ejus desinunt, quæ eò acutiores & pungentiores, ut ita dicam, evadunt, quod omnis heterogeneæ materiæ impedimentis magis explicantur. Quemadmodum enim culter per se acutus, si aciem habeat duriore quapiam materiâ impeditam, difficilius cædit; contra si purgatus sit, ut libera supersit acies, facilius secatur: sic anguli vitrioli difficilius, aut facilius pungunt, & penetrant; prout sunt magis aut minus impediti.

III. Mirum non est acutissimas particulas, quæ quosvis poros subeunt, corrodere ea quibus imponuntur; sunt enim terebrarum instar, quæ omnia aëre agitatæ perforant. Simul constringunt carnes quibus immittuntur, quas veluti clavi undequaque subeuntes necessariò coarctant. Quod plures enim in hiantes poros aguntur cunei, eò magis porosa materia constringitur, nisi solvatur ejus continuïtas, nimia cuneorum vi.

IV. Eadem de causâ Vitriolum igne non inflammatur, ob quam salem inflammari posse negavimus. Ostendit *M. Listerus* particulas vitrioli ex utraque parte acuminatas esse, & ex decem planis lateribus constare; scilicet, ex quatuor mediis planis pentagonis, & tribus ad extrema triangulis.

25. Superest *Alumen*; „ quod, ut ait Plinius \*, intelligitur sulfugo terræ. Plura & „ ejus genera. In Cypro candidum & nigrum, „ exigua coloris differentiâ, cum sit usus magna; quoniam inficiendis claro colore lanis, „ candidum liquidumque utilissimum est; contraque fuscis aut obscuris nigrum. Et aurum „ nigro purgatur. Fit autem omne ex aqua,

G 5

„ li-

\* *Hist. Nat. Lib. xxxv. cap. 15.*



# 154 P H Y S I C Æ L I B. II.

„ limoque, hoc est, terræ exfudantis natura.  
 „ Corrivatum hyeme, æstivis solibus matura-  
 „ tur. Quod fuerit ex eo præcox, candidius fit.  
 „ Gignitur autem in Hispania, Ægypto, Arme-  
 „ nia, Macedonia, Ponto, Africa; insulis Sar-  
 „ dinia, Melo, Lipara, Strongyle. Laudatissi-  
 „ mum in Ægypto, proximum in Melo.

26. „ Hujus duæ species, liquidum, spissum-  
 „ que. Liquidi probatio, ut sit limpidum,  
 „ lacteumque sine offensis fricantium, cum quo-  
 „ dam igniculo calor. Hoc *φείμω* vocant.  
 „ Alterum genus est pallidi, & scabri; ideoque  
 „ hoc vocant *πυρρῶ*. Vis liquidi aluminis  
 „ adstringere, indurare, rodere.

27. „ Concreti aluminis unum genus *χρῖν* ap-  
 „ pellant Græci, in capillamenta quædam canen-  
 „ tia dehiscens; unde quidam *τελεχῖν* potius ap-  
 „ pellavere. Hoc fit è lapide, ex quo & Chal-  
 „ citin vocant; ut sit sudor quidam ejus lapidis,  
 „ in spumam coagulatus. Hoc genus aluminis  
 „ minùs sistit humorem inutilem corporibus. In-  
 „ terioris (*hoc est, in terra abditioris*) est alterum  
 „ generis, quod *Strongylen* vocant. Duæ ejus  
 „ species. Fungosum atque omni humore dilui  
 „ facile, quod in totum damnatur. Melius pu-  
 „ micosum & foraminum fistulis spongiæ simi-  
 „ le, rotundumque naturâ, candido propius;  
 „ cum quadam pinguitudine, sine arenis, fri-  
 „ bile, nec inficiens nigritiâ. Hoc coquitur per  
 „ se, carbonibus puris, donec cinis fiat. Nulli  
 „ vis major, neque adstringendi, neque deni-  
 „ grandi, neque indurandi.

28. Alia etiam aluminis memorantur genera,  
 quæ non attingemus. Existimant id, quod hodie

*Alu-*

*Alumen rapis* vocamus, ignotum Veteribus fuisse; quod candidum est & ferè pellucidum. Sed omnium affinis est natura.

29. 1. Sapor est salinus, quamquam aciditatem Vitrioli non æquat: 2. summopere adstringit, unde à Græcis *συνλεια*, *σύν το σίφει*, *adstringere*, dicitur. Simul rodit & indurat: 3. in calcem igne redigitur: 4. levius est plerumque Sale marino. Quarum proprietatum ratio, prout conjecturis eam adsequi licet, facile ex superioribus colligetur. In forma particularum, quibus constat, fortè hoc singulare est, quòd sint crassiores, magis scabræ & obtusioribus acuminibus præditæ, quàm aliorum salium. Cetera ut accuratius exsequeremur, multis opus esset experimentis. Ostendit, ope Microscopii, *M. Listerus* Aluminis figuram esse paullo compressiorem, & ex altera quidem parte, quasi vertice, planum sexangulum habere; ex altera verò opposita simile planum sexangulum, quibus bina plana quadrangula interponuntur; itaque confici id ex undecim planis, quinque sexangulis, & sex quadrangulis.

30. Atque hæc quidem de salibus hætenus, quæ ad ulteriùs in eorum examine procedendum manuactionis loco esse possunt. Superest ut de Lapidibus aliquid dicamus, singulas enim species, aut etiam plurimas ut prosequeremur iustum volumen esset conscribendum. Lapidem in genere vocamus *Fossilia dura & rigida*, quæ comminui in pulverem malleo tusa, & ope ignis in calcem redigi possunt, neque nullo sapore sunt prædita.

31. Communes hæc lapidum proprietates ex principiis aliquoties memoratis, sic explicare possumus. I. Massa tota lapidum est dura & rigida, quia constat particulis, quarum hæc est natura. De *rigore* autem & *duritie* in genere, Libro V. agemus. II. Lapidēs malleo vehementius tusi in pulverem comminuuntur; quia cum rigidaē particulæ flecti, aut ad latera aliarum aliæ fluere malleo cedentes nequeant, necessario majore vi diffiliunt, earumque solvitur continuitas. III. Igne lapides non inflammantur, neque in vapores dissolvuntur; propter gravitatem & rigiditatem particularum, quibus constant. Sed cum tamen omnes lapidum partes æquē duræ non sint, vi diuturnâ ignis quidquid minus durum est exeditur, & sæpe lapides in pulverem comminuuntur satis levem. Hic autem pulvis, aut massæ quæ supersunt igne adesæ, *calx* vocantur.

32. Antequàm ad id, quod de lapidibus dicendum superest, pergamus, breviter præcipua & notissima calcis proprietas explicanda est. Videmus autem calcem vivam, injectâ aquâ frigidâ, subito incalescere & effervesce; cujus rei à Physicis causa quæritur. In animum ante omnia revocandum quod diximus, diuturnâ vi ignis, quidquid fuit in lapidibus minus durum adesum fuisse, ac proinde poros eâ materiâ plenos vacuos mansisse. Hi verò pori non modò sunt patentiores, & ampliores, quos aëreæ particulæ subeunt, & implent; sed etiam tenuissimi recessus, amfractúsque varii, in quibus nulla potest esse aërea particula, sed est tenuior materia. Dum calx aëri exposita est, in eodem  
manet

manet statu, nec ulla fit effervescencia; quia aer non incumbit gravius superficiei calcis, neque materia illa tenuior subito ex poris calcis egredi cogitur.

33. Verum cum aquae copia paullo major, pro copia calcis, in eam conjicitur, aquae particulae superficiem calcis, & pondere suo, & motu vario (qui omnium liquidorum particulis inest) premunt & impetunt, ita ut, poros subeundo contextum calcis subito dissolvant; quo fit ut subtilior illa materia, quae in tenuissimis poris calcis continebatur, subito erumpat undequaque magno impetu, quo illa fermentatio subitanea in aqua excitatur. Quemadmodum enim aqua igni imposita ebullit, subeuntibus innumeris particulis igneis, quae eam agitant: sic bullitio in aqua, in qua calx est, eruptione particularum tenuissimarum, quae in calce latebant, creatur. Postquam autem aliquamdiu aqua bullit, particulae illae per ejus poros dilabuntur, ac denique quaquaversum per aerem dissipantur, unde fit ut desinat effervescencia: haud aliter ac in aqua igni imposita, ubi materia ignea absunta est.

34. IV. Lapidēs, saltem duriores, nullo sapore sunt praediti; quia non possunt eorum particulae ita humore dissolvi, ut quod in iis salinum forte est, sejunctum ab aliis particulis linguae poros subeat, ejusque nervos pungat; qua ratione saporis sensatio, ut antea jam indicavimus, in nobis excitatur.

35. Lapidēs dividi solent in *communes*, seu viles, & *pretiosos*; sed cum ea divisio ad eorum naturam nihil faciat, praestat eos dividere

in *opacos & pellucidos*. Opaci sunt *filices & variorum generum lapides*, quibus in ædificiis, figurisque variis formandis utimur. Nimirum lux quæ, ut alibi videbimus, per lineas rectas solet ad nos pervenire, incidens in eos lapides, aut eos permeare, propter cæcos meatus, non potest; aut, si permeat, curvos amfractus sequitur, adeoque in nobis sensum luminis non creat. Accedunt ad opacitatem varii lapides pretiosi, qui sunt coloribus saturioribus tincti, eadem de causa, quamquam politiores in superficie.

36. Pellucidum est crystallum, pellucidus adamantas, & plurima arenæ grana; quia radii lucis per lineas rectas eorum poros permeant; quod pluribus hic non explicabimus, quia lucis naturæ explicatio amplior præmitti deberet. Plerique lapides pretiosiores aut pellucidi sunt, quamquam adamantis pelluciditatem non æquant, aut ferè pellucidi, & splendentes.

37. Solent quærere Philosophi, an generentur salia & lapides, in terræ visceribus. Sunt qui negent, sunt qui affirmant; neque perspicuum est, à quibus stet veritas. Qui generari volunt, existimant salia & lapides liquores esse in terra concretos; putantque ignibus subterraneis, varias in terra excoqui misturas, quæ deinde, per terræ meatus, huc illuc dissipentur; ubi concresecunt, & concretæ à nobis inveniuntur. Nititur hæc eorum conjectura exemplo vitri, quod excoquitur ex arena, lapidibusque in calcem redactis, violentissimo igne, nitroque admisto; tum etiam variarum misturarum, quæ arte humanâ sunt, & lapides pretiosos imi-

tantur, variis coloribus adfufis. Verùm ut potest hoc effe, fortè etiam planè aliter res fit; nec sat nota sunt nobis terræ viscera, ut hoc in negotio quidquam negare aut affirmare possimus.

38. Inter lapides recenseri solet Magnes, qui propter singularem naturam accuratiùs à nobis Capite sequenti expendetur.

## C A P U T V I.

### *De Magnete, ejusque proprietatibus.*

I. **N**ON est animus quo primùm tempore innotescere coeperit Magnes, ejusque, in inveniendis Terræ Polis, usus, inquirere. Hic tantùm Historiam Physicam Magnetis spectamus. Primò igitur varias ejus proprietates experientià cognitas; deinde Philosophorum præcipuas, circa dispositionem intimam Magnetis, conjecturas in medium adferemus.

II. Sed ante omnia, observandum Magnetem inveniri in fodinis ferrariis, & colore ac pondere ferrum referre. Verùm cùm ferrum liquefiat igne, & malleo ductile sit; Magnes malleo tufus comminuitur, & vi ignis in calcem redigitur; unde colligere est particulas Magnetis duriores esse, rigidiores, ac magis inter se implicitas, quàm ferri particulas; quod observandum, usui quippe in sequentibus futurum.

III. Jam ut proprietates Magnetis, experientià notas, proponere incipiamus; 1. *primò*, quando liberè ac sine obstaculo moveri potest, partem suà alteram Septentrioni, alteram Meridici

diei constanter obvertit, adeò ut quæ semel alterum Polum spectare deprehensa est, semper in eum vertatur, numquam in alterum. Liberè autem movetur *Magnes* tabellæ lignæ impositus, ut aquæ supernatet.

2. *Secundò*, observarunt Philosophi Magnetem tamen non semper directè Polos Telluris spectare, sed aliquantum ad Occasum aut Orientem declinare, sine ulla certa aut constanti ratione.

3. *Tertiò*, duo Magnetes intra quoddam intervallum admoti recedunt invicem, aut accedunt, prout variè collocantur. Ea pars alterius quæ Polum Septemtrionalem Telluris spectat; fugit admota parti alterius eundem Polum spectanti. Contrà pars quæ Meridiei obvertitur ad eam accedit quæ Septemtrionem spectat, aut vice versâ. Has partes Magnetum cum Philosophis *Polos* vocabimus, brevitatis causâ, & Meridianum quidem eum qui Septemtrionalem Telluris respicit, quadam de ratione quæ infrâ liquebit, Septemtrionalem verò qui Meridiei obverti solet.

4. Magnetes, *quarto* loco, se invicem sustinent, vel à se invicem pendent in aëre, modò Septemtrionalis Polus unius opponatur Meridiano alterius, adeoque Meridianus Septemtrionali. Interdum etiam *Magnes* minùs gravis pendentem sustinet graviolem, licèt gravior leviolem sustinere nequeat.

5. *Quinto* loco, non eandem esse omni Magneti vim ad se celeriter obvertendum Terræ Polus observatum est: quemadmodum non eadem est vis omnium ad onera sustinenda, aut attol-

len-

lenda. Sunt Magnetes qui celerius circumaguntur, ut Polos suos Telluris Polis opponant, quam alii.

6. *Sextò*, licèt ut plurimum Magneti duo sint Poli, qui ita, ut diximus, disponuntur, attamen non defunt Magnetes *ἀνύμαλοι*, ut ea voce utamur, quibus videntur plures inesse Poli.

7. *Septimò*, ut Magnes Magnetem, ita & ferrum attollit, interdum minoris, interdum majoris ponderis, prorsus ut Magnetem.

8. *Octavò*, si scobs ferri superinjiciatur Magneti, ita disponitur ut particulæ ejus rectæ ad Polos dirigantur, inde verò paullatim inflectantur in orbem, ut sint axi Magnetis parallelæ; nisi Magnes sit ex eorum numero, quos *ἀνύμαλοι* esse diximus. \* A est Magnes, B regio Polis opposita, C scobs. Eòdem pertinet quod observatum scobem chartæ crassiori aut etiam tabulæ lignæ superimpositam, subjecto Magnete interpositæ chartæ aut tabulæ agitari prout agitur Magnes, modo nimium non removeatur.

9. *Nonò*, Magnes ita ferrum virtutis suæ particeps facit, ut, integrâ vi Magnetis, easdem proprietates quas enumeravimus acquisivisse videatur, licèt non usque ad eò intensas. Præcipuus hujusce rei usus spectatur in Acu nautica, cujus ope Nautæ quovis tempore ubi sit Septentrio ac Meridies, reliquæque ad eò Mundi plagæ facillè agnoscunt.

10. *Décimo* loco, observandum Acum Magneticam, cis lineam æquinoctialem, cuspidem quæ

Sept

\* Vide Fig. VII.



## 162 P H Y S I C A E L I B. II.

Septentrionem spectat depressiorem habere ; sed ubi linea superata est , altera cuspidis depressior esse incipit. Sub ipsa verò linea, situm suum non servat , nec usui esse potest.

11. *Undecimo* loco, quemadmodum Magnes ferro suam tribuit virtutem : ita ipse ferro munitus multò majus ferri pondus sustinet, quàm quando ferro destitutus est.

12. *Duodecimo* loco, Magnetes corrumpuntur, si juxta se invicem diu jaceant , adeò ut Septentrionalis Polus Septentrionali, Meridianus Meridiano oppositus sit. Corrumpuntur etiam , si in ignem jaciuntur & candentes fiant. Eodem modo, etiam minuitur aut interit vis Magnetica in ferro ; quod præterea ferrugine, cui non ita obnoxius est Magnes, haud parum vitatur.

13. *Decimotertio* loco, oblongæ ferri partes ita dispositæ , ut altera extremitas Septentrionem, altera Meridiem diu, sine mutatione, spectaverint, sepe adquisivere magneticam virtutem : quod in antiquis crucibus Templorum observatum est.

IV. Has potissimùm proprietates in Magnete experientia deprehendit , quæ sanè haud exiguum laborem Philosophis facessere, ut invenirent rationem aliquam tam mirorum effectuum probabilem. Triplici viâ eò pervenire conati sunt.

1. Quidam dixere esse, inter Septentrionales Polos Magnetis & Meridianos, *συμπιδναο* quamdam ; contra verò inter Septentrionales & Septentrionales, Meridianos item inter & Meridianos *ἀκτιπιδναο*. Hac fit, ut se Poli invicem repell-

pellant, illâ verò ut se adtrahant. Est etiam, secundum eos, συμπίθεια inter Magnetem & ferrum, unde fit ut hoc alterius virtutem induat. Hoc modo experimenta omnia proposita feliciter, ut putant, explicant.

2. Sed alii quærent primò quid sit, συμπίθεια, quid ἀντιπίθεια? Respondent, συμπίθεια esse qualitatem occultam in convenientia quadam & cognatione naturæ sitam. At *qualitas occulta*, si bene pensitentur vocabula, est aliquid prorsus ignotum; itaque rotundiùs multò & candidiùs responderent, si pro tot ambagibus verborum, se quare hæc fiant *nescire*, nec posse conicere dicerent. Rursus enim quærentibus quænam sit cognatio illa & convenientia naturæ, clariore nullo satisfacit responso. Ἀντιπίθεια, seu naturæ repugnantia ac discordia, qualitas etiam occulta est; adeoque eâ voce non magis docemur, quare recedat Magnes à Magnete &c. quàm si tacerent qui ea voce utantur.

3. Τθαλες qui \* ἔλεγε τὸν ἰσὺν ψυχῆς ἔχειν ἐν τῷ λίθῳ, lapidem aiebat animam habere, quid ferrum moveret, haud clariùs loquebatur, neque clariùs, ut opinior, respondisset quærentibus quid sit ea Anima? Interea, ut hoc obiter monemus, quàm antiqua sit Magnetis cognitio, inde liquet.

4. Alii observato scobis, prout circa Magnetem disponitur, experimento, inde *primum* collegerunt materiam aliquam esse inconspicuam quæ circa Magnetem in orbem ferretur; neque enim scobs alioqui ita se disponeret sponte suâ, cùm

\* Aristotel. de Anima. Lib. 1. c. 2.

cum corpora sponte sua non moveantur. *Deinde* coniecerunt materiam illam fortè causam esse omnium illorum, quæ cum admiratione in Magnete observantur. *Postremo*, Terram ipsam fortè esse instar Magnetis, circa quem similis vertatur materia, eodem modo ac circa Magnetem circumagitur; unde fieret ut Magnes eodem modo respectu Telluris disponderetur, ac respectu alterius Magnetis. Horum trium primum videtur esse indubitatum, duo alia incertiora quidem, sed contraria rerum naturæ non sunt, ideoque negari quasi compertæ falsitatis nequeunt.

5. Hisce positis, quærendum est quæ sit materiæ illius inconspicuæ figura, quâ tot effectus mirandi edantur. Coniiciunt eam esse alii instar pennæ, aut sagittæ pennatæ, quæ adversis peninarum fibris ægrè foramen subit, quod faciliè ingreditur si ex altera parte immittatur. Figura subiecta rem oculis objiciet. \* Alii maluerunt striatam illam materiam fingere, hoc pacto: † Hæc autem materia certo modo circumacta porum similiter striatum subit, instar cochleæ, quem aliâ ratione mota ingredi non potest.

6. Præterea & Terræ & Magneti poros esse eorum axi parallelos statuerunt; excipiendis ejusmodi particulis aptos; aded ut exeant per unum ex Polis, per quem aut adversis fibris, aut inversâ cochleâ retrocedere nequeant; sed, si rursus in Terram aut Magnetem redeant, per oppositum ingrediuntur Polum. Ita particulæ quæ Polo A egrédiuntur non possunt eodem regredi, sed circumagantur ad Polum B necesse est.

V. Hac

\* Vide Fig. IX. † Vide Fig. X.

V. Hac expositâ summâ sententiâ, videntur qui singulis conveniat experimentis.

1. *Primo*, quoniam circa Telluris globum materia descripta circumagitur, si quod corpus occurrit, quod habeat poros aptos ad eam excipiendam; ea id corpus subibit, & juxta cursum suum deriget. Eâ parte ingreditur quâ sibi patebunt pori, nec regredi poterunt ejus particulæ, ob rationem allatam. n. iv. §. 6. Cuspis cochlearum, aut pennatarum particularum unâ parte ingreditur ubi pori ingressui erunt aptati, & si pori occurrant aliter dispositi lapidem circumagent vi motûs sui, donec ita situs sit, ut faciliè eum permeare queant. Semper eadem pars Meridiei, eadem Septemtrioni obversa erit, quia per eum solum Polum Magnetis materia ex alterutro Polo veniens ingredi potest.

2. *Secundò*, declinatio Magnetis, ad Occasum aut Ortum, oriri potest ex eo quòd in ipsius Telluris Polus aliqua fiat mutatio; aded ut meatus magneticæ materiæ huc aut illuc aliquantum flectantur, cujus rei ratio ignota est. At modò nihil naturæ corporeæ contrarium afferatur, memoratæ hypotheseos verisimilitudini non officitur.

3. *Tertiò*, Polus Septemtrionalis Magnetis Septemtrionalem repellit alterius Magnetis, Meridianusque Meridianum, quia materia quæ egreditur per Septemtrionalem non potest ingredi per eundem Polum, ob ejus figuram aut motum, ideoque Polus unius Magnetis similem in altero expellit Polum, dum materiæ magneticæ particulæ in solidum Magnetem aut invios  
po-

## 366 P H Y S I C Æ L I B. II.

poros summâ vi incidunt. Contrâ si Polus Meridianus Septentrionali opponatur, accedunt Magnetes; quia dum liberè utrimque per eorum Poros meat materia, nec quidquam ei resistit, aërem inter Magnetes positum disjicit, & ita converti cogit ut ad partes exteriores duorum Magnetum feratur, eosque in se invicem pellat; adeoque adpropinquare cernantur, quia minùs pressi inter Polos vicinos majori cedunt pressioni extrinsecus aliis Polis incumbenti. Debent autem duo Magnetes non nimium distare, neque enim materia illa magnetica, quæ circa eos circumagitur, circulum describit admodum amplum; adeò ut si sint remotiores, extra eum circulum positi vim mutuam non sentiant. Hoc quoque hic observandum, quoniam constat eum Polum Magnetis, qui respicit eundem terræ Polum ac alterius Magnetis Polus, hunc expellere: si terra sit instar Magnetis consideranda, necesse esse eum Polum Magnetis, qui Meridiano Terræ Polo obvertitur, esse Septentrionalem, & vice versâ.

4. *Quartò*, Magnes Magnetem sustinet dispositum ita ut Polus Polo adversetur, quia particulæ materiæ cochlearis aut pennatæ, quæ celeriter pendentis Magnetis subeunt poros, eum sufficient. Nec spectanda est hîc Magnetis alium attolentis gravitas, neque enim pondus ei vires addit, sed materiæ magneticæ copia, quæ eò major in Magnete est quò habet plures poros ad eam excipiendam aptos.

5. *Quintò*, hæc eadem ratio est discriminis, quod inter vim Magnetum deprehenditur. Qui plures poros habent majorem etiam materiæ aut pen-

pennatæ, aut cochlearis circa se copiam retinent; dum enim ea ab aëre Magnetem ambiente repulsa invenit paratos Magnetis poros, per quos faciliè in gyrum moveatur, circa eam remanet; si verò solido impingat, aliò delabitur. Itaque Magnetes aut destituti poris huic materiæ excipiendæ aptis., aut paucis præditi, aut nullam, aut minorem vim habent.

6. *Sextò*, Magnetes quæ plures pororum meatus habent, decussatim aut aliter directos, sunt *αἰώμαλοι*, nam materia magnetica eâ decurrit, quâ sibi via patet.

7. *Septimò*, Magnes ferrum etiam attollit, quia ferrum habet poros magneticis similes, nec aliâ re differre videtur, nisi quod sit mollius adeoque mutabilius.

8. *Octavò*, ex scobe Magneti superinjecta, & circum eum in orbem disposita colligitur materiæ magneticæ motus, supra jam n. iv. §. 4. explicatus. Materia magnetica scobem movet, ac disponit prout ipsa movetur.

9. *Nonò*, ferrum virtutem Magnetis acquirit ob rationem jam §. 7. allatam. Non minuitur ea in Magnete, qui non pendet ex ipsa Magnetis substantia, quæ in ferrum partim effluerit; sed ex materia extrinsecus ipsi Magneti adveniente, quæ Poros ferri non satis apertos patefacit, adeò ut commodè circa ferrum, ut circa Magnetem, in gyrum ferri possit. Si particule nonnullæ, quæ circa Magnetem erant, remanent circa ferrum, alias à Polis terræ accipit.

10. *Decimò*, Acus magnetica depressior est cis lineam versùs Septentrionem, quia magnetica telluris materia ex terra ingenti copiâ egredi-

ditur, non ex Polis modò sed ex regionibus à Polis satis remotis, propter Telluris crassitiem, quæ ab utroque Hemisphærio permeatur. Quod faciliùs intelligetur, si meminerimus Terram esse figuræ non Sphæricæ, sed Ellipticæ aut ad Ellipticam accedentis, cujus rei alibi meminimus. Eadem de ratione trans lineam cuspidis Acus Meridiana deprimitur versùs terram. Sub linea verò ipsa, Acus Septentrionem ac Meridiem amplius non ostendit, quia materiæ Magneticæ Telluris circuli sunt superficie ejusdem Telluris altiores eo in loco, aded ut Acus multò inferior sit magneticà materià, quæ proinde non amplius permeatur neque dirigitur. Figura sequens hoc oculis subjiciet. \* A & B sunt Poli Terræ per quos rectà lineà exit materia magnetica. CCCC materiam magneticam notat quæ ex utroque Hemisphærio meat, aded ut inflectatur in orbem. D est locus, ubi esse statuitur Acus Magnetica; unde satis liquet eam non posse permeari pennatà, aut cochleari materià.

11. *Undecimo loco*, vis Magnetis ferro ad utrumque Polum addito augetur, quia cum ferum magneticam accepit materiam, ejus pori aperiuntur, fitque instar Magnetis; quo fit ut major copia materiæ magneticæ circa Magnetem, ferro munitum, hæreat, adeoque majora ab ea possint suspendi pondera.

12. *Duodecimo loco*, Magnetes corrumpuntur sibi invicem ita oppositi, ut materia incidat in poros, per quos ingredi nequit, qui eos paulatim obturat, aut vi perfringit. Si etiam tex-

tu.

\* Vide Fig. XI.

tura Magnetis vi ignis turbetur, vim suam ideò amittit, quia pori ejus corrumpuntur. Ferro idem contingit, quod præterea ferrugine poros aut rodente, aut obturante, vim amittit magneticam.

13. *Decimo tertio* loco, quandoquidem perpetuò circa terram rapitur materia magnetica, mirum non est si occurrenti sibi ferro, & semper eadem ratione directo incidens ejus poros aperiat, & constantes in eo meatus sibi efficiat.

V. Videbuntur fortè primâ fronte, memoratæ sententiæ, quibus aut pennata, aut cochlearis per Magnetis poros ferri statuitur materia, *πῶς φανερῶσις* optimè satisfacere, ut sanè plerisque haud malè conveniunt. Sunt tamen in utraque difficultates pænè insuperabiles.

1. Si pennata Materia ejusdem figuræ, eodémque motu acta ex utroque Telluris venit Polo, intelligimus quidem quare Magnes ita dirigatur, ut Polos habeat terræ Polis obversos, eâ commeante utrimque materia; sed quare semper eundem eidem obvertat nullâ ratione constât, cùm materia pennata ex Septentrione aut ex Meridie veniens utrumque ex æquo subire possit Polum.

2. Si materia cochlearis variè inversa hoc incommodo non laboret, aliud est quod nec superioris, neque hujus Hypotheseos ope, solvi potest. Scilicet, cùm Magnes sit solidissima materia, dubium esse nequit quin plures multò sint in eo partes solidæ, quàm pori. Igitur cùm admoventur duo Magnetes, incidens ab utroque in alterum materia magnetica, & solidas partes plures ac poros offendens, deberet



utrumque dimovere; nam major est vis illius materiæ solido lapidi & vehementer & magnâ copiâ illisæ, quàm potest esse aëris quem dimovet & ad exteriores Magnetis Polos circumagit; cùm præsertim tot poris scatere constat aërem, ut transitum satis liberum ei materiæ concedat.

3. Interea fatendum hanc sententiam ingeniosissimam esse, nec quidquam vero propius adhuc ab ullo excogitari potuisse.

## C A P U T VII.

### *De Fontibus & Fluviiis.*

1. **P**ostquàm materiam solidam, quâ hæc nostra Tellus constat, lustravimus: superest ad fluidam veniamus, hoc est, fontes, fluvios, lacus & maria. Sed antequàm horum naturam & rationes quærere adgrediamur, aliquid necessariò de *Aqua* generaliter præmittendum est; quamvis nobis non sit animus omnes quæstiones, quæ circa eam moveri solent, attingere hoc in loco; quædam enim ad Librum V. ubi de *Elementis* agemus, necessariò rejicienda sunt.

2. In *Aqua* hæc animadvertimus, quorum ratio à Phycis quæritur. 1. est pellucida: 2. liquida, ita tamen ut concreescere possit: 3. potest calefieri & frigefieri: 4. facilè potest in vapores, subiecto igne, aut aëris calore rarefieri: 5. certi est ponderis aëri, alissque corporibus collata, sed aëre multò gravior: 6. insipida est & sine odore: 7. putrescere tamen potest,

test, pro locis in quibus servatur : 8. quorundam corporum poros penetrat, aliorum nequit.

3. I. Aqua pellucida est, ob rationem allatam supra, Cap. V. §. 36. ubi de pellucidis lapidibus; quia, ex nonnullorum sententia, constat particulis flexilibus, instar funiculorum, quæ nec ita conjunguntur, ut nullos inter se relinquunt poros; nec eos intricatos habent, ut possit lux per lineas rectas facili transmitti. Cum enim non prorsus conjungantur eæ particulæ, & sint in perpetuo motu, facili tenuissimæ lucis particulæ eas per lineas rectas permeant; nisi profundissima sit aqua, aut motu à causa externa creato agitetur. Tunc multum minuitur aquæ pelluciditas, & videtur cærulei coloris obscurioris esse; quod in mari, præsertim agitato, cernere licet. Nimirum, tunc temporis, vehementiori agitatione aquæ, & quidem multæ, pori perturbantur, nec recti manent.

4. II. Aqua liquida esse videtur eadem de ratione, ob quam & alia corpora sunt liquida; quam paucis hîc trademus, pluribus eam alibi argumentis confirmaturi. Nimirum, cum ejus particulæ sint, ut eas descripsimus, tetetes & flexiles, instar funiculorum, relinquuntque inter se poros, subtiliori materiâ plenos, facili, illâ materiâ vehementissimè commotâ, huc illuc in omnes partes aguntur. Attamen haud difficulter concrevit in glaciem, si materiâ illius vehementissimè agitata minuat aliquâ ratione motus, quod fit hyeme; seu frigore solo, de quo alibi agemus; seu præterea eo tempore ex aère de-

cidant nitrosæ particulæ, quæ aquearum motum rigiditate suâ impedian.

5. III. Cùm ejusmodi sint aqueæ particulæ, ut diximus, glacies igni imposita, particularum ignearum motu, faciliè resolvitur. Hæ enim glaciæ subeuntes poros magnâ vi iterum teretes aquæ & flexiles partes incipiunt concutere; & brevi tempore pristinum motum iis restituant. Si verò ab igne aqua amoveatur, & frigidus aëri exponatur, particulæ igneæ brevi evanescunt, & aqua fit ut antea frigida, aut etiam, si aëris frigus intensius sit, denuò concrescit. Obiter observandum primò, calorem nihil esse hîc, præter motum varium & vehementem particularum corporis calidi; frigus verò nihil, præter earumdem particularum quietem. Secundò, calidum & frigidum esse ut plurimum voces *relativas*; & calidum dici à nobis, id cujus partes vehementius moventur ejus membri particulis, quo id tangimus; contrà verò frigidum, id cujus partes magis quiescunt, quàm nostri corporis artus. Qui calidam habet manum frigidam vocat aquam, quæ frigenti tepida dicitur.

6. IV. Aqua, subiecto igne aut solius aëris calore, faciliè in vapores evahitur; quia facillimè ejus partes separantur, motumque aut ab igne, aut à calore solis accipiunt; quo fit ut aëreæ particulæ secum faciliè huc illuc aqueas devehant. De aquæ vaporibus fusiùs agemus, ubi de Meteoris sermo erit.

7. V. Variis experimentis \* deprehensum est gravitatem aëris, in loco in quo vivimus, esse aquæ

\* Vide Dissert. Ed. Halleji in *Act. Anglic.* anni 1686. *Mense Maio.*

aquæ gravitati ut i ad 840 aut paullo ampliùs, ita ut aqua aëre sit plusquam octingentis vicibus gravior. Qua de causâ, videmus vesicam aëre plenam, aut aliud corpus aëre turgidum nullâ ferè vi posse aquæ immergi. Ac sanè ut aër aquæ immergeretur, oporteret ei addi pondus, quod aquæ ipsius pondus tantò superaret, quantò pondere aqua aërem superat, & aliquantò plus. Hinc etiam fit ut lignum facillè sustineat, & ingentes naves ferat mercibus gravissimis onustas, quæ non possunt solo pondere deprimi; nisi id pondus faciat ut lignum, adjunctâ eâ gravitate, fiat ipsâ aquâ gravius. Dignum est etiam observatu, aquam salinam, quæ sale prægnans dulci gravior est, majora ferre pondera, quàm dulcem. De gravitate aquæ aëri collatâ postea iterum aliquid dicemus, ubi de Aëre agendum erit.

8. Quæ sunt aquâ graviora, ut metalla, lapides &c. ea in aquam injecta statim fundum petunt, & eò quidem celerius, quò sunt graviora. Alia aquæ pondus æquantia, neque superficiei aquæ innatant, neque demerguntur prorsus, sed inter aquam suspensa manent, qualia sunt animalium cadavera.

9. VI. Aqua insipida est, quia flexiles ejus partes leniter linguam lambunt, sed nequeunt nervos ejus pungere acumine, quo excitent in nobis saporis sensum. Hic autem puram aquam intelligimus, hoc est, omni salium genere destitutam; qualis est potissimum aqua destillata, & post eam pluvia. Nam fontium, etiam salubrium, aqua ex terra aliquantulum saluginis sæpe trahit. Non loquimur hic de medicatis fon-

tibus, in quibus is sapor vehementior est, sed de  
iis quarum aquæ vulgò bibi solent.

10. Quò purior est aqua, cò minùs odora est,  
eadem enim ratio, quâ sit ut aquæ particule  
Lingua non pungant, odore omni destitutas  
esse debere ostendit; neque enim nervos olfacto-  
rios in nares admittæ pungere possunt, propter  
flexilitatem summam, & lævorem. Sunt tamen  
aquæ fontium odore quodam præditæ, verùm  
hoc ipsum indicium est eorum aquam non esse  
puram.

11. VII. Aqua tamen putrefit, hoc est,  
crassa & fortida quiete & calore evadit; quod de-  
prehendimus in paludibus, aquisque restagnan-  
tibus; & in aqua intra vasa servata, quod magno  
suo incommodo experiuntur navigantes. Verùm  
observandum est, quod de aqua diximus, id de  
pura esse intelligendum; contendimus autem  
nonnisi mistam putrescere, quod probamus 1. ex-  
perimento aquæ destillatæ, quæ sine putrefactio-  
ne ulla diutissimè servatur: 2. aquâ pluviâ quæ  
è coelo in vasa pura delapsa, & vasibus puris illi-  
co diligenter inclusa, terræque infossa apud va-  
rias Gentes, quæ fontibus carent, per plurimos  
annos servatur. Quod indicio est putrefactionem  
ab ipsa aqua non oriri, sed ab aliis rebus quæ  
aquæ miscentur; quandoquidem pura, qualis  
est destillata, & è nubibus delapsa, diutissimè,  
sine ulla putrefactione, servatur. Qua in re ob-  
servandum est vasa, in quibus adservatur, accu-  
ratè ne muscæ in ea ingrediantur clausa esse opor-  
tere, & eâ materiâ constare, quæ putrescere ne-  
queat, ut vitro, aut argillâ.

12. Verùm aqua in stagnis, aut paludibus quiescens duplici ratione corrumpitur. Prima est in ipsa soli natura sita, sæpe enim solum sulfure foetente abundat, quo fit ut aqua etiam, quæ sulfur poris excipit, accedente calore foetiscat; quod Amstelodami experimur, non modò in urbis fossis, sed etiam in aqua quæ ex fundo, in quo sita urbs est, hauritur, quod fieri videmus ubi ædium fundamenta jaciuntur. Itaque ea putrefactio non est aquæ imputanda, sed solo. Secunda ratio, ob quam aqua putiscit, sunt immunditiæ quævis quæ in eam conjiciuntur; aut etiam insectorum, quæ in ea pereunt, corpora; ova item muscarum, quæ quaquaversum volitant, eaque deponunt, & unde vermes nascuntur, ut alibi videbimus.

13. Similiter in vasibus ligneis, qualia sunt dolia, quibus aqua navigantium clauditur, putrefactio oritur; sunt enim ligno sulfuræ partes admixtæ, quod resina ejus indicat, & ipse ligni odor; sunt & aliæ immunditiæ, ut ova muscarum, unde vermes in doliis nascuntur, quod hîc fusius non persequemur.

14. VIII. Aqua quorundam corporum poros subit, quæ sunt satis patentes, ut ejus particulae eos subire queant. Exempli causâ, Sacchari, & Salium poros ita penetrat, ut particulas eorum sejungat, ac planè diluat. Lapidum verò poros non subit, saltem paullò altius, sed in superficie tantum hæret; quo fit ut madefaciat quidem lapides, sed nequaquam diluere possit. Adhæret autem superfici ei corporum, quia scabra est, & in extremitates hiantium pororum particulae ejus aliquantulum immittuntur.

## 176 P H Y S I C Æ L I B. II.

Sed ejusmodi humida corpora aëri exposita facillimè siccantur, quia motu particularum aërearum, molles & læves aqueæ particulæ facillè abripiuntur. Observandum tamen est, si corpora adipe illita sint, quamvis in aquam tota immittantur, vix eâ madefieri; quia, nimirum, superficiei asperitates, quibus adhærebat aqua, sunt adipe æquata, & ostia pororum obturata; aded ut nihil superfit cui possint aqueæ particulæ inhærere, quæ proinde necessariò defluunt.

15. Quæritur etiam quare aquæ guttæ decedentes rotundæ sint, quod in guttis pluviis observare licet, aliisque guttis alicunde decidentibus? Alii respondent non fieri hoc, ullâ peculiari dispositione aquæ, sed quia aëre undequaque ex æquo pressæ, necessariò in rotundam figuram coguntur, quia omnes particulæ aqueæ æqualiter prementi aëri resistunt. Quod etiam deprehendimus in aliis omnibus liquoribus, guttatim decidentibus.

16. Alii vero, \*qui contendunt particulas aquæ non esse oblongas, & flexiles, ut *Cartesius* conjecit, sed rotundas & læves, mistâsque materiâ quadam viscidâ; aiunt viscidâ illa materiâ, quæ plures particulas rotundas complectitur, fieri ut guttæ ita in orbem cogantur, quia particulas aqueas seorsim cadere non sinit. Indidem fieri volunt 1. ut guttæ aqueæ suspensæ foliis arborum, aut lateribus vasorum hæreant: 2. ut aqua possit condensari, quia viscidæ particulæ flexiles sunt, adeoque coarctari queunt, quod probant hoc experimento, quod Florentiæ

\* *Alphonfus Borellus de Motionibus Naturalibus. Cap. VII.*

tūc in *Academia Experimentorum* sumtum est. Globus argenteus concavus aquā impletus est, per foramen relictum injectā. Deinde id foramen accuratè, liquefacto argento, clausum est; quo factō, tundi malleo cœpit globus, qui paulatim minūs sphæricus factus est; unde cognitum aquam condensari, quia omnium figurarum capacissima est sphærica. Postea cūm percutere globum pergerent, animadverterunt globulos aqueos sudoris instar per poros argenti exire; ac tandem ex globo aperto, aqua magnā vī erupit.

17. 3. Contentiunt aqueas guttas rotundæ figuræ vasibus adhæsisse, ex quibus antiæ ope aër exhaustus erat; quod indicio est; vi aëris guttas aqueas non fieri rotundas: 4. Si calamus, aut tubus vitreus arctus ad perpendiculum in aquam immittatur sæpius, aqua quæ per tubum aut calamum adscendit, secundâ vice altius adscendit quàm primâ; ut baculum viscidæ materiæ injectum secundâ vice majorem ejus materiæ copiam educit: 5. Indidem fieri censent; ut aqua ejusmodi calamo, aut tubo arcto contenta, eo in aëre suspenso; non cadat aëris pondere pressa; quia, scilicet materia aquæ viscosa instar retis foramen tubi claudit; impeditque ne particulæ rotundæ excidant.

18. Nos inter duas sententias hæc quid intersit judicare non adgrediemur; quia res multa, & accurata postularet experimenta, quæ sumere non vacat, nec licet. De posteriori tantum hoc observabimus, ejus ope rationem non reddi, quare aqua baculo, pingui materiâ illito, non adhæreat, nam pinguis & viscida pinguibus &

H 5. visci-



## 278 P H Y S I C A E L I B. II.

viscidis faciliè adhærent. Verùm suspensionem aquearum guttarum faciliùs explicare videtur, quàm Hypothesis superior.

19. His de aqua summatim explicatis, sequitur ut de fontibus agamus. Fontes solent dividi in eos qui æstate, cùm coelum diu sudum fuit, exarescunt, & perennes. Illos plerique putant ex aquis pluviis oriri, hos verò multi ex alia causa, quæ perpetuò eos alit, ut postea videbimus. Illis autem missis factis, de perennibus tantùm dicemus, qui sunt *aquæ*, undecumque oriatur, *collectiones ex superioribus terræ locis in inferiora defluentes*. Ex multis ejusmodi fontibus constant flumina, in mare aquas suas devolventia.

20. Antequàm ad fontium originem quærendam pergamus, obiter observandum ex Hydrostaticis omnibus experimentis constare aquæ in vase contentæ superficiem semper ad libellam esse directam, nec ullam ejus superficiæ partem alterâ, nisi externâ vi, superiorem fieri posse. Cujus rei causa est æqualis undequaque incumbens aëris pressio, cui pariter aqua omnibus partibus resistit; unde sequitur ut superficies ejus sit ad libellam directâ. Indè etiam consequens est, aquam ex fonte defluentem & per tubos derivatam in loca fonte superiora adscendere non posse, quia supra libellæ lineam adtoleretur; quod, propter rationem allatam, fieri nequit.

21. Cùm multi fontes perennes sint, neque æstu ullo exarescant, plurimi conjecerunt eorum aquas ex mari, quod numquam deficit, oriri. Aiunt tubos esse subterraneos, per quos aqua  
ma-

marina ad fontes usque deferatur; qua in re, duæ occurrunt difficultates, quas non difficulter solvi posse opinantur. 1. Quæritur quæ fieri queat; ut aqua marina ad summos adtollatur montes? 2. Quæ etiam fiat, ut aqua fontium salsa non sit?

22. I. Concesso esse in terra tubos, per quos aqua liquiditate & pondere suo procul à mari feratur, conjiciunt eam aquam incidentem in loca vicina, subterraneis ignibus de quibus diximus Cap. III. in vapores rarefieri, qui vehementius moti, & facilius per tenuiores terræ meatus dilabentes ad ejus superficiem ferantur; adeoque ad montium ipsorum cacumina, si in montibus tubi sint ad eos excipiendos apti, & supra ipsam superficiem terræ in aërem quandoque evehantur; qua de re videbimus, ubi de Meteoris agemus. Cum autem vapores, quos diximus, circa terræ superficiem incidunt in loca frigidiora; condensantur iterum in aquam, & guttatim ex superioribus montium, aut collium locis, in interiora receptacula, quæ terra patet, defluentes & per rimas trumpentes fontes efficiunt.

23. II. Fontes autem, quamvis à mari originem ducant, falsi tamen esse non possunt; cum quia salinæ particulæ aquæ marinæ admixtæ, cum longæ sint & rigidæ, in terræ arctioribus meatibus hærent; tum etiam quia in vapores non evehuntur, ut antea diximus. Sunt quidem fontes falsi, at eorum falsugo non ex mari, sed ex salis fodinis per quas aqua transit oritur. Non potest enim illac fluere fontis vena, quia salis aliquot particulas humore dilutas

secum advehat; quemadmodum & aliis mineralibus prægnantes aquæ, variis in locis, featuriant; quia per fodinas, iis mineralibus plenas, fluunt.

24. Alii verò hanc hypothesin concoquere non possunt, pluribus de rationibus, quarum duas tantum proferemus. Primum, vix intelligi potest quomodo, per subterraneos meatus, ad loca usque adeo remota à mari tanta aquæ copia pervenire queat, ut perpetuos amnes alat, fontibus in altissimis, & à mari remotissimis montibus excitatis; unde maximi defluunt fluvii, ut Rhodanus, Rhenus, Danubius alisque. Cum maximæ mutationes fiant, in Terræ visceribus, ope ignium subterraneorum, obturarentur sæpè meatus illi, & passim fontes, qui antea perennes fuerant, exarescerent. Secundò, si hoc ita se haberet, loca mari proxima, seu montosa essent, seu campestria, fontibus potissimum scaterent; quippe quæ majorem ex vicinia aquæ copiam acciperent; contra verò loca à mari remotissima maxime omnium fontibus destituta essent, cum ad ea minorem aquæ copiam pervenire necesse sit. Contrarium autem experientia nos docet, cum in locis mari vicinis, si depressiora sint, vix ulli occurrant fontes, atque ex remotissimis, ut diximus, maxima defluant flumina.

25. Sunt qui pluvie malint tribuere originem fontium; sed hoc quoque incommodo laborat horum sententia, si è solis pluviis oriri dicantur fontes, quòd vix perpetui ulli eà ratione posse esse intelligantur; cum sint interdum maximæ siccitates, quibus plurimi quidem exarescunt fontes,

tes, sed multi manent, fortè quidem imminuti sed numquam exhausti.

26. Omnibus hisce diligenter expensis, aliis aliam ineundam esse viam visum est. Constat experientiâ ex omnibus aquis, marinisque adeò ut ex aliis, calore Solis maximos egeri vapores, quâ de re etiam accuratiùs agemus, ubi de mari sermo erit. Nunc rem omnibus notam statuissè fatis est. Constat vapores ex aquis sublato non pluviarum modò ritu, sed etiam roris instar in terram quotidie recidere. Hybernâ etiam tempestate, in plagis ab Æquinoctiali linea remotioribus, ingens cadit nivium copia, quæ in montibus altissimis ad mediam ætatem servantur, quo tempore liquefiunt. His autem positis, & missis illis subterraneis tubis per quos aqua è mari ferratur, origo fontium non difficulter describi posse videtur.

27. Cùm maximi \* vapores calore Solis, præsertim intra Tropicos, ex Oceano hauriantur, isque ventis quaquaversùm spargantur, necesse est eos incidere in altissimos montes, qui per terram sparsi regionibus, in quibus vapores vagantur, superiores sunt. Ejusmodi sunt in Europa, *Pirenei, Alpes, Apenninus, Carpathii*, aliique; in Asia *Taurus, Caucasus, Imaus*; in Africa *Atlantis* varia juga, & montes *Abyssiniæ*; in America *Andes, & Apalateani* montes. Horum plurima juga regionem, ad quam evchuntur vapores, multùm superant; & tam raro aëre ac tam frigido circumdantur, ut non nisi exiguum tenuissimorum vaporum copiam, in sum-

H 7 mo

\* Ex *Actis Londinens. Mens. Jan. & Februar. 1692. Num. 191* ubi existat hæc in rem Edm. Hallii Dissertatio.

mo vertice retineant. At inferiora juga maximam eorum partem, quæ aëris æstu quaquaversum agitur, sistunt. Illic frigore densati hærent, terræque & lapidum rimas subeuntes, in interiora argillæ, aut lapidum receptacula confluunt; quæ cum semel plena sunt, quidquid præterea adfluit effundunt. Hæc aqua per latera montium, aut per terræ meatus superficiei proximos defluens in subjectos campos, creat rivos, aut ex meatibus terræ, quæ exitus datur, scaturit. Aqua enim quæ descendit, modò tubis contineatur, ad eam altitudinem, ex qua descendit, iterum adscendit; ubi verò tubus deficit, quæ patet exitus, effunditur.

28. Deinde plures rivuli ac fontes in vallem unam incidentes fluvium, aut lacum formant. Si vallis ad mare usque extendatur, prout declivior est, aut minus declivis, eò rapidius, aut lenius flumen per eam defluit. Si contrà latissimum sit receptaculum, in quod incidit, lacum creat, qui vel aliquà declivitate per fluvii alveum exoneratur, vel clausam aquam continet, quæ illic restagnat, nec nisi vaporibus calore evehitis minuitur. Sic formantur fluvii *Rhenus*, exempli causâ, & *Danubius*; in quos, dum per immensos terrarum tractus defluunt, innumeri alii fontes, rivi, & fluvii aquas suas deferunt. Sic nascitur \* *Fucinus* lacus, in Italia, qui cum inter montes in Marsorum regione contineatur, nec quæ elabatur exitum habet, attamen in immensum non crescit, sed aut exfugitur meatibus subterraneis, quale est os *Pitoniæ*, aut vaporibus exhauritur. Sic &, hoc aliisque similibus lacubus.

\* Vide Raph. Fabretum de Lacu Fucini mss. scripto.

bus multò amplius Mare Caspium, quod neque minuitur, neque crescit, qua de re diligentius postea agetur, formatur.

29. Hæc autem vaporum in montibus collectorum copia, nemini mira videbitur, nisi iis qui in montium jugis numquam fuerunt. Quicumque enim aliquamdiu illic versati sunt, intensius multò frigus, quàm in campestri regione, esse experti sunt. Etiam mediâ æstate, tantum illic est frigus nocturnum, ut sine igne vix ferri queat. Hinc fit ut sudâ etiam tempestate, Sole in campis claro lucente, sæpe nebulis per omnem viciniam obliti sint montes; quod habent vicini instantis pluviae indicium. Hinc fit ut in summis, quæ inter montium juga sunt, convallibus, mediâ æstate, nix servetur, ut omnes montium accolæ, aut qui eos visere norunt.

30. Nec in Europâ modò nostra, cis Tropicum Cancrî sita, montes vaporibus madefiunt. Vir harum \* rerum peritissimus, qui diu in *S. He-  
lenæ* insulâ commoratus est, narrat sæpe se noctu in vertice montis maris superficiem 2400. pedibus superante, observationibus Astronomicis operam dantem, tantam condensationem vaporum, etiam sudâ tempestate, expertum esse, ut intra quindecim minuta optica vitra guttis ita madefierent, ut essent abstergenda. Charta etiam in qua scribebat, tam brevi tempore madefiebat rore, ut atramentum humore dilueretur statim ferè ac depromebatur. Unde quanta vaporum copia, in amplissimis montium jugis, condensetur colligere est.

30. St

\* *Edm. Hallejus.*

30. Si ad vapores accedant pluviae, & nives liquefactæ, dubium non erit, quin ea omnia alendis fluviis, & jugibus fontibus fufficiant. Constat certè maximos fluvios pluviis non parum augeri. Imò verò tempore æstatis ardentissimo; quo nullæ sunt pluviae variis in locis, nonnulla flumina maxima sunt. Sic *Nilus* Ægyptum, sic *Niger* Nigritiam inundat; eo anni tempore, quo in Ægypto & Nigritia sudum omnino est-cælum; quia, nimirum, in Abyssinia unde fluunt, sunt tunc temporis copiosissimi imbres; per aliquot Hebdomadas. Nives etiam, quæ per æstatem in altissimis montibus liquefiunt, non parum flumina quæ ex illis montibus fluunt, calidissimo anni tempore, augent; quod ex *Rhodano*, & *Lacu Lemanno*, constat, qui æstate semper majores sunt; quam hyeme.

31. Itaque si densatos vapores, pluviis & nivibus jungamus, satis superque liquoris erit ad fontes omnes alendos; nec opus erit fingere tubos subterraneos, per quos maris aqua, in remotissimas terræ partes perveniat.

## C A P U T VIII.

### *De Mari.*

1. **F**ontium & fluviorum contemplationem proximè sequitur Maris, quo omnia excipiuntur flumina, examen. *Mare* vocamus ingentem illam aquæ salæ copiam, quæ ab Septentrione in Meridiem, & ab Occasu in Ortum quaquaversum terram siccam ambit, in quam omnia flumina delabuntur, & quæ varios

amplissimos sinus habet, quorum maximus est *Mare Internum*, seu *Mediterraneum*. Uno verbo *Oceanus* appellari solet, quamquam, pro locis quæ adluit, nominibus variis vocitatur. In eo tres potissimas proprietates considerant Physici, primò falsuginem inexhaustam; secundò æqualitatem, cum tot fluminibus perpetuò influentibus nequaquam augeatur; tertio æstum, quod bis quotidie aqua ejus adtollitur, & subsidit. Quarum rerum causæ nobis nunc sunt investigandæ.

2. I. Ad falsuginem quod attinet, quæritur primò quare Mare fit falsum; deinde quare, cum tantum salis pondus ex eo hauriatur quotidie, non minuatur falsugo, cum præsertim tanta dulcis aquæ copia perpetuò ex fluviis in mare descendat. Maris falsugo aliunde non videtur oriri, quàm variorum fontium, in quibus similis deprehenditur sapor, & quorum aquis excoctis Sal conficitur, ut antea diximus. Nimirum, cum per tantos terrarum tractus Oceani alveus porrigatur, credibile est pluribus in locis fodinas salinas, easque amplissimas ei esse subjectas. Diluto autem ejusmodi Sale, mare ejus particulis impletur. Hoc tamen præterea accedit, quòd in mare fluvii undequaque influant; qui cum aquâ dulci innumeras salinas particulas, ex terris quas adluunt, secum deferunt; quæ quidem particulæ in singulis fluviis non sunt eâ copiam, ut aquam fluviorum falsam reddant, omnes tamen in unum alveum collectæ, unde non avehuntur, saltem eâdem copiam, mutare saporem aquæ eo alveo contentæ possunt. Observavimus autem antea salia marina in vapores non abire,



abire, unde fit ut omnia quæ in Oceanum devehuntur in eo mancant, dum ingens aquæ dulcis copia Solis calore hauritur. Itaque hæ etiam salinæ particulæ augere falsuginem Oceani possunt. Consideranda est Terra, quasi ingens quædam spongia (quamvis sit compactior) variis salibus imbuta; pluvie verò, rores, & nebulae instar aquæ quæ in spongiam adfunderetur; ex qua, contractâ falsugine, in vas subjectum effluerent. Obiter quidem fluendo, tantum salis secum ea aqua non deferret, quanta esset falsugo aquæ vase receptæ, omnes tamen guttæ aliquid ad falsuginem totius aquæ conferrent. Fingamus illi vasi ignem subjici; aqua dulcis in vapores ibit, & quod supererit falsius erit. Sed si iterum vapores illi Alembico excepti in spongiam injiciantur, & in vas decident, aquæ falsuginem temperabunt, si modò majorem aquæ dulcis copiam, quàm salinarum particularum contineant. Hæc facile possunt præsentī negotio aptari.

3. Hinc etiam colligere possumus unde fiat, ut maris falsugo neque augeatur, neque minuat, saltem ita ut hoc possit deprehendi. Non augetur sale invecro, 1. quia perpetuò ingenti copiâ salinas particulas in varia littora mare egerit, quæ particulæ lapidescunt, neque in mare redeunt. 2. Arte humanâ, ubicumque sunt maris accolæ, & aëris calor id patitur, Sal ex mari educitur, qui usibus humanis absumtus, maxima ex parte terræ miscetur, & adhæret. 3. Postquàm aqua certam salinarum particularum copiam excepit, jam iis prægnans ceteras respuit. Non minuitur etiam maris Salsugo, quia

quia non plus Salis illinc educitur, quàm advehitur, aut ex fodinis diluitur. Potest fieri in fodinis, quarum partes aliquot quotidie diluuntur, & per Oceanum sparguntur, ut aliæ adnascantur, dum tenuissimæ particulæ, in poris terræ oblongis & in acumen desinentibus, con-  
crescunt. Quas res describere eorum esset, qui terræ viscera diligentissimè ubique rimati essent.

4. II. Ut sciamus quare aqua marina non augeatur, tot influentibus fluminibus, videntum est annon alicunde quotidie minui possit, dum quotidie augetur. Hoc autem jam indicavimus, ubi de origine fontium egimus, sed est hîc accuratius ostendendum. \* Satis quidem constat maximam esse vaporum in aëre copiam, cum quandoque maximæ nives & pluvie, ex vaporibus densatis, ut alibi ostendemus, confectæ, in Terram cadant. Sed invenienda est ratio æstimandæ, saltem crassius, vaporum illorum copię, quod sic adgressus est vir doctus.

5. Sumit vas aquâ plenum, quatuor digitos profundum, & cujus diameter erat digitorum  $7\frac{1}{10}$ , in quo Thermometrum collocavit. Inde subjecto igne aquam calefecit, circiter ut solet esse aër calidissimis harum regionum æstatibus, ut ex Thermometro liquebat. Quo peracto, ex libræ flagello vas illud suspendit, addito ex altera parte æquali pondere. Gradum autem caloris eundem in aqua servabat, subinde admoto, aut amoto igne. Brevi tempore minuebatur aquæ

\* Ex *Actis Anglican. An. 1632. Mens. Octob. & Septemb.*  
ex Edm. Halleio.

188 P H Y S I C Æ L I B. II.

aquæ pondus, aded ut post duas horas dimidia deesset uncia, nisi quod dimidiæ uncia deessent 7 grana. Abierunt ergo 233 grana aquæ intra illud tempus, quamvis nullus animadverti posset fumus, neque calida videretur digitis in eam immisissis. Hæc autem aquæ copia, in vapores intra tam breve spatium evecta, dignissima est consideratu; hinc enim sequitur, intra viginti quatuor horas ex tantillâ superficie circulari, cujus diameter est 8 digitorum, sex uncias aquæ, aut circiter, in vapores egeri posse.

6. Ut autem ex hoc experimento possit accuratè cognosci quanta sit moles aquæ quæ in vapores abiit, utendum est alio experimento Oxonii à *Societate* ejus Urbis sumto, quo constat pedem cubicum aquæ 76 libras gravem esse. Hic autem numerus divisus in 1728, qui est numerus digitorum cubicorum, qui pede continentur, producit 253 grana &  $\frac{1}{3}$ , aut semiunciam 13 grana &  $\frac{1}{3}$ , quod est pondus digiti cubici aquei. Igitur pondus granorum 233 est  $\frac{233}{253}$  vel 35 partes digiti cubici in 38 divisi. Area autem circuli cujus diameter est 7 digitorum  $\frac{1}{2}$  complectitur 49 digitos quadratos; quibus si dividas copiam aquæ in vapores evectæ, scilicet  $\frac{1}{3}$  digiti, productum est  $\frac{1}{182}$  vel  $\frac{1}{38}$ , unde liquet aquam in vapores evectam esse 54 partem digiti. Verùm ut facilius sit calculus, ponamus esse 60 partem.

7. Si igitur aqua æquè calida, ac æstate esse solet, ex superficie descripta, evehit 60 partem digiti, intra duas horas; 10 pars intra decem horas evehetur, quæ aquæ copia ex toto mari hau-

hausta satis superque sufficiens est ad omnes plu-  
vias, rores & fontes creandos. Hic calculus po-  
test etiam ostendere, quare mare non minuat,ur,  
neque supra littora adtollatur, ut mare Caspium,  
quod semper æquè altum est. Statuere etiam pos-  
sumus, per Gaditanum fretum, perpetuò ex Ocea-  
no aquam in Mediterraneum mare influere; quam-  
vis præterea hoc mare ingentem fluviorum nume-  
rum excipiat.

8. Ut ergo æstimare possimus, quæ copia  
aquæ ex mari in vapores evehatur, debet tan-  
tum ratio haberi diurni temporis; nocturno  
enim, æqualis aut etiam major copia aquæ in  
roribus descendit, quàm in vaporibus evehitur.  
Æstate quidem dies sunt noctibus longiores, sed  
reputandum hîc Solem orientem non eandem  
vim habere ac in meridiano, & opus esse aliquo  
tempore ut aqua calefiat. Itaque ponamus,  
intra descriptam superficiem, quotidie  $\frac{1}{4}$  partem  
digiti è mari evehi, quod à nemine negari po-  
test.

9. Hoc posito, decem digiti quadrati superfi-  
ciei maris quotidie in vapores emittent digitum  
cubicum, unusquisque pes quadratus \* *dimidiam*  
*Pintam*, quatuor pedes quadrati *Gallonem*, mil-  
liare quadratum 6914 † *Dolia*, & Gradus quadra-  
tus, si statuatur 69 milliarium Anglicanorum, 33  
milliones *Doliorum*.

10. Jam si mari Mediterraneo tribuamus 40  
Gradus in longitudinem, & 4 in latitudinem,  
ratione habitæ arctiorum & latiorum locorum,  
quod minimùm tribui ei debet; inde fient 160  
gradus quadrati. Itaque totum mare Mediter-  
ra-

\* *Mensura sunt Anglicana.* † *Tonus.*

ranecum, die æstivo, emittet 5280 milliones *Dalliarum*. Hæc autem copia aquæ in vapores evectæ, quantacumque videatur, minima est quæ poni queat, ex descripto experimento. Considerandum præterea est huc aliquid accedere, quod certis regulis contineri nequit; ventos, nimirum, qui ex superficie aquæ interdum multò plures partes evehunt, quàm à Sole fieri potest: ut faciliè intelligent qui exsiccantes ventos, qui interdum flant, in animum revocabunt.

11. Difficillimum est æstimare quantam aquæ copiam mare Mediterraneum ex influentibus fluviis accipiat; nisi ostia fluviorum metiri liceret, & rapiditatem quâ defluunt. Hoc unum potest fieri, ut tribuatur iis potius major aquæ copia, quàm æquo minor; seu ut statuamus eos esse majores quàm reverâ sunt, deinde ut comparetur aquæ copia, quam *Thamesis* in mare deferret, cum aquâ fluviorum, qui hîc considerandi sunt.

12. Mare Mediterraneum hos novem fluvios, præter multos alios Græciæ & Asiæ minores, admittit maximos, *Iberum*, *Rhodanum*, *Tiberim*, *Padum*, *Danubium*, *Hypanim*, *Borysthenem*, *Tanaim* & *Nilum*. Statuamus in unoquoque horum fluviorum esse aquæ copiam decies majorem, quàm in *Thamesi*; non quòd in ullo sit tanta aquæ copia, sed ut calculo complectamur omnia alia minora flumina, quæ in idem mare illabuntur, & quorum magnitudo certò æstimari nequit.

13. Ad mensuram incundam aquæ *Thamesis*, qualis ad *Kingstoniensem* pontem consideratur, quò

quò æstus maris numquam pervenit. Latitudo  
cuius alvei est centum *ulnarum*, profunditas ve-  
rò trium, si ubique æqualis ponatur, quā in  
positione iustam mensuram potius excesseris,  
quā intra eam consistas. Hoc ergo in loco,  
sunt trecentæ *ulnæ* quadratæ, quod multiplica-  
tum per 48000 (quæquæ copia intra horas 24.  
defluit, si in singulas horas 2000 deputemus)  
aut 84480 *ulnas*, producit 25344000 *ulnas* cu-  
bicas, quæ intra diem unum defluere possunt,  
hoc est, 203000000 *solia*. Quod ampliùs con-  
cessum est, in superiori calculo, Thamesis al-  
veo, quā re ipsā habet, id satis supérque est,  
ut eo contineantur aliquot minora flumina quæ  
in eum delabuntur, intra pontem Kingstonien-  
sem.

14. Nunc verò, si expositione, unusquisque  
novent eorum fluviorum decies major est Tha-  
mesi, unusquisque in mare quotidie deferet 203  
milliones *soliorum*: atque in universum erunt  
1827 milliones *soliorum*, quæ est paullo plu-  
quā tertia pars vaporum, qui ex mari Medi-  
terraneo intra 12 horas evchuntur. Unde satis  
apparet fluminibus, in mare illabentibus, non  
deberi ejus altitudinem augeri. Quæ nec minui  
potest, propter pluvias & rores, quæ perpetuò  
in aliquam partem maris recidunt, & pondere  
suo quaquaversum sparguntur.

15. III. Superest, ut in rationem & causam  
*Æstus marini* inquiramus, & ante omnia qui-  
dem sunt ejus phænomena explicanda. *Æstus*  
ergo maris constat *fluxu & refluxu*, in quibus se-  
quentia observantur. 1. Aquæ marinæ videntur,  
certis temporibus, in hisce regionibus, à Meri-  
die

192 P H Y S I C Æ L I B. II.

die in Septemtrionem decurrere, per sex horas, quod *fluxum* vocare solemus. Mare paullatim ad littora adtollitur, fluviorum ostia altius subit, & eorum fluentia retrogredi cogit. 2. Sex horis elapsis, per quartam horæ partem videtur aqua eadem altitudine esse, deinde à Septemtrione in Meridiem, per sex alias horas, regreditur, residunt aquæ, & flumina deorsum ferri iterum incipiunt; quod vocamus *refluxum*. Similiter aqua, per quindecim minuta, depressa manet, quibus exactis denuo incipit æstus. 3. Itaque bis, intra 24 horas, mare adtollitur & bis deprimitur; verum non semper eadem horâ incipiunt fluxus & refluxus, quia plusquam duodecim horas in iis mare absument. Quotidie circiter 50 minutis seriùs incipit æstus, adeoque si hodie cœperit horâ duodecima, cras incipiet decem minutis ante primam. 4. Idem observatur in omnibus Europæ littoribus, quæ Oceanus adluit; sed eò major est æstus, eoque serior, quò littus Septemtrioni, seu Polo nostro propior est. Contrà verò intra Tropicos vix ullus animadvertitur æstus. 5. Mare Mediterraneum & Balthicum nullum æstum patiuntur, uti nec mare Caspium. Eveniunt quidem hîc nonnulla Anomala, ut quòd in sinu Veneto intimo sit aliqua reciprocatio, & variis in locis sint decursus varii aquæ reciprocantis. Sed eorum hîc rationem non habebimus.

16. Præter ea phænomena, observarunt Philosophi convenientiam quamdam in æstu maris cum Lunæ motu. 1. Quemadmodum æstus maris quotidie 50. minutis seriùs incipit: sic Luna in Meridiano est, sequente die, quinquaginta mi-

minutis seriùs quàm priore. 2. Quot vicibus Luna Meridiano nostrò imminet, tot vicibus mare adtollitur; & quot vicibus in Horizonte est, tot vicibus mare deprimitur: 3. Itaque unâ synodicâ periodo Lunæ, à plenilunio ad plenilunium, æstus marini per omnes viginti quatuor horas circumaguntur; adeò ut, si hoc Plenilunio mare adscenderit horâ duodecimâ, proximo eadem horâ iterum adscensurum sit, non priùs. 4. Circa Novilunium & Plenilunium, æstus sunt maximi, minimi in Quadrantibus. 5. Præterea cùm per omnia Novilunia & Plenilunia, maximus sit æstus, longè maximus est Noviluniis & Pleniluniis, quæ circa Æquinoctia sunt.

17. Hisce cognitis phænomenis, quamquam omnia æquè semper nota non fuerunt, causam æstus marini esse Lunam suspicati sunt jamdudum Philosophi. Sed ferè perinde erat, ac si nihil simile observassent, cùm dicerent fieri hoc occultâ quadam proprietate Lunæ, aut *influentiâ*, ut loquuntur, nescio quâ, cujus naturam nequaquam explicabant. Itaque Recentiores ad alias rationes confugiendum sibi censuerunt, & in Luna quidem quæfiverunt causam æstus marini, sed mechanicè in Terram agente.

18. I. Antea aliquoties vidimus corpora, quæ in orbem moventur circa centrum, ab eo centro niti recedere, & dum nituntur, sibi subjecta corpora premere. Vidimus etiam Lunam circa Terram agi, eo motu; unde consequens est ut Luna subjecta corpora premat, hoc est, aërem vicinum, aut aëri similem materiam. Ea autem pressio ad Terræ usque centrum pertinet, ac proinde quidquid interjacet necessariò afficit.

*Tomus III.*

I

19. II. Hoc



19. II. Hoc cùm ita sit, necesse est aquam quæ subjacet Lunæ, eo tempore quo Luna transit in Meridiano, incumbente aëre magis premi. Partes autem Terræ, quibus ad perpendiculum imminet Luna, sunt inter Tropicos, juxta Eclipticam, quibus in locis sunt amplissima ab Oriente in Occidentem per totum Telluris circuitum maria, ut liquebit si in globum oculi conjiciantur. Igitur cùm Luna illac transit, necesse est aquam magis illic quàm alibi premi, adeoque versùs littora septemtrionalia, & meridiana tolli; & quoniam Luna bis est in Meridiano quotidie, supra, nimirum, & infra Horizontem; bis aquam ad littora decurrere, & bis in alvei mediam partem redire oportet. Hæc summam videtur ratio esse æstus marini, quæ ad phænomena singillatim sic aptari potest.

20. III. 1. Mare in nostris oris debet videri ad Septemtrionem ferri, tempore *fluxus*, quia Luna nobis semper est ad Meridiem, quippe qui extra Tropicum Cancræ sumus. Atque hoc fieri debet, per sex horas, quibus Luna accedit aut abit à Meridiano, quo tempore maximè premit aquam nobis ad meridianam plagam oppositam. 2. Postquam verò Luna ulterius transit, aqua, cujus superficies ad æquilibrium redit, pondere suo, Lunâ non ampliùs obstante, in medium maris alveum redit. Est tamen aliqua mora, inter *fluxum* & *refluxum*, quia cùm aqua coeperit in certam partem ferri, motus ille aliquamdiu aquæ gravitati resistit; præterquam quòd undæ maris, quod eo tempore adtollitur, in viciniâ, magis ad occasum, possunt redeuntibus aliquamdiu obstare. 3. Quinquaginta minutis serius, incipit æstus,

æstus, quia, quinquaginta minutis seriùs, trans-  
eunte per Meridianum Lunâ, mare premitur.  
4. Major est æstus in littoribus maximè septem-  
trionalibus, quia tota maris ad Polos refugientis  
moles, illic sistitur; sed serior, quia cum mo-  
tus aquarum successivè fiat, necesse est eum se-  
riùs in iis locis animadverti, qui sunt ab eo in quo  
incipit remotissimi. Contrà verò intra Tropicos  
non magnus est æstus, quia aqua potest facilè il-  
linc versùs Polos decurrere; adeoque illic non  
congeritur, sed remotiùs fluit. 5. Mare Balthi-  
cum, Mediterraneum & Caspium non debent  
æstum pati, quia præterquàm quòd iis non incum-  
bit Luna, cum extra Tropicum sint; in duo priora,  
qui sinus sunt Oceani, propter angustias fre-  
torum, non potest status ille aquarum decursus  
satis celeriter fieri.

21. Hinc satis apparet, quare motum Lunæ se-  
quatur maris æstus, nec opus est ut vestigia no-  
stra hac in re relegamus; duo tantùm sunt expedien-  
da. 1. Noviluniis & Pleniluniis major est ma-  
ris æstus, quia tunc temporis Luna magis subje-  
cta spatia premit; cujus rei hæc est ratio quòd eo  
tempore Terræ sit propior, seu in extremis parti-  
bus axis minoris Ellipseos, quam circa Terram  
describit. Hæc autem est experimentis confirmata  
observatio, corpora gravia centro incumbentia eò  
magis *gravitare*, quò sunt centro propiora, ut  
alibi jam diximus; ideoque Luna in Perigeio,  
magis gravitat in Terram, quàm in Apogeio.  
Cum autem in Quadrantibus sit circa majoris axis  
sue Ellipseos partes extremas, minùs tunc  
temporis gravitat, quippe remotior à Terræ  
centro.

22. II. Circa Æquinoctia, major est æstus Pleniluniorum & Noviluniorum, quia tunc Luna medio alveo Oceani perpendiculariter immittens, majorem copiam aquarum utrimque disjicit; quod exemplo hoc explicari potest. Si in vas aquâ plenum injiciatur globus, aded ut in centrum superficiei aquæ immergatur, majorem undequaque aquarum copiam redundare, & adtollî cogit, quàm si parti extremitatî propiori immergatur; cujus rei hæc causa est, quod aquæ molem sibi subjectam plenius premat, ubi remoti sunt vasis parietes, quàm ubi proximi. Similiter Luna premens eam Oceani partem, quæ sub Æquatore est, plenius & vehementius exundare utrimque aquas pondere suo cogit; quàm si pressio fiat, in locis Polis propioribus. Addere etiam possumus mare illic esse, ut alibi diximus, à centro terræ remotissimum; contrâ verò ad Polos depressius & propius; unde fit ut illic pressum vehementius ad Polos decurrat, quàm ubi cis, aut trans Æquatorem premitur.

23. Sunt \* viri doctissimi, qui pressionî Lunæ adjungant vim Solis, & rationem habendam contendant motûs Telluris; sed quia ea sunt abstrusiora & obscuriora, faciliori & planiori hypothesi, in hoc nostro Compendio, adhærere satius duximus.

\* Vide *Is. Newtonum Phys. Math. Lib. III. Prop. XXXIV. & XXXVII. & Joan. Wallisium in Act. Philos. Lond. anno 1666. n. 16.*

## P H Y S I C Æ

## LIBER TERTIUS.

## DE

## A E R E

## ET

## M E T E O R I S.

## C A P U T I.

*De Aëre.*

1. **A** *Erem* vocamus id corpus pellucidum quod undequaque terram ambit, & in quo vivimus, dum cum pulmone admittimus, & expellimus. Id Peripatetici, post Empedoclem, *elementorum* unum esse putant; nec ullum esse corpus, quod eo partim non constet, contendunt. Quam quidem controversiam nos hic non adtingemus; inquiremus dumtaxat in ejus indubitatas proprietates, earumque causas investigabimus, de eo quod de *Elementis* vulgo dicitur quinto demum Libro acturi.

2. In Aëre hæc deprehenduntur proprietates.

1. Est liquidus, nec instar aquæ congelari potest: 2. Multò quidem est levior aqua, nec tamen gravitate est destitutus: 3. Pellucidus est,

scu lucem transmittit : 4. Condensari, & rareferi facîle potest : 5. Vi præditus est elastici : 6. Necessarius est flammæ alendæ, ut & respirationi.

3. Hæ sunt potissimæ aëris proprietates, quas singillatim ad examen revocabimus. I. Quare sit liquidus non dicemus, cùm jam hac de re, ubi de aqua, egerimus. Sed multò aquâ liquidior est, nec potest concrefcere, 1. quia videtur poros multò majores habere, plenos subtiliore materiâ vehementissimo motu agitâtâ, quâ particulæ aëreæ huc illuc perpetuò pelluntur; quod liquet ex eo. quod aër vase inclusis facîle condensetur, ut postea videbimus, cùm aqua difficillimè condensari possit: 2. particulæ aëris tenuiores sunt, & ramosæ, unde fit ut interstitia inter se relinquant, neque compactiorem umquam massam efficere possint.

4. II. Ubi \* de Aquâ egimus, diximus eam plusquàm 840. vicibus aëre esse graviorem; unde sequitur certâ mole aëris collatâ cum eadem mole aqueâ, 840. vicibus minorem copiam homogeneæ materiæ contineri; unde etiam fit ut cùm condensari aër facîle possit, ut postea videbimus, aqua arte humanâ ægrè queat.

5. Si autem quærat, quanta sit solius Aëris nobis incumbentis gravitas, hoc variis experimentis Philosophi ostendere conati sunt, quorum duo referemus. 1. Antlias, quarum ope aqua ex profundioribus locis educitur, 32 pedibus aut circiter dumtaxat longas esse posse constat, neque enim aqua altius per tubos adscendit; unde collegerunt Cylindrum aëris æquè latum ac Cylindrum

\* Lib. 2. c. VII. §. 7.

arum aquæ tubo contentæ , ab infimo aëre ad summum , non superare pondere Cylindrum aqueum 32. pedes altum , quandoquidem altiorrem aquam sustinere nequit , quamvis antliæ pistillus altius trahatur. Neque enim dubitant quin aqua antliâ contenta , vi aëris incumbentis , adtollatur ; quoniam nulla est alia causa , ob quam aqua ad eam altitudinem evehi possit. Qui olim metum vacui sinxerant , ii nunc planè explosi sunt , & quidem meritò.

6. II. Alterum experimentum est hydrargyri tubo vitreo contenti. Si sumatur tubus , exempli causâ , quadraginta digitos longus , cujus alterea extremitas probè clausa sit , impleaturque Hydrargyro ; deinde aperta extremitas Hydrargyro Vasculo contento immergatur , & perpendiculari situ tubus teneatur ; descendet Hydrargyrum ad 30 aut circiter digitum (quamquam est aliqua varietas , pro aëris dispositione) non inferius , & sic suspensum manebit. Si verò superior pars tubi , quam clausam esse diximus , aperiatur , ut aër illac subeat , illico totum Hydrargyrum deprimatur in vas subiectum. Unde meritò collegerunt , & Hydrargyrum sustineri , pondere aëris , & pondus aërei cylindri ad summum aërem æquare 30 digitos Hydrargyri.

7. Hoc posito , corollarii loco addemus quid de altitudine totius aëris hinc judicetur. Alio experimento , constat gravitatem Hydrargyri esse respectu gravitatis aquæ , ut 13½ sunt ad 1 , aut circiter ; adeò ut Hydrargyri gravitas respectu aëris (posito aërem esse tantum 800 vicibus aquâ leviorē) sit quod 10800 sunt ad 1. aut circiter ; & cylindrus aëris 10800 digitorum , aut

## 200 P H Y S I C Æ L I B. I I I.

900 pedum, sit æqualis digito Hydrargyri. Igitur si Aër æqualiter ubique densus esset, ut aqua, ejus altitudo non superaret multum.  $\text{scilicet}$  passuum millia. Verum cum aër rarior fiat, prout Atmosphæræ pondus minuitur, adeoque majus occupet spatium, partes Aëris superiores, multo rariores sunt, latiusque patent, quam inferiores. Itaque unumquodque spatium, quod digitum Hydrargyri æquat, crescit cum Atmosphæra, adeoque multo altior debet esse aër; at quantum, non potest definiri, nisi constet nobis quâ proportionem aër rarefiat, prout à centro terræ recedit.

8. III. Pellucidus est aër, quia cum patentissimos poros habeat, & partes ejus facile disjiciantur; materiæ, quâ lux constat, transitum per lineas rectas præbet. Atque hinc fit ut non modò Sol, & Planetæ, qui propiores sunt, lucem ad nos mittant aut reflectant; sed etiam stellæ fixæ, ex immensâ propemodum distantia, à nobis cerni queant. Attamen quemadmodum aqua profundior non transmittit omnes radios, qui eam subeunt, quia motu particularum aquearum interrumpitur lucis series: sic quoque in tam profundum aërem incidentes radii multi franguntur, atque interceptiuntur. Unde fieri videtur, ut serenissimum cælum non prorsus pellucidum, sed cærulei coloris obscurioris, instar aquæ, appareat; quod quomodo fiat, ubi agemus *de Coloribus*, ostendemus.

9. IV. Condensatur & rarefit aër, quia cum constet ramosis particulis, facile eæ particulae motu vehementiori magis à se invicem disjiciuntur, quod *rarefacti* vocatur: facile etiam co-

gunt-

guntur in minus spatium, dum ad se invicem flexis ramis accedere adiguntur, ita ut quaquaversum diffuat liquida materia quæ inter eas antea erat, quâ ratione fit *condensatio*. Hoc cum aliis innumeris experimentis constat, tum hisce duobus. 1. \* Si vas aëre plenum sumatur, quod tubus medius permeet utrimque apertus, ita ut tubi extremitas quæ intra vas est fundum ejus non tangat, potest per tubum illum satis magnâ copiâ injici aqua; quâ necessariò aër comprimitur, atque in minus spatium cogitur, cum optimè clauso tubo aër egredi nequeat, dum aqua injicitur. Quod etiam hinc manifestò liquet, quòd apertâ summâ tubi parte aqua magnâ vi erumpat, ut postea ostendemus. 2. Sclopetum etiam fiunt, in quæ tanta aëris copia immittitur, ut plumbeum globum maximâ vi expellat.

10. V. Hæc duo experimenta ostendunt in Aëre esse *vim elasticam*, hoc est, facultatem redeundi in eundem statum, idémque spatium quod antea occupabat recuperandi, quamprimum per vim, quâ in minus spatium coactus fuerat, licet. Ideò enim ex vase quod descripsimus aqua tantâ vi ejicitur, cum tubi superior pars aperitur; quia aër in minus spatium coactus id sibi iterum vindicat, cum vis major solidæ materiæ obstare desiit. Eadem de causâ, Sclopetum aëre plenum, & quidem aëre compresso, ubi aperitur, globum plumbeum emittit. † Eodem modo etiam Sclopetum, aëre planè exhau-

I 5

stum,

\* Vide hujus descriptionem apud Jac. Rohaltum P. 3. Cap. 2.

† Vide *Act. Philosoph. Londinensis Anni 1686. Mens. Februarii*.



stum, cùm externum subito admittit, plumbeum globum celerrimè ejicit.

11. Hic, ut hoc negotium penitus expediretur, oporteret inquirere in causam motuum elasticorum, seu quâ sit ut corpus vi ex quodam statu dejectum in eum sponte suâ, remotâ vi illâ, redire videatur. Verùm hoc est altioris & prolixioris indagationis, quàm hîc, per digressionem, inferi queat, & Lib. V. commodiùs explicabitur. Satis est modò res constet, nec dubium esse potest quin cùm multis aliis corporibus, tum etiam aëri ea vis insit.

12. VI. Ostendimus Lib. II. cap. III. §. 12. sine aëre flammam, & ignem exstingui, diximusque inesse videri aëri nitrosam materiam, aut etiam sulfuream, quâ ignis alatur. Nec sanè fieri potest ut aër incumbens tot plantis, animalibus, & mineralibus, quæ calore Solis perpetuo agitantur, dum aëris particulis quaquaversum agitatissimum buntur, secum non avehat innumeras sulfuris, salinumque volatilium, quibus ea turgent, ut ex Chymicis experimentis constat, particulas. Igitur nihil eo in loco naturæ rerum non consentaneum posuimus. Sed addemus hîc experimentum, quo quàm facilè ejusmodi particulæ in aërem evehantur manifestiùs constabit. \* Confecit vir harum rerum peritissimus liquorem colore rubro sanguinem referentem, atque ex humano sanguine eductum. Ex sapore & odore, salinas aut sulfureas sanguinis particulas eo contineri apparebat. Is liquor in phialam vitream conditus, ut media dumtaxat pars plena esset, in

\* Robert Boyle in *Act. Philos. Londin. Mense Septemb. 1670. Tit. XVI.*

in eâ instar cujusvis alius liquoris quietus continebatur, dum clausa esset; sed cum aperta fuit, admissusque aër externus, illico ferè albus vapor, qui nullus antea cernebatur, evehi coepit magnâ copiâ; nec superiorem tantum phialæ partem implevit, sed instar fumi in aërem evolebat, donec phiala clauderetur, quæ alioqui brevissimo tempore planè exhausta fuisset. Omnes etiam alii, ejusdem generis, liquores facillimè in auras abeunt, nisi vasibus diligenter obturatis servantur.

13. Non debet ergo quisquam mirari aërem ejusmodi particulis refertum à nobis censerì. Hinc autem viri docti existimarunt se posse reddere rationem quare animalia respiratione, hoc est, aëris adductione in pulmones, ejusque emissionem tantoperè juventur, ut sine eâ vivere nequeant. Sed vias prorsus contrarias iniverunt. Alii enim putarunt pigrum ac restaguantem sanguinem motum ab aëre admissò accipere. Alii verò existimarunt particulas aëris nitrosas in pulmones admissas, per ejus poros in sanguinem pervenire; eumque refrigerare; quâ refrigeratione prorsus indiget, ne motu perpetuo; & affluxu sulfurearum particularum nimum incendatur. Alii rati sunt aërem expiratione expulsum secum fuliginosas sanguinis particulas, in pulmonibus contentas, revehere; adeoque sanguinem refrigerari non admissis particulis nitrosis, sed emissis contra sulfureis fumis, qui unâ cum aëre ejiciuntur. Atque hæc postrema ratio experimento allato magis consentanea, verisimilior etiam nobis videtur; quamvis hîc nimium dogmatici esse nolimus.

14. Quoniam autem de respiratione aliquid hinc dicendum, ad naturam Aëris explicandam, fuit; quamvis ad aliam Physicæ partem, quæ de *Animalibus* agit, pertineat; attamen pauca, quæ aërem potissimum spectant, ea de re hinc addemus. I. Ad respirationem planè necessarium esse aërem constat multis experimentis, sed hoc potissimum. Machina à *R. Boyleo* inventa exhauriri aëre ita potest, ut aut nullus supersit, aut exigua saltem copia; ut variis rationibus, quas non proferemus, liquet. Si autem animal eâ includatur, deinde exhauriatur aër, brevissimo tempore conturbari, anhelare, ac tandem mortuum concidere cernitur; nisi admissio aëris iterum, & quidem quàm citissimè, recreetur. Necessitatis autem hujus rationem superiore §. explicavimus.

15. II. Aër quem respirant animalia non debet, esse nimis tenuis, quia pulmones non satis potest dilatare, nec totius pectoris pulmones coarctantibus nisum sustinere. Itaque, qui versantur in aëre rariori, pro una respiratione, duabus indigent, quia omnis fuligo pulmonum non abstergitur respiratione non satis plenâ. Hoc autem observatum est à pluribus, qui in altissimis montium jugis, ubi aër rarior est, quia altior, quàm in campestribus locis, aliquamdiu fuerunt. Quamvis enim \* post adscensum sat diu quievisset, magis anhelos se esse, quàm fuerant cum adscendere inciperent, deprehendebant. Similiter in Boyleana machina, exhaustâ aliquâ tantum aëris parte, difficilius, & crebrius respirant Animalia.

Sin

\* *Rob. Boyleus* in *Act. Londin.* Anni 1670. *Fig. xi. Septembris.*

Sin verò crassior sit aër, ut cùm sunt nebulae crassiores, lentiorẽ respìrationem esse sentimus; quia aër vaporibus refertus non tam facìle subit ultimos pulmonum recessus, neque sat celeriter exire potest.

16. III. Oportet etiam aër sit purus & apertus, ut respìrationi inservire possit. Observatum est murem vase vitreo inclusum, ita ut nullus externus aër subire possit, quippe quod fuisset hermeticè clausum, intra sat breve spàtium in languorem incidisse, & antequàm per tres horas illic fuisset, planè quasi mortuum concidisse. Verùm refractò vasis collo & aëre novo, follis operà, in vas immisso, paullatim est revocatus veluti ad vitam, motumque recepit; quàmvis, si diutius in vase mansisset, vix umquam recuperare potuisse videatur. Idem etiam observatum est in avicula, in simile vas conjecta. Alii censent aëre accelerari restagnantis sanguinis motum. Alii putant in aëre particulas esse nitrosas, quibus refrigeratur sanguis, iisque particulis absumentis, aërem illi usui ineptum esse. Alii aërem usque adedò fuligine pulmonum impleri, ut nullam ampliùs excipiat, adeoque non ampliùs inspiratus & expiratus pulmones refrigeret, cùm in eos eundem fumum quem egressit referat.

17. Quælibet harum opinionum vera sit, res ipsa experientià constat; atque hinc fit ut aër conclavis clausi, in quo plures homines sunt, mirum in modum incalescat, & peripneumonicorum pulmonibus minùs conducatur. Indidem etiam fit ut aër magnarum urbium, quamvis in aperto cœlo, non sit æquè salubris ac pagorum,

aut villarum ; quia ruri liberrimè vento huc illuc disjicitur aër , & perpetuò renovatur ; in magnis verò urbibus , ædificiorum multitudo obstat quominus tam faciliè exhaustus aut fuligine corruptus aër aliò , ut novus succedat , avehi possit.

## C A P U T II.

*De Meteoris in genere , Vaporibusque ex aqua ortis , unde Nebula , Nubes , Rores , Pluvia , Nives & Grandines.*

1. **M**eteora, voce Græcâ , vocantur à Philosophis *omnia quæ in aërem sublimem evehuntur , atque illic suspensa sunt* , qualia ea quæ in Capitis hujus inscriptione leguntur. Ea in duos veluti ordines partiuntur , sunt enim Meteora quæ vaporibus aqueis formantur , qualia sunt memorata ; sunt & in quibus exhalationes ex aliis corporibus evectæ deprehenduntur , ut tonitrua , fulgura , fulmina , aliisque ejusmodi ignes in aëre sublimi accensi. Hoc in Compendio , eam etiam divisionem sequemur , & à priori quidem Meteororum genere initium faciemus.

2. *Vapores* dicuntur particulæ aqueæ , quæ motu aëris ab aliis divelluntur , & in eo varias in partes feruntur , pro calore aëris , aut vento. Quantâ copiâ ex mari , aliisque aquis educi queant ostendimus Cap. VIII. superioris Libri , atque illinc fluvios & fontes omnes ortum ducere posse diximus. Nunc eos in aëre pendentes considerabimus.

3. I. Sæpe

3. I. Sæpe animadvertimus, cùm dies calidior fuit, neque ventus ullus flat, ex terrâ humidâ tantam copiam vaporum adscendere, ut crassâ inde nascantur *Nebulae*. Eæ autem, modò sunt inferiores, modò superiores, pro vaporum multitudine & motu. In montibus & campestribus locis, æquè conspiciuntur; sed frequentiores multò sunt in humidis, nisi quid obstat, ut si expositi sint ventis. Dissipantur enim facilè vento accedente, præsertim si is ventus sit, qui deficcare soleat. Dissipantur etiam Sole, & sæpe vidimus, cùm oriente Sole crassæ essent, non multò post planè dissipatas fuisse.

4. Nulla est circa hæc difficultas, manifestum est enim nebulas constare particulis aqueis rarefactis, cùm summopere madefaciant quæcumque iis exponuntur. Eæ particulæ cùm vehementiùs moventur, altiùs in aërem adscendant necesse est; si verò sit motus tenuior, terræ superficiem lambant. Nam quò major est eorum, quæ circa Terræ globum sunt, motus, eò longiùs, secundum motûs leges, ab ejus centro recedunt. Oriuntur ex omnibus locis humidis, inque iis hærent, seu sint montana seu campestria, nisi disjiciantur vento aut calore; sed diutiùs in depresso manent, quia minùs sunt ventis exposita, eaque loca majore humoris copiâ madent. At si ventus ingruat, ubicumque sint, ab eo pelluntur, & quaquaversum dissipantur, ut ampliùs cerni nequeant. Sol etiam motum earum augens, aut eas rarefactas dissipat latè per aërem, aut in nubes evehit.

5. Quandoque nebulæ foetent, non quòd aqua per se foetida sit, sed quia vaporum particulis

culis adinistæ sunt exhalationes sulfureæ; quarum is est odor. Hæ autem quæ ad nubes fortè statim efferrentur, si nebulæ nullæ essent, nec proinde olfactum nostrum percellerent, irretitæ nebulis iis adinistæ hærent, donec disjiciantur nebulæ.

6. II. Altiores nebulis sunt *Nubes*, quas in aëre pendere videmus, varièque per aërem à ventis rapi. Variarum etiam sunt figurarum, & interdum adeò raræ, ut Solis radios transmittant; sæpe ita densæ, ut eos intercipient. Quin & variis coloribus tinctæ, nunc albæ, nunc rubræ, nunc obscurioris coloris cernuntur.

7. Atque ut à coloribus initium faciamus, varii sunt pro situ Solis, & modo quo lucem ejus, respectu nostri; excipiunt. Alibi ostendemus inde omnes colores oriri, nunc obiter indicasse satis erit. Densæ sunt nubes, cum vaporum particulæ, quibus constant, propiores sibi invicem sunt; rariores cum magis à se invicem distant, quod pluribus de causis fieri potest. Cum sunt rarissimæ, tot inter se spatia relinquunt, ut faciliè radii Solares permeent; sed plerumque eos intercipient. Ad figuras quod adinet, quas in iis cernimus, ex copiâ vaporum, Sole ac vento, omnis illa oritur varietas. Non possunt enim variè densari, rarefieri & per aërem rapi, quin earum mutetur figura.

8. Hæc satis clara sunt, sed difficilius est dictu, quomodo in aëre pendulæ hæreant. Singulæ particulæ aqueæ quibus constant sunt aëre graviores; adeoque cadere in terram deberent, nisi quid obstaret. Duæ autem videntur esse ejus rei causæ; primum, venti, qui sub regione nubium

bium quaquaversum feruntur, & eodem impetu, quo feruntur, varia leviora corpora secum devehunt; præsertim si ea corpora, sub latè patente superficie, exiguam materiæ solidæ copiam complectantur. Sic videmus chartas expansas, quas pueri *Dracones* vocant, vento, quando sunt paullo altiores, facillimè sustineri. Similiter particulæ aqueæ, summopere rarefactæ, in eâ altitudine facillè sustentantur. Secundò, ex terrâ perpetuò novæ exhalationes & vapores submittuntur, qui motu suo, fumi instar, superiora petentes, impediunt quominus Nubes descendant; nisi graviores condensatione fiant, ut postea videbimus. Sic cernimus vaporem ignis, sub camino excitati, leviora corpora per caminum evehi. Imò etiam fumi motu, si incidat in laminam tenuem ferri certo modo dispositam, tantâ vi circumagitur ea lamina; ut veru carne onustum facillè circumagat, dum est aliqua in camino flamma.

9. Sed quæritur inter Philosophos, an Nubium, & Nebularum crassiorum eadem sit dispositio, an verò sit aliquid ampliùs in Nubibus? Sunt qui velint Nubes esse omnibus Nebulis crassiores, adeò ut constent potiùs flocculis nivis, quàm particulis aqueis, eodem modo dispositis ac sunt in Nebulis. Alii satis esse contendunt, si Nubes, instar densiorum Nebularum, intelligantur. Ac sanè Nebulæ, quæ ad juga altissimorum montium suspensæ ex locis subjectis cernuntur, non discernuntur à Nubibus, quamquam vicini nihil præter densam Nebulam animadvertunt.



## 210 P H Y S I C Æ L I B. III.

10. III. Cùm in aëre multi semper sint vapores, quamvis aliquando inconspicui, hinc fit ut etiam sereno cœlo copiosissimi *Rores* cadere cernantur, in regionibus pluviâ rarè irriguis. Si qua enim causâ vapores per aërem sparsos colligat & condenset, aut eos ad terræ superficiem pellat, necesse est eos cadere Roris instar, & plantas omnes madefacere.

11. Cadit autem Ros, aut tantùm ante ortum Solis, aut etiam postquàm Sol occidit; ut sequatur occasum Solis, & ortum ejus antecedit. Verùm observandum, ut hoc statis temporibus fiat, oportere esse aërem tranquillum; graviores enim venti, aut procellæ hunc ordinem perturbant. Cùm autem, placido cœlo, in latè patentibus campis, aut in mari; nisi alii venti obstant, Sole Occidente aura sentiatur Occidentalis, Oriente verò Orientalis, quibus aliquatenus aër refrigeratur; verisimile est iis ventis vapores colligi, atque in terram dejici. Quia porrò aura matutina plerisque in locis, ante ortum Solis, animadvertitur, sed sæpe vespertina nulla sentitur; hinc fit ut vespertini Rores non cadant ubique, quamvis matutini paucis locis defint.

12. Experimentiâ etiam constat, in regionibus calidioribus copiosiores esse Rores, \* unde *roseæ æstate noctes* Africæ memorantur. Hoc autem inde oriri videtur, quòd calore Solis copiosi quidem Vapores ex aquis subjectis interdum hauriantur, sed eodem calore latissimè rarefacti spargantur; unde fit ut nocturno frigore colligantur quidem & condensentur vapores, atque in ter-

ram

\* *Plinius Hist. Nat. Lib. II. c. 82.*

ram densati cadant, sed tamen non ita densi, ut pluviae instar delabantur. In frigidioribus verò regionibus, ubi frequentes pluviae, vaporésque ita rarefacti non sunt, maxima eorum pars pluviae ritu cadunt, nec multi Roribus conficiendis supersunt. Præterea in Africa majus solet esse discrimen, æstate potissimum, inter calorem noctis & diei; nam cum illic frigidissimæ videantur noctes, quæ reverâ etiam longiores sunt; in septentrionalibus oris, vix die frigidiores sunt, & multò breviores, quàm in locis lineæ Æquinoctiali propioribus.

13. IV. Nullum videtur discrimen esse inter Rorem & *Pluviam*, nisi quodd Ros statis temporibus cadat, & tenuibus adedò guttis, ut non tam cadens, quàm jam delapsus cernatur; contra verò Pluvia copiosior sit, & quovis tempore cadat. Pluviarum matres esse Nubes satis constat, cum non pluat, nisi Nubes in cœlo conspectæ sint, & quò serenius est cœlum, eò sint rariores pluviae. Quærunto dumtaxat Philosophi quæ causâ sit, quâ sit ut Nubes condensentur, atque in terram demittantur.

14. Ejus rei possunt esse variæ causæ, quæ seorsim, aut conjunctæ effectum edere queunt. I. Frigore aëris fieri potest ut particulae nubium, motu suo amisso, minùs incumbētis aëris gravitati resistent, ac proinde ab eo compressæ in terram præcipites agantur. II. Fieri potest, ut ventus vapores tantâ copiâ cogat, ut primum Nubes densissimas conficiant; deinde etiam Nubes ipsas ita constringant, ut aquæ particulae coeuntes majores guttas conflent, quàm ut pendere in aëre amplius possint.

15. Hic autem observandum, non omnes ventos Pluviam creare, sed eos tantum qui secum majorem vaporum copiam vehunt; qui vapores nubibus, supra capita nostra pendentibus, conjuncti nimis crassas aquæ guttas conficiunt, quàm ut aëre subjecto sustentari queant; aut ventos, qui, fortè ex parte superiore Nubibus flantes, eas terram versùs præcípites agunt. Hinc videmus, híc in Hollandia, Occidentales ventos, qui peragrato Oceano ad nos veniunt, pluvios esse; propter vapores quos advehunt. Serenitatem verò creant Orientales, qui è longis terrarum tractibus huc veniunt. Septemtrionales sunt pluvii, quia ex Oceano Boreali ad nos flant; sed Occidentales non æquant, quia non evehuntur tot vapores sub gelido Septemtrione, ac in benigniore Britannici Oceani climate. Meridiani excitant etiam pluvias, quia cum conflent vaporibus calore Sols in calidiori climate evectis, ac proinde in altiore aëris regionem sublatis, videntur ex alto Nubibus nostris incumbere, junctisque vaporibus, quos vehunt, in terram eas pellere. Quibus tamen in rebus, plurimæ sunt Anomalix, pro multiplicitate causarum in eundem effectum conspirantium, & quæ nobis plerumque latent.

16. III. Pluvia etiam potest hoc modo creari, si, nimirum, vapores tantâ copîa è terra ascendunt; ut, pendentibus Nubibus misti, guttas majores conflent. Quod potest fieri placido cœlo, & calore intensiore; tunc enim Nubes verticibus nostris imminentes, immotæ stare videntur; atque interea calore ingens vaporum egeritur copia, quæ postea Nubibus adjuncta,

motu partim amisso, eas secum in terram detrahit.

17. IV. Interdum etiam fit ut ventus calidior egelidas Nubes veluti liquefaciat, ut videmus Nivem calore liquefieri, seu in guttas aqueas cogat, quæ postea in terram decidunt. Guttæ autem illæ cō sunt majores, quò Nubes crassior fuit, & celerius densata est; tunc enim major copia vaporum simul densatur. Quod videmus quandoque æstate evenire, cū maximo impetu, & grandiores guttæ pluvie cadunt.

18. Hic prætermittere non debemus, in regionibus inter Tropicos sitis, cū Solem verticalem habent, per aliquot hebdomadas, maximas cadere non guttatim, sed urceatim pluvias. Quod hinc oriri videtur, quòd Sol tunc temporis ingentem simul vaporum copiam evehat, eosque summo opere rarefaciat; quo fit ut sub Sole vapores illi ad summam altitudinem adtollantur, deinde quaquaversum spargantur, cū nimia copia & nimis densi sunt, quàm ut in aëre pendere amplius queant. Huc etiam simul concurrere ex viciniâ possunt alii vapores densiores, qui in eam aëris partem fluunt, quæ maximè Solis calore rarefacta est; & vaporibus illinc evectis conjuncti, ingentes Nubes & Pluvias creare queunt.

19. V. Cū partes Nubis non liquefunt, ut instar Pluvie cadant; aliquando vi frigoris crescunt, atque inde nascitur *Nix*, quæ pondere suo in terram decedit. Quin *Nix* consistet particulis aquæ rarefactis, & in glaciem sic concretis, dubitare non possumus, cū Nivem tabescentem in aquam liquefieri videamus. Facile  
etiam

etiam intelligimus particulas aqueas frigore rigidas factas, & in flocculos coacervatas, ita ut sit magna inter se relinquunt interstitia, nivem efficere. Quæ Nix non est pellucida, ut aqua fuerat, quia rigidiores particulæ, temerè inter se coacervatæ, non relinquunt poros inter se rectos, & materiæ lucis resistunt.

20. VI. Cùm verò contingit guttas pluvias cadentes incidere in regionem aëris frigidiorē, sæpe iterum in glaciem concreſcunt; atque in terram sic delapſæ, nobis Grandinem exhibent. Eaque Grando modò major, modò minor est, pro magnitudine guttarum pluviarum, quibus constat. Animadvertuntur interdum variæ figuræ in Grandine, quarum omnium singillatim rationem reddere non adgrediemur. Varietas illa ex vaporibus, quibus miscentur, ex ventis, calore, frigoreve aëris, infinitisque eorum varietatibus, & mixturâ oriatur necesse est.

### C A P U T III.

#### *De Iride, Halonibus & Parheliis.*

1. **I**Nter Meteora vix ullum mirabilius est *Iride*, sive *Arcu pluvio*, quem idè Hebræi *Arcum Dei*, Græci *Thaumantis*, hoc est, admirationis filiam, vocarunt. Ruber, cæruleus, & luteus colores vividissimi quibus tineta est Iris, tam jucundo sensu oculos afficiunt, ut vix satis spectari queant, & admirationem in nobis pariant. Dignum ergo est hoc Meteorum, in cujus causas & naturam inquiramus.

2. Pri-

2. Primò, animadvertendum numquam Iridem cerni, nisi in regione Soli oppositâ, aded ut spectantibus Sol à tergo sit. Secundò, semper alicubi pluere, quando Iris apparet. Tertiò, hunc perpetuum esse colorum ordinem, ut extimus sit croceus, aut ruber; proximus flavus; tertius viridis; quartus & intimus violaceus, aut cæruleus. Qui tamen colores non sunt semper æquè vividi. Quartò, quandoque duas Irides apparere, sed quarum altera superior est, & amplior, eosdémque colores refert, at contrario ordine, & multò pallidiores. Quintò, Arcum pluvium semper quidem esse accuratè rotundum, sed non semper æquè integrum apparere, cùm sint sæpissimè aut superiores, aut inferiores partes mutilæ. Sextò, semper æquè latum cerni. Septimò, ex planitie spectatum, numquam dimidiâ parte circuli majorem, sæpe minorem apparere. Octavò, eò minorem circuli portionem cerni in Iride, quò altior est Sol supra horizontem & vice versâ, modò nullæ nubes obstant. Nondò, cùm Sol est altior. 41 gradibus & 46 minutis, nullum umquam apparere arcum.

3. Hæc sunt potissima Meteorici illius *Φαινόμενα*, quorum sunt quærendæ rationes. Horum autem cùm nullum æquè nos afficiat, ac colorum diversitas, variis observationibus factum est, ut ratione hujus rei inventâ, ceterarum etiam inveniri posse speraretur. Quod factum est potissimum inspecto prismate vitreo, in quo iidem colores eodémque ordine cernuntur; & aquâ quam fontes per tubos descendentes in aërem ejaculantur, in quâ, eodem observato situ, arcus

## 216 P H Y S I C Æ L I B. III.

cus coloratus cernitur: Ex duobus illis experimentis, colligere obiter possumus, quod alibi fusiùs demonstrabimus, *colores* nihil aliud esse nisi sensationes, ortas ex variâ ratione, quâ radii Solis ad oculos nôtros reflectuntur; adeò ut in corpore colorato, nihil sit color præter certam dispositionem partium; quâ fit ut lucem Solis variè colligat, aut spargat, adeòque ut lux ad oculos nôtros adpellens, variè eos afficiat. Hoc præmissò, sunt nobis phænomena memorata diligentius excutienda.

4. I. Debet spectator semper esse inter Solem & Iridem, quemadmodum, ut arcum coloratum in aquâ fontis profliente videat; quia ex aqua, quæ Solis lucem versùs nos reflectit, non potest ea lux ad oculos nôtros venire, ut par est, nisi sit eo modo sita. Si aqua fontis sit inter Solem & nos, radios ejus non ad nos sed ad Solem ipsum reflectit, aut in regionem nobis oppositam; quo fit ut colores nullos in aqua videamus, ex quâ illi radii ad nos non veniant.

5. II. Quemadmodum si postquàm coloratum arcum in aqua fontis profliente vidimus, obturetur tubus ex quo aqua erumpebat, aqueis guttis in terram delapsis, nihil ampliùs videmus: ita nili sit in aëre pluvia, nullam Iridem cernimus; quia, nimirum, radii quibus colores illi creantur, ad nos non reflectuntur, nisi à guttis illis aqueis. Itaque sedes, ut ita dicam, Iridis sunt guttæ pluviae, non nubes, ut Peripatetici, aliique censebant.

6. III. Cùm colores, ut diximus, oriantur ex variis rationibus, quibus Solis radii collecti  
ad

ad oculos nostros reflectuntur, pro vario situ guttarum aquearum, respectu Solis & nostri, varîe lucem ejus ad nos mittunt, diversâsque proinde in nobis colorum sensationes excitant. Manifestò hoc apparet ex vitreo prismatico, quod si ita oculis admoveamus, ut cœlum versùs id spectemus, ostendit nobis colores contrario ordine dispositos, ac sunt si inverso prismatico, oculisq; subjecto, in terram vultum convertamus. Ita quoque, prout guttæ pluviae superiores, aut inferiores sunt, varios nobis offerunt colores; quod subtiliùs & geometricâ diligentia perfectutius est *Jac. Robaltus*, Physicæ Part. III. Cap. ultimo; nos in hoc Compendio enucleare non possumus.

7. IV. Præter Iridem vividissimam, ex quâ radii directiùs & plenius ad nos mittuntur, potest esse altera superior, in quâ iidem colores sint ordine præpostero; quia cum guttæ pluviae aliter sint nostri; & Solis respectu sitæ, aliter etiam radios ejus colligunt & ad nos reflectunt. Quod in prismatico variè posito, manifestò animadvertitur. Quia autem non modò refringuntur radii (qua de re alibi agemus) dum ex aëre in guttas aqueas transeunt, atque ex guttis in aërem redeunt, sed etiam reflectuntur à quibusdam aquæ aut vitri partibus, prout ea reflectio est plenior, eò vividiores sunt colores. Si ergo superior Iris non ita plenè radios Solis ad nos reflectat, ac inferior; necesse est pallidiores eos apparere colores, qui iis in nobis ingerantur.

8. V. Arcûs pluvii forma rotunda debet esse, quia guttæ pluviae, in quas incidunt radii Solis  
*Tomus III.* K res,



res, non sunt omnes æquè aptæ ad  
ctendos, sicut par est, ut colores ex  
sed tantum eâ quas in orbem, circa locum  
spectamus, videmus. Cum autem nih  
quominus quaquaversum æquè procul  
ciamus, videtur concavæ Sphæræ diu  
nobis incumbere; inde fit ut etiam,  
aëris nobis objecto, si totus eâ parte gu  
viis fit plenus, neque Nubes ulla int  
arcum coloratum videamus in iis guttis.  
sum coloris excitandum æquè aptis,  
dunt in aëris arcu quem spectamus. Po  
tate autem pluviae, quæ interdum totu  
arcum occupat, interdum partem d  
ejus; & pro situ Nubium, aliquando  
arcus intercipientium, plenum aut mut  
demus.

9. VI. Semper tamen arcus ille vide  
esse circuli æquè ampli, quia cum nihil  
æquè ampla semper videtur nobis pars  
phæræ ad quam conversi sumus; atque  
distantia oportet esse guttas, ex quibus  
nos veniunt, non propiores, aut rem  
quod *ἡμῶν ἐκκέντρου* ostendit, quem cit  
*Jac. Robaltus.*

10. VII. Cum pars Atmosphæræ, quæ  
ctamus, ex planitie videatur tantum  
pars circuli, non possumus majorem in  
dere Iridem, cujus duo extrema terræ  
gunt. Si verò ex altissimo monte, præter  
despiceremus, objecta nobis Atmosphæræ  
major dimidiâ circuli parte posset videri;  
etiam, si tunc fortè plueret, Sole à tergo  
Iridis arcus major esset.

11. VIII. Cùm non quivis Solares radii, nec proinde quælibet guttæ aptæ sint ad excitandum in nobis coloris sensum, sed certus guttarum situs postuletur, & certa reflectio; pro altitudine Solis, mutari debet situs Arcûs pluvii. Sole autem altiore supra Horizontem, eæ tantùm particulæ quæ sunt Horizonti propiores possunt radios Solares reflectere, ut hoc in negotio reflecti eos oportet, ideóque minor pars circuli, seu brevior arcus apparet, reliquis infra Horizontem demissis.

12. IX. Quando verò Sol ad 42 gradum pervenit, tunc guttarum, quæ coloris sensum parere possent, ita depressus est, nostri respectu, situs, ut omnes infra Horizontem sint; quod geometricâ ~~axe~~ demonstravit *Robaltus*, nobis crassius explicuisse satis est.

13. Memoratis observationibus hanc etiam addere possumus, iis qui Iridem spectant, si progrediantur, videri eam fugere; quia, nimirum, cùm certa distantia requiratur ut colores videamus, mutato spectatoris situ, mutatur etiam Iridis locus, modò pluat ultra eum locum in quo Iridem primùm vidit. Hinc etiam meritò colligunt Philosophi, duobus hominibus eandem non apparere Iridem, quia, nimirum, cùm non sint in eodem situ, iidem radii ad duos non perveniunt. Ac sanè quando infimæ partes Iridis loco cuiusdam insigni incumbere ab uno cernuntur; alteri, prout propior aut remotior est, ultrà aut citrà esse videntur.

14. Iridi affines sunt *Halones*, seu circuli, qui circa Solem aut Lunam, variorum colorum interdum cernuntur; ideóque de eorum

naturâ hic commodum agemus. 1. Ergo observantur ejusmodi circuli, quorum in centro est Sol, aut Luna, adeo ut altra sequi semper eodem situ cernantur. 2. Circuli illi duplici limbo videntur constare, quorum exterior cæruleus aut flavus est, interior ruber. 3. Spatium quod illis continetur, præsertim propè partes vividiori colore tinctas, obscurius est aëre eos ambiente. 4. Cum Iris non cernatur, nisi sit pluvia in eo loco, in quo apparet; Halones pluvio cælo numquam cernuntur.

15. Clariora ut hæc sint, huc transferemus \* historiam observationis Halonis circa Solem conspectæ Lutetiæ, Maji 12. an. 1667. Sub horam nonam ante Meridiem, Diameter ejus circuli erat 44 graduum, latitudo vero limbi ejus dimidii circiter gradus. Partes superior & inferior tinctæ erant coloribus rubro & flavo, distinctæque colore purpureo, præsertim superior; color ruber erat intra circulum flavum, aliæ partes tantum albicantes, nec multum clare apparebant. Spatium, intra Halonem comprehensum, erat paullo obscurius externo, præsertim circa colores vividissimos. Altitudo Solis, initio observationis, erat 46 graduum. In aëre ferebantur tenues & albæ Nubes, quibus distinguebatur cæruleus cæli color, & splendor Solis minuebatur; qui non major erat, quam quando Eclipsin patitur. Tempestas erat, pro anni tempore, frigidior, & nocte antecedente gelasse aiebant. Halo eodem colore & splendore conspecta est, ab hora nona, ad sesquidecimam; quo demum tempore, languidiores colores fieri cœ-

\* *V. Hist. Londinensia ann. 1670. May. Junii. ann. II.*

coeperè , donec horâ secundâ pomeridianâ evanescerent , postquàm paulò antea splendorem recuperare visi essent.

16. Ut horum *φαινομένων* rationem redderent Philosophi , statuerunt I. aërem esse plenum tunc temporis particulis glacialibus , instar lentis , aut figuræ similis ; quæ possit refractione lucis , ejusque ad nos reflectione colores efficere , quales prismata faciunt. II. Solem aut Lunam tunc fulgere , ita ut ex omnibus partibus circa ea astra glaciales eæ particulæ volitent.

17. His positis I. Astrum debet esse in Halonis centro , quia ut cernantur illi colores ex refractione & reflexione lucis orti , non modò certa sit oportet glacialium particularum figura , sed etiam eadem omnium ab Astro , cujus lucem refringunt & reflectunt , distantia ; quod in guttis pluviis , quibus constat Iris , observavimus.

18. II. Secundò , duplex est Halonis color , quia duplex est lucis particularum refraction , cùm subeunt particulas glaciales , & inde reflexæ exeunt. Sed cùm , ut varient colores , oporteat radios variè colligi & reflecti , ut antea ostendimus ; oportet in partibus glacialibus esse varietatem aliquam , quam alii à figurâ earum arcessunt , ut in Iride ; alii verò ex ipsâ partium illarum dispositione internâ , quam ejusmodi esse volunt , ut sit in iis veluti nucleus opacus circumdatus pellucidâ glacie. Quod si sit , necesse est à nucleo aliter lucem reflecti , quàm à partibus extremis , quæ pellucidæ sunt. Et cùm color saturior oriatur ex reflectione corporis opacioris , oportet rubrum colorem interior-

222 P H Y S I C Æ L I B. III.

rem videri , cœruleum verò aut flavum exteriorem ; quia radii ex nucleis venientes propiores sunt centro , quàm ex partibus pellucidis reflexi.

19. III. Spatium quod est intra Halonem , circa limbum , quâ parte vividissimi sunt colores , debet esse obscurius , quia illic maxima est particularum opacarum copia , ut antea indicavimus. Itaque necessariò iis in locis obscuratur aër. Sunt qui dixerint id spatium contrà lucidius esse externo , quòd in id solares radios reflectant particulæ glaciales ; verùm hoc est experientiæ contrarium.

20. IV. Mirum non est Halones non apparere quando pluit , cùm constent glacialibus particulis ; quæ , si plueret , liquefactæ in terram caderent. Postquàm autem , prætergresso aëre , non objicitur amplius , è regione oculorum id spectantium , glacialium ejusmodi particularum sat magna congeries , tunc temporis definit Halo.

21. Non modò Halones circa Solem quandoque cernuntur , plures etiam Soles novi circa veterem apparent , qui *Parhelii* dicuntur , quòd sint *ἑπὶ τῷ ἡλίῳ* , *præter solem verum*. 1. Animadvertitur ingens circulus candens , parallelus Horizonti , & transiens per Solem. 2. In circuli ejus variis partibus cernuntur Parhelii , quamquam non omnes æquales , nec æquè vividissimi. 3. Nonnulli referunt Iridis colores , alii pallidiores sunt , & circulo similiore. 4. Cum Parhelii sæpe est Halo , quæ Soles vero proximos tangit. 5. Hi Soles non sunt semper eodem numero , nunc enim sunt quatuor , nunc sex. Historiam qua-

quatuor Parheliorum, Romæ conspекtorum anno 1629. 20. Martii, scripsit *Pet. Gassendus*, in *Ep. ad Rennerium*.

22. Ut horum phænomenorum verisimilis reddatur ratio, ante omnia statuere possumus ea oriri ex materia simili ei, quâ creantur Halones; hoc est, glacialibus particulis, quæ per aërem è regione Solis, seu inter eum & oculos spectantium volitant, in quibus tamen potest esse aliqua figuræ diversitas.

23. I. Circulus ille candens gignitur reflexione radiorum Solis è superficie glacialium corporum, ad certam altitudinem circa Solis discum volitantium. Alia enim non possunt reflectere ad nos Solis radios, ut par est, hoc in negotio; nisi quæ sunt sublata supra Horizontem ad eundem angulum, qui est altitudinis Solis. Unde sequitur circulum illum debere apparere æquè altum ubique, ac Solem, ac proinde parallelum Horizonti.

24. II. In certas partes circuli incidentes radii Solis ad nos geminâ refractione & unâ reflectione veniunt ex glacialibus partibus; unde fit ut imaginem Soli similem, sed Iridis coloribus tinctam referant. Sunt autem inæquales imagines, prout radii directius aut obliquius ad nos reflectuntur.

25. III. Iridis sunt coloribus tincti, ob memoratam causam; aut pallidi, si solâ reflectione ad nos veniant. Quemadmodum enim conspectum prisma vitreum, ab aliquot passibus, videtur coloris dumtaxat vitrei, hoc est, albore subobscurò tinctum, quia radii tantum ab eo reflexi ad nos redeunt: ita in glacialibus guttis,

## 224 P H Y S I C Æ L I B. III.

sic radios ad nos mittentibus, nullus color, nisi glaci solitus, debet cerni. At quemadmodum prisina vitreum ita oculis admotum, ut non modo reflexos ex superficie radios ad nos mittat, sed etiam bis refractos, subeuntes, nimirum, & exeuntes, atque ex oppositâ superficie redeuntes ad oculos nostros, coloribus Iridis tinctum apparet: sic quoque eæ particulæ glaciales, quæ ita sunt respectu Solis & oculorum nostrorum sitæ, ut ab opacis nucleis, quos antea diximus, radii, ingrediendo & egrediendo refracti, ad nos reflectantur; eæ, inquam, particulæ similiter coloratæ nobis videantur necesse est.

26. IV. Non mirum est anà cum Parhelis cerni Halonem, quandoquidem, ut monuimus, ex particulis, aut iisdem, aut similibus in aëre volitantibus oriri videntur. Non opus est, hîc repetamus quæ de Halonibus antea diximus.

27. V. Plures aut pauciores cernuntur Parhelii, pro copiâ materiæ glacialis, quæ in eadem altitudine, quâ Sol cernitur, per aërem volitat. Hinc quoque alia peculiaria phænomena pendent, quæ hîc non memorabimus, legenda apud eos, qui datâ operâ hoc Meteorum explicare, adgressi sunt.

28. Ut \* præ oculis rationes memoratæ conjecturæ ponerentur, vir ingeniosissimus confici curarat cylindrum vitreum pedem longum, in quo pro nucleo erat ligneus minor cylindrus. Tum spatium ambiens aquâ impleverat. Denique hæc Soli exposuerat, & oculis spectantium per lo-

\* Chr. Huygenius] in *AB. Lond. an. 1670. Mensis Maii. num. 21.*

*De Aëre & Meteoris. C. IV. 225*

locâ opportuna circumlatis, deprehensæ sunt reflectiones, & refractiones memoratæ. Unde colligi potest idem, in multò minoribus cylindris, fieri posse, modò sint eâ copiâ quæ sufficiat.

29. Optandum esset conspectos fuisse glaciales ejusmodi cylindros; ex aëre delapsos, postquam apparuissent Parhelii; sed quamvis fieri possit, ut aliquando cadant, rarius tamen hoc fit, quia possunt diu tenuissima corpora vaporibus è terra adscendentibus, & ventis sustineri; deinde etiam, dum cadunt per varias aëris regiones, calidiore aut frigidiores, mutari. Præterea glaciales eæ particulæ ventis in alias partes ferri potuere, aut cadere etiam sæpiùs non observatæ. Certè ut de his, aliisque similibus, certum posset judicium ferri, tot requirerentur experimenta, ut vita priùs desinat, quàm inquirendi necessitas.

C A P U T I V.

*De Exhalationibus ignitis, Tōnitru, Fulgure, Fulmine, aliisque similibus.*

1. **P**Ræter vapores, qui, Solis calore, è locis humidis evehuntur, aut ex aquâ egeruntur; ex sulfure, bitumine; salibusque volatilibus, ac aliis ejusdem naturæ corporibus plurimæ rapiuntur particulæ; quas aër, prout sunt graviores, aut leviores, altiùs, aut propiùs terram secum devehit. Hæ *exhalationes* à Philosophis dici solent, de quibus, earumque effectibus hoc Capite acturi sumus.



## 226 P H Y S I C Æ L I B. III.

2. Cùm constet per terræ superficiem multam esse copiam sulfurearum & bituminosarum partium, ac plantas etiam & animalia turgere salibus volatilibus; non mirum est calore Solis varias ejusmodi in aërem evehi particulas, ut modò dicebamus, & antea etiam monuimus. Imò verò aliter fieri nequit, quin plurimæ per totum aërem ventis raptæ quaquaversum volitent; sed ex locis ardentiori æstu adustis, sine dubio plures evehuntur, & nisi aëris fluxu disjiciantur, locorum ex quibus egestæ sunt verticibus imminet. Hoc autem posito, non difficile erit rationem reddere Meteororum omnium, quæ in sublimi aëre accenduntur. Incipiemus à flammis subitis, quas *Plinii* verbis describemus.

3. „ \* Emicant faces, nonnisi cùm decidunt  
 „ visæ, qualis, Germanico Cæsare gladiatorum  
 „ spectaculum edente, præter ora populi meri-  
 „ diano transcucurrit. Duo genera earum :  
 „ Lampades vocant planè faces, alterum Boli-  
 „ das, quale Mutinensibus malis visum est. Di-  
 „ stant quòd faces vestigia longa faciunt, prio-  
 „ re ardente parte; Bolis verò, perpetua ardens,  
 „ longiorem trahit limitem. Emicant & trabes.  
 „ simili modo, quas *Nuxæ* vocant; qualis, cùm  
 „ Lacedæmonii classe victi imperium Græciæ  
 „ amifere. Fit & coeli ipsius hiatus, quod vo-  
 „ cant chasma. Fit & sanguineâ specie (quo  
 „ nihil terribilius mortalium timori est) incen-  
 „ dium ad terras cadens inde; sicut Olympiadis  
 „ CVII. anno quarto, cùm Rex Philippus Græ-  
 „ ciam quateret.

4. „ \* Lū-

\* Hist. Nat. Lib. II. cap. 26.

4. „ \* Lumen de cœlo noctu visum est, C. Cæ-  
 „ cilio, Cn. Papirio Coff. & sæpe aliàs, ut diei spe-  
 „ cies noctu luccret. † Fieri videntur, & discursus  
 „ stellarum. Exsistunt stellæ & in mari ter-  
 „ risque. Vidit Plinius nocturnis militum vigi-  
 „ liis inhærere pilis pro vallo fulgorem effigie eâ,  
 „ & antennis navigantium aliisque navium par-  
 „ tibus — ut volucres, sedem ex sede mutan-  
 „ tes. Hominum quoque capita, vespertinis  
 „ horis fulgent. Addi hisce potest ignis, quem  
*fatuum* vocare solemus, qui variè per terras rap-  
 „ pitur. Tantâ copiâ in regionibus, intra Tropi-  
 „ cos sitis, noctu cernitur, ut observarit alibi Pli-  
 „ nius \* Æthiopum juxta Hesperium montem,  
 „ stellarum modo, campos noctu nitere.

5. In hisce omnibus aëreis ignibus tria sunt ob-  
 „ servanda 1. sine humanâ opera, & inconspicuâ  
 „ ratione eos accendi : 2. variis figuris per aërem  
 „ discurrere : 3. alios quidem aliis diuturniores esse,  
 „ sed brevissimo tempore omnes exstingui. Quo-  
 „ rum rationes quærendæ sunt.

6. I. Non repetemus hîc quæ in Libro supe-  
 „ riore, de ratione quâ ignis accenditur, diximus;  
 „ hoc tantùm hîc in memoriam revocandum est,  
 „ ut flammula, aut scintillâ appareat, oportere  
 „ tantùm particulam quampiam ita in aëre agitari,  
 „ ut omnem materiam crassiorẽ disjiciat, & in  
 „ sola subtilissima circumagatur. Sunt autem ma-  
 „ teriæ, ut etiam diximus, aliæ aliis aptiores ad  
 „ motum illum concipiendum, quales sulfureæ,  
 „ bituminosæ, nitrosæ &c. Hisce autem positis,  
 „ cùm est ejusmodi particularum satis magna con-

K 6

gesta

\* Cap. XXXII. † Cap. XXXVI, & XXXVII. \* Lib. II.  
 cap. 106.

## 228 P H Y S I C Æ L I B. III.

gesta copia, facillè potest calore aëris particula una aut altera subito circumagi, & conceptâ flammâ vicinas omnes incendere. Quam in rem observandum aërios ignes hyeme rarissimos esse, æstate verò frequentes, & quod ardentior æstas, eò frequentiores; quod satis indicat materiam, quæ incenditur, aëris calore, hoc est, vario motu & vehi & inflammari.

7. Experimento *auri fulminantis*, ut vocatur, res ob oculos poni potest. Si aurum aquâ regali solvatur, & præcipitetur ope olei tartari; pulvis qui fundum petit, sensim & sine igne exsiccat, non modo igne incenditur, sed etiam calore mediocri, & strepitum ingentem edit, quâ de re postea videbimus. Sed & minore sumtu fit aurum fulminans, hoc modo. Sumantur tres drachmæ nîtri, sesquidrachma tartari, & una sulfuris, misceanturque & unâ in pulverem tenuissimum contendantur. Is pulvis eodem modo accenditur, sed tantum strepitum non edit. Jam si in animum revocemus multò subtiliores particulas nitrosas, tartareas, & sulfureas in aëre volitare; quàm eæ sunt ex quibus aurum fulminans constat, facillè intelligemus eas, mediocri calore, in summo aëre posse accendi, modò eâ proportionem quam diximus mixtæ sint.

8. II. Pro flantibus ventis, copiâque materiæ, figuris variis eam per aërem ferri necesse est; unde nascitur illa ignium varietas, quam ex Plinio recensuimus, prout variè accenditur. Si ex una parte, & paullatim uratur, *Lampas* dicitur; si verò longus tractus exhalationis simul, *Bolis*. Interea autem dum flammant, fluxu aëris in certam cœli partem aliquando feruntur. Interdum  
eodem

eodem loco manere videntur, & tunc *Trabes*, appellantur. Aliàs discedentibus nubibus, utrimque coelum recedere videtur, quod vento fieri potest, & in eâ parte quâ dehiscit, flamma emicat, quod vocatur *Chasma*. Exhalationes autem accensæ sanguineâ specie cernuntur, si minore copiâ sulfuris, cujus flamma pallidior est, quàm nitri, aut tartari, aut bituminis consent. Ejusmodi lumen tam noctu, quàm interdiu in cœlo apparere potest, imò facilius noctu, propter absentiam Solis; cujus prævalidâ luce, aliæ debiliores omnes obscurantur, nec procul cerni possunt. *Stellæ*, quæ discurrere dicuntur, improprie eo nomine appellantur, cùm in aëre nostro sint, & exiguâ exhalationum copiâ consent. Fulgores & ignes *fatui* videntur constare pinguiori & crassiori exhalatione, quales ex oleosis materiis evehuntur: quæ faciliè quidem accenduntur, sed illic non absumentur, ut sulfureæ & nitrosæ.

9. III. Hinc discimus omnes ejusmodi inflammatas exhalationes brevi tempore debere cerni, quia materia subtilior, quâ constant, brevi absorpta est. Verùm cùm ea materia varia sit, ut diximus, non omnis æquè citò absorbitur. Sic videmus flammam ex variis rebus excitatam diutius durare, aut citius exstingui. Oleum sulfuris, aut bitumini admistum diutius flammatur, quàm si nitro sit adfusum. Itaque nihil est eâ in re magis mirum, quàm in aliis rebus, quas inflammamus.

10. Postquàm vidimus, quâ ratione possit flamma calore mediocri in aëre subito accendi, idque auri fulminantis exemplo illustravimus.

difficile non erit intellectu, quomodo excitentur tonitrua. Primum enim constat, eo experimento, flammam, quæ subitò magnâ vi aërem disjicit, excitare quandoque ingentem sonitum. Cùm autem possit, ut vidimus, ea copia exhalationum in summo aëre esse, ut particulae variorum generum misceantur, & flammam calore modico concipiant; non opus est aliò confugiamus, ad explicandam rationem, quâ Tonitrua excitantur. Erit ergo Tonitru *frago in summo aëre, subitâ exhalationum inflammatione, ortus.*

11. Hic quidem de sonitu agere non possumus, obiter tamen observabimus omnibus experimentis constare sonitum non aliter creari, quàm subitâ & violentâ explosione aëris; quâ movetur quaquaversum, & ad aures nostras delatus tympanum, quo est eorum fundum stratum, concutit, atque in animo nostro sonitûs sensationem excitat. Res ita clara est, adeoque frequentia & facilia experimenta, ut adsumi hîc, sine ulteriori probatione, queat.

12. At in Tonitru, præter sonitum, dignum est observatu ita illud exaudiri, ut quasi per fornices ferri videatur, & variè frangi. Quod idèd fit quòd memorata flamma accendatur inter nubes, quarum aliæ inferiores, aliæ superiores sunt, inter quas aër concussus fertur. Sic videmus propter inæqualitates telluris, si tormentum explosum è longinquo exaudiat, infractum etiam sonitum ad aures nostras pervenire.

13. Ejusmodi flammâ Tonitrua excitari hinc etiam liquet, quòd antequàm exaudiat fragor, ferè semper flammam videamus. Non est quidem inter motum aëris, & inflammationem  
exha-

*De Aëre & Meteor's. C. IV. 231*

exhalationis, ullum ejusmodi intervallum, quale inter conspectum flammæ, & auditionem fragoris deprehenditur. Sed quia visio fit solâ ferè impulsione, sonitus verò successivo motu aëris, necesse est eum motum seriùs ad aures pervenire.

14. Alii existimant tonitrua excitari, cùm Nubes superior calore subito condensata in inferiorem ita decedit, ut interjectus aër maximo impetu dilabatur, & vix exire, antequàm nubes delapsa sit, possit. Sed vix credibile est Nubem, etiamsi tota in aquam subitò converteretur, fragorem ullum excitaturam, decidentem in aliam rariorem, per quam facilè aër erumperet. Neque ullum simile est exemplum. Itaque præstat accensionem exhalationis fragoris causam habere; quamvis enim non semper flamma conspiciatur, non sequitur nullam fuisse; cùm Nubes eam nobis intercipere facilè possint, & alioqui plerumque cernatur.

15. Qui Nubem superiorem in inferiorem collabi opinantur, iidem agnoscunt etiam sæpiùs interpositas exhalationes accendi; sed quod aiunt id fieri compressione exhalationum, quæ ita Nubibus constringantur ut expellatur aër omnis admistus, sintque in sola materia subtilissima, id intelligi nequit. Materia certè Nubium ejusmodi non est, ut possit tam arètè stringere exhalationes interceptas, aptiòrque multò est ad flammam extinguendam, quàm ad eam excitandam.

16. Hisce ita explicatis, difficile non est dictu quæ sit natura *Fulguris*, neque enim quidquam aliud est, præter *inflammatam exhalationem sub-*  
*su-*

232 P H Y S I C Æ L I B. I I I.

*fulream, nitrosam, aut simili materiâ constantem, aut variarum misturâ.* Verùm ea accensio quandoque fit cum fragore, quandoque sine strepitu; nunc in cœlo. nubilo, nunc in sereno; unde aliqua nascitur in eâ varietas.

17. Jam ostendimus unde fragor oriatur; at sine ejusmodi sonitu fieri potest accensio exhalationis, cùm constat materiâ molliore, & quæ non tam subitò accenditur. Exempli gratiâ, si constet particulis tantùm sulfureis, quæ molliores sunt, nec subitò omnes simul absumuntur, non satis vehementer disjicitur aër, ut sonitum exaudire possimus. Sed si sulfureis particulis nitrosæ plures, tartareæque simul admistæ sint, cùm tartareæ & nitrosæ sint rigidiores, tanto impetu omnes simul dissiliunt, motu concepto, ut aërem disjiciant undequaque, & maximum sonitum excitent.

18. Quando cœlum nubilum est, sonitus, qui fulgur sequitur, magis est varius & confractus, quia aër variè à Nubibus ad nos repellitur; si verò non sit cœlum nubilum, per aperta spatia aër liberius fertur, & æquabiliori fluxu ad aures nostras adlabitur. Sæpissimè etiam tunc contingit fulgura sine tonitru fieri, sulfureis tantùm particulis inflammatis, & per aërem sparsis: ut cùm nubilum est cœlum, sæpe sine flamma fragor auditur, quia hujus conspectus, ut dicebamus, Nubibus interceptus.

19. Ut plurimum autem contingit, ut post fulgura, & tonitrua, aut simul cum illis, oriatur pluvia. Sæpe etiam, audito tonitru, augetur, adeò ut ex eo nasci videatur. Quod nonnulli ex memorata, & confutata hypothesi  
ita

*De Aëre & Meteoris. C IV. 233*

ita explicant; nimirum, nubes superiores liquefactas & in inferiores collapsas eas secum in terram præcipientes agere opinantur. Sed non opus est eò confugiamus, nam solus exhalationis inflammata calor, si paullo copiosior sit, aërisque subita concussio, vicinas nubes liquefacere, & in terram liquefactas dejicere facile possunt.

20. Fulgetrum, & tonitru aliquando sequitur Fulmen, hoc est, *rapidissima flamma, quæ ex nubibus ad terram usque fertur, & omnia obvia prostermit*. Hæc in eo peculiaria phænomena deprehenduntur: 1. loca celsa, ut sunt montes, arbores, turres, frequentius quàm depresso ferit: 2. aliquando vestes hominum in quos decidit uffit, illæso corpore: 3. aliquando eorum ossa confregit, illæsis vestibus & carne: 4. Similiter gladium in vagina, hac intactâ, liquefecit, aut fregit; vel contrâ, ambustâ vaginâ, gladio non nocuit.

21. Hæc sunt potissima fulminis phænomena, exceptis iis, quæ ad tempora & loca pertinent, de quibus postea videbimus. Hisce ergo expensis, conjicimus fulmen esse exhalationem, qualem descripsimus; quæ subito accenditur, & quæ sat copiosa est, ut vento pulsa à nubibus ad nos usque feratur. Sunt qui velint nube superiore in inferiorem cadente interceptam exhalationem elidi, & per extrema nubium erumpere. Sed, ut diximus, humore adfuso exstingueretur potius, ac dilueretur exhalatio, quàm accenderetur & in terram excuteretur. Credibilis est vento accensam flammam dejici, quæ facile, dum materia nondum absumpta est, in  
ter-



## 234 P H Y S I C Æ LIB. III.

terram fertur. Cùm autem aut nulli, aut rarissimi venti ad perpendiculum flent, transversim etiam plerumque per aërem feruntur fulmina.

22. I. Ea de causâ, celsa frequenter feriunt, quia dum per aërem obliquè meant, iis occurrant montes, arbores, turres &c. II. Cùm exhalationes, quibus fulmina constant, tot sint generum quot sunt corporum sulfureorum, bituminosorum, & salinorum genera, ex quibus elabuntur exhalationes; dubium non est quin ejus flammæ vis sit admodum variâ. Itaque aliquando vestes inflammant, corpus illæsum lambit. III. Interdum carne molliori, sine noxa penetrat, duriora frangit ossa: ut videmus aquam fortem, ac regalem, illasâ chartâ, & aliâ metalla & aurum ipsum dissolvere. IV. Eadem de causâ, interdum gladius in vagina liquefactus est, vaginâ intactâ; ut dissolveretur etiam, si vaginâ tectus in aquam fortem immitteretur, illasâ vaginâ. In materiam, scilicet, mollem, & ramosis particulis constantem non ita agunt acutæ illæ partes aquæ fortis, quàm in materiam duriorē, cujus poris infixæ compagem ejus solvunt, ut alibi ostendimus.

23. Præterea observamus æstate & autumnofrequentia esse fulmina, quæ hyeme & vere rariora sunt. Cujus rei triplex adferri potest ratio, 1. quòd in summo aëre, hyeme & vere nimium sit frigus, quàm ut accendi exhalationes possint: 2. quòd exhalationes multò pauciores iis tempestatibus, propter frigus, ex terra adscedant; ut enim aliquâ copiâ elabantur, calor major sit necesse est: 3. quòd aër hyeme & ve-

re vaporibus & nubibus adeò plenus sit, ut exhalationes omnes diluantur, adeoque inflammari nequeant.

24. Sunt quoque loca in quæ fulmina frequentius cadunt, quàm in alia; quæ, nimirum, exhalationes aptas fulminibus conficiendis emittunt, & unde ventis non ita faciliè disjiciuntur. Hinc videmus in calidioribus regionibus, ex quibus vis Solis quidquid exhalari potest è terra elicit, frequentiora multò esse fulmina, quàm in frigidioribus climatibus. Similiter in latè patentibus campis, qui à ventis, ut ita dicam, everruntur, exhalationes ejusmodi faciliè disjiciuntur, atque aliò feruntur; sed in locis montibus præaltis cinctis, ubi tam libera non est vis ventorum, clausæ manent, unde fit ut iis in locis creberrima sint fulmina.

25. Terribilis fulminum fragor ita hominum mentes percellit, ut pleræque Gentes crediderint singulari Numinis interventu ea vibrari. Hebræi propterea *ignem Dei*, fulmen; & *vocem Dei*, tonitru vocitant. Græci quoque *Jovis tela*, esse fulmina existimabant; donec Philosophi cœperunt in quæstionem vocare.

*Jupiter, an venti, discurrant nube, tonarent?*

Si quæ rariora etiam in aëre evenirent, præsagia ea esse putabant; ut si cœlo sereno tonaret, Romani irrita esse quæ eo die cœpissent censebant; donec Physices studium eos illis superstitionibus liberavit. Ac sanè quæcumque in aëre eveniunt, ea certis legibus reguntur, ut quæ fiunt in omnibus aliis corporibus, nec præsentior illic est.

est Deus quàm alibi. Et ad præfagia quidem, quæ inde ducebantur quod adinet, observandum 1. semper in rebus humanis mali aliquid accidere, seu ejusmodi præfagia præcessissent, seu nulla fuissent: 2. observata esse dumtaxat fulmina, aut ignes alios aëreos, cùm inusitatum quidpiam postea evenit; alioqui negligebantur: 3. vana esse præfagia, quæ quid significant, seu prænuncient ignorant qui ea vident; neminem autem scire posse quid sibi vellet Numen eo sermone, si Numinis sermo haberi ea possent. Unde facile est colligere opiniones Ethnicorum, & Christianorum quorundam è vulgo, circa præfagia è Meteoris ducta, superstitionis esse & metûs mera figmenta.

## C A P U T V.

*De Venitis.*

1. **V**Entum nihil aliud esse, præter fluxum aëris, & vaporum quos secum defert, satis quidem notum est; sed plurima sunt ventorum phænomena, quorum causa & ratio non sunt faciles inventu, ut ex hoc Capite liquebit. Difficilimum item est causam & originem eorum accuratè describere. Ut quid possit hoc in negotio fieri ostendamus, considerabimus primum ventos in genere, quatenus constantes aut variabiles sunt; deinde varia eorum phænomena singillatim expendemus; denique de prima eorum origine agemus.

2. Venti dividi possunt in *constantes* & *variabiles*, quorum illi, in certis terræ partibus, quotan-



1

1

tannis certo tempore flant, & cadunt; hi verò usque adeò variant, ut nihil sit ea in re certi. Cum facilius sit invenire causam constantis effectûs, quàm variorum, à constantibus ventis initium faciemus. Ante omnia observandum constantes & periodicos ventos, non nisi in amplissimis maribus, deprehendi. \* Oceanus autem in tres partes dividi potest. Prima est marium Atlantici & Æthiopici; altera Oceani Indici; tertia Maris Meridiani vel Pacifici. Quamvis hæc maria sint in Meridiana plaga, trans Tropicum Capricorni, conjuncta; sunt à Septemtrione sejuncta, amplissimis terrarum spatiis, quod ad dividendos ventos satis est. Prima pars est inter Africam & Americam; secunda inter Africam, littora Asiæ, insulas Indicas, & novam Hollandiam; tertia denique inter insulas Philippinas, Sinam, Japoniam, & novam Hollandiam ad occasum, littora verò Americana ad ortum. Pro divisione illa marium, in tres quoque partes constantium ventorum dividitur historia.

3. In maribus Atlantico & Æthiopico, per totum annum, Subsolanus spirat, sine ulla aliqujus momenti mutatione; nisi quodd nonnullis in locis ad Septemtrionem vel ad Austrum inclinat, quod sequentibus observationibus distinctius explicabitur. Ad littora Africana, statim ac quis Canarias Insulas præternavigavit, & circa 28 gradum latitudinis Septemtrionalis pervenit, satis vehementem Aquilonem experitur, qui aliquantò magis quandoque ad Septemtrionem

\* *Edm. Hallejus in AB. Philos. Londin. anni 1686. num. 183. Vide Tab. 3V.*

nem vel ad Subsolanum inclinât. Comitatur is ventus eos qui ad Austrum cursum dirigunt, usque ad 10 gradum Septentrionalis latitudinis, si centum circiter milliariibus à Guineæ littoribus absint. Inde ad 4 gradum ejusdem latitudinis occurrunt loca in quibus summa est malacia, aut aquæ sunt turbines.

4. Qui ad Caribas Insulas feruntur, quò magis accedunt ad littora Americana, animadvertunt Aquilonem magis ac magis ad Subsolanum inclinari, ut quandoque fit Subsolanus. Sed ut plurimum à Subsolano aliquantum ad Septentrionem declinat. Quando verò ad Subsolanum cursus dirigitur, ejus venti vehementia paullatim minui deprehenditur.

5. Tractus Maris per quos Venti constantes aut variabiles flant, ampliores sunt ad Americana littora, quàm ad Africana, cùm enim venti constantes nulli sentiantur ab iis qui Africana legunt littora, donec 28 latitudinis gradum præternavigarint, ad Americana ad 30, 31, & 32 gradum flant. Trans Æquatorem idem expectantiâ compertum est, nam ad promuntorium Bonæ Spei fines ventorum constantium sunt 3 aut 4 gradibus Æquatori propiores, quàm ad Brasiliensia littora.

6. A 4 gradu latitudinis Septentrionalis ad fines, de quibus modò diximus, qui trans Æquatorem sunt, ventus semper est inter Subsolanum & Austrum, & Subsolano etiam ferè propior. Observandum tamen ad Africana littora Austro, ad Brasiliensi Subsolano propiorem esse ventum, ut ferè planè Subsolanus sit. Cùm eò venit,

venit, procellosus est & vehemens, nubes cogit, & creat in iis locis pluviam; sed quò magis ad Austrum accedit, eò est serenius cœlum, & ventus tenuior. Verùm rarò eò inclinatur.

7. Tempestates mutationem aliquam in constantibus ventis efficiunt, cùm enim Sol maximè remotus est ab Æquatore ad Septentrionem, Euronotus in tractu Oceani, qui est inter littora Guineense & Brasiliense, magis ad Austrum accedit, & Aquilo magis ad Subsolanum. Vice versâ quando Sol ad Tropicum Capricorni properat, Euronotus fit Subsolano propior, & Septentrioni Aquilo.

8. Observandum tamen in Atlantico Oceano tractum esse, ubi Auster aut Libonotus perpetuò spirat; nempe, secundùm Guineensia littora, per spatium quod porrigitur, per 500. miliaria, eoque amplius, à monte qui *Sierra Lioma* dicitur, ad insulam *S. Thomæ*. Nam Libonotus constans, iis qui Æquatorem præternavigarunt 80 aut 100 miliaribus à Guineensi littore remoti, magis ad Austrum accedit. Qui magis Africæ adpropinquant animadvertunt Australem, aut pænè Australem fieri ventum, & quando adpellunt, Favonium, aut Favonio proximum esse. Hi venti spirant ad Africana littora, quando venti constantes flant, sæpe enim malacia est, aut turbines qui ex omnibus cœli partibus spirant, aut Subsolani, qui maximas tempestates creant.

9. Ad Septentrionem Æquatoris, inter 4 & 10 gradum latitudinis, atque inter Meridianos Promuntorii Viridis, & Insulæ ejusdem Promun-



torii omnium maximè ad Orientem porrectæ, tractus est maris in quo neque constans, neque variabilis ventus flare dici potest; æterna enim illic est malacia, quæ non turbatur nisi Fulgure, Tonitru, & pluviam tam crebram, ut propterea ei loco *Pluvius*, nomen inditum sit. Quidquid illic sentitur venti, subito oritur, inæquabili flatu spirat, & per breve tempus, neque per magnum maris tractum, aded ut, singulis horis, sæpe sit novus ventus, cui succedit malacia, antequam alius oriatur. Sæpe in classe, cujus naves invicem cernuntur, singulæ naves suum habent ventum. In hoc loco, per sex gradus omnibus velis naves in ulteriora tendant oportet; & deficiente vento, per integrum mensem illic moratæ dicuntur.

10. Ex tribus posterioribus observationibus, rationem cognoscimus duarum rerum, quas navigantes in Guineam, aut Orientalem Indiam deprehendunt. Altera est, quamvis mare sit arctius inter Guineam & Brasiliensia littora, cum id intervallum 500 milliaria non superet, naves, quæ ad Austrum cursum dirigunt, ægrè eum tractum præternavigare, præsertim mensibus Julio & Augusto. Cujus rei hæc est causa, quod Euronotus tunc temporis ultra solitos fines spirat, sive ultra 4 gradum latitudinis Septemtrionalis; & præterea usque aded ad Austrum convertatur, ut quandoque planè Austro fiat, & quandoque etiam ulterius ad Favonium circumagatur. Nihil possunt nautæ aliud facere, nisi ut sequantur ventum; si verò ad Africam cursus dirigatur, navigantes magis ac magis ad Subolanum converti ventum sentiunt; sed tunc timen-

mendum eis est, ut littora Brasiliensia præternavigare queant, aut ne in vada quæ illic sunt impingant. Contra si ad Vulturum tendas, ad littora Guineensia accedis, à quibus recedere non potes, nisi ad Insulam usque S. Thomæ, Subsolanum versùs naviges; quod semper faciunt qui Guineam petunt, & mirum prorsus videretur, nisi ventorum ratio nota esset. Cum enim ad id litus accesserunt, ventum aut Africum, aut Libonotum habent, quo spirante ad Septemtrionem Guineæ, cursus dirigi nequit. Sed ad ventum secundum propius navigantes in Indiam non possunt accedere, quàm si Austrum, aut Euronotum habeant. Hi quidem venti à terra expellunt, sed quò magis eos sequuntur in Indiam navigantes, eò magis contrarios experiuntur. Quando littori propiores sunt, possunt tendere ad Austrum, sed si remotiores sint, non est commodior ventus Euronoto, aut etiam Vulturno; quibus plerumque cursum dirigunt ad Insulam S. Thomæ, & ad Lopesium promuntorium, ubi cum ventus sit ferè Vulturnus, eo utuntur ut eant ad Favonium, usque ad 3 aut 4 gradum latitudinis meridianæ, ubi perperitus est Euronotus.

II. Propter constantes hosce Ventos, quicumque in Virginiam cursum dirigunt, quàm celerimè ad Austrum progrediuntur, ut vehementiorem ventum, quo ad Occidentem ferantur, nancisci queant. Eadem de causâ, qui ex America in Europam redeunt, conantur quàm citissimè possunt 30 gradum latitudinis adsequi, ubi variabiles venti esse incipiunt; quamvis plerumque sint inter Favonium

242 P H Y S I C Æ L I B. III.

& Austrum venti, qui eam partem Atlantici Oceani perfiant.

12. Sunt quidam in Caribis Insulis procellosissimi venti, quos *Uraganos* vocant, & qui circa Augustum mensem eas Insulas vexant. Verum huc illi non pertinent, seu quia neque sunt diuturni, neque per amplum terræ spatium sentiuntur, seu quia semel quotannis non redeunt; quandoquidem uno anno aliquot interdum eas oras devastant, interdum plures, sine ejusmodi procellosis ventis, præterlabuntur anni.

13. Quidquid hætenus dictum est intelligendum de iis ventis, qui in mari remotis à terrâ sentiuntur; neque enim de ventis qui terram perfiant paucis agere possemus, propter summam varietatem, respectu frequentiæ, durationis, vehementiæ, & locorum in quibus sentiuntur. Montes, valles, silvæ, terrarum dispositio, quâ aptiores, aut ineptiores sunt calori reflectendo, condensatio exhalationum & vaporum tantas in iis creant mutationes, ut investigationum, si hæc singillatim excutienda essent, nullus finis esset futurus.

14. In Indico Oceano, ut ad secundam partem veniamus hujus tractationis, venti sunt partim perpetui, partim periodici; per sex, nimirum, menses, ab uno cardine flant, & per sex sequentes ab opposito. Tempora quibus flant, & pars coeli unde spirant, variis in tractibus Oceani, non facile potuerunt, nisi post multas observationes, notari. Ii venti *Monsones* ab Indis vocantur, inversâ, ut putant, Arabicâ voce *Saamon*, quæ mutationem venti significat.

Nos

Nos *reflabros* ventos, Apuleianâ voce, vocabimur.

15. Inter decimum & 30. gradum latitudinis meridianæ, five inter Madagascaris Insulam & novam Hollandiam, ventus constans est Vulturnus, qui illic per totum annum spirat; ut in mari Æthiopico sub iisdem latitudinis gradibus; sicut antea diximus.

16. Vulturnus spirat per sex Menses, à Junio ad Novembrem, per Oceanum Indicum; quibus elapsis, qui sunt inter 3 & 10 gradum latitudinis Meridianæ, circa promontorium Septemtrionale Madagascaris Insulæ, & qui sunt inter 2 & 12 gradum circa Sumatram & Javam, sentiunt eorum oriri, aut aliquem ventum ex iis qui sunt inter Septemtrionem & Favonium, qui per sex alios menses ab initio Decembris ad Majum flant. Idem est *reflaber* ventus, ad Insulas usque Moluccas, ut postea dicemus.

17. Ad Septemtrionem tertii gradus latitudinis Meridianæ, venti inter Septemtrionem & Subsolanum positi, ab Octobri ad Aprilem flant in sinibus Arabico, Persicisque, & per totam longitudinem maris Indici, quâ inter Africana litora ad Sumatram porrigitur. Aliis verò sex mensibus ab Aprili ad Octobrem, ex contrario cardine spirant venti inter Favonium & Austrum. Atque hi sunt aliis vehementiores, magnasque pluvias creant, cum contrarii serenum coelum faciant. Observatu tamen dignum est ventos neque tam vehementes, neque tam constantes, esse in Bengalensi sinu, quam in Indico Oceano, ubi certus ferè semper spirat ventus. Observandum quoque ventos inter Favonium

## 244 P H Y S I C Æ L I B. III.

& Austrum ad Africana littora magis ad Austrum accedere, in India verò magis ad Favonium.

18. Est tractus maris ad Austrum Æquatoris, qui est iisdem reflagris ventis obnoxius. Is est inter continentem Africam & Insulam Madagascaris, atque inde ad omne spatium quod porrigitur ad Æquatorem usque. Ab Aprili usque ad Octobrem est vehementior Libonotus, quem quò magis in Septentrionem progrediuntur navigantes, eò magis ad Favonium accedere deprehendunt, ut tandem Africus fiat; qui ventus, ut dictum est, eo tempore anni, spirat ad Septentrionem Æquatoris. Ad ventos quod adinet, qui per alios sex menses, ab Octobri ad Aprilem, flant in eo mari, minus sunt noti, quia nautæ Europæi ex India redeuntes inter Madagascaris Insulam & Africam non transeunt. Hoc unum constat in viciniâ ventos esse ferè Subsolanos, qui tamen ad Austrum & Septentrionem aliquantum declinant.

19. Ad Orientem Sumatræ & Malacæ, ad Septentrionem Æquatoris, juxta littora Cambaiensia & Sinensia, reflagri venti sunt ferè ad Septentrionem & Austrum; hoc est, Aquilonem valdè ad Septentrionem, Libonotum valdè ad Austrum accedere. Hi venti porriguntur in Orientem usque ad Philippinas Insulas, & in Septentrionem, usque ad Japoniæ altitudinem. Septentrionales Moufones, in illis maribus, incipiunt spirare Octobri aut Novembri; Australes verò Majo, & per totam æstatem flant. Observandum tamen cardines ex quibus, in hisce maribus, flant venti, non ita constanter esse

eosdem ac in iis maribus, de quibus diximus. Auster sæpe ad Subsolanum accedit; quod videtur oriri ex plurimis illis promuntoriis, quæ in ea maria extenduntur, multisque insulis per ea sparsis.

20. Sub eodem Meridiāno, sed ad Austrum Æquatoris, inter Sumatram & Javam ad Occidentem, Novam verò Guineam ad ortum, iidem sunt reffabri venti Septemtrionales & Australes; ubi tamen est hoc discrimen, quòd ventus Septemtrionalis ad Favonium inclinet, Australis ad Subsolanum. Sed venti non sunt constantiores in hoc mari, quàm in superiori; neque mutatio eodem tempore fit ac in Sinensi Oceano, sed mense aut quadraginta diebus seriùs.

21. Hi contrarij venti non subitò sibi invicem, nullaque interposità morà, succedunt. Alicubi est malacia per breve tempus, alicubi varii venti. Observandum præterea extremum tempus reffabri venti Occidentalis qui Coromandelensia littora perflat, & Australis qui in Sinensi Oceano spirat, obnoxium esse procellis, quarum tanta est vehementia ut *Ouraganos* Americæ fermè æquet, & illo tempore periculosissimam per illa maria navigationem reddat.

22. Tertium mare, aut Oceani tertia pars quæ Pacifica vocatur, amplitudinem duarum aliarum æquat, quippe quæ ab Americano litore occiduo, in eandem cœli plagam per 150 gradus porrigitur. Soli Hispani hoc mare navigant, dum eunt ex Hispania nova in Insulas Manilhas, & quidem eadem semper viâ, aded ut non æquè accurata ventorum illic spirantium tradi possit historia. Verùm ex variis relationi-

## 246 P H Y S I C A E L I B. III.

bus Hispanicis, aliisque colligere possumus ventos illic flantes similes esse iis qui Oceanum Atlanticum perflant. Venti, qui spirant ad Septentrionem Aequatoris, sunt inter Septentrionem & Subsolanum; qui verò flant ad Austrum Aequatoris sunt inter Subsolanum & Austrum. Tantâ constantiâ & æquabilitate ex utraque parte Aequatoris spirant, ut rarè necesse sit omnia adhibere vela, utque intra decem Hebdomadas vastissima illa maris hujus extensio peragretur. Ignorantur etiam in eo mari procellæ, neque in ullo mari æquè commoda est navigatio; cum in eo navigantes certum semper ventum, neque cum equò vehementiorem habeant. Quo factum est ut multi crediderint non esse opus longiori tempore, in Japoniam & Sinam navigantibus, si per fretum Magellanicum eò contendant, quàm si per mare Æthiopicum & Indicum, circumfuso Bonæ Spei promontorio, navigationem instituunt.

23. \* Ea est ratio Maris Pacifici, si procul à littoribus consideretur; ad littora enim sunt varii venti, & cum flant qui sunt inter Austrum & Subsolanum, aut inter Austrum & Favonium, mare est ad littora propter summam agitationem periculosissimum; vel minimo enim vento summopere agitur. Quando cecidit ventus, etiam vehementissimus, subitò tanta est maris malacia, quanta posset esse quando per longum tempus nullus spiravit; cum mare Atlanticum, per aliquot dies, postquàm cecidit ventus, pergat moveri. Mare Pacificum à terra remotius sem-

\* *Voyage fait à la Mer du Sud, en 1684, par Raimon de L'Isle.*

semper est, ut diximus, æquabili vento actum, sine procellis, ad littora verò multò magis æstuat; cùm in Atlantico contrario modo res se habeat; nam ad littora ferè semper est tranquillum, cùm in alto gravissimæ sint procellæ.

24. Limites ventorum constantium, in mari Pacifico, iidem sunt ac in Atlantico, porrigunturque ex utraque Æquatoris parte ad 30. gradum latitudinis. Hispani enim ex Manilibus Insulis in Americam redeuntes utuntur australi Mousone, qui per æstatem in illis maribus spirat, & cursum dirigunt ad Septemtrionem Æquatoris, ad altitudinem usque Japoniæ; ut nanciscantur varios ventos, quorum ope ad Orientem ferantur. *Schootenius*, aliisque qui per Magellanicum fretum navigarunt, invenerunt limites Libonoti, in eadem latitudine australi. Præterea inter ventos qui in Mari Æthiopico, & ventos qui in Pacifico spirant, hoc simile est, quòd ventus ad littora Peruviana, ut ad Angolensia ex Australi cardine spiret, ferè semper.

25. Ex hac ventorum constantium historia, sex potissimum exsurgunt Problemata, quorum solutionem quærunt Physici. 1. Quare Venti ex orientali cardine perpetuò spirent, in maribus Atlantico, Æthiopico & Pacifico, inter 30 gradum latitudinis Septemtrionalis & australis? 2. Quare eos limites numquam transiliant hi venti? 3. Quare Libonotus littora Guineensia constanter perflet? 4. Quare in Septemtrionalibus partibus Indici Oceani, venti qui per sex menses iidem sunt, ac in aliis maribus, convertantur in contrariam partem & ex opposito car-



# 248 P H Y S I C O N E L I B. III.

dine spirant, per sex aliq̃ menses? 5. Quare in constantibus ventis, qui ad Septentrionem Æquatoris flant, semper à Subsolano ad Septentrionem inclinent; contra verò qui ad Austram Æquatoris spirant à Subsolano ad Austram inclinent? 6. Quare in Sinensi Oceano venti magis à Subsolano in Septentrionem declinent, quàm alibi?

26. Ad classẽ constantium ventorum referri, possent nonnulli, qui certis temporibus etiam regiones nonnullas perflant. In Græcia & Italia aliisq̃ue regionibus vicinis \* exortum Caniculæ diebus octo fermè Aquilones præcedunt, quos Prodromos appellant. Post biduum autem exortûs, iidem Aquilones constantius perflant his diebus, quos Etesias appellant; nec ulli ventorum magis statim sunt. Post eos rursus Austri frequentes, usque ad sidus Arcturi, quod exoritur undecim diebus ante Æquinoctium Autumni. Cum hoc Corus incipit. Corus autumnat, huic est contrarius Vulturius. Post id æquinoctium, diebus ferè quatuor & quadraginta, Vergiliarum occasus hyemem inchoat; quod tempus in III. Idus Novembres incidere consuevit. Hic est Aquilonis hyberni, multumque æstivo illi dissimilis, cujus ex adverso est Africus. Ante brumam autem, ait tandem *Plinius*, sed falsò, septem diebus totidẽque postea, sternitur mare Halcyonum foeturæ, unde nomen hi dies traxere, reliquum tempus hyemat. Verum hoc observandum discriminis, inter constantes maris & terræ ventos, quod marii mul-

\* *Plinius Hist. Nat. Lib. II. cap. 47.*

multò constantiores sint terrenis , neque adversis procellis tam sæpe turbentur , imò verò quibusdam in locis nunquam.

27. Ad *variabiles* verò ventos quod adinet , hi in terra potissimum sentiuntur , atque in mari trans limites constantium ventorum , ad Septentrionem & ad Austrum ; hoc est , in parte frigidiorè Oceani , & per omnes Oceani qui illic sunt sinus , quorum potissimi sunt mare Mediterraneum , & mare Balthicum.

28. \* Veteres quatuor omnino ventos servaverè , ait *Plinius* , per totidem mundi partes , (ideò nec *Homerus* plures nominat ) hebeti , ut mox judicatum est , ratione. Sequuta ætas octo addidit , nimis subtili & concisa. Proximis inter utraque media placuit , ad brevem ex numerosa additis quatuor. At nostri nautæ , rei maritimæ multò veteribus peritiores , Horizontali circulo in 32 partes æquales diviso , præter quatuor ventos Cardinales , viginti octo alios nominarunt ; quod navigationi utilissimum , ad Physicam non multum facit , nisi quòd ex omnibus partibus cœli spirare ventos sciendum est.

29. Inter variabiles ventos , alii ubique per omnes terras flant , alii verò in quibusdam terris potissimum noti & frequentes sunt. Sed nulli sunt celebriores iis qui *Ouragani* vocantur , & in Insulis Caribis potissimum ispirant , quandoque frequentius , quandoque rarius , nullis statibus temporibus. Tanta est eorum vehementia ut quidquid stat prosternant , arbores evellant , domos evertant , naves si quas deprehendunt aut

L 5 mi-

nirum in modum circumagant, aut in mare, vel in terram deferant; imò verò aliquando in aërem adtollant, per quem gravissima onera interdum vehunt. Non est eorum flatus æquabilis, sed per impetus qui subinde oriuntur & concidunt; neque latè flant, per amplissimum terrarum tractum, sed nunc intra exiguum spatium, nunc paullò latius. Durant tantum per aliquot dies, & interdum per aliquot dumtaxat horas. Quamvis autem in America frequentiores sint ejusmodi venti procellosi, quàm alibi; attamen Europa & Asia eorum immunes prorsus non sunt, quod ex Historiis & Itinerariis plurimis constat.

30. In omnibus ventis, tam constantibus quàm variabilibus, hæc observanda; alios, nimirum, exsiccare, alios madefacere; alios congregare nubes, alios dissipare & serenitatem creare; alios esse calidos, alios frigidos. Neque eorum una eadémque est ubique ratio, nam qui in aliis regionibus frigidi sunt, in aliis calent; qui hîc exsiccant, alibi madefaciunt; & vice versâ, ut aliquot exemplis postea ostendimus.

31. Hæc sunt potissima in ventis observanda phænomena; nam si singula excutienda essent, opus esset integro volumine; præterquàm quòd de multis, quæ hac de re feruntur, constare prius oporteat, quàm eorum causæ investigentur. Plurima enim dicuntur, quorum, quia falsa sunt, nullæ possunt inveniri causæ. Itaque iis missis, eorum tantum, quæ adlata sunt, causas quæremus, & à constantibus quidem ventis initium faciemus.

32. Ven-



tinentium. Observandum ergo 1. ex Staticis Legibus aërem, qui minus est calore rarefactus, ac proinde gravior, fluere oportere ad loca ubi magis rarefactus est, & levior, ut omnes ejus partes sint in æquilibrio. 2. Cum Sol perpetuò moveatur in Occidentem, & ea pars versùs quam movetur Aër, sit magis rarefacta, quando Sol est in Meridiano, hæc fertur cum Sole in Occidentem; ac proinde tota massa aëris inferioris eò defluit. Sic creatur ventus Orientalis constans, qui postquam movit omnes aëris partes, quæ vastæ Oceani extensioni incumbunt, motum illum conservat, ad reditum usque Solis; quo tempore tantumdem recuperat, quantum amittere potuit, quo fit ut spiraret Orientalis ventus perpetuus.

34. Ex hac hypothesi sequitur ventum declinare oportere ab Oriente ad Septemtrionem, cis Æquatorem, & trans ad Austrum; prope enim Æquatorem multò rarior est aër, quàm in remotioribus locis. Ejus rei ratio est, quòd in plagis quæ Æquatori subjacent, Sol bis quotannis verticalis sit, neque ab iis recedat plusquam 23 gradibus, in qua distantia cum calor sit instar finis anguli incidentiæ, non multùm differt à calore perpendicularibus radiis creato. Sed sub Tropici, quamvis aliquamdiu Sol verticalis sit, attamen cum illinc 46 gradibus recedat, ea distantia creat speciem quamdam hyemis; quâ ita refrigeratur aër, ut calor æstivus nequeat eundem caloris gradum ei reddere, qui est sub Æquatore. Idcoque aër ad Septemtrionem & Meridiem situs, cum densior sit eo qui Æquatori subjacet, utrimque versùs Æquatorem decurrat necesse

cesse est. Hic motus conjunctus cum eo, quod tota massa aëris ab Oriente in Occidentem rapitur, causa est omnium effectuum, qui in constantibus ventis deprehenduntur; adeoque si mari tota tegetur globi superficies, ubique iidem essent venti, qui in Atlantico & Æthiopico mari spirant.

35. Sed cum mare amplissimis terrarum tractibus dividatur, ratio habenda est naturæ terrarum, & altitudinis montium, quæ varietatem maximam in ventis creare videntur. Regiones Tropici vicinæ quæ planæ sunt, humiles, & arenosæ, ut Libyæ interioris deserta, sunt obnoxiaë calori incredibili iis qui non senserunt, cum propter directos Solis radios, tum propter calentes arenas. Aër autem eo summo calore rarefactus, cedat necesse est aëri frigidiori & densiori, qui eò ad servandum æquilibrium defluit. Hæc videtur esse causa cur ad Guineensia littora ventus ferè semper inter Austrum & Favonium spiret, cum in tractibus à terra remotioribus sit perpetuus Euronotus.

36. Difficile non est intellectu interiorem Africanam summo æstu aduri, quæ magis ad Æquatorem vergit, cum Septentrionales ejus partes usque adeo fervidaë sint, ut Veteres, quibus hæc notæ erant, regiones inter Tropicos sitas præ nimio calore habitari posse non crederent. Hinc etiam videtur fieri ut malacia sit perpetua, in eo tractu Oceani cui *Pluvius* nomen factum est, & de quo egimus, cum de Atlantici maris ventis verba faceremus. Cum enim sit situs inter Occidentalem ventum, qui littora Guinæ perstat, & constantem Orientalem qui per illa ma-

## 254 P H Y S I C Æ L I B. III.

ria aërem ad Occidentem defert, aër interpositus, qui æquâ vi in utramque partem tendit, manet in æquilibrio. Cum præterea pondus Atmosphæræ minuatur ventis perpetuis, qui illinc in contrarias coeli plagas spirant; non potest aër sustinere vapores copiosos quos admittit, qui proinde in pluvias densati recidunt.

37. Dum autem aër frigidus & densatus pondere suo premit calidum & rarum, oportet hunc, pro ratione rarefactionis, altiùs adscendere versus summas Atmosphæræ partes; deinde æquilibrii causâ quaquaversum recidere, aded ut in altissimis aëris regionibus sit contrarius aëris decursus à calidioribus partibus ad frigidiores. Sic veluti per circulum, si in partibus superioribus aëris, ventus sit inter Septemtrionem & Subsolanum, ventus debet esse in inferiore regione inter Austrum & Favonium, & vice versâ. Neque hæc est mera conjectura, quando enim transiliuntur limites constantium ventorum, sæpe animadvertunt nautæ momento temporis ventum in punctum contrarium, ut loquuntur, desilire. Atque hoc ipsum Phænomenis reflabrorum ventorum optimè convenit, quæ hac hypothese facillimè explicantur, alioqui explicatu difficillima.

38. Posito ergo in summa regione in circulum, quemadmodum diximus, agi aërem, in memoriam revocandum ad Septemtrionem Indici Oceani, terras esse usque ad 30 gradum, quibus limites constantium ventorum occupantur; nempe, Arabiam, Persidem, Indiam, &c. Hæ autem regiones, propter eandem rationem, quam de æstu interioris Libyæ agentes adduximus,

mus, sunt intolerandis caloribus obnoxia, cum Sol ad Tropicum Cancri pervenit, adeoque iis pænè verticalis est. Contrà temperatiores sunt, cum Sol ad alterum Tropicum discessit. Hanc in rem aliquid conferunt altissimi montes ad Septemtrionem horum littorum siti, qui sæpe hyeme nivibus teguntur, ubi aër ad Austrum veniens refrigeratur. Hinc sequitur, ex regula posita, aërem ab Aquilone versus mare Indicum fluentem, nunc calidiorem, nunc frigidiorem esse, eo qui circulatione ex Libonoto defluit; ac proinde decursum inferiorem aëris modò esse ad Libonotum, modò ad Aquilonem.

39. Manifestum est nullam aliam causam horum esse quærendam, ex temporibus, quibus hi venti oriuntur. Mense Aprili, cum Sol incipit incendere regiones quæ sunt ad Septemtrionem Æquatoris, australis reflaber ventus oritur, & per æstatem ad Octobrem usque spirat. Cum verò Sol trans Æquatorem rediit, ad septemtrionem oritur frigus, atque ad meridiem augetur calor, Aquilo flare incipit, & per totam hyemem ad Aprilem usque durat. Propterea etiam ad meridiem Æquatoris, inter Madagascaris Insulam & Africam, Corus Euronoto succedit, cum ad Tropicum Capricorni ab Æquatore Sol procedit.

40. Cum hæc sit constantium ventorum naturæ explicatio verisimillima, quæ nobis innotuerit; hæc tamen gravissima occurrit difficultas, quare cum in Indico Oceano venti mutantur semel quotannis, nulla talis fiat in Æthiopico Oceano, iisdem sub gradibus, mutatio? Nar-



constat, per totum annum, ventum inter Austrum & Subsolanum illic flare. Hæc & alia terrarum vicinarum varietatibus fieri videntur, sed eas varietates indicare, quamvis nobis notissimæ essent, difficillimum esset; quia vastissimarum terrarum naturas & asperitates varias animo omnes descriptas habere, rationemque simul distantiarum considerare accuratè vix possumus.

41. Nulla etiã probabilis conjectura adsequi possumus, quare fines constantium ventorum circa globum sint ubique ad 30 gradum latitudinis, qui gradus rarè ab iis ventis transiliatur. Quis etiã certò dixerit quare partes tantum Septemtrionales maris Indici sint refluoris ventis obnoxie, cum in ejus Australibus partibus, venti perpetuè sint inter Austrum & Subsolanum. Videtur quidem oriri ex terrarum dispositione, quibus ad Austrum non ita coarctatur mare Indicum, ac ad Septemtrionem, nisi nos fallunt Tabulæ Geographicæ. Sed cum hac in re multa nobis lateant, quæ necessaria essent ad eas solvendas difficultates, præstat interea dum innotescant *ιπ'χιν.*

42. Ad Aquilones quod attinet; quos Etesias Græci vocant, qui per Mensem Augustum & finem Julii, in Græciâ, Italiâ aliisque regionibus flant, ut ex *Plinio* vidimus; videntur ex eo oriri, quod Sol qui tempore Solstitii Tropicum nostrum attingit, aërem non modò regionum quibus perpendiculariter imminet, sed & vicinarum ad Septemtrionem ita calefaciat; ut aër ille mirum in modum ad superiorem aëris regionem adscendat, aërque adeò Septemtrionalis,

lis, qui gravior & densior est, eò decurrat. Postquam verò aër magnâ copiâ illuc decucurrit & à Sole rarefactus est, hoc ad Austrum amplius recedente, pondere suo, veluti circulo actus, per superiorem regionem in Septemtrionem recidit, australémque ventum creat, quem Etesijs succedere observavit *Plinius*, serè ad Æquinoctium autumnale.

43. Inde contrario refluxu aëris & vaporum ad Septemtrionalem mundi plagam nimîâ copiâ adgregatorum, nascitur Corus, qui est inter Septemtrionem & Favonium. Fluxus ille aëris, ut *Pliniano* verbo utar, *autumnat*; inde per Hyemen spirant Aquilones, qui ex Nova Zemla, & Aquilonaribus Moscoviæ partibus, ad nos flant. Hi cum ex amplissimis terris nive & glacie adstrictis veniant, maximum secum deferunt frigus; & eo quidem tempore flant, quia alterâ parte aëris seu sinistra, si ad Septemtrionem spectes, exhaustâ, illinc ubi est gravissimum frigus, adeoque aër densissimus, fiat fluxus necesse est. Prior autem Corus est, quàm Aquilo; quia ex ea parte, quâ ad nos defertur Corus, sunt patentissima maria, per quorum superficiem faciliùs labitur ventus; quàm per asperitates terrarum, quæ ex Aquilonis cardine ad nos porriguntur.

44. Hæc eadem ratio ostendit quare constanter sint venti marini, quàm terrestres. Nimirum, maris æquor lambentibus nulla occurrit asperitas, quæ eorum cursum tardet, aut aliò convertat; at terram perflantes incidunt in montes, valles, silvas, aliâque quibus aliorum aëris, & tardari queunt. Ex mari præterea va-

## 258 P H Y S I C Æ LIB. III.

pores fermè æqualiter hauriuntur ; sed ex terra , pro vento flante , major aut minor earum egeritur copia , quo fit ut aëris fluxus variè possit mutari.

45 Hinc fit etiam ut tantopere variant in terra venti , qui singillatim referri nequeunt , atque ad examen revocari ; nisi situs & ratio terrarum omnium describeretur , quod fieri nequit , cum nemini sint satis comperta. Satis erit summatim monuisse montes & sylvas , calorem & frigus , humiditatem aut siccitatem regionum infinitam illam in iis parere varietatem , quæ ad certas regulas revocari nequit.

46. Si quærantur rationes-procelloforum ventorum , quales sunt in America Ouragani , vix quoque singulorum accuratè reddi posse videntur. Sed primum in memoriam revocandum est , eandem esse omnium liquidorum rationem , ac proinde in aëre motum extraordinarium posse creari , eodem modo quo in aqua excitatur. Excitatur autem motus in aqua violentior , varisque in eâ turbines , si ex alto cadat , aut si plures aquæ defluxus contrarii concurrant. Videmus hoc in Torrentibus è rupibus cadentibus , & in fluviorum confluentibus , ubi mirum aquæ motum deprehendimus. Si ergo simile quidpiam in aëre fiat , oportet sævas excitari ventorum tempestates. Potest verò hoc fieri , si vapores , majori numero quàm solent , in locum quempiam incidant vento aëri ; quem facilè præterlabi nequeant , propter montes in quos incidunt , aut oppositos ventos. Exempli causâ , ventus inter Septemtrionem , & Subsolanum positus deferat ex Africa ingentem copiam vaporum in Caribas Insu-

Insulas, incidâtque in continentem Americam; potest fieri non modò ut fluxui venti montes & silvæ Panamensis Isthmi resistent, adeoque vapores ibi glomerent, sed etiam ut in littore Americæ occiduo flet contrarius ventus inter Austrum & Favonium, qui vapores contrario motu actos illuc vehat. Cùm hoc evenit, necesse est circa Caribas Insulas, & in illo toto sinu qui est inter Meridianam, & Septemtrionalem Americam, mirum in modum æstuet aër & vapores in orbem acti quaquaversum ruant, quod in aqua fieri constat. Videmus enim in duorum fluminum confluentibus aquis, si paullo rapidiori cursu eò deferantur ubi miscentur, miros excitari vortices, qui materias injectas circumagunt, absorbentque, ac revomunt.

47. Hinc intelligimus quare fiat ut corpora gravia in aërem quandoque evehantur. Ouragani turbine, deinde in terram abjiciantur. Circumactus enim aër maximâ vi è terræ superficie vicibus ad nubes adscendit, atque iterum descendit, aut quaquaversum spargitur. Quemadmodum etiam non uno continuo impetu maris commoti aquæ littora premunt, sed undis quarum aliam alia sequitur advehuntur, ut distinctis ictibus terræ adlidantur: sic quoque venti cursus, quando vehementior est, variis flatibus constat:

— *ut undâ impellitur undâ,  
Urgeturque eadem veniente, urgetque priorem,*

48. Ejusmodi Tempestates latè admodum non graßantur, quamvis incerti sint earum fines, quia  
vi-

## 266 P H Y S I C Æ L I B. III.

vicinio aëre leniter cedente, quò latius motus pervenit eò est minor. Sic lapide in aquam magnâ vi dejecto, videmus aquam eo in loco vehementer agitari, & in orbem moveri; sed quo magis à centro motûs orbiculares distant undæ, eò leniùs eas recedere. Ut enim ejusmodi motus in aquâ non sunt diuturni: sic nec in aëre, eadem de causa.

49. Quamvis oriuntur ubique aliquando inusitatæ ventorum procellæ, aëre & vaporibus in unum locum contrariis flatibus actis; attamen frequentiores sunt circa Caribas Insulas, præsertim quando Solem habent Verticalem, mensibus Junio & Augusto, quia Sole illic aërem rarefaciente, statim venti eò deferunt magnam aëris & vaporum copiam, quæ intra Sinum Americanum coacta, circa insulas vicinâs mirum in modum æstuat. Quando Sol est cis Æquatorem, ut antea diximus, aër iis in locis magis rarefit, potestque interdum fieri, ut Euronotus, qui constanter trans Æquatorem stat, limitibus suis quandoque egressus Æthiopici maris vapores eò ferat, quò jam Atlantici maris vapores delati sunt; & cum à littoribus Americæ retineantur, circa Caribas insulas necessariò circumagantur.

50. Quamquam hæc non sunt absorta, attamen pro compertis haberi non possunt; nisi pluribus experimentis constaret, eo tempore quo *Ouragani* oriuntur, circa Insulas Caribas ventos cunctos ex vicinis maribus eum in locum concurrere; quod nobis nondum constat, nec experientiâ cognosci nisi difficulter potest.

51. Nunc

§1. Nunc ut ad phaenomena communia ventorum veniamus. 1. sicci videntur esse, quàm minimam vaporum copiam secum devehentes, cum incidunt in humida corpora, humoris particulas ex iis divellunt. Sic in Hollandia Septemtrio & Oriens, atque interpositæ cœli plagæ ventos emittunt sicciore. Ex Septemtrionali, nimirum, Oceano, qui est sub frigidioribus climatibus, magna vaporum non egeritur copia, si conferatur cum eâ quæ ex aliis Oceani partibus calore evehitur. Si à Septemtrione ad Orientem deflectamus, vastissimi sunt terrarum tractus, in quibus mediâ etiam æstate modicus est calor. Reliqui verò venti, & præsertim Occidentales humidi sunt; quod veniant ex iis locis, unde æstus magnam vaporum copiam evehit. Occidentalis potissimum Oceanus ventis, qui illinc spirant ad nos, tot vapores suppeditat, ut ferè semper pluvii sint. At alibi aliter, pro terrarum situ, ferè res habet. Auctor est \* *Plinius*, *Austrum Africae esse ferenum, Aquilonem nubilum*; quod arida Africae deserta eos non emittant vapores, qui pluvias magnas creare possint; cum ingentes ex mari Mediterraneo, quod ad Aquilonem est, evehantur.

§2. 2. Venti congregant nubes, qui secum magnam vaporum copiam adferunt, quæ conjuncta iis quæ ex nostra regione evehuntur nubibus cœlum implet. Contrà serenitatem creant, qui multos vapores secum non advehentes, aliò etiam eos qui nobis imminere avehunt. Hujusmodi sunt hic quos antea diximus ficos, contrà verò nubili, quos humidos esse observavimus.

§3. Calidi

\* *Hist. Nat. Lib. II. c. 47.*

## 262 P H Y S I C Æ LIB. III.

53. Calidi sunt venti, qui ex regione calente spirant, frigidi qui ex frigidiore; unde facile est intelligere calidos esse ventos, qui aërem & vapores vi Solis vario motu actos secum devehunt: contrà verò frigidos, qui aërem & vapores, aut minùs motos, aut motu ad rectam lineam accedente secum agunt. Hinc videmus vento excitato paullo vehementiore, excitari etiam frigus, & contrà cessante omni vento, æstate molestissimum esse calorem. Similiter flatu follis, aut alio vehementiore, flamma exstinguitur, contrà tenuiore vento augetur. Nimirum, vehementior flammam omnem in unam partem rejicit, in quâ nisi sit alimentum copia major, incumbentis aëris vi suffocatur; tenuis verò ventus flammæ motum in omnes partes auget, facitque ut materiæ, quæ uritur, plures particulas divulset.

54. Ceterum ut omnis calor venti, aut frigus oritur è calore aut frigore regionis ex qua flat: ita nec ubique venti iidem calidi aut frigidi sunt. Trans Æquatorem, contraria omnino est ventorum ratio; cum enim hîc frigidi sint, qui ex Septentrionis cardine spirant, illic ex Meridie flantes frigidiores sunt. Scilicet ut calidi sunt hîc australes, non quòd ex ea cœli plaga spirent, sed quia aërem Sole imminente calefactum advehunt: eadem de causa septentrionales Antipodibus nostris calidiores sunt.

55. Ex iis quæ hætenus dicta sunt, satis liquet causam venti esse Solem, & motum vaporum. Sed si excipiamus constantes illos & periodicos ventos, quibus perflatur Oceanus; ceterorum fines indicari non possunt, aded ut possimus ostende-

adere ubi oriantur, & ubi desinant. Non possumus etiam causam ostendere, ob quam per certam æstatem flaverit ferè Occidentalis, exempli causâ, ventus, per aliam verò Orientalis. Fortasse hæc aliâque indicari possent, si per plures annos in variis regionibus magnâ diligentia venti, eorûque mutationes observarentur; quod enim nobis varium, & sine lege videtur esse, fortè certas vias habere deprehenderetur; aut saltem quàm latè pateant ventorum flatus sciremus. Sed sine ejusmodi experimentis, nihil est quod adfirmemus.

56. Sunt qui velint aquas in terræ visceribus latentes ope ignium subterraneorum in vapores mutari, unde fit ut per rimas terræ exeuntes ventum creent. Quia autem sunt sæpe montes ita siti, ut in unam tantum partem vapores illos defluere permittant, idèd volunt ventorum vehementiam illac derivari. Experimento *Æolipyla* hoc confirmare nituntur. Est vas æneum, cui est tenuissimum foramen, & in quod hac arte aqua intromittitur. In ignem vas conjicitur, adèd ut aër quo plenum erat summopere dilatatus partim exeat per id foramen quod diximus. Tum in aquam frigidam vas immittitur, quo fit ut reliquus aër condensatus locum faciat aquæ, quæ per foramen subit. Quo factò, *Æolipyla* iterum igni imponitur, atque aqua in vapores resoluta instar venti ex *Æolipyla* exit.

57. Verùm nullus ab iis ostenditur locus, unde tanto impetu ventorum exeat materia. Nonnullis quidem è specubus \* aiunt oriri ven-

tos

\* *Plinius* Lib. II. c. 45.



tos, sed ut verum hoc habeatur, ubique ferè oporteret esse talia loca cùm rarissima memorantur. Præterea in locis ejusmodi specubus vicinis, perpetuò iidem flarent venti, aut saltem frequentissimi essent, quod nusquam observatum. Itaque præstat fateri variabilium illorum ventorum rationem & peculiare causas nobis esse ignotas; præsertim cùm in medio mari ejusmodi flent venti, extra constantium fines. Cópia major aut minor vaporum, tempestatésque variæ magnum in aëre æstum creant; cujus rationem fortè is demum videret, qui totum aërem simul cerneret, & quæ in eo fiant mutationes nosset, quod supra humanam sortem positum est.

*Cùm spatium esset vacuum ad calcem hujus Voluminis, sequentia addidimus, de tempore revolutionis, de distantia, deque magnitudine Planetarum; ut uno adspectu cernerentur quæ recentiores Astronomi nonnulli in Anglia de iis sentiant.*

### Periodi.

		An.	Di.	Hor.
Mercurius	} <i>volvuntur circa Solem.</i>	00	088	00
Venus		00	224	18
Terra		00	365	06
Mars		01	315	00
Jupiter		12	000	00
Saturnus		30	000	00

Dis-

**Distantiæ.**

Mercurius	} <i>absunt à Sole mediâ distan- tiâ miliaribus, quorum singula sunt 5000 pe- dam Paris.</i>	020952000
Venus		039096000
Terra		054000000
Mars		082242000
Jupiter		280582000
Saturnus		513540000

**Diametri.**

Solis	494100	} <i>Milliarium, quo- rum singula sunt 5000 pedum Pa- risiensium.</i>
Mercurii	002717	
Veneris	004941	
Lunæ	002223	
Terre	008202	
Martis	002816	
Jovis	052522	
Saturni	043925	

*Tomi Tertiæ Finis.*



# INDEX CAPITUM

## III. PRIORUM LIBRORUM

### PHYSICÆ.

#### LIBRI PRIMI

De Universo in Genere.

PRæmissa est Prefatio de Natura, Ufu & di- visione Physica.	
CAP. I. De Maximis quæ circa nos arduum corporibus.	Pag. 1
II. Quomodo Systema Mundi se habeat secundum Ptolemaeum & plerumque alios præteritorum sa- culorum Astronomos.	6
III. Quomodo se habeat Systema Mundi, secun- dum Copernicum, Cartesium, aliosque recen- tiores Philosophos.	15
IV. De dispositione & generatione cum Vorticis nostri, tum aliorum, ex Cartesii potissimum sententia.	26
V. De Sole.	34
VI. De Planetis in genere.	40
VII. De Mercurio & Venere.	48
VIII. De Terra & Luna.	52
IX. De Marte & Jove.	59
X. De Saturno.	65
XI. De Cometis.	73
XII. De stellis fixis & æthere.	82

## INDEX CAPITUM

### LIBRI SECUNDI

#### De Terra & Mari.

CAP. I. De Tellure in se spectata.	92
II. De rebus subterraneis in genere & primum quidem de Sulfure & Bitumine.	97
III. De Igne in genere & in specie de ignibus subterraneis.	105
IV. De Metallis.	119
V. De fossilibus, quæ vi ignis in calcem rediguntur.	141
VI. De Magnete ejusque proprietatibus.	159
VII. De fontibus & fluviis.	179
VIII. De Mari.	184

### LIBRI TERTII

#### De Aëre & Meteoris.


CAP. I. De Aëre.	197
II. De Meteoris in genere, vaporibusque ex aqua ortis, unde Nebulae, Nubes, Rores, Pluvia, Nives, & Grandines.	206
III. De Iride, Halonibus & Parbeliis.	214
IV. De Exhalationibus ignitis, Tonitru, Fulgure, Fulmine, aliisque similibus.	225
V. De Ventis.	236

*Tamē Tertii*

E I N I S.



*Pro* *Syste*




1

2

3

# TAB. II.

XI.



II.



XIII.





1

1

